



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



#z. 2560.

UNIVERSITEITSBIBLIOTHEEK GENT



90000007980

25 June 1880

n° 22
h/c

transfert

S. SATYRI
CONFESSORIS
D I V I
AMBROSII
FRATRIS

In Basilica olim Portiana,

Nunc Sancti Victoris ad Corpus Mediolani quiescentis

TVMVLVS ILLVSTRATVS

A. P. D. RAPHAELE MONETA
Mediolanensi Monaco Oliuerano.



GENVÆ, M.DC.LVI.

Ex Typographia Benedicti Guaschi.
SUPERIORVM PERMISSV.

1656. die 22. Augusti.

Imprimatur ex auctoritate Illustriss. Magistratus Inquisitorum Status.

Franciscus Castellinus Cancell.

GIBERTO
BORROMAEO
S. R. E. CARDINALI
EMINENTISSIMO.



Libellum hunc, CARDINALIS AMPLISSIME, si semel oculis excurrere non grauaberis, intelliges statim cur ad te rectè contenderit; si quidem eam propugnat veritatem, quæ à D. Caroli oculatissimo testimonio probationem accepit. Quid ni igitur patrocini-um ab illo petat, qui D. Caroli hæres est non minus in virtutū

copia , quàm in sanguinis prerogatiuis? Quod ad me attinet, non sum passus magnæ illius animæ acta ad trutinam reuocari. Ingēs in rebus sacris mentis ardor, diligentissimum in omnibus studiū, rerum peritia, numinis assistentia, quibus ille abundè fuit instructus, fatis tutos nos reddunt. Et tamen, cum non defuerit, qui super hac securitate, cui semper indormiuimus, eidem ac nobis præiudicia licet præpostera construxerit; tuæ auctoritatis partes erunt, hæc utcunque dissoluere. Id commodi, vtilitatisquè meæ est, quod me ad laborem hunc apologeticum tibi dicandum impulerit; ceterum, eo amoto, pro-

pr.o

prio adhuc iure tibi deberi nullus inficiabitur ; siue quia Oliuetanus Ordo, qui Săctissimo Heroi, dū vixit, in pretio, in vsu, & in delicijs fuit , clarissimę familię tuę obæratum se sentit, siue quia ego præclaris tuis meritis, ac virtutibus addictissimus, summam meā obseruantiam, ac reuerentiam in te , quanquā nondum de facie cognitum, iamdiū debebam aperire . Vale, sacraę purpurę, quam deosculor , ornamentum ac decus . Mediolani . Idibus Nouembris CIO IOCLVI.

Amplitudinis tuę Emin.

Infimus cliens

D. Raphael Moneta Mediolanensis

Monachus S. Victoris.

Faculus

*Facultas Reuerendiss. P. D. Ro-
mualdi Cauaccia Genuensis Con-
gregationis Oliuetanæ Ab-
bas Generalis.*

CV M opus inscriptum, *Sancti Satyri Con-
fessoris D. Ambrosij fratris Tumulus illustratus*
à P. D. Raphaele Moneta Mediolanensi nostrę
Congregationis Monacho compositum non-
nulli eiusdem nostrę Congregationis Theo-
logi recognouerint, ac in lucem edi posse pro-
bauerint, facultatem impertimur, vt si ita ad
quos pertinet, videbitur, typis mandetur.
In quorum fidem presentes manu nostra sub-
scriptas, & sigillo nostro munitas dedimus.
Ex Monasterio nostro Montis Oliueti Maio-
ris die 23. Iulij 1656.

D. Romualdus de Genua Abbas Generalis
qui supra.

Locus ✠ Sigilli.

D. Ioseph Maria de Vrbe à Secretis de mandato.

CEN-

C E N S U R A .

EX speciali commissione Reuerendiss. P. Magistri Augustini Cermelli Generalis Inquisitionis huius Sereniss. Dominiij Genuensis attentè legi huiusmodi manuscriptum videlicet *S. Satyri Confessoris D. Ambrosij fratris; In Basilica olim Portiana, nunc S. Viëtoris ad Corpus Mediolani quiescentis, tumulus illustratus à P. D. Raphaele Moneta Mediolanensi Monaco Oliuetano.*

Quod quidem meo videri est pro veritate apologeticū; In illo enim Oliuetanus Raphael ad tumulum mysticum ducit Tobiam, & reducit, non satyricis vsus facibus, sed perlucidis illustrans luminibus Satyranum corpus; ac vtiquè trahens de occultis suauiter veritatem: & ideo cum nihil omnino, aut Sancte fidei, aut bonis moribus sit aduersum, quinimò multa pietate refertum, vt typis mandetur, & corde, & manu dignum existimo. Ex Pacificæ Deiparæ Genuensi Cœnobio die 18. Augusti 1656.

Frater Dionysius à Genua ex Reformatis Minoritis Prouin. Minister ac Generalis Sanctissimæ Inquisitionis Consultor &c.

Scannæ

S Tante prædicta attestatione de mandato
Reuerendiss. Patris Inquisitoris .
Imprimatur Frater Thomas de Augustinis
Lector S. Officij Genuæ Cancell.

SYL-

SYLLABVS OPERIS.

FAX PRÆVIA.

FAX I.



Stendens obitum S. Satyri contigisse antequam Ambrosiana Basilica eius esset idonea sepultura. Pag. 1

FAX II.

Indicans nec Marcellinam adfuisse Satyro morienti, nequè huic Ambrosium in sua Basilica parentasse. 39

FAX III.

Qua elucet, S. Satyrum non fuisse humatum in Sacello sui nominis apud Ambrosianā, neq; illud fuisse Basilicam Faustā. 71

FAX IV.

Extinguens rationes, quibus contenditur Cappellam S. Satyri esse Basilicam Faustinianam. 113

FAX V.

Demonstrans Diuum Satyrum sepultum fuisse in Basilica Sancti Victoris olim Portiana. 144

FAX VI.

Abigens tenebras falsò assertæ translationis corporis Sancti Victoris è Portiana in Ambrosianam. 168

FAX VII.

Incinerans fundamēta translationis corporis Sancti Victoris in Ambrosianā. 205

FAX VIII.

Admotā monumentis, Diuum Satyrum in Am-

- Ambrosiana Basilica requiescente decen-*
tibus, eorum vitia detegit. 236
- FAX IX.** *Affulgens Victoris summo in eius Aede; nec*
non Ambrosij exuias in illa querens;
eiusdemque Aedis fructuram illus-
trans. 278
- FAX X.** *Demonstrans nil probabilitatis habere de-*
lationem Capitis S. Victoris nostri ad
Vrbem Valaterranensem. 298
- FAX XI.** *Pralucens publicis Tabulis, super existentia*
Sanctorum Victoris & Satyri in Por-
tiana Basilica confectis. 323
- FAX XII.** *Tabule in agnitione Sacrorum Corporum*
Victoris & Satyri ad Portianam con-
fecta. 352

AVCTOR

AVTHOR LECTORI

Beneuolo veritatis Studiofo.



*Rodibatur Mediolani anno
1645. liber cui titulus,
Ambrosianæ Medio-
lani Basilicæ Monu-
menta; Ioanne Petro
Puricello Authore, quum
ego Superiorum iussu, spi-
ritualis tyrocinij præfecturam in Agro Brixie-
ensi, ab urbe, ac sæculo penè remotus, exer-
cerem. Nequè id oneris, quod per plures in-
sequentes annos protrahere coactus sum, hu-
iuscemodi Historias querere, aut evolvere sine-
bat. Anno demùm superiore 1655. è solitu-
dine emergens in Patriam veni, ibiq; ab ami-
co monitus, tum de volumine edito, tum de
sententia, quam contineret, scilicet in nostra
Mediolanensi Sancti Victoris Basilica, nec
ipsius Martyris, nec Sancti Confessoris Sa-
tyri exuvias reperiri; dici vix potest quàm
fuerim admiratus, & rei novitatem, & ho-
minis confidentiam, & nostrorum in tanta
iniuria*

✻✻

Prouincia-
lis.

*iniuria indolentiam , & silentium . Maiorem mouit bilem occasio comitandi exteros , Templum Cenobiumq; Victorianum inuisentes ; semel enim Religiosus Vir ex insignissimo Societatis Iesu Instituto , & precipua dignitatis , indicanti mihi sub Altari principe conditi Martyris Victoris Mauri , & Satyri Sancti Ambrosij germani fratris ossa , respondit ; Nuper sibi , dum aliam non longè distantem Basilicam inuiseret , sanctè affirmatum , in eadem Sancti huius Satyri corpus asseruari . Bini ergo nè , aiebat fuerunt Satyri , an unicus , sed bicorporeus ? Tù mego Altare detegens , in marmore , sub quo Sacra latent Reliquia legendam obtuli insulptam Epigraphem , enarrantem , eas à B. Carolo Cardinali , & Archiepiscopo in Basilica Victoriana veteri publicè repertas , anno 1576. ad hanc nouam esse translatas , ibiq; reconditas . His visis , visus est aquiescere . Iterum verò , dum eadem aduen-
na , virtute , ac genere prestanti , repeterem , à ciuibus nostris , illum obsequij gratia comitantibus , pernegata sunt ; asserentibus , latè probatum à Puricello, Sancti Satyri Corpus, &*

ex

*ex consequenti S. Victoris, non nisi in Templo
 diui Ambrosij tumultatum. Ex tunc profectò
 desiderium vebemens exarsit videndi codicem;
 in quo apud amicum tandem reperto, sub num.
 19. legi, uti ex infirmis dumtaxat coniecturis,
 Et suppositis (ut scholasticè loquar) minimè sub-
 sistentibus, excogitauerit auctor aliqui erudi-
 tus, contra receptissimam, adeoq; testatam sen-
 tentiam, tale commentum; quo sibi suasum ha-
 buerit, tam clientibus suis rem gratam facere,
 quàm rudi populo imponere. Inde autem desit
 admirari, cur ex nostris nemo confutationi ta-
 lium argumentorum operam dederit: ut potè
 quod nec ipsa, tanquàm leuissima, responsionū
 indiga, nec authorem tanto honore dignum, exis-
 timauerint. Et quidem sola Diui Caroli inspe-
 ctio, recens adhuc in hominum memoria. Diui
 inquam Caroli, cuius nota Praefulis? sola eius
 iussu lapidibus insculpta enarratio; sola publica
 tabula, quas hic imprimendas curauimus, vide-
 ri poterant satis ad errorem hunc redarguendū:
 attamen ut cunctis dispalesceret, quàm imbe-
 cillis arietibus altius infixam animis veritatem
 à sua sede deturbare conatus sit: opera pretium*

**

2

nos

nos facturos esse putauimus, si eius rationes, si
 auctoritates, si cōiecturas in mediū adductas, ad
 trutinā reuocaremus. Quo in examine si quid in-
 terdū liberè nimis, aut acriter intortum, in ad-
 uersariū videatur; ipse, & qui legerit, excusabit,
 tūm si perpendat: tam esse reprehensione dignū
 illum, qui, alienam possessionem turbando, in-
 tegra uniuersitati non irritatus molestiam in-
 tulerit, quā veniā, eum, qui lacesitus, dum
 propria tuetur, in aliquam ledentis impegerit
 laesionem; tūm si animaduertat, quā intem-
 peranter ipse cum Ioanne Antonio Castellioneo,
 viro paris nobilitatis ac in rebus patrijs scribē-
 dis fidei, & diligentia, se gesserit. Cum enim
 scripserit suo tempore dubitatum, an Sanctiss.
 Ambrosij, Gernasij ac Protasij corpora in Am-
 brosiana Basilica reperirentur (cui tamen dubi-
 tationi ipse non subscribit, quinimò reluctatur)
 Puricellus ait, pronunciaſſe rem auditu fœ-
 dam, sibi que pudendam relatu; Et, quis
 talia effurientem, blaterantemquē non
 miretur? Item, Ille profectō in hac re
 plurimū hallucinatus, Rursusquē Pro-
 fectō somniauit. Concluditque paragraphū
 acerrima

Num. 476:

acerrima Epilexi: An etiam expectamus, vt articulatis hoc ipsum, scilicet D. Ambrosij corpus adhuc in Ambrosiana requiescere, vocibus bestię per vrbes, & compta loquantur? Lenioribus certè suspicionibus ductus est Puricellus ad deneganda Basilica Viſtoriana sacra pignora: si ea tamen illi negotium aliquod faceſſissent; prudens scriptor ijs rationibus inniti debuerat, quæ eò sunt probabiliore, quò præter afferentium auctoritatē, rebus sub illis temporibus gestis comprobantur. At ob incerta indicia ad incertiores illationes descendere, perinde est, ac malam causam in iudicio, cum egrè tueri valeas, nouis difficultatibus implicare, vt locus sit paroemia, Non litem soluit, qui litē lite resoluit. Summa tamen hæc esto, me, non conuiciandi gratia, sed propria Ecclesie dignitatis afferenda, calamo manum apposuisse. Vale.

FAX

F A X P R Æ V I A .



SPLENDIDAE licèt in Cæ-
lis Sanctorum Ani-
mæ , sicut sol in con-
spectu Dei , refulge-
ant : corpora tamen
eorumdem in terris ,
altis infossa tenebris ,
sæpenumerò delitescunt ; siue hoc ip-
sis efflagitantibus Diuis, quibus asper-
nantibus quodcumquè terrenum de-
cus gloriæ , tota portio sit in terra vi-
uentium: siue mortalium id promeren-
te nequitia, quibus irritatus Deus Defē-
sores occultat : nec enim eorum reli-
quias digni sunt colere, quorum detre-
ctant imitari virtutem . Intereà dum
corpora Sanctorum in pace sepulta la-
tent, dimicant inter se gentes , certa-
tîm sibi eorum corpora vendicantes :
quorum sola nomina apud eas viuunt
in generationem , & generationem .
Hinc in diuersis Ecclesiasticis historijs
nihil

FAX PRÆVIA.

*Card. Valer.
lib. de SS. Ve-
rona cultis.*

*Lancellott.
in Hist. Oli-
viana.*

*Vasarius in
Vitis Pictorū
3. P.*

nihil frequentius , nil magis obuium,
quàm in vno, atquè altero, aut etiam
pluribus locis idem Sancti Corpus ia-
cere. Ossa Sancti Iacobi Maioris Apo-
stoli , ad quæ ex toto terrarum Orbe
Galleçcianam peregrinationem fidelēs
ineunt, Veronenses existimant se cole-
re in Ecclesia nostri Ordinis Grigianē-
sis agri, non sine ingentibus miraculis
inuenta, vt inquit, sub finem sæculi
Christiani quartidecimi. Apud nos iti-
dem in Ecclesia Sancti Laurentij vene-
ratur Cremona etiam cum publica Ma-
gistratus ānua oblatione, Corpora SS.
Martyrum Persarū Marij, & Marthę,
Coniugum, in Arca marmorea, affabrè
elaborata per egregium Sculptorem
Ieremiam Cremonensem : quæ eadem
Romæ Diaconia Sancti Hadriani, nec
non Ecclesia SS. Quatuor Coronato-
rum, in expositis marmoreis tabulis, fi-
bi asciscunt . Gloriantur Venetiæ de
corporibus Sancti Stephani Protho-
martyris, & S. Nicolai Magni Myrēsis
Epi-

FAX PRÆVIA.

Episcopi, cum tamen alterum Romæ ad S. Laurentij extra muros, alterum Barij in Apulia colantur. Denique verissimè pronunciauit Alciatus: *Innumera Dinorum reliquia, & plerumque eadem ubique gentium reperiuntur, & rumor, falsis authoribus principio vulgatus, ita demum animis nepotum insidet, ut verissimum esse vel irati affirmant*, quamdiu scilicet incerti manent absque legitima superiorum approbatione. Cuius rei causa multiplex esse potest: aut enim, qui partem dumtaxat Sancti alicuius possidēt, perpiam extēsiōnem, ut ait Cardinalis Valerius, integrum sibi asserunt: cum tamē apud alios partes quoquē sint reliquæ, ab ijsdem pariter pro toto vulgatae: aut sacris reliquijs clāculū subductis, alioq; asportatis, priora sepulcra vel inania relinquuntur, vel suppositiis corporibus replentur, ita ut fiāt mendacia Cenotaphia, dum in solo translationis loco verum loquuntur Epigraphes; aut quia postquā conti-

gerit

Retū Patriæ lib. 3.

Lib. de Ss. Veronensib.

Philippus Ferrarius.

FAX PRÆVIA.

*Beatus in
vita S. Nicol.
Magni.*

gerit ex vno in alium locum transferri, dum alius prioris, alius posterioris loci meminit scribendo, plura videntur loca eidem corpori assignari: aut demùm cum plures reperiantur Sancti cognomines, sepulti apud Gentes diuersas, vnaquæquè, reiecto minùs illustri, magis clarum sibi præsumit: sicut de duobus Nicolais accidit. Qui namque Venetijs colitur, Sanctus & ipse Myræ Episcopus, fortè alius fuit antiquior, & auunculus alterius Nicolai, cognomento Magni, qui Barij requiescit: & tamen ille pro celebriori hoc venditatur. Huiusmodi erroribus, quos hominibus parturit innatus amor erga Patriam, familiã, genus, & aliud quodcumque proprium, quæritans vndecumque gloriam, seu veram, seu iactatam, obstetricatur edacitas temporis: quippè dum ineluctabili arrodit dente manufacta mortalium marmora, æraquè ipsa (ne dum literaria monumenta) ac fus deque omnia vertit, noua substituendo

FAX PRÆVIA.

tuendo veteribus, ita vestigatores antiquitatum confundit, ut propè difficilius non sit, diuinare futura, quàm explorare præterita; quandoquidem est utròbiquè coniecturis agendum. Ea propter sunt inter ceteros Scriptores de re literaria maximè benemeriti, qui temporibus colluctantes, historiæ scribendæ desudant, aut consignando literis suorum temporum, quibus interfuerunt, acta; aut ex ætatum ruinis eruendo, quæ rursus componant, priscae veritatis fragmenta. At nequè sic veritati tutè consultum est; alio namque, & alio prorsus modo rem eandem accidisse, dum scribunt; ecce noua litiû seges: scinditur studia in contraria vulgus, disceptatur hinc inde; quisquè pro se allegat authores sibi fauentes. Quod veritatis detrimentum pessimum est, ubi de Sanctorum cultu agitur: etenim hærentes animi, ancipites, neutras Reliquiarum sanctarum, quæ in diuersis locis eadem asseruntur, aut etiam ado-

FAX PRÆVIA.

randæ exponuntur, firma fide, & religionē venerantur. Quid ergo agendum, ut nec Sanctorum exuie debito honore fraudentur, nec in Idoloduliā incidamus, non colenda colentes? In primis veneranda sunt Diuorum siue corpora, siue ipsa, quæ Sacrosancta Romana decernit Ecclesia. Proximè, quæcunq; nonnullis seruis Dei cælitus reuelata sunt. Siquidem non rarè id consuevit Omnipotens præstare; tùm ad cōsolationem fidelium, tùm ad glorificationem ipsarum Reliquiarum, è minùs honesto loco transferendarum in decentiorem. Sic legimus, Luciano indicata corpora Sanctorum Stephani Prothomartyris, Gamalielis, Nicodemi & Abibonis: Patris, filij, ac nepotis: Diuo Ambrosio SS. Geruasij, & Prothasij, Vitalis, & Agricolæ, Nazarij, & Celsi: Diuo Norberto S. Gereonis, Ducis Legionis Thebæorum Martyrum. Denique apud Gazam Urbem cui-

*In Vita S.
Stephani.*

*Paulinus in
Vita S. Ambrosij.*

FAX PRÆVIA.

cuidam piæ mulieri fideli ostensa sunt colligenda è Camelorum ac iumentorum ossibus, quibus intermixta fuerant, ne dignoscerentur, ossa trium fratrum Martyrum, Eusebij, Nestabi, & Zenonis. Secundùm hæc, adorato eas reliquias, quæ huiusmodi habentur citra controuersiam, communî Populorum consensu. In cæteris verò, de quibus est concertatio: & si omnes rutò, imò & meritoriè, coli queant (nam adorantium fidem, & affectum respicit Deus: proptereà gratijs neminem fraudat optatis, vbicunque inuocentur deuotè Sancti, miracula præstans) nihilominùs certissimam de ijs veritatem nos assecutos esse censebimus, si tumuli inspiciantur, legitimè, & publica autoritate, ab Episcopis, coram illustribus, ac probatis testibus, nec non conuentis aduersarijs, quorum interest, nec reclamantibus: inuenianturquè ibi corpora cum anti-

*Sozomenes
lib. 5. cap. 8.
& Baron. ad
Ann. Christi
362. ar. 154.*

3

quis

FAX PRÆVIA.

quis inscriptionibus, quæ neutiquam supposititiæ adiudicari queant: ac demum de loco, situ, tempore cuncta concordent cum priscis scriptoribus, populi voce, & maiorum traditione: quæ omnia cū locupletissimè habeamus pro existentia Corporis S. Satyri Confessoris in Ecclesia Sancti Victoris ad Corpus, his non aquiescere, sed oppositum asserere inanibus coniecturis, extortis quorumdā scriptorum sententijs, non cohærentibus suppositionibus, affixis hesternè inscriptionibus, nec ipsa corpora vspiciā ostendendo, res est non minus periculi, quam audaciæ plena.

Porro decessit inclytus Confessor Christi Saryrus Mediolani, anno salutis trecentesimo octuagesimo tertio, ut latè in sequentibus illustrabo, recens ex Africa reuersus apud Magnum Ambrosium: qui dilectissimum fratrem sibi sanctitate, moribus, & vultu

FAX PRÆVIA.

vultu confimillimum , in funere ore laudavit, oculis fleuit, humeris extulit, manibus tumulavit , supremi atque æstimatissimi obsequij muneris ergo , iuxtâ , & ad læuam S. Martyris Victoris Mauri, quem indubiè Sanctus Maternus Episcopus condiderat in Basilica, nunc eius nominis , tunc Portiana vocata , à Portio conditore, filio celebris illius Philippi Oldani , qui in primitiua Ecclesia Mediolanensi solatium fuit viuentium, sepultor occumbentium ; in qua eadem Basilica tùm ipse Ambrosius , tùm aliqui alij eius Prædecessores Cathedram tennerunt. Rem ab origine claram , & sequentium sæculorum continuata traditione , literarumque monumentis testatam , vnus aut alter (præter Puricellum, cum quo congredimur) Scripserunt, nec admodum perantiqui, verterunt in dubium: excidit enim ipsis è calamo, nescio quo pacto , nullam affe-

FAX PRÆVIA.

afferentes suæ assertionis rationem S. Satyri Corpus iacere ad Sanctum Ambrosium : ducti fortè hac eorum propria ratiocinatione (cū ante ipsos per mille ferè annos à depositione Sancti Confessoris nullus citetur pro huiusmodi opinione) quod charissimum germanum alibi non sepelierit Diuus Ambrosius , quàm in Basilica à se extracta , & denominata , vbi ipse , & Marcellina soror creduntur humati ; non animaduertentes , quod alia fuerit sacri funeris curatoris sententia , collocandi scilicet fratris reliquias , pro solemni eius æui Religione , apud Martyrem cuiusmodi nullus exibat in illa Basilica , tempore obitus Satyri . Siquidem prima in eam sunt inuecta , dum consecraretur , corpora Sanctorum Geruasij ac Prothasij , quadrienio post : & propterea tunc , vt adhuc prophana , idonea non erat ad Ecclesiasticas functiones Sacrificiorum ,

FAX PRÆVIA.

rum, publicarum precum, & sepul-
turæ fidelium. Ignorauerunt pariter
ijdem Scriptores, quod postea com-
pertissimum effectum est, Martyrem,
cui S. Ambrosius associauit fratrem Saty-
rum, fuisse Victorem Maurum: quem
procul dubio ipsi cum reliquis Scrip-
toribus vniuersoque Populo Mediola-
nensi venerati sunt semper in Basilica
sui nominis, cognomento ad Corpus
idcirco donata. Nihilominus cum ni-
hil vnquam sit tam absurdè dictum,
cui aliqui non arrideant, excepta fuit
cum plausu à Monachis Ambrosianis
hæc prolata casu sententia, habens
dumtaxat Authores, per Chiliadem
ferè posteriores Diuo. Satyro, præ-
ter anonymum incertæ ætatis Manu-
scriptum de vita eius. Ab inde arbi-
trati sunt illius Monasterij Cænobi-
tæ, se corpus tanti Santi possidere.
Constans tamen permanfit apud Oli-
uetanos, & cordatiores Mediolanen-
ses,

FAX PRÆVIA.

ses , fides; illud in Basilica Victoriana
feruari . Omnis ambiguitas demùm
sublata est anno septuagesimo sexto
supra millesimum , & quingentesi-
mum: cum , per nostros Magnificen-
tiori exēdicata æde , placuit Deo ,
siue Oliuetanos pro impenso opere
religioso munerari , siue seruum suum
Carolus Borromeum , sacrarum Re-
liquiarum studiosissimum , ac obse-
quentissimum consolari . Tunc enim,
aduocato Sancto Archiepiscopo ad
recognitionem Sanctorum Corpo-
rum , quæ transferenda erant è veteri
in nouum Templum , ipso præsentē ,
ac inspiciente , cum præclaro comi-
tatu , diruto Altari , effossis , apertis-
quē marmoreis Arcis , reperta sunt
inter cætera , Corpora Sanctorum Vi-
ctoris , & Satyri in eodem loculo ,
cum eorum nominibus antiquissimæ
notæ , in lateritijs lapidibus , pro Cer-
uicali singulis eorum subiectis . Gau-
dio

F A X P R Æ V I A.

dio perfusi sunt omnes, potissimum
Beatus Præses, qui tamen non levis
corde ad credendum, & statuendum
in re tam graui, studiosissimè scruta-
tus est singula; cum antiquis scriptu-
ris, ac traditionibus inuenta compo-
nens: vidensquè concordare, acciri vo-
luit Ambrosianos Monachos: vt pro-
ferrent, si quid haberent obijcien-
dum: quandoquidem publicum erat,
eos eatenus præsumpsisse Sancti Sa-
tyri possessionem. Adfuerunt, inspe-
xerunt, obmutuerunt, non habentes
in ore suo redargutiones. Quare so-
lemnes, & publicæ tabulæ, vt vo-
cant instrumenta, confectæ fuerunt
ad perpetuam rei memoriam, & Dei
Sanctorumque eius gloriam. Quie-
uit ex tunc omnis disceptatio, latus-
que patuit veritati campus: cui ne-
quis deinceps, Ambrosianam Basili-
cam, proprijs ornamentis diuitem,
nostris cupiens superditare, ex um-
brati-

FAX PRÆVIA.

bratilibus cauillationibus in aduersum
tenebras offundat : gloriosi Herois
clarissimum tumulum , allatis euiden-
tibus ratiocinationibus , testibus , ta-
bulis , præiudicijs , quasi circumaccen-
sis funalibus , illustrabo .



FAX

F A X P R I M A

Ostendens obitum S. Satyri contigisse, antequàm Ambrosiana Basilica eius esset idonea sepulturæ.



OLEMNIS fuit Antiquorum religio non humani fidelium corpora, maximè iustorum, nisi in sanctis locis, Deo dicatis, ubi diuina mysteria, pre-

*D. Gregor:
1. Dialog.*

*D. Aug. lib.
de curs. agen-
da pro mort.*

ces, & laudes frequentarentur; vel in cæmeterijs apud Basilicas vel in ipsis met iuxtà memorias Martyrum; eò quod non immeritò animabus id crederent profuturum. Alium quoquè morem apud eosdem viguisse, comperimus, non vtendi Basilicis, antequàm essent consecratæ, ad vllas Ecclesiasticas functiones, secluso casu

*D. Iulianus
Tolet. lib. 1.
prognost. C.
20.*

A neces-

In fragmenti-
agens de Bas.
ss. Apost.

necessitatis . Testatur hoc Carolus à
Basilica Petri . *Antequàm dedicata essent*
(sermo est de Basilicis) *non videtur in*
eis Synaxim habere licuisse ; nam & hoc cri-
mini datum legitur S. Athanasio , quod in
magna Ecclesia Alexandria , seu in Domini-
co Synaxim celebrasset , antequàm dedicare-
tur . Vtrum verò licuerit in eis Populum con-
gregare tantum orationis causa , absque Mis-
sa , etiam illud videtur ex Athanasio veti-
tum , necessitate non cogente . Si igitur of-
tensum fuerit , Ambrosianam Basili-
cam, nondum fuisse dedicatam, quan-
do Diuus Satyrus migravit è viuis, ne-
mo sanè hunc asseret in ea tumultum
ab Ambrosio; nisi qui tantum Antisti-
tem velit vtriusque superioris religio-
fæ consuetudinis contemptorem ; eū-
demquè erga dilectissimi fratris exu-
uias minùs officiosum . Quod pro-
brum vt à sancto viro auerrat Aduer-
sarius , ipse eadem , qua nos argumen-
tatione , sed præposterè vtitur , dicēs :
Sancti corpus minimè intulisset Am-
bro-

brofius in Ædem non confecratam, fed intulit in Ambrofianam; ergo ipfa iam fuerat confecrata. Ego verò potiùs ex eo, quod nondum efferet confecrata, afero, non intuliffe, faltem ad fepeliendum. Inquirendum itaq; eſt, quò anno fit dedicata Ambrofiana Baſilica, & quo defunctus fit Satyrus.

De primo nullum eſt inter nos diffidium; compertiffima namquè res eſt omnibus, illam dedicatam fuiſſe anno octuageſimo ſeprimo (quarti ſæculi Chriſtiani deinceps ſemper intelligas) quando in eam inuecta ſunt Corpora SS. Martyrum Geruaſij, & Prothaſij.

De altero quoquè in hoc conuenimus, quod mortuus fit Satyrus eo tempore, quo ab armis Maximi Tyranni ſibi cōſternata metuebat Italia; de hoc enim nos non ſinunt ambigere ea Ambroſij verba ſuper mortuo fratre: *Sinunc vrgeri Italiam tam propinquo hoſte. cognoſceres, quantum ingemiſceres? Quantum doleres, in Alpium vallo ſummam noſtra ſalutis conſiſte-*

A 2. re.,

re, lignorumq; concadibus construi murum pudoris? Qua afflictione mareres in tanto teneri discrimine tuos ab hoste impuro, atque crudeli, qui nec pudicitia parceret, nec saluti? Quonam inquam, hac modo ferres, qua nos perpeti, & fortasse, quod grauius est, spectare cogemur? Rapi uirgines, & amulos à complexu Parentum paruos liberos suprâ tela iactari; incestari sacrata Deo corpora, & senilem uidua maturioris uterum in usus desuetos onerum redire, non pignorum. Propterea & tu bene inquis: Satyrum itaque nos fatemur, quin etiâ perfractè contendimus, eo mortuum esse anno, quo Maximus per Alpes in Italiam venturus timebatur; quoniam omnia in motu erant, motibusque barbaricis suspecta; et hoc ex ipsius Ambrosij oratione funebri luculentissimè constat. Vnanimiter huc usque processimus.

Ab hinc verò incipimus seiungi sententijs; in diuersa unusquisquè sua progreditur via. Vter nostrum veram arripuerit, disquirendum. Pergis tu: Sed quia id non anno tantum octuagesimo tertio, verum etiam rursus octuagesimo septimo
(post-

Num. 19.

(postquam postea Maximus Aquileia captus ,
ac die Augusti vigesima septima necatus fuit)
contigisse Baronius & ipse confitetur ; propte-
rea nos, obrationes nuper prolatas, hoc potiùs ,
quàm illo, Satyrum anno defunctum fuisse, con-
trà quàm Baronius crediderit ; arbitramur .

Ego autem rationes tuas soluens, quæ
nec Baronio, nec vlli Authori apparu-
erunt, patentissimè ostendam, Satyrū
migrasse anno octuagesimo tertio ; ac
proinde quadriennio priùs, quàm Am-
brosiana Basilica eius esset idonea se-
pulturæ . Etenim quod ais morienti
fratri adfuisse Marcellinam ; quæ non
nisi anno octuagesimo septimo Medio-
lanum concessit ; & Ambrosium in fu-
nere Satyri Sacra peregisse in Ambro-
siana Basilica, quæ proinde fuisse con-
secrata debuerat, errores sunt non fe-
rendi ex perperam intellectis verbis
Ambrosij, vt sequenti face ostendam.
At quid opus erat, te fatigari, & inge-
nium torquere in concinnandis hisce
futilibus argumentis, dum ex eodem

Am-

Ambrosio signatur tēpus fraterni obitus duabus circumstantijs , quæ adfuerunt tantū anno octuagesimo tertio, & defuerunt octuagesimo septimo ? Prima est ingens strepitus , qui (vt tu quoquē fateris ex Ambrosio) circumsonabat de Maximi Tyranni aduentantibus ex Gallia victricibus armis; vnde valida animorum concussio, & cōsternatio, anxia sollicitudo; alij præparātes se in prælium laborabant in construendis munitionibus ad obsistendū; lignorum concēdibus obijciebāt murum pudoris; alij fuga dilabebantur in longinquas, & tutiores regiones; quæ formido incescit Symmachum, vt audiens, Satyrum ex Africa meditari iter in Italiam, ad illum dederit literas, pro suo erga ipsum amore (erat enim genere propinquus) monens, ne faceret tēpestare tam turbida, & discriminosa; quæ potiūs suaderet eos, quī in Italia essent, in Africam fugere. Atquī nulli rumores huiusmodi contigerunt anno octua-

FAX PRIMA. 7

octuagesimo septimo cum Tyrannus in Italiam inopinus irrupit ; quippè aded clancûlum agitauit consilia belli, simulata pace; vt apud eum agens Ambrosius, Imperatoris Legatus, singula obseruans, vix aliquid huiusmodi fuerit suspicatus ; reddens enim suæ legationis secundæ rationem Valentiniano sic epistolam concludit: *Vale Imperator, & esto tutior aduersus hominem, pacis inuolucro bellum regentem.* Sed & iste suspiciones euanuerant, postquàm subsecutus in legatione Dōninus ita deceptus est astu Maximi blandientis, honoribus, ac muneribus ipsum obruentis, vt existimaret cuncta pacifica, sponderetque Imperatori, se illi strenuum amicū cōciliasse Maximum, qui, ait Ripamontius, posteaquam videt obiecta pacis, & munerum dulcedine captum esse Dominianum, deceptamque mentem illius herere penitus in contemplatione tam insperati boni, velle se, ait, insuper mittere turmas equitum ad Casarem; quæ viriū parte indigere illum sciat; id stabile ad
ami-

*Epist. 56. ad
Valent.*

*Barron. ad
Ann. Christi
387. To. 4.
Art. 55.*

*Hist. Eccl.
Med. lib. 4.
Decad. 1.*

*amicitiam, id fidei pignus fore. Ita ductor hostium Dominus, pro suppetijs, & pace, bellum in Italiam ad Cæsarem tulit. Tyrannus Legatum insecutus, REPENTE se se superfudit Italiae; quem venire, & adesse, fama eadem tulit ingenti omnium metu. Tantum igitur abest, ut inuasionem Maximi factam anno octuagesimo septimo præcesserit rumor bellicus, ut imò ipsa aula Cæsarea indormiret sicura. Papæ valde natusus fuit Symmachus, tam procul subodorans bellum, quod Dominus Legatus, in ipsa Curia hostis agens, & pro munere cuncta explorans, non potuit rimari. Et quidem ille commonefecit Satyrum, dicitur enim in oratione funebri: *Qui cum à viro nobili reuocaveris Symmacho, tuo parente, quod ardere bello Italia diceretur; quod in periculum tenderes: quod in hostem incurreres: respondisti, hanc ipsam tibi causam esse veniendi, ne nostro deesses periculo. Denique dum literæ ad Satyrum deferuntur, dum hic deliberat, dum iter ingreditur, & tam longam conficit**

ficit viam, dum Mediolanum tenet, dū decumbit, & moritur, quid cunctabatur Maximus? vbi erat? quid actitabat cum tanto armorum apparatu? hoc cē est *Venire, & adesse fama eadem tulit?* Si tantum temporis habuerunt sibi consulendi, cur Valentinianus, Iustina, & Probus, festinato arripuerunt fugam; si ab aperto hoste propinquum periculum fama vulgante præsenserant, si cōparauerant sibi præsidia ad resistendū, lignorum concædibus muro pudoris constructo? Res verò sic se habuit; quod Cēsar cum matre, & Prætorij Præfecto, excefferunt Italia, subita aduentantium hostiū formidine perculsi, cum nil minūs cogitarent, eadem Dōnini Legati deceptione delusi; de qua pariter Baronius: *Profectus ad Maximū Domninus, capitibus legationis omnibus expositis, omni cum observantia, comitatequē exceptus est; nam & dignabatur eum honore Maximus eximio, & tanta munerum mole satiabatur, ut Imperatorem Valentinianum nullum*

B

huic

huic parem habiturum amicū Dominus existimaret . At poterat usquē adeò Dominum docipere Maximus , ut etiam partem exercitus sui cum eo mitteret , quæ Imperatori Valentiniano auxilio contra Barbaros Pannonijs imminentes esset . Liquet ergò, strepitum armorum, quo Italia inhorruit, & quo Symmachus timuit amico , semel tantum fuisse ; videlicet sub initijs Maximianæ Tyrannidis, cum barbarus, Grariano interempto, adauctus copijs, velut torrens inundans incoercito impetu cuncta superabat, arridente fortuna, anno octuagesimo tertio , quo eodem, fatearis necesse est , mortuum Satyrum ; si quidem eius obitus , & rumores illi ex Ambrosio , te plaudente, sunt noti.

Accinunt Scriptores probari , (ut auctoritatibus etiam te redarguā , nec meo Marte videar placita excogitasse :) Tristanus Calchus cuius tu sæpè testimonio vteris , hæc duo simul coniungit ; scilicet, obiisse Satyrum, dum cō-
moue-

moueretur Italia Barbarorum motuū
expectatione, dumquē Gratianus oc-
ciditur initio insurgentis Maximianæ
Tyrannidis ; quæ anno octuagesimo
tertio orta, propè occasum erat anno
octuagesimo seprimo . Ait enim: *Ca-*

*Trist. Cal-
chus Hist.
Pat. lib. 2.*

*terum inter barbarorum motuum expectatio-
nes Satyrus Ambrosij frater, ex Africa re-
cens Mediolanum reuersus, diem obiit, quem
et fratris ipsius causa, et propriarum illius
virtutum gratia, Ciuitas uniuersa defleuit .*

*Profectus autem in Parisios usque Gratianus
circumuenitur fraudibus à Merobaude Ma-
gistro militum, et retrocedere coactus Lugdu-
ni demum deficit . Hic profectò rem acu
retigit ; quia si mors Satyri accidit gli-
fcente Maximi rumore terrifico, id fuit
tantum anno octuagesimo tertio, cum
Gratianum peremit .*

*Ita Bellar.
in chronol.*

*Ripamontium adiungo scribentem.
Hæc fuerunt initia belli, quæ portendere statim
eum finem, et eas calamitates, quæ postea sunt
insecuta . Quod nisi Respublica tum Ambrosiū
habuisset, profectò maiora etiam damna, non*

*Hist. Eccl.
Mediol. De-
cad. p. lib. 7.*

*Ecclesiam modò Mediolanensem, sed uniuer-
sum Imperij statum, afflictassent. Nam hosti
opportuna omnia erant: Valentiniani ætas, Ju-
stinae malus animus; discors aula, subiectorum
animi quales in Republica tam ancipiti possunt
esse. His interijcitur domesticus Ambrosij lu-
ctus* AMISSE SATYRO FRATRE. Si
sub initijs belli Maximiani occubuit
Satyrus, ergo non anno octuagesimo
septimo; si, quando adhuc portentis
significabantur Italię calamitates lon-
ginquæ, ergo non cum adfuerunt præ-
sentes; si, cum formidabili apparatu
terrebat Tyrannus, ergo non quando
improvisus aduenit. Non omittam
Cardinalem Baronium, quamvis tu
hunc oculatissimum historiæ veritatis
indagatorem, & acrem discussorem
paruifacias; Sed validiores rationes
afferre debueras, ut nouam sententiã
tuam nullius Authoris fultam præsi-
dio, tanti viri, aliorumq; Scriptorum
authoritati præferres. Ait itaque:
*Sanctus Ambrosius, audito obitu Gratiani,
barbarosq;*

*Ad annum
Christi 383.
Artic. 14.*

barbarosq; omnes sub Maximo militantes ad totius cladem Imperij esse paratos, iam iamquē in Italiam grassaturos ab omnibus, & ubique timeri; apud Deum sequester pacis accessit; instarquē Moysis stetit in confractione in conspe- Psal. 105.
ctu eius, ut auerteret iram ipsius, se suaque pro omnium salute deuouens. . Obtinuit tandem quod enixis precibus efflagitauit, sed dispendio charissima rei, nempe **OBITU AMANTISSIMI FRATRIS SATTRI.** Qui-
 bus verbis non solum declarat; huius obitum accidisse paulopost Gratiani cædem; dum cuncta plena essent barbarorum formidine; quæ est prima circumstantia determinans ex Ambrosio tempus fraterni interitus ad annū octuagesimum tertium; sed etiam tangit aliam, videlicet, quod post Sancti viri mortem reliquis saluares fuerit; subsistentibus barbaris procella quieuerit; quod sanè non habuit annus octuagesimus septimus: siquidem tunc illi expleuerunt furorem suum, & per Italiā sunt latè grassati.

Porro

Porro hæc est altera nota, qua signat Ambrosius tempus obitus Satyri, cum nimirum licet rumores, & apparatus bellici, timoresquæ essent ingentes, evanuerunt tamen: nec ulterius pro tunc progressi sunt hostes. Etenim superanus fratris gratias agit Deo, quod sibi concesserit gratiam expetitam, ut converteretur in se, suamquæ domum quidquid flagelli Divina ultio parasset in Rempublicam; ipsiquæ Populo gratulatur, bonoque animo esse iubet, quod à metu soluti fuerint per mortem Satyri; in qua mala quæcunque timebantur erant expleta. Ipsum audi:

Nihil habeo quod querar; sed habeo in quo Deo gratias agam: quia semper optavi, ut si qua perturbationes, vel in Ecclesiam, vel in me manerent, in me potius, ac in meam reciderent domum. Deo igitur gratias, quia in hoc omnium metu, etiam omnia motibus sint suspecta barbaricis, communem in terrarum privato dolore transiit; Et in me conversum est quidquid timebamus omnes: atquæ utinam hic cōsumatum sit (quasi

si vereretur sibi aliquid deterius : supererant enim Iustine infestationes in Ecclesiam reterrimæ) *ut dolor meus publici doloris redemptio sit . Nihil quidem habui , fratres charissimi , in rebus humanis tanto fratre pretiosius , nihil amabilius , nihil carius , sed præstant priuatis publica .* Hercle hæc tam asseueranter iactanda non erant coram omni Populo , anno octuagesimo septimo : cum statim rei exitus , prorsus contrarius , Anicetum arguisset mendacij , ac iactantiæ arrogantis . Quid dixisset rot Arriani , osiores Ambrosij , facta , dictaque eius semper hirquinis oculis tuentes , ore maligno carpentes ? quæ oblocuti essent ? quomodo exhibitasset , insultassent ? Hem Romanæ fidei Prophetas . O vaniloque hypocrita , si cecidisset spondidisti incolumitatem ? auersum omne periculum ? nostra discrimina tuo damno redempta ? Ecce nunc hostis in Romanum bacchatur Imperium , omnia complet funere , & luctu : planè proditor hic commisit cum Maximo :

ximo: pollicitus est indemnitate: quò defides, & incauti opprimeremur securius. At verò abstinuit Italia Maximus: ita euenit, vt dixerat, qui Spiritu Dei plenus vaticinabatur. Nōne prophetiæ dono fuit illustris Ambrosius, qui multò pridem Gratiano prædixerat victoriam, quam aduersus Gothos est consecutus? qui Macedonio exitium ante multos annos, cum soli Deo esset cognitum, prænūciauit? Hoc lubet referre ipsis Baronij verbis, vt pateat, Sanctos viros non inuentum verba proferre. *Cum enim aliquando, viuentē Gratiano, Ambrosius ad Prætorium Macedonij magistri officiorum vt pro quodam intercederēt, perexisset; atquē illius mandato fores clausas inuenisset, ne adeundi facultatem haberet; prophetico spiritu hæc de illo est vaticinatus: Et tu quoquē veniens ad Ecclesiam, (quam nec clausas inuenies ianuas) non ingredieris. Quod postea factum est: cum, occiso Gratiano, Maximo in eius Magistratus fauente, Macedonius confugiens ad Ecclesiam, licet patientibus*

Bar. Tom. 4.
ad Ann. Chri-
sti 378. art.
17.

Paulinus &
Bar. in Vita
S. Amb.

bus ianuis, aditum cum reperire non posset, factus est hostium prada . Aliasquè sexcenties cum futura prædixerit meritò à S. *Episc. Ticin.* Ennodio Vatis insignitur Elogio .

*Egit quod docuit meritis, & honore superstes
Ambrosius VATES, moribus ingenio &c.*

Nil mirum igitur si tunc fidenter ausus sit dicere *communem metum privato dolore transégi, & in me conuersum est quidquid timebamus omnes ;* nimirum, sicut olim in lege veteri Patriarchæ, & Sancti viri, ex significata sibi diuina acceptatione suorū sacrificiorū, intelligebant, se consecutos gratias postulas; ita pius Præsul, vt vidit, inter sua omnia Deo oblata pro publica incolumitate, charissimum fratrem Deo acceptum fuisse, nil hæsitauit, quin crederet, se obtinuisse quod expetierat . Vnde orationem suā exorsus est illis verbis : *Deduximus fratres dilectissimi hostiam meam , hostiam incontaminatam, hostiam Deo placentem , Dominū & fratrem nostrum Satyrum .* Benè hostiā; quia cum sacrificium antiquum fuerit

C

tri-

triplex; aliud holocaustum, quod gratuitò offerebatur Deo, absquè vlla retributionis intentione, tantùm in honorem, & amorem supremæ bonitatis illius; aliud victima pacifica, quæ offerebatur ad impetrandam pacem, salutē vel aliam quamcunquè prosperitatem; tertium videlicet hostia offerebatur pro delictis, ac peccatis, siue Sacerdotis, siue Populi expiandis; ideoquè appellabatur hostia pro peccato; hoc nomē hostiæ propriè decebat Satyrum, quē sibi Deus acceperat oblatum cum ceteris suis ab Ambrosio, ad auerendas calamitates promeritas; imminentesq; populo pro peccatis. Benè utiquē dixit *hostiam suam*, quia ipse obtulerat; ipse amiserat. *Hostiam incontaminatam*, quia purus, & innocens moribus erat. *Hostiam Deo placentem*, quia si placabatur Deus brutorum Sacrificijs, multò magis sibi complaceret in isto hominis iusti: qui etiam, exemplo Christi, libentissimè mortuus fuerat, ut seruaret pro-

proximos; quod cognitū erat Ambrosio dicenti. *Ipsius quoque si quis sententiam sciscitaretur, mallet occidi pro alijs, quam sibi vivere.* Quæ fiducia pacis fuit Ambrosio causa non detrectandi maximè arduam alioquē legationem ad Maximū, sibi iniunctam à Cefare, etenim verbis loquar Baronij *Cum Tyrannus coniunctis sibi copijs Gratiani florentissimo polleret exercitu, omnesque magnoperè pertimescerent acturum, fore ut ad totius Italiae cladem iuga Alpium superaret, Valentinianus Augustus legationem pacis ad eum mittere quātocius festinauit; nullusque ad tantam rem obeundam magis accommodatus, quàm Ambrosius visus est; qui licet negotium per arduum, ac planè desperatum esse sentiret; idemque esse Maximum tot auctū copijs, tantisque elatum victorijs ab accessu Alpium, atque ab invasione Italiae continere, ac inundantis fluminis impetum coercere; nihilominus DIVINA VIRTUTE CONFISUS tanta molis legationem suscipiens, ad Maximum in Gallijs hybernantem accessit. Quid tandem mentem illam elatam, ingentes*

*Ad ann. Chri
sti 383. To.
4. Art. 14.
¶ in Vita S.
Ambrosij.*

illos animos Maximi, spirantes minas ac cades, sic illa dicendi vi, & Episcopali illa auctoritate, cum summa vita integritate coniuncta, repressit, atque continuit; ut ad pacem oblatam suscipiendam impelleret. Atque hæc, ne ipse Author composuisse diceretur, subdit vnde perceperit. Hæc quidem omnia, & si non aliunde, ex paucis saltem eiusdem Ambrosij verbis licet colligere, qui Iustine Augusta ingratisime fœmina petulantiam refellens (cū illa virum Sanctissimum; de Imperio, deque eius filio Valentiniano Augusto optimè meritū, Tyrannum etiam appellare non vereretur) hæc ait: Non hoc Maximum dicere, quod Tyrannus ego sim Valentiniani, qui, se mea legationis obiectu queritur, ad Italiam non potuisse transferre. Eadem prorsus habet, nonnihil mutatis verbis, Ripamontius vbi supra.

*Decad. I. lib.
tertio.*

Felix huius prioris legationis exitus comprobavit vera fuisse, quæ diuino afflatus Spiritu, corde præfago, Pontifex in funebri concione prædixerat: Communem mœrorem privato dolore transégi, et in me conuersum est quicquid timebamus omnes.

nas : Delinitus namquē Maximus Sancti Legati eloquentia, & meritis, aquieuit; cessauit procella; aduenit promissa pacis serenitas. Fuit ne istud anno octuagesimo septimo? Minime Gentium. Quinimò hoc tempore sequuta est secunda Ambrosij ad eundem Tyrannum legatio irrita; votis frustratus redijt re infecta; quamuis veterator ille hostiles animos diffimularet, nulla ostēderet inditia belli, quod pacis inuolucro tegebat; donec subsequenti Legato Domnino tam bellè imposuit; ut mox Italiae se se improuisus vastator infuderit. Dum ergo anno octuagesimo septimo; nec deinceps, non fuerūt vera, quę de redemptione publicę cladis dixit Ambrosius, vel ipse mentitus est, vel ea concio non fuit habita tunc temporis; sed iam pridem anno scilicet octuagesimo tertio ante primam feliciter adimpletam legationem.

Agē videamus modò; num etiam ex secunda legatione Ambrosij ad Maximum

*Theod. lib. 5.**cap. 14.**Ruffinus lib.**2. cap. 16.**Baron. ad**Ann. Christi**387. ar. 35.**& in vita**Amb.*

mum habentibus argumentum, ad com-
 probandum, transitum Satyri non cō-
 tigisse anno octidagesimo septimo, sed
 tertio. Solendum ex Historicorum re-
 latione concordari; quod mortuo Gra-
 tiano, qui apprimè catholicus erat, &
 pacificato Makimo per Ambrosij inter-
 cessionem, tunc apud ipsum virtute le-
 gationis; tunc apud Deum mediante
 fratris oblatione: Iustina Augusta, foe-
 minarum ingratiſſima, ut vidit se solu-
 tam à Gratiano reverentia, & meru Ma-
 ximi, cepit filium Valentinianum ado-
 leſcentulum pervertere, & in Sanctum
 Antistitem imposturis vatijſ. incitare:
 cupiens uniuersum Imperium inficere
 Arriana pice; qua ipsa illita erat. Tūc
 ceperunt omnifariam Catholici exagi-
 tari, mulctari; in Basiliois obsideri, cogi
 ut eas traderent Arrianis: denique Ari-
 minensis pseudoconcilij fidem ample-
 cti, huiusque persecutionis fetuor sū-
 mus accidit (etiam fatente Aduersario)
 maiori hebdomada sacra anno octuage-
 simi

m. m

fimi

Genui septimi: nec deferbuit, donec Deus
 supplicias miserit Ambrosio. Sanctorū
 Martyrum Gerusij, et Prothasij; quo-
 rum Corpora celitus reuelata inuenit
 proximo Iunij mense. Et quāuis in-
 gentia ederent miracula, profuerunt
 hæc quidem ad Catholicorum solatiū,
 & confortationem, non tamen ideo
 emolliebatur impius Iustinæ, ac Cæsa-
 ris animus. Quid tum? Audiit gesta in
 Ambrosium Maximus, & opportuna
 visa est illi occasio rumpendi inita fæ-
 dera: cum læsum grauissimè intellige-
 ret ipsū, cuius suāsu Italiæ ac Valētinia-
 no pepercerat. Prætextu itaq; plausibili
 vindicandæ religionis pessundatæ, &
 fretus Ambrosij direxati summa autho-
 ritate in plebem, conquestus est apud
 Cæsarem huiusmodi literis: *Audiui enim*
 (nam fama non patitur occultari, præsertim
 quod agitur in Populos) *Clementia tue edictis*
Ecclasiæ Catholicis vim illatam fuisse; obsideri
in Basilicis Sacerdotes, mulctam esse propositā,
capitis pernam adiectam, & legem sanctissimā
 mugor
 sub

Theodor. &
 Bar. vi supr.

sub nomine cuiusdam legis everti. Hoc quàm graue sit, poteris intueri, si Dei magnitudinem volueris cogitare. Et post pauca: Venerabilis memoria Diuus Valentinianus Pater Clementia tua, hac fide fideliter imperauit, nihil ille attingere voluit, quod benè constitutum videbat. Hi certè sub eodem, Episcopi iam fuerunt. Quae tanta mutatio, ut qui antea Sacerdotes, nunc sacrilegi iudicentur? iisdem certè præceptis, iisdem sacramentis dicati, eadem fide credunt, qua antè crediderunt. Anputat Venerabilis mihi Serenitas tua, conceptam semel in animis hominum religionem, quam Deus ipse constituit, posse conuelli? Huiusmodi commotione Valentinianus veritus quod erat, ne Tyrannus occasionem quæreretur discedendi ab amicitia, & aucupandi sibi Imperium, ad quod videbatur anhelare, statuit placare illum eiusdem Ambrosij officijs, cuius vlciscendæ iniuriæ gratia commotus fuerat: & etiam quia prioris legationis felicitas satis ostenderat, quantùm hic apud Maximum valeret. Denuo Sanctum Episcopum

copum misit illuc : ut idem testatur in Epistola 56. ad Valentinianum scribēs *Denique non commisisses secundam legationem, nisi primam probasses.* In vtraque parem fidelitatem, & conatum Sanctus adhibuit, sed dispar fuit euentus. In prima demulfit Tyrannum, non sic in altera. An quia non aderat alter Satyrus sacrificandus Deo? Sed noluit ampliūs Deus, ut in priuatam serui sui domum recideret punitio, decreta sceleribus Augustorum: *Quod iusta fuisset iam diuina sententia definitum, eos, qui de pellendis (ut di-* Baron. ad an-
num Christi.
387. An. 45
ctum est) ab Ecclesijs Catholicis Sacerdotibus promulgassent edictum, à suo ipsorum fore expellendos Imperio, & paterna hereditate priuandos. Iam verò cedo abs te quo tempore Ambrosius secundam hanc, sed in secundam legationem inierit? Respondebis ab anno certè octuagesimo septimo, in cuius maiori sacra hebdomada contigerant eiusdē legationis origines; obsequio Sacerdotum in Basilicis: multa mercatoribus inflicta, lex contra legem catholi-

D

tholi-

tholicam promulgata; vnde indignatus fuerat Maximus. Rectè; sed qua huius anni parte? Ignoras? Perquiramus. Merce vix inuenio, quando potuerit Ambrosius Treuiros proficisci ad Maximum; nisi eo prorsus tempore, quo ipsum statuis Mediolani ad exequias Satyri curandas xv. kal. Octobris. Consideres velim, non profectum fuisse; antequàm transferret in Basilicam Ambrosianam Corpora SS. Geruasij, & Prothasij xiiij. kal. Quinctilis; tùm quia id temporis interstitium requirebatur vt perferrentur vltro, citroquè, & delationes iniuriarum ad Maximum & huius querimoniae ad Cæsarem: tùm quia cum nondum refrixissent odia, & persecutiones, imprudentissimum nimisq; absonum fuisset committi legationem tanti ponderis hominì palàm pro hoste habito & oppidò offenso. Nequè Sacerdos Pastor, frementibus adhuc lupis, suas deseruisset oues. Sed nequè profectus est statim post factam SS. Corporum

porum translationem : tum quia Ambrosius in Epistola, qua Marcellinae sorori narrauit nuper gesta in Sanctorum Corporum inuentione, aliquid addidisset de sibi iniuncta legatione, & suo instanti discessu: cuius cum nūc meminerit, indicium est, quod adhuc de ipsa nō agebatur. Deniquē si iuisset, non poterat reuerſi ad prædictam assertam exequiarum diem. Dato etiam tibi quidquid volueris iisset, & rediisset ante Satyri mortem: inquam ego : aut ex legatione retulerat pacem, aut bellum. Si illam, non poterat in oratione funebris dolere omnia motibus esse suspecta barbaricis &c. Si hoc : non poterat gratulari dempta esse pericula per mortem fratris. Ex alia verò parte : quia à die decima septima Septembris vndecim tantum mensibus fuit superstes Maximus (per te quoquē occisus Aquileiæ vigesima septima Augusti Anni subsequentis octuagesimi octauī : necesse fuit, per eos dies, quos tu morti

Satyri assignas, Ambrosium in legatione versari, siue in itinere, siue in Curia vbi moratus est pluribus diebus, siue in reditu: vt pauci illi menses impenderentur Maximo: in recipienda alia legatione Domnini, qui & ipse aliquādiu apud illum fructus est eius fraudulentis blanditijs: in adornando bello: ducendo exercitum per Alpes in Italiam: in populandis Placentia, Rhegio, Mutina, Claterna, Bononia: vastandis, ac infestandis alijs Italiae locis, diuitiarum direptione, captiuitate Ciuium. Post hæc transeundum erat ei in Pannoniam cum exercitu obuiam Theodosio vbi oportuit hostem opperiri: cū eo conferere prælium: superari: recolligere turmas dissipatas, instaurare bellum, in Aquileiam se recipere: ibique iterum Marthem experiri aduersum, Petronione Marcellino eius Duce confraeto: denique obsidionem sustinere: capi, & occidi. Quomodo ergo tot tantisque rebus conficiendis sufficere poterat

*Baron. ad
ann. 381. ar.
59. & Ann.
388. ar. 61.*

terat minus temporis , quàm vndecim mensium? Vides ergo , vt sint ratione discutienda actionum momenta; & nō pro arbitrio determinanda ; dum nequiuit Ambrosius secunda legatione fungi multò antè, nec multò post, mēsem Septembris anni octuagesimi septimi , ipsaquè plures dies requirebat : superest vt in ea obeunda tunc temporis esset Ambrosius, non autem in luctu fratris .

Tandem quia veritas vndiquè suffragium habet, & vni vero quodcunque aliud verum adstipulatur, nam veritas vna est : addam alias coniecturas , ex quibus verisimillimum fiet Satyrū decessisse ante annum octuagesimum septimum: quo fuit dedicata Basilica Ambrosiana . Scio equidem ab authoritate negatiua efficax non duci argumentum; quia reticere aliquid , non est negare . Nihilominus supposita clarissima face demonstrationum præmissarum, erunt mox dicenda facularū adiectarum

etarum ad instar . Qui fieri potuisset ,
 vt Diuus Augustinus nil meminisset
 Lib. 8. c. 9. Satyri , si hic fuisset in viuis Mediolani ,
 Confess. c. 2. quando ipse ibidem morabatur , Iustina
 exagitante Ambrosium , & hoc inue-
 niente Corpora SS. Geruasij , & Pro-
 thasij ? Mentionem quidem facit de ip-
 sa Iustinæ persecutione , de quæ Marty-
 rum inuentione , de Simpliciano , Vere-
 condo , Victorino , & alijs : solus Saty-
 rus præteritur , tantus vir , Ambrosijq:
 germanus . Describit minutissima , quæ
 tunc temporis acciderunt , virtutem
 In Verbis vsque cuiusdam pauperis Hypodidas-
 Apost. ser. cali , qui cū fortè reperisset nescio quid
 19. pecuniarum , reddidit eas domino gra-
 tuitò , oblatam retributionem contem-
 nens : nõne magis de Satyri morte , ac
 virtutibus , de luctu Ambrosij , & Ciui-
 tatis aliquid suis scriptis consignandū
 erat ?

Insuper dum idem queritur , parcè
 admodum sibi licuisse frui colloquio
 Ambrosij , negotiorum mole præpe-
 diti .

diti; *Non enim querere ab eo poteram quod volebam, secludentibus me ab eius aure, atque ore cateruis negotiorum hominum; quorum infirmitatibus seruebat; cum quibus quando non erat (quod perexiguum tempus erat) aut corpus reficiebat necessarijs sustentaculis, aut lectione animum: pauloque inferius Certè nulla mihi dabatur copia suscitandi, qua cupiebam de tam Sancto oraculo tuo, pectore illius; nisi cum breuiter aliquid esset audiendum; Æstus enim illi mei otiosum illum valde, cui refunderetur, requirebant; neque unquam inueniebant. Cur nunquam adiit Satyrum: qui ore, moribus, sanctitate erat alter Ambrosius, sicut adibat Simplicianum? Dicit enim Deo: Et immisisti in mentem meam, visumque est bonum in conspectu meo, pergere ad Simplicianum, qui mihi bonus apparebat seruus tuus, & lucebat in eo gratia tua. Et certè ille præ isto aptior erat ad introducendū illum ad Ambrosium, tanquàm domesticus: & declarandum illi pios fratris sensus sibi communes. Nunquam cō-*

Confess. lib. 8. cap. I.
In obitu fratris.

tis

ris contigisse narrat Ambrosius præ maxima similitudine: conueniendi & alloquendi alterum fratrem pro altero? sed quomodo id fieret cum Satyrus iam pridem esset mortuus?

*Amb. ad
ser. Ep. 14.*

Præterea eodem tempore cùm fureret Iustina, quotquot fautores Ambrosij dignoscebantur, pessimè habiti sũt: vectigalia immania extorta: magna vis pecuniarum emuncta à mercatoribus: profectò frater ipsius Antistitis, si fuisset superstes, non abiisset impunis: consueuerunt enim Principes irreligiosi, succensentes in Ecclesiasticos, animaduertere in eorum propinquos laicos, vt pro ipsis luant.

Illud quoquè veritatis assertæ non obscurum est argumentum: quod cum Ambrosius dedit Satyrum sepulturæ, indicauit velle se in eodem sepulcro, cum sibi mors contigisset, consepeliri: non tamen consepultus fuit, quia mutauit sententiam, quando suam Basilicam

cam consecrauit . Statuit enim ex tūc
 sibi sepulcrum sub Altare ad sinistram
 SS. Martyrum Gervasij, & Prothasij,
 vbi nunc quiescere dicitur; ergò hæc,
 quæ sortita est effectum, fuit eius vlti-
 ma voluntas, derogans primæ, ergò
 inuentio SS. Martyrum illorum, & de-
 dicatio Basilicæ, quæ facta est anno
 octuagefimo septimo, fuit posterior
 morte Satyri . Quid responsurus sis
 rationi huic non video; tuis enim ver-
 bis te coarguo . Vtramquè prædictā
 Præfulis voluntatem, si non aliundè, ex
 te didici . Nam dum contendis, Saty-
 rum non procul à S. Ambrosio sepul-
 tum iacere; verba huius, quæ ad id
 probandum assumis, plūs probant,
 quàm tibi opus esset; nimirum non so-
 lum Ambrosium noluisse tumulari pro-
 cul à fratre, sed voluisse cum eo ius in-
 diuiduum habere sepulcri . Et hæc qui-
 dem verba maiusculis characteribus
 signas, in quibus vim facias . Refers ex
 funebri oratione sequentia : *Proceda-*

E

mus

mus ad tumultum , sed prius ultimum coram Populo vale dico , pacem prädico , osculum solvo . Præcede ad illam communem omnibus debitam , sed mihi præ cæteris desiderabilem , domum . Para hospiti consortium , Et quemadmodum hic omnia nobis fuere communia ,
ITA ILLIC QVOQUE IVS DIVIDVVM NESCIAMVS . Postquæ mens tibi pruritabat inferre (sicut inferendum erat ex proprietate verborum) Ambrosio , & Satyro idem commune decretum esse sepulcrum . Sed quia hoc nimium erat , cum ambos in eadem arca nullus vnquam crediderit , nec tu ipse istud intendas , quid egisti ? extorsisti verba ad sensum te iuvantem .
His itaque omnibus satis indicatum videtur , Ambrosium ea item fuisse voluntate , ut ne post obitum quidem ita procul à tanto fratre abesse vellet , quàm procul à Basilica Ambrosiana certè distat Portiana , quæ nunc Sancti Victoris ad Corpus appellatur . Imò nihil voluit abesse à tanto fratre . Quis non videat illud ; Para hospiti consortium , signific-

gnificare, Ambrosio tunc mentem fuisse participandi tumulum eundem cum Satyro? Quasi dicat: recede, coangustare pauxillum, ita ut in tuo sepulcro etiam mihi sit locus. Heus, satis nimium loci parasset Satyrus Ambrosio, dum illum reiecisset procul ab se, quantum distat Altare maius Basilicæ Ambrosianæ a Cappella, ubi statutis ipsum. Locus ille sufficiebat trecentis cadaueribus excipiendis. Dum verò in eodem sepulcro non ponatur, parum refert ad intentionem Ambrosij, expressum ijs verbis, triginta nè, an trecentis passibus disiungatur à fratre. Debueras igitur dicere, Ambrosium ea fuisse voluntate, ut cum Satyro indiuiduum haberet sepulcrum, sicut nunc habet (vel habere creditur) cum Sanctis Gervasio, ac Prothasio. Ad istorum finistram cur est appositus? quia ipse (inquis sic mandauerat: *Hunc ego locum predestinaueram mihi, dignum est enim, ut ibi requiescat Sacerdos, ubi offerre*

E 2 consue-


consuevit; sed cedo Sacris Victimis dexteram portionem . At clariora sunt verba superiora , quibus indicabat velle se iacere super corpus fratris : Habeo sepulcrum , super quod iaceam , & commendabiliorem Deo futurum esse me credam , quod supra Sancti corporis ossa requiescam . Sicut igitur impleturi illud Ambrosij mandatum , non satis habuerunt sepelire illum in eadem Ecclesia, vbi sunt Corpora Sanctorum Geruasij , & Prothasij , procul multis passibus , sed iuxta attumularunt sub eadem ara , ita si adimplendum fuisset alterum mandatum de indiuiduo sepulcro cum fratre , de requiescendo supra Sancti corpus, non satis arbitrati essent curatores funeris, sepelire illum in alia prorsus Basilica, licet non longè , vti te audiemus dicentem inferiùs . Res, autem ita se habet; quod S. Præsul assiduus in meditatione mortis bis disposuit , & quasi testamentum edidit , de loco sepulturæ suæ . Primum inter sepeliendum Satyrum,

tyrum ; calente amore , & desiderio eius , simul cum illo optabat humari . Postea verò condita sua Basilica , & ornata sacris pignoribus SS. Geruasij, & Prothasij , iuxta hos sibi sepulturam elegit . Sed si Satyrus obijisset post eam dedicatam Basilicam , ditatamq; Sacris Martyribus , Ambrosius potuisset simul consequi vtrumq; & iacere apud Martyres , & etiam apud fratrem , collocando hunc ad illorum dexteram , & referuando sibi sinistram . Plenior sua fuisset consolatio ; maius Basilicæ suæ decus ; ipsique Satyro decentissimus locus . Hoc autem præstitum non fuit , quia Satyrus dudum sepultus fuerat honorificè apud Sanctum Martyrem in nobili alia Basilica , vt ostendemus ; ipse vero Ambrosius iuxta suos á se reperi-
ptos Martyres , in sua á se condita Basilica , mutata sententia , voluit sepelli .

Sin autem malueris ex his duabus dispositionibus de sepultura Ambrosij
illam

illam fuisse posteriorem , qua volebat adiungi Satyro , (quippe hic decesserit post inuentos SS. Martyres, & dedicatam Basilicam) hanc ego concedam , vt potè vltimam , derogantem priori , fuisse executioni traditam, & Sanctum Præsulem (quod egrius ruleris) in Portiana fuisse sepultum cum Satyro ; nec deerunt alia ad id argumenta ; quibus, è re tua est , silentium imponi .

Claret igitur, Satyrum decessisse anno octuagesimo tertio , quadriennio antequàm dedicaretur Ambrosiana Basilica, eiusq; esset idonea sepultura.



FAX

FAX SECVNDA.

*Indicans nec Marcellinam ad-
fuisse Satyro morienti , ne-
què huic Ambrosium in sua
Basilica parentasse .*



DSVM modò tuis ra-
tionibus satisfactu-
rus , propter quas à
Baronij, & communi
reliquorū Historico-
rum desciscis senten-
tia, affirmantium, Sa-
tyrum transisse ad Cælum anno Salu-
tis octuagesimo tertio supra trecente-
simum . Tu verò inquis . Propterea nos
ob rationes nuper prolatas, hoc potius , quàm
illo Satyrum anno (scilicet octuagesimo
septimo) defunctum fuisse , contra quàm
Baronius crediderit , arbitramur . Quæ sunt
tandem istæ rationes adeò subriles, vt
eas nec Baronius , nec alius quispiam
vide-

viderit? Puto duos esse errores ex male intellecta phrasi Ambrosij, ex qua deducis: Primò, S. Marcellinam adfuisse Satyro morienti Mediolani, quod tamen non accesserit ante annū octuagesimum septimum; Secundò, Ambrosium in fratris funere sacris fuisse operatum in sua Basilica, quæ proinde consecrata esse debuerat, quod non habuit ante eundem annum.

Marcellinam igitur apud Satyrum fuisse, dum hic moreretur, tantum non iuras. Aded enim tuo infedit cordi hic error: ut usque ad fastidium terquè, quaterquè hoc repetas, in hoc tripudies, tibiq; videaris triumphare, ac si solus inuenisses historicam fabam, imò fabulam. Primò referens ea verba Ambrosij: *Et si Sancta supersit soror Marcellina de tuo interferis iam tunc & ipsa Mediolani degens*: Secundò ad illud eiusdem de sorore effatum; *Qua duobus super beata germanis*, glossam adijcis tuam: *Quibus utique Mediolani iam conuescen-*

*nescentibus , ipsa quoquè soror præsens fruebat-
tur : Tertio Baronium castigans , qui
tamen (vt ostendam) videtur melius te
intellexisse sermonem tum Ambrosij ,
tum Epitaphij Marcellinæ , inquis :
Fallitur in eo tamen Baronius ibidem , quod
eamdem addit Romæ mortuam fuisse , ac vo-
luisse nihilominus ut corpus suum ad Urbem
Mediolanensem transferretur . Quarto de-
nique subdis ; Ex quo enim tempore Me-
diolanum illa venerat , nunquam postea Ro-
mam reuertit ; iam verò venerat antequam
Satyrus ex hac vita migraret .*

At verò ais ; ita perhibent Boninus
Mombritius , aliaq, manuscripta per-
antiqua de Marcellinæ vita : Interea
cum pia recordationis almificum Præsulem
Ambrosium suscepti Episcopatus causa in præ-
fata Vrbe Mediolani compulisset ; fratremq;
dilectum Satyrum luce ipsa chariorem secum
amoris glutinio detentum cohabitare fecisset ,
Virgo Domini Marcellina charissimis diutiùs
auelli uon passagermanis, domo, patria, rebusq;
relictis se se Mediolanum contulit ; satiùs ra-

F

ta

ta peregrinam cum illis ducere vitam, quàm duobus priuata luminibus Romanas opes miserabilis possidere. Et ex eodem Authore post memoratum obitum Satyri hæc habentur. Constat autem, hunc ex illo veneranda Virgini morem fuisse, ut continuè supratumulum fratris Satyri genu nixa Dominatori omnium sanctam eius animam precibus assiduis commendaret. Per sæpè etiam diem sine cibo, noctemquè insomnem transigens, loco sepulcri vix ad momentum poterat auelli. Demùm post Ambrosij quoquè interitum; Tunc deinde duplicatus meror, renouata tristitia, nihilq; aliud, præterquam mori, anxie nimium sorori placebat. Quid faceret? Quo se verteret? nunc ad illum, nunc ad hunc prouoluta tumulum hesitabat. Habes ne aliud quod proferas? etiam habeo, dicis, luculentissima ipsius Ambrosij testimonia, vnde predicta eruit Mombricitus; nempe dixit ille in oratione funebri super mortuo fratre: Certè felicior, quàm Sancta soror; quæ tuo solatio destituta, de suo pudore sollicita, duobus nuper beata germanis,

nunc

nunc ex duobus fratribus ærumnosa , nequè
 alium sequi potest , nequè alterum derelinque-
 re ; cui tumulus hospitum tuus , & corporis tui
 sepulcrum est domus ; atq; utinam vel hoc tu-
 tum diuersorium cibus in fletibus , potus in la-
 chrymis &c. & versus finem : De Sancta
 verò sorore quid fiet ? qualicet diuino metu pie-
 tatem temperet ; rursus tamen ipsum pietatis
 dolorem studio religionis accendit : Strata hu-
 mi , & totum gremio sui complexa tumulum ,
 laborioso fessa incessu , tristis affectu , dies no-
 ctesq; marore integrat &c. Igitur argumen-
 taris : Si Marcellina remanserat Saty-
 ro decedente , ex duobus ærumnosa
 germanis , quia nec defunctum poterat
 sequi , nec superstitem Ambrosium de-
 relinquare , patet , quod apud ipsum
 degebat Mediolani . Si tumulus Saty-
 ri erat ei pro hospitio , & corporis fra-
 terni sepulcrum pro domo , si strata
 humi totum gremio sui cōplectebatur
 tumulum utriquè præfens aderat in lo-
 co sepulcri , per diem & pernox in luctu.

Dixisti n? restat ne aliud? Nihil, ais,

F 2 &

& quid clarius petitur ? Nebulas tenuissimas obiecisti , neutiquam meæ facis splendorem obnubilantes , ipsasq; leuiter exsufflabo . Et primò quò ad Mombritium dico : Scriptoribus probatis Legendarum Sanctorum esse adhibendam fidem in substantialibus historiæ , cæterum negligendas multas circumstantias , quas ipsi appingunt de suo , ductas ex verisimili , aut absquè graui trutinatione ab alijs acceptas . Et certè ipse Mombritius tibi nequit probari , quatenùs dicit , translato Ambrosio ad Archiepiscopatū Mediolanensem , & secum assumpto Satyro , Virginē Marcellinam non diutiùs passam à germanis auelli sed mox ipsos secutam fuisse , quandoquidem tibi non placet (nec placere veritas patitur) illam petijssē Mediolanum ante inuentionem Corporum SS. Geruasij , & Prothasij , de qua ad absentem Ambrosius dedit literas anno octuagesimo septimo , nempe post decem , &
am-

ampliùs exactos annos in Episcopatu:
 quod mehercle est diutiùs ab eius Or-
 dinatione. Sicut ergo in hoc dicturus
 es, illum fuisse hallucinatum; ita ego
 id ipsum possem contendere de reliquo
 eius asserto. Sed libenter dederim ti-
 bi, Mombritium, Hilarionem, & ho-
 rum magistrum antiquius manuscrip-
 tum, á quo acceperunt, fuisse in hac
 sententia, quod Marcellina non abfue-
 rit Mediolano Satyro migrante. Quid
 tandem? Bonus Bonius cæcutiens lap-
 sus est, nunquid te sibi adhærentem in
 foueam secum trahere oportuit ex per-
 peram intellectis Ambrosij verbis?

Fatendum est, Sancti Doctoris phra-
 sim identidem esse suboscram (quod
 magnis ingenijs profunda sensa vol-
 uentibus frequentissimum est) & non
 rarè indigere face prudentis ratiocina-
 tionis ad genuinum sensum assequen-
 dum. Accedamus igitur ad declaran-
 da Ambrosij verba. Ait ille de Mar-
 cellina, *duobus nuper beata germanis, nunc*

ex

*ex duobus fratribus ærumnosa , nequè alterum
sequi potest , nequè alterum derelinquere: Non
specificat vter fratrum sit , quem Virgo
sequi non possit , & quem nequeat de-
relinquere: hoc nostro iudicio permit-
titur declarandum . Tu intelligis Sa-
tyrum defunctum , esse illum , quem
non datur sequi: Ambrosium verò su-
perstitum esse alterum , quem non po-
test derelinquere : ac proinde apud il-
lum maneret Mediolani. Sed vide quot
parafangis aberres. Marcellina est hinc
inde pariter ærumnosa , tàm ex fratre ,
quem non potest sequi , quàm ex alte-
ro , quem non potest relinquere : esset
ne ærumna remanere illi ex duobus fra-
trem vitium , cui adhæreret? Imò hoc
esset solatium , ærumnarum leuamen ,
& dimidatio . Non erat vndequâquè
misera , si amiserat vnum Satyrum : sal-
tem supererat Ambrosius : cuius con-
tubernio , & adiutorio licebat frui. Er-
go vt constet , qualiter ea virgo ex duo-
bus fratribus esset pariter ærumnosa ,
decla-*

declarato sic: Ambrosium viuum Me-
 diolani degentem ipsa non poterat se-
 qui, *incatu Sacrarum Virginum Romæ Deo* Hist. Eccl.
Mediol. De-
cad. 1, lib. 3.
dicata, vt ait Ripamontius; & hæc ærū-
 na erat: diceret enim, superest mihi qui-
 dem alter frater Ambrosius: sed quid
 iuuat, dum illum sequi non datur, eius-
 què frui propinquitate? Satyrum au-
 tem mortuum à corde suo nequibat
 auellere, sicut de se ipso Ambrosius
 consimilia fatur fratri defuncto in ea-
 dem oratione *non enim perdidisti usum tui,*
sed commutasti; ante corpore inseparabilis nunc
indiuiduis affectu; manes enim mecum, ac
semper manebis. Eo modo quo manebat
 Satyrus cum fratre, eodem manebat
 cum sorore, nec poterat relinquere; sci-
 licet tristi recordatione, ex qua nil mi-
 nùs erat ærumnosa, quam ex absentia
 alterius fratris, quem non poterat se-
 qui. Nisi velis tam inuisum sorori fuisse
 Ambrosium, vt infortunium esset,
 eum non posse relinquere. Non pote-
 rat ab hac ærumna liberari remigran-
 do

do Romam ad suas Virgines? qua carena, quibus vinculis colligata erat?

Ambrosius, Ambrosius ipse est, qui Marcellinæ ingeminabat ærumnas, dū ipsum sequi huic non permittebatur à suscepto per Liberium sacro velamine. Quia licet non esset ex Virginibus addictis perpetuæ strictiori clausuræ in Monasterio, nihilominus etiam illis Sæctimonialibus, quæ domi suæ apud Parentes, aut propinquos cum sociabus alijs Virginibus degebant, rara erat in publicum procedendi facultas. Vide Gebalinum de Clausura, vbi nominatim ait huius generis fuisse Sanctam Marcellinam.

Proh, quantus est Ambrosius in recordando Virginibus domistitio. Exemplo Sanctissimæ Diuinæ Matris; *Discite*, inquit, *Virgines non circumcursare per alienas ades, non demorari in plateis, non aliquos in publico miscere sermones*; hæc est eius cantilena intercalaris, Virginum secessus, absconfio, tumulatio; sciebat enim

tene-

Lib. 1. in
Lucam.

Lib. 2. in
Lucam.

teneram esse Virginis verecundiam, & lubricam famam pudoris. Et fortè hùc alludit apposita illa metaphora, inferius explicanda; significans, Satyrum, cum esset mortuus, quia semper cum Marcellina aderat pia recordatione, esse pariter cum ea in hospitio, domoq; tumultum. *cui tumultus hospitium tuus, & corporis tui sepulcrum est domus.* Quomodo ergo Sancti Præfulis soror, speculum aliarum Virginum, & Magistra, contemneret præcipuū hoc virginale præceptum; & circumuagaretur, ne dum per Urbem, & plateas, sed per regiones militibus plenas, tempore præsertim, quo inter cetera timebatur; *inestari Deo sacrata corpora?* & certè illa erat, *de suo pudore sollicita*, vixquè domi habebatur secura; *atquè utinam hoc tutum diuersorium.* Planè huiusmodi pudoris zelus, & Sanctimoniale institutum detinuit Romæ iugiter Marcellinam, dū vixit, ne Mediolanum pergeret ad fratres; quamvis id maximè percuperet.

G

At

*Accipit Imperium placida post munera mor-
tis,*

*Æterna Christus pretium tibi destinat aula.
Pramia dans castis intacta matris honorẽ.
Te medius Iuli transcendit feruide cursus
Et te Virgo tuus transuexit ad Ætera spon-
sus.*

Vellem abs te doceri, quid sibi velint
verba illa ; tuos cum vita resolveret artus ,
nil longinqua domus casto decerpssit Amori ?
Aut ego alius sum, nec latina intelligo ;
aut sibi volunt , quod despectio patrij
sepulcri , & electio fraterni apud ex-
teros facta est à Marcellina , dum mo-
reretur in longinqua domo . Ergo nō
est mortua Mediolani . Pergamus :
Quid sibi volunt sequentia ; *Nam mu-
nere lethi, rursus iuncta soror fraterna redde-
ris umbra ?* Sanè nil aliud dicunt, quàm
beneficio mortis consecuta es vicinita-
tem fratrum pariter defunctorum, qua
fueras prohibita, dum viueres . Clarif-
simus est sensus, nec video obscuritatẽ
vllam in ijs verbis . Immeritò ergo à te

G 2 vapu-

52 FAX SECVNDA.

vapulat Baronius, quia scripserit ex Epitaphio à te recitato ac probato, Marcellinam Romæ defunctam, translata suo iussu ad sepulcrum Mediolanense. Aut ergo reijcere debueras Epitaphium; aut hoc probato, & intellecto, non poteras cum Baronio nō sentire.

Non fuit soror Sancti Præsulis Mediolani. Scilicet deerat hæc etiam ad explendam rabiem Iustinæ; dum fureret in Ambrosianos. Væ misellæ, si apud hostes tam sæuos reperta fuisset. Adde quod Sancta Monica ob sollicitudinem, quam gerebat de Augustini filij conuersione, venerabatur Ambrosium summa reuerentia; ideòquè pròptè morem gessit illi, statim ac ab ostiario Ecclesiæ audiuit prohibitum à Sancto Episcopo inferri cibos, & vinum ad offerendum Sâctis Martyribus: què admodum ipsa consueuerat. Id quod ceteroquin ægrè tulisset: vt ipse Augustinus testatur: *Sed tamen videtur mihi*

Confess. lib.
6. cap. 2.

hi Domine Deus, & ita est in conspectu tuo de hac re cor meum, non facile fortasse de hac amputanda consuetudine matrem meam fuisse cessuram, si ab alio prohiberetur, quem non sicut Ambrosium diligebat: quem propter salutem meam maxime diligebat: eam verò ille, propter eius religiosissimam conversationem, qua in bonis operibus tam fervens spiritu frequentabat Ecclesiam: ita ut sæpè erumperet, cum me videret, in eius predicationem, gratulans mihi quod talem matrem haberem. Ex quo valde mirum fuerit Monicam eodem intuitu salutis filij non dilexisse Marcellinam sororem Ambrosij, tam Sanctā, si Mediolani extitisset, ipsiusquē amicitiae haud studuisse copulari: vicequē versa Augustinum Ambrosio nusquā rependisse pro laudibus matris suæ, laudes sororis illius, sicut illaudatū nō præterijt Sanctum Episcopum. Sed de Marcellina, sicuti de Satyro apud Augustinum est altum silentium, nempe alter iam decesserat, altera absens erat Romæ. Meminisse etiam debes votorum,

torum, quæ nuncupavit Marcellina pro felici trânsito fratris Satyri ex Africâ, Diuâ Laurentio, utique Romæ ad ipsius sepulcrum in agro Verano, de quibus in oratione funebri: *Tuis enim votis apud Sanctum Laurentium impetratum esse nunc cognoscimus commeatum; at quæ utinam non solum commeatum, sed etiam prolixum vita tamque rogasses. Potuisti annos plurimos impetrare viuendi, quæ potuisti commeatum impetrare veniendi. Igitur si Sancta soror erat Romæ, exorâs Diuum Laurentium, dum frater aduentaret ex Africa, etiam ibidem dicenda est fuisse, dum idem moreretur Mediolani, quâdoquidem à suo aduentu paucis vixit diebus. Sequitur enim qui supra Orator Sanctus, *Ita enim mature postquam venit exceptus est, quasi propter hoc solum videretur esse dilatus, ut ad fratres rediret. Credibile porrò est, quod è littoribus Siculis appulerit ad Ostia Tiberina, inuisurus Romæ sororem dilectam, priusquam ad Ambrosium transfret Mediol-**

dio-

FAX SECUNDA. 55

diolanum . Ast audio te inclamantē ,
quod Sancta Virgo Mediolanum ac-
cesserit prorsus ijs paucis diebus , qui-
bus post reditum superuixit Satyrus .
Scribis enim : *Quoniam vero eodem anno*
(scilicet octuagesimo septimo) Mar-
cellina Mediolani tunc non aderat , quando re-
center inuentis Sanctorum Prothasij , & Ger-
uasij corporibus Basilica istius Ambrosiane de-
dicatio peracta fuit undevigesimo Mensis Iunij
die : idcirco nos eandem postmodum ab Urbe
Roma huc peruenisse censemus , tam tempesti-
ue , ut egrotanti Satyro , ac decima septima sub-
sequentis Septembris die mortuo affuerit . Vn-
de hoc habes ? ex te metipso : *Censemus ,*
ais . Non ego te te crediderim huius-
modi itineri commisurum , feruente
æstu Iulij , & Augusti . Egregiam cha-
ritatem , Roma abducere Virginē de-
licatam ijs diebus , quibus inde abscē-
dere fermē lethale est . Et Symmachus
propinquus , qui tantoperē sollicitus
fuerat pro incolumitate Satyri , auer-
tendo illum suis literis à transitu in Ita-
liam

liam ob bellorum discrimina ; propter eadem , & insuper inclementiam tempestatis non detinuit Marcellinam ?

Sed vrgeamus validiora . Vnde colligis tu Sanctimoniam abfuisse Mediolano , cum inuenirentur Corpora Sanctorum Geruasij & Prothasij ? Hoc perspicuè patet , inquis , quia paulò post *Marcellina soror tunc in Vrbe commoranti totius facti seriem descripsit Epist. 54.* Nihil enim fuisset , quod ad eam scriberet , si extitisset præsens . Optimè : nunquam melius loquutus es . Literis porro commonefacimus absentes , non verò præsentes : Ergo ob eandem rationem Marcellina absuit Mediolano , quando hinc post mortem Maximi , quæ accidit anno octuagesimo octavo , idem Ambrosius ad eandem dedit Epistolam , qua recenset quæcunque egisset apud Theodosium , tùm Aquileiæ , tùm Mediolani , in causa Episcopi cuiusdam orientalis , qui mulctatus fuerat ad reædificandam suis sumptibus Syna-

Synagogam, quam questi fuerāt Iudei eius iussu incensam, nec non decretum, vt in Monachos animaduerneretur.

*Paulinus in
Vita Amb.
Bar. ad ann.
388. art 92.
Epist. 18. ad
sororem.*

Verba Epistolæ sunt. *Sollicitam Sanctitatem tuam esse adhuc, scribere dignata es mihi, eò quod sollicitum me esse scripserim.* (Nota frequēs literarum aliarum commercium) *Vnde miror, quod literas non acceperis meas, quibus refutam mihi scripseram securitatem. Nam cum relatum esset Imperatori Synagogam Iudeorum in partibus Orientis incensam à Christianis, authore Episcopo, & Valentinianorum lucum; iussum erat, me Aquileia, ut Synagoga ab Episcopo readificaretur, et in Monachos vindicaretur, qui incendiissent lucum. Tum ego, cum sæpius agendo parum proficerem, Epistolam dedi Imperatori, quam simul misi, & ubi processit ad Ecclesiam hunc sermonem habui. Quem sermonem pariter ad sororem mittebat, & in eo, cum loquatur de Maximi ruina propter cõsimilem reatum vindicandi in Christianos in gratiam Iudæorum, liquet, gesta ea, scriptaque fuisse non ante annum*

H

octua-

octuagesimum octauum . Cum itaque inter Epistolas Ambrosij legamus duas ad sororem; alteram, qua narrat inuentionem Sanctorum Corporum Geruasij, ac Prothasij anno octuagesimo septimo; alteram qua recenset negotium Synagogæ incensæ anno octuagesimo octauo, cur ex priori concludis, Marcellinam abfuisse Mediolano, & non eruis id ipsum ex secunda? Cur effutis; *Ex quo enim tempore Mediolanum illa venerat, nunquam postea à Romam reuertit: iam verò venerat antequam Satyrus ex hac vita migraret?* Cur aded præceps cucurristi ad castigandum Baronium, eo quod benè scripserit, Marcellinam Romæ in Sanctimonialium cætu degentem, non nisi defunctam fuisse illatam Mediolanum? Deniquè assurge authoritati ipsius Ambrosij, & herbam porrige. Is namquè in prædicta concione funebri cum de sorore loqueretur: *Et si Sancta supersit soror Marcellina &c.* Subdensquè communem sibi cum ea sollicitudinē pro

FAX SECVNDA. 59

pro incolumitate germani subnectit :
Quando non cohorruit animus cum metus huiusmodi titillaret ? Quomodo consternata mens erat aegritudinis tua nuncio ? nuncius defertur ad absentes , absens non erat Ambrosius , ergo Marcellina . Piget rem adeò manifestā pluribus prosequi .

Sed plurimum tibi faceffunt negotij illa Ambrosij verba: *Cui tumulus hospitij tuus, & corporis tui sepulcrum est domus: strata humi, & totum gremio sui complexa tumulum, laborioso fessa incessu, tristis affectu, dies noctesque mœrore integrat .* Nonnè hæc, ais meridie sunt clariora ? Nonnè prætendūt, quod Sacra Virgo ita iugis moraretur ad tumulum Satyri; vt is conuersus esset illi in hospitium, in domum ? quæ gremio complectebatur ipsum tumulum, poterat esse absens ? Interpretabor ego, si libeat audire . Quoties sensus verborum grammaticalis rebus deprehenditur non conuenire, sciendum est, tropicè ea esse dicta, & per Rhetoricas

Chap. II.

H 2 ricas

ricas seu etiam Poeticas figuras. Sic fe-
habet in casu nostro. Verba, in quo-
rum declaratione versamur, continent
amphibologiam: ita possum exponere
ego, quod hospitium, & domus Mar-
cellinæ sit pro tumulo, ac sepulcro ipsi
Satyro; sicut exponis tu ex aduerso,
quodd tumulus, ac sepulcrum Satyri sit
pro domo Marcellinæ. Illa erit verior
expositio, quæ minus difficultatis in-
uoluat, & magis accommodabilis fue-
rit rei gestæ. At expositio tua, quod
tumulus, ac sepulcrum fratris euaserit
hospitium, & domus sorori, propter
assiduitatem manendi ibi, non potest
fustineri; tum quia obstant tot argu-
menta euidentia superiùs allata pro ab-
sentia piæ illius feminae à Mediolano;
tum quia pro tempore quo dicebantur
ea verba, eiusmodi sensus nequit veri-
ficari cum re ipsa. Erat ne adhuc in tu-
mulo Satyrus? minimè. Sub oculis la-
chrymâtibus Oratoris Ambrosij iace-
bat; dum per apostrophem diceret:

Qualem

Qualem te nunc ego, frater, aspicio, iam nulla mihi verba referentem &c. & in fine orationis tandem auditores inuitat sepulcrum versûs; licet ipsa species, & exanimis corporis forma soletur, oculosquè manens gratia, & permanens figura demulceat, nil inquit moror: procedamus ad tumulum. Et Marcellina quid agebat ad sepulcrum vacuum, tot dies noctesquè moerore integrans, si Satyrus eo die, vel pridie obierat, cum recitaretur oratio, nec dum humatus erat. Videñ quàm incongrue in eadem oratione perhibeatur illa constitui sibi hospitium, & domum ad fratris tumulum præ iugimora ibidem? Igitur cum ea locutio quouis modo accipiatur non possit esse propria, & necessariò intelligenda sit figuratè, sensus germanus, & concordans cum Marcellinæ absentia, tot tantisquè argumentis probata, erit: ut intelligatur per Prosopopæiā, & Hypotyposim dictum, inducendo personam absentem tanquam presentem, & actiones

actiones fictas repræsentando pro vt fierent, si faciendæ essent; & hoc ad mouendos commiserationis affectus.

Quarè erit sensus, quod totum Marcellina sit complexa tumulum gremio interiori, idest visceribus, ac præcordijs; non brachijs, & sinu exteriori, nā quomodo hoc fieri poterat etiam si in loco sepulturæ fuisset? Et quæ per Sanctimoniale propositū mortua erat mundo, cōsepulta cum Christo in Religione, hospitium & domum habebat sibi pro tumulo, secum etiam contramulatum per iugem recordationē habitura erat Satyrum; sicut de seipso dicit Ambrosius eidem mortuo fratri:

Manes enim mecum, ac semper manebis. Par enim erat amborum superstitum amor erga defunctum germanum.

Alter error, quo vteris pro argumento, ad statuendam mortem Satyri in anno octuagesimo septimo, est quia nō ante hunc fuit consecrata Ambrosiana Basilica; in quam tibi constat sacrum illud

illud cadauer illatum fuisse, priusquam daretur tumulo, & ibidem S. Ambrosium pro anima fratris sacris fuisse operatum. Hoc secundum à te metipso dicis, nullo praeunte Authore. *Cumq; tandem perorasset; Missa pariter sacrificium pro defuncto fratre celebravit, antequam eum tumulo daret.* Et paucis interiectis confirmas: *Sic igitur peracto itidem Missa Sacrificio Satyrum Ambrosius tumulavit.* Primum autem in Mombrinium refundis auctorem, & eius descriptorem Hilarionem Monachum in vita S. Satyri dicentes. *Translata denique ad caeleste Regnũ Sanctissimo Satyro; Magnus Pontifex Sacrosanctum corpus ipsius ad Basilicam Ambrosianam honorificè deportari fecit, prosequentibus innumeris exequiarum turmis: quod tamẽ ipse lachrymarum rivulis irroratum in altera longè Basilica ad laevam gloriosi Martyris proprijs manibus tumulavit.* Cum autem nõ liceret exequias celebrare; sicut nec alias Ecclesiasticas functiones peragere, in Basilicis antequam forent consecratae

64 FAX SECVNDA.

cratæ vtriquè (ais) Ambrosiana erat huiusmodi; dum ex prædictis Authoribus in ea fuerunt Satyro funeralia peracta.

Possẽm requirere à Mombrizio ferè decem sæculis posteriore his gestis, an ea, quæ narrat, viderit, ab alijs acceperit, vel suapte imaginatus fuerit. Primum non potest respondere; postremum non facit fidem; medium superest, vt dicat à quo acceperit, & cuius ille sit authoritatis. Etenim dum non proferatur testis oculatus; qui rebus interfuerit aut saltem tantæ antiquitatis, vt testetur de auditu ab alijs, qui interfuerint, liberum manebit etiam mihi credere, quod tantus Heros, qualis erat Satyrus, & meritis proprijs, & fraternitate Antistitis, delatus sit rectà ad funeralia persoluenda in eadem Ecclesiâ, in qua tumulandus erat, quæ par erat vt esset perhonorifica, maximè autem Cathedralis Portiana, vt videbimus infra.

Ni-

FAX. SECVNDA. 65.

Nihilominus quia non sum adeo inops rationibus certis, ut opus habeam argumētari cauillis, & quisquiliis colligere, recipio Mombritorium; non excipio contra eius testimonium: Quid tandem ille asserit? Ambrosium celebrasse Missam in sua Basilica? Absque vllam Ecclesiasticam functionem tunc fuisse in ea celebratam, ex qua deduci possit fuisse consecratam? Nil minus. Tantum scribit, ad eam Basilicam ab Ambrosio deductum Saryri cadauer, ibique lachrymis itoratum, & tempore luctum super eo factum & lamentationes aditas, denique funebrem orationem recitatam. Et ad hæc requirebatur locus Deo consecratus? Imò is non erat opportunus. Hinc pro me aduersus te est argumentum. Siquidem, si Ambrosius inuit in Ambrosianam Ædem corpus Saryri antequam deduceret ad locum sepulture (quod non do, nec prohibeo) hoc demum fecit, quia acturus aliquid non Ecclesiasticum,

I

cum,

cum, sed prophanum, & civile obsequium, quale erat lugere, & concionari de sua iactura, & laudibus mortui hominis, quem Ecclesia adhuc non venerabatur pro Sancto, indignum censuit ad id officij abuti loco Sacro, cuius apud primitivos fideles maxima fuit reuerentia. Ideoque in Basilica nondum consecrata indulgit merori, & lachrymis, seculare officium persoluit prius, postea ad locum Sacrum transiens Ecclesiasticas functiones peregit, corpusq; tradidit sepulturæ. Et sane ipse Ambrosius, tactus Syntheresi, confessus est in oratione illa, se aliquatenus peccare, licet veniabiliter, excusans se apud Auditores de scandalo.

Dato veniam fratres charissimi, neque enim omnes possumus dicere; imitatores mei estote, sicut ego Christus. Videbarur sibi aliquid committere, non imitandum suis quibus.

Non grauem lachrymis contraximus culpam;
 Sed hac qualicunque culpa nolens prophanare locum Sacrum, antequam ad
 hunc

hunc veniret celebraturus exequias, substitit cum feretro, & comitatu in sua Basilica adhuc profana, ibiq; sermonem funebrem habuit, lachrymis indulgit, civile obsequium fratri persoluit. Ceterum quid opus erat diuidere hoc officium, orationem habere in vno loco, sepulturam dare in alio? cur non sepeliunt, vbi orauit, aut non orauit, vbi sepelivit? Sed distinxit officia, quia ad sepulturam necessarius erat locus sacer, indecens concioni, & fletibus.

Recedam ab hac fide, si ostenderis, Sanctum Antistitem tunc sacra celebrasse in sua Basilica. Atqui non ostendis. Gratis tantum dicis & repetis. Magnus sis, & facile euinces quodcumque si stet pro ratione voluntas. Nunquam tanta constantia hoc affirmaueris, quin ego maiori pernegem, fretus rationibus hactenus allatis pro Satyri obitu in anno octuagesimo tertio, quod est quadriennio ante consecratam Am-

brofianam. Quomodo non probo, ais, quod Ambrosius celebrauerit ante cadaver fratris in sua Basilica? Do textū ipsum Ambrosij in calce orationis: *Tibi nunc omnipotens Deus innoxiana commendo Animam, tibi hostiam meam offero, cape propitius ac serenus fratrem meum, Iacritium Sacerdotis. Et quale est aliud Sacrificium Sacerdotis, nisi celebrare missam? Ergo tunc celebrauit Ambrosius. Minime verò. Sapiens Orator ita conclusit orationem suam, sicut inceperat. Recurre ad sermonis initium, & videbis, de qua hostia loquatur: Deduximus; dixerat, *fratres dilectissimi hostiam meam, hostiam incontaminatam, hostiam Deo placentem, Dominum, & fratrem meum. Satyrum. De hoc eodem ut responderet ultima primis, concludit exorans. Omnipotentem, ut serenus, & gratus talis hostiam accipiat. Iterumque declarat Cape propitius fratrem meum, non hostiam farinaceam consecrandam, & transubstantiandam; nequè enim erat*
*ad**

ad Altare, sed in exedra loco inepto ad offertorium Missæ. Et quod ait *Sacrificium Sacerdotis* intellige ex subsequentibus: *Hac mei iam liba præmitto. In hoc ad te pignore venio; non pecunia, sed vite pignore. Ne me diutius residere facias tanti scænoris debitorem.* His indicat, se ipsum Sacerdotem quodammodo etiam cum fraterno munere sacrificari, & in oblationem Deo transmitti: *In hoc ad te pignore venio* propter indiuiduum fratris affectum; & præ amaritudine, quam libenter sustinebat, bene poterat dicere, se offerre Sacrificium Deo, eo modo, quo generaliter D. Augustinus decimo de Ciuit. ait; quamcunque mortificationem pro Deo susceptam esse Sacrificiū. Et Psalter *Sacrificium*, inquit, *Deo spiritus contribulatus.* Aliās quid fraterno muneri, cum sacrificio Eucharistiæ, ut cōiungeret, *tibi hostiam meam offero, cape propitius, ac serenus fraternum munus, sacrificiū Sacerdotis; hac mei liba præmitto?* Quæ libatio Ambrosij in Sacrificio Corporis Christi?

Christi? Deniquè descendens è suggestu Orator inuitavit Auditores ad tumulum, illò rectá processit. *Nil, inquã, moror, procedamus ad tumulum.* Non dixit, stete, moramini, offeramus Sacrificium Missę pro Anima defuncti, sicut tu comminisceris, subdens relatæ ultimæ clausulæ concionis. *Sic igitur peracto itidem Missæ Sacrificio Satyrum Ambrosius tumulauit.*

Ratum itaquè firmumquè manet, Satyrum interiisse anno trecentesimo octuagesimo tercio, ante triennid quã Ambrosiana Basilica eius esset idonea sepulturæ; nec non rationes in contrarium non subsistere, quia nec Marcelina adfuit morienti, nec Ambrosius in sua Basilica in funere celebravit.

FAX

FAX TERTIA. ⁷¹

*Qua elucet , S. Satyrum non
fuisse humatum in Sacello
sui nominis apud Ambro-
sianam , nequè illud fuisse
Basilicam Faustæ .*



Xpulsus de Ambro-
siana Basilica à faci-
bus precedentibus ce-
dis hunc liberum cā-
pum . Iam non con-
tendis in ipsa corpus
Satyri collocare; ni-
mis enim perspicuum factum est, non
fuisse ibi tumulatum . Ad interiora
confugis, ac te recipis in quoddam Sa-
cellum eiusdem Basilicæ Diuo Satyro
dicatum, quod asseris ipsa Basilica an-
tiquius. Hic statuis eius reliquias; quasi
istud non esset eiusdem Basilicæ mem-
brum;

72 FAX TERTIA.

brum; & huc te insequor præsentj face, ac in maiores coactum angustias vel inde abigam, vel certè veritatis fulgore te eum non sustinentem exagrababo.

Ne verò Lector, præsertim exterius (nam Conciues, & Indigenæ optimè norunt dicenda, possuntque pro libito inuisere) imaginetur, sermonem esse de nobili aliqua Basilica, Ambrosianæ propinqua; sciendum hanc esse vnam ex eiusdem Ambrosianæ Cappellis; licet paululùm extrâ ordinem, & seiunctam à primaria, (in qua Monachi asservant Augustissimum Eucharistiæ Sacramentum) non plûs quàm per intermedium transitum longitudinis vlnarum quindecim, qui à Monasterio ad Sactariû ducit, inter duos claustra fetrea, quorum superius claudit ipsum Sacellum S. Satyri, inferius verò pro limite est Sacello Maiori, in quo veneramur Sanctissimum Sacramentû. Longitudo autè Satyrianæ illius Ædiculæ

culæ non excedit duodecim, latitudo
 verò octo, vlnas; quarum quatuor cō-
 stituunt ferè vnam Romanam decem-
 pedam. Tantula Cappella, ipsaq; aded
 Ambrosianæ coniuncta, reputata fuit
 semper huius membrum; quippè nul-
 lum alium nisi per eā habet accessum.
 Ab Ara Maxima Basilicæ (post excur-
 sam dextri peristylij partem, quæ su-
 perest) nō seiungitur nisi alia interme-
 dia Cappella, quæ nunc pro Sacratio
 inseruit, & ab alia Cappella principali
 Monachorum diuiditur tātum per su-
 pradictum transitum, duobus ferreis
 cancellis inclusum. Igitur quicumque
 Authores egerunt de hoc S. Satyri Sa-
 cello, ipsum prorsus confuderunt cum
 Ambrosiana Basilica, tanquàm partē
 inclusam toto. Paulus Morigia de ip-
 sa Basilica scribit. *Ad sunt quoque Corpo-*
ra Sanctorum Casti & Polimij, quæ condita
sunt in Cappella S. Satyri ex parte RR. Mo-
nachorum. Ripamontius, & si aliqua-
 tenus recenseat pro Sacello distincto,
 considerans ipsum absque addito. no-

*In Sanctuar.
 Mediolani.*

et hinc

K

uo

Decad. I.
Hist. Eccl.
Mediol. lib. 5.

uo transitu, per quem reliquæ Ambrosianæ coniungitur, nuncupavit tamen Sacellum exornans Basilicam, scribēs *Tota demum circumiecta planities, & campus uniuersus illustra monumenta præfert antiquitatis; & habet minora passim sacella, quæ Basilicam velut stipant, & cingunt. Ad Orientem Solem non longè ab Decumana porta cernitur Archangeli Michaelis Ædes, frequens olim Ambrosio; postea cetui Sacrarum Virginum attributa. In Meridiem est Ædícula Virginis Deipara, quam fabam gracam vulgus appellat; sed vetus inscriptio indictum id ex agrorum tutela cognomen docet; inde periti facientem agris Mariam nuncupauere. Et paucis interiectis: Inde per Monasterij claustra modico diuerticulo ad lauam occurrat Ædes ipsa Dni Satyri. Ipsi quoque Authores ab Aduersario citati, qui (ignorantes rationem sepulture huius Sancti, illustrandam sequentibus facibus) scripserunt illum sepultum esse in huiusmodi Sacello, aiunt: *lacet ad S. Ambrosium*. Ita Gualuaneus Flāma in manuscripto de Corporibus*

poribus Sanctorū, existentibus in Ciuitate Mediolanēsi; Calendariū Ambrosianū Anni octuagesimi primi supra millesimū & trecentesimum; Libellus item Italicus de Indulgentijs, Corporibusque Sanctorum extantibus in Vrbe, ac Diœcesi Mediolanensi, editus anno quintodecimo superioris sæculi.

Quid plura? Cum Ambrosiana Basilica decorata sit priuilegio Indulgentiarum, concessarum orantibus ad septē statuta Altaria, inter ea vnum recensetur istud Sancti Satyri: Quis audiuit vnquam ad huiusmodi priuilegiū septem Altarium, quod frequentissimum est tota Italia in præcipuis templis, assumi aliquod altare alterius propinquæ Ecclesiæ, si omnia vnā indulgentiam integrant, vniue corpori conceduntur vnus Templi? Episcopus Nouariensis, loquens de Ambrosiana.

Sunt, inquit, in hac Æde plura Altaria, magnis Indulgentijs decorata, quæ recensens

Io. Fran. à Basil. Petri in libello quorundā Eccl. Mediolani.

ponit septimo loco hoc, S. Satyro dictum.

K 2 catum.

catum. Deniquè non est qui pro Sacello, & membro Ambrosianæ ipsum non agnoscat. Si qui verò comperiatur, qui vocent Ecclesiam (& hi perpauci erunt) abusuè loquuntur; ficut quoduis aliud eiusdem Basilicæ Sacellum appellatur Ecclesia, in quadam sententia à te recitata, fol. 569. super controuersia inter Canonicos, & Monachos de oblationibus; ibi: *In Ecclesia S. Bartholomæi, & S. Georgij, & S. Satyri, quia Cappella, Monasterij sunt, tota illa oblationes in integrum usque in perpetuum Monasterij sint.* Quis verò sanæ mentis, propriè loquendo, intra vnâ Ecclesiam constituat tot Ecclesias, quot insunt Cappellæ? Tu verò ex ista S. Satyri Cappella facis nedum Ecclesiam sed insuper Basilicam, ab Ambrosiana diuersam. In hanc ex illa dicis delatum ad sepeliendum Satyrum à fratre Ambrosio, postquàm ibi orationem habuisset, & Missam celebrasset. Sed dato quod, ob frequentiam concionis, & loci

loci angustiam, hîc nō potuisset haberi oratio; cur saltem non debuit sacrificium offerri ibidem in Ecclesia, vbi defunctus erat tumulandus?

Imò veriûs, quæ necessitas, quæ cōgruentia potuit adducere Sanctū Aristitem, vt delatum iam cadauer fratris in magnam Ambrosianam, per te trimestre antea consecratam, Sanctisque Corporibus Gervasij, & Prothasij ornatam, inde efferret condendum in hoc gurgustiolum? Quid prestantius inerat huic, præ illa? Vtriquè gemmā sibi preciosissimam, de qua dixerat: *Nihil quidem habui fratres charissimi in rebus humanis tanto fratre pretiosius, nihil amabilius, nihil charius*; reponere debuerat in loco honorificentissimo, amabilissimo; qualis erat Basilica princeps, Portiana Cathedralis, vel ipsa recens consecrata, suo nomine nuncupata, & propter Sancta Corpora sibi reuelata illuc trās-lata, sibi tantoperè dilecta, vt propriū ibi destinauerit Corpus sepeliendum.

Quod

Quod si dixeris , præstitisse , dum in eiusdem Basilicæ Cappella humauit , tibi contradicis , quia per te hæc erat alia prorsus Basilica , in qua noluit detineri prædicta Sanctorum Martyrum Corpora , sed illata ad modicum tempus transtulit in aliam , nempe Ambrosianam .

Et certè ipsa Legenda Satyri à te adducta ex Mombrizio , Hilarione , & Manuscripto antiquo sic habet : *Translato denique ad Celeste regnum Sanctissimo Satyro , Magnus Pontifex Sacrosanctum ipsius corpus ad Basilicam Ambrosianam honorificè deportari fecit , prosequētibus innumeris exequiarum turmis . Quod tamen ipse lachrymarum riuulis irroratum in altera longè Basilica ad læuam gloriosi Martyris , proprijs manibus tumulauit . Nullum horum cōuenit huic tuæ Cappellæ ; nam ipsa non potest dici Basilica , nec longè ab Ambrosiana , nequè ornata Martyris alicuius corpore , ad cuius læuam sit sepultus Satyrus .*

Primò,

Primò, nemo cordatus hoc Sacellũ C. si quis de vita & honestas. Clericor. dixerit Ecclesiam; siquidem vix cernitur ibi vnum Altare; Ecclesia verò est per Sacros Canones illa, quæ præter Aram, & locum pro Populo, astante Sacris, continet etiam separatam stationem Clericorum, vel Monachorũ psallentium. Vbi Odæum isthic intri-
 uinari Ædicula? quantò minùs meretur Basilicæ vocabulum? Non enim quæcunque Ecclesiæ, sed insigniores dumtaxat hæc fortiuntur nomenclaturam; videlicet in quibus celebriori ministrorum frequentia, pro dignitate Diuina officia accuratiùs, & magnificentius persoluuntur. Sic appellantur in Vrbe Ecclesiæ Maiores, ipsumq; Ethimon docet nominis, ex Græco ducti: quod sonat Regiam à Basileos, quod est Rex. Hoc nomine Sacræ literæ insigniunt magnificam porticum á Salomone cõstructam ante Templum: quia planè regia erat. Id quod notat á Basilica Petri in fragmentis. *Quale adificium*

2. Paralip.
cap. 4. & 6.

80 FAX TERTIA.

cium Basilica esset , norunt , qui latinam linguam norunt. Ita Tempa Christianorum primò appellata , ob similitudinem quandam edificij , & usus publici . At, quæ regalis magnificentia, quæ similitudo ad aulas regias , quæ capacitas in usum publicum istius tuæ triobolaris basiliculæ? Quis, te dempro, haftenûs nō erubuit istiusmodi Cappellam , seu Oratorium vocare Basilicam?

Secundò : esset Basilica , utcumquè lubet . Sanè ea non stat longè ab Ambrosiana, vt perhibent à te relati Mombrinius, Hilarion , & Manuscriptum . At hîc excogitasti effugium . Euolutis Bibliothecis scrutatus es exemplaria , & nactus es manuscripta , nobis non visa, tibi soli cognita ; quæ pro verbis illis . *In altera longè Basilica* , negatione superaddita habent : *In altera non longè Basilica* . Iam hîc triumphas , hæc legitima lectio est, alia spuria: quia esse manuscriptum arguit accuratiorem textum . Proh hominis libertatem in scribendo

bendo quæcunque libuerit. Si manuscriptum inuētum esset Authographū, non malè diceret; sed descripta á librarijs exemplaria ab exemplaribus quis negauerit vitijs magis scatere; totiesq; menda irrepere, quotiès exemplaria multiplicantur? Lege quid de Augustino affirmat Bellarminus. *Ex libris*, quos Augustinus pro suis agnoscit in retractationibus, nemo iure dubitare potest, nisi forte de libro annotationum in Iob. Ipse enim Augustinus dicit, eum librum ita se deprauatum inuenisse vitio librariorum, ut vix audeat pro suo illum agnoscere. Eadem querimonia frequens est etiam Hieronymo, multisquè alijs Recentioribus, qui eo adducti sunt, ut prælo traderent suos libros á se castigatos, ne infamarentur Authores propter mendosa, & deformata, quæ circumferebantur, manuscripta exemplaria. Vel igitur Legendi illa de S. Satyro, tradita est typis ab ipso authore, & sic emendatior erit editio, quæ prostat per calcographiã,

L & ha-

*De Script.
Eccl. ab an-
no 300. vs-
que ad 400.*

& habet; *in altera longè Basilica*; vel alij imprimendam curarunt, & ipsi quoquè, qui hoc sibi onus assumunt, student habendis exemplaribus quàm maximè emendatis; plura colligunt; simul conferunt; rationi, & sensibus consentanea pensitant; corrigunt ubi opus sit. Nam pluris refert prodire è prelo tot exemplaria mendis infecta deinceps inemendabilibus, quàm de calamo vnius Scriptoris singulare manuscriptum exire.

Sed quid conaris suber mergere? Veritas nunquàm non de inuerisimili emergit. Sto tuis manuscriptis fidelioribus. Nunquid si dicatur *in altera non longè Basilica*, id congruit Sacello S. Satyri, existenti nunc intra ipsam Ambrosianam, & olim semper illi conterminò? Minimè. Dicere *non longè* est dicere aliquam distantiam; licet non magnam; non autem est dicere identitatem, & coherentiam locorum. Nequè enim diceres cubiculum, vel
hor-

hortus contiguus , non longè est à mea domo, sed intrà , vel apud ipsam domum. Benè autem Basilica Portiana dici potest respectu Ambrosianæ manere longè, quia aliquatenùs ab ea distat; eademq; non longè, quia non nimium distat. Quod si Scriptoribus Vitæ S. Victoris licuit his verbis *NON LONGE* significare distantiam inter Portianam , & locum martyrij illius sancti, quæ vix quatuor passibus minor est eâ, quæ intercedit inter eandem & Ambrosianam, cur non potuit Mombritus tuus emendatus per illud .

NON LONGE significare Portianam? Ecce Legenda S. Victoris *Quod corpus Sanctum lintheaminibus inuoluentes perduxerunt NON LONGE ab ipsa sylua, & sepultus est in pace* . Item Nouariensis Episcopus in vita S. Materni. *Maternus sacrum Corpus ablatum NON LONGE ab eo loco posuit , feris interim secedentibus , & sacri funeris finem expectantibus . Syluam hanc fuisse existimant , ubi est parua Ecclesia*

Surius 8.
Maij & manuscripta.
Carol. a Bas.
Petri & Ripamontius.

S. Victoris, & Canobium fratrum, qui seueriorem Sancti Francisci disciplinam sequuntur. Eius verò Corpus NON LONGE conditum, ubi adhuc manet, in ea, qua fuit Basilica Portiana, postea Sancti Victoris ad Corpus ex eo appellata. Imò dum Basilica Portiana legitur abesse NON LONGE à Basilica Sanctorum Naboris, & Felicis, hodie Franciscana, quæ ulterior est Ambrosiana, multò magis ab hac, quæ intermediat, potest dici manere NON LONGE. Audias eundem Episcopum in vita Sancti Castritiani. Is iam acceptam à Caio Philippi domum, ad eiusdem hortos sitam, fidelium Synaxi celebranda dicavit, atque eorum numero in dies augescente, varijs siquidem etiam miraculis ad veritatis cognitionem diuina misericordia mortales excitabat; alias quoque duas domos NON LONGE ab ea positas eidem usui sedulus Pontifex destinavit. Illa quidem Basilica omnium Sanctorum, & postea SS. Felicis & Naboris fuit; reliqua due à duobus Philippi filijs Portio, & Fausto, una Portiana, altera Fausti

sti dicta traduntur. Requiris pe alium? *Hist. Par.
lib. 1.*

Ecce Calchum: *Inter Caij discipulos*, is scribit, *egregius habebatur Castritianus. Hunc eligunt communi consensu Clerus, & Populus; qui statim domum Philippi hortis imminentē (hanc nequaquam dicit NON LONGE quia adstabat hortis, sicut Sacellū Sancti Satyri adstat Ambrosianæ) à Caio sibi traditam sacravit; ac primum orandi templum fecit. Nec ita multò post aucto Christianorum numero, duas alias Aedes, illi PROPINQVAS consecravit, quarum altera est Portiana. Multòq; magis potest dici propinqua Ambrosianæ interpositæ inter ipsam, & Basilicam SS. Naboris, & Felicis. Petis adhuc tertium Authorem? Adest. Io. Baptista Villa de Ambrosiana fatus, licet Italicè: Deniquè Basilicam hanc ego apprimè venerandam censeo; etiam propter hoc, quia condita reperitur in regione Ciuitatis felicissima, circumscripta locis Sanctis ac venerabilibus. Primò ferè contra Ostium maius Ecclesie, est Aedicula Divo Michaeli dicata, ibiquè Monasterium Virgi-*

*De septem
Ecl. Medi.*

*Virginum Cisterciensium. Antiqua est huiusmodi Ecclesia, gaudet Indulgentia, frequentabatur à Diuo Ambrosio, propterea est in magna veneratione, ubi adsunt plures Reliquia Sanctorum. PARVM LONGE deinde (sed ultra fossam) repetitur Portiana. Itaque Portianæ conuenit optimè dictum Mombritij, quod sit Basilica NON LONGE posita ab Ambrosiana, quæadmodum loquuntur de ipsa reliqui scriptores. Non sic autem proferri rectè potest ea locutio de Cappella S. Satyri. Et ineptè dixisset Mombrius eius Sancti Corpus fuisse ab Ambrosiana delactum in aliam, siue longè, siue non longè Basilicam, intelligendo de vna ex Ædiculis eiusdem Ecclesiæ Ambrosianæ. Altera quoque lectio LONGE pariter conuenit Portianæ, quod vltro fateris. Non enim sunt contradictoria *longè*, & *non longè*, quia per relationem ad diuersos terminos accipiuntur secundum Logicos. Qui dixerint, Portianam longè dista-*

distare ab Ambrosiana, verum dicent comparatiuè ad propinquiorem Basilicam SS. Naboris, & Felicis, ad aliam S. Vitalis, & ad tuam Cappellam Satyrianam, quæ coniuncta est Ambrosianæ. Alij quoquè verum dicunt, qui asserunt Portianam non longè ab Ambrosiana distare; ita enim est respectu Eustorgianæ aut S. Simpliciani Basilicarum remotarum. Nec aliter puto ipse tu responderes mihi precunctanti in Ambrosiana; Vbi est Portiana? Hinc non procul eam inuenies ad huius viæ medium. Sin autem adderem; putabam illam esse, quæ isthic proximior cernitur; nequaquam, responderes, sed adhuc longè est. Secûs verò dum sciscitarer, quàm procul sit Ædícula S. Satyri; Ecce ipsam, responderes indigitans illam, hic adest.

Cum Dominus noster in Euangelio pronunciasset de Ioanne Baptista, *Ipsè est Elias*; idem verò Ioannes interrogatus à Pharisæis responderit, *Non sum*

Homil. 7. in
Euang.

sum Elias videbantur hæc contradictoria; quorum alterutrum solummodò potest esse verum; ac proinde, aut Saluatorem, aut Ioannem fuisse mèritum. Sed nodum soluit Magnus Gregorius, ostendens, quomodo vtrumquè verū sit iuxtà diuersos sensus: *Quid est hoc fratres charissimi, quia quod veritas affirmat, hoc Propheta veritatis negat? Valde namquè inter se diuersa sunt: Ipse est, & non sum. Quomodo ergo Propheta veritatis est, si eiusdem veritatis sermonibus concors non est? Sed si subtiliter veritas ipsa requiratur, hoc quod inter se contrarium sonat, quomodo contrarium non sit inuenitur. Et rationem subdit: Ioannes igitur in Spiritu Elias erat, in persona non erat; quod ergo Dominus fatetur de Spiritu, hoc Ioannes denegat de persona. Pari ratione tùm editio Mombritiij impressa, tùm manuscripta (si modò huiusmodi reperitur) accipe vtramuis, siue dicentem LONGE, siue NON LONGE, conuenitur propriè Portianæ; non autem Cappellæ S. Satyri in*
Am-

Ambrosiana ; & sicut fateris , quod ij
 Scriptores *per illud LONGE* certè *Por-*
tianam indigitabant , indigitant eandem
 nihiloscitius per illud tuum NON
 LONGE . Sed accipe domesticum ,
 scilicet è Monachismo exemplum .
 Sanctus Pontifex Gregorius Magnus
 lib.2. Dialog. enarrans Sanctissimi Pa-
 triarchæ Benedicti gesta , refert foro-
 rem eius Scholasticam Sanctimonia-
 lem , semel in anno ad eum venire ;
 Virumq; Dei ad ipsam NON LON-
 GE extra ianuam in possessionem Mo-
 nasterij de rebus celestibus locuturū ,
 descendere , consueuisse . Miraculum
 quoddam in eo congressu aliquando
 accidit . Id in causa fuit , vt notaretur
 locus . Dicunt Casinates fuisse , vel vbi
 nunc est Oratorium , quod Albaneta
 appellatur circa medium Cassini Mon-
 tis ; vel ad ipsius Montis calcem , vbi
 specus visitur , de Scholasticæ nomine
 nuncupatum . Illud est compertissi-
 mum , vbi vis acciderit , locum , magis

M

dis-

distare à Monasterio, quam distet ab Ambrosiana Sancti Victoris Basilica. Nam cum per lōgum à summitate sparium Mons, in cuius vertice situm est Monasterium, ob frigoris asperitatem infrugifer sit; Monasterij possessio, ager scilicet cultus & fertilis, non potest ab eo non distare, & tamen vritur hoc loquendi modo **NON LONGE** Sanctus Dialogista. Sic Romanum Martyrologium Kalendis Aprilis, memorato Theodoræ clarissimi Martyris Hermetis germanæ agone, subdit sepultam via Salaria **NON LONGE** ab Vrbe, & tamen constat, nō nisi post aliquod passuum millia ab Vrbe, eius sepulcrum extitisse. Mombricius verò, scripsisse potius **LONGE** ut se à Basilicis Philippi, & Faustæ elongaret, quam **NON LONGE**, aliud indiriū præbet, dum de sepultura Marcellinæ Ambrosij, & Satyri sororis, loquitur. *Corpus eius à Venerabili Antistite Simpliciano reconditum, & fratris tumulo sororis tumulus est*

FAX TERTIA. 91

est. appositus. Si enim **NON LONGE** sepultus est. Satyrus ab Ambrosiana; suo scilicet in Sacello; Marcellina poterat dici apposita fratrum tumulis. . .
Esset enim eius sepulcrum medium inter duos fratres: licet qua parte Satyrū respiceret, aliquantū plus (non tamen nisi passibus circiter decem) ab eo distaret, quā ab Ambrosio.

Tertiū demū postrema particula Mombritij: *Ad leuam gloriosi Martyris proprijs manibus tumulauit;* nusquā minū accommodari posset, quā in Sacello hoc tuo Satyrano. Ecquis Martyrum iacet ibi sepultus associando Satyro? Ex tot Scriptoribus, qui descripserunt nostræ Urbis Sanctuaria, & diligenter conquisita narrauerūt sepulcra Sanctorum, quæ Mediolanensem Ecclesiam decorant, singula in quibus Templis habeantur, dum recolunt, nullus; quod viderim in hoc Sacello ponit Martyrem. Et licet nonnulli appellēt Martyres Sanctos Castum, & Poli-

M 2 mium,

mium, qui dicūtur ibidem condi, præterquam quod potius Confessores sūt, hi non erant mortui antè Ambrosium: multòquè minus ante Satyrum. Oportet ergò dicas ad cuius Martyris læuā in eo Sacello sepultus sit Satyrus. Dicis, & præstō habes Victorem Maurū (quandoquidem hic vnus dicēdus erat cui aliās certum erit in sequentibus illū fuisse associatum in tumulo) atquē in tui protectionem commenti furacem facis Ambrosium, & impostorem dolosum, qui sacrum Corpus á Portiana clanculūm eò transtulerit, alio supposito, vt imponeret Arianis. Sed audiemus te de hoc itèrum. Interim vitioso circulo reddis pro ratione quod ibi sepultus sit Satyrus, quia ibidem est Victor Martyr: & rursus, quod hic eo loci iaceat, quia iacet ille. Ex incerto incertum, ex ignoto ignotum, ex falso falsissimū colligis. Nox nocti indicat sciētiā, & quantis in tenebris palpes, facces illustrabunt subsequentes.

Sed

Sed nequè id facile, admiserim, eiusmodi Cappellam extitisse tempore obitus Satyri, fuissequè antiquiorem Ambrosiana ; imò dixerim huic additam decursu temporis , veluti appendicem . Qua enim loci angustia vrgebatur Ambrosius vt locaret suam novam Basilicam aded hærentem iam exedificatæ Ecclesiole? Sanè pauculæ illæ Ecclesiæ , quæ tunc aderant Mediolani, subnascentis Christianæ Religionis initio, certos suos habent fundatores, isthæc á quo fuerat condita? In hoc districtu hortorum Philippi non nisi tres á Castritiano constructas reperiō: Primam SS. Naboris, & Felicis in domo ipsius Philippi, duas reliquias Portianam, & Faustam in domibus filiorum eius, Portij & Fausti, vt mox audiemus ex Episcopo Nouariensi, & Calcho, nō dissentientibus Scriptoribus reliquis .

At inquis, hæc est prorsus ex tribus commemoratis vna, videlicet Fausta:
quæ

quæ deinde , recepto sacro Victoris Corpore appellata est Sancti Victoris ad Coelum aureum, ex eius Sancti imagine musivo opere expressa, quæ adhuc cernitur auro micans in fornice . Demùm transijt ad Sancti Satyri nomenclaturam, non sine causa, sed quia gaudet huius corpore . Rem confixisti egregiè . Verumtamen si decidendum sit votis, causâ cades: nullum enim pro te inuenio Scriptorem . Tu hic alter Esau . Manus tua contra omnes , & omnium contra te . Pueri, lippi , tonsores, ne dum Scriptores , clamant aduersum te, Faustam fuisse illam, quæ postea dicta est S. Vitalis: stetitq: donec superiori sæculo prouidus, Sanctusquè Carolus Borromæus iustis de causis demolitam, in vsus prophanos redegit, à nostris maioribus visam qui narrauerunt nobis, & erat quidem propè Ambrosianam, non tamen illi inhaerens sicut Sacellum Satyri .

Ioannes Franciscus Besutius in sua
Histo-

FAX TERTIA. 93

Historia Pontificali ait: *Crenit adeò fide-* In Vita S.
Castritii.
lium numerus, ut idcirco hic Sanctus Episco-
pus condiderit tunc duas alias Ecclesias ex do-
mibus dono acceptis à filiis supradictis Philippi
denominans etiam ab eorum nomine alteram
Faustinianam à Fausto, quæ postea dicata fuit
gloriosis Martyribus Vitali & Agricola, ob ip-
sorum Sacras Reliquias huc translatas.

Carolus à Basilica Petri in vita S.
Castritiani scribit, *Fausti Basilica, postea*
S. Vitalis, quæ inter Basilicam Franciscanæ,
& Ambrosianam posita est. Item in lib. de
septem Ecclesijs habet: *Nota sunt Basi-* In Proemio.
lica à filiis Philippi adificata pro quibus tanta
egit Divus Ambrosius aduersus Christi hostes,
Portiana, inquam & Fausta, hodie S. Victoris,
& Sancti Vitalis. Nec non in Vita S. Ca-
roli repetit. *Erat inter commemoratam*
Basilicam, quæ nunc est S. Francisci, & Am-
brobianam, alia S. Vitalis nomine dicata, quæ
Fausti Basilica fuisse putatur; de qua etiã apud
S. Ambrosium mentio est; ab ea titulum Paroe-
cia Carolus cum amouisset, mox etiam ei per-
suasum est, ut eam Monachis Ambrosianis cõ-
cederet.

Io-

Decad. 1.
lib. 1.

Joseph Ripamontius: *Portius & Faustus*, inquit, *imitata parentum proles*, *ultrò in sua tecta Pontificem induxere*, & *eò statim ille diuinas religiones induxit*, *Ædesq; Portianam unam alteram Faustinianam appellauit*. *Id gratia datum, ac pietati, ut sic largitores duorum fratrum animos futuri homines noscitant*. *Et mansere per diu templorum appellationes, donec potiora Sanctorum nomina, Victor illi, Vitalis huic incesserent.*

Lib. 1. cap. 2.

Paulus Morigia in libro de Mediolanensi Noblitate, loquens de duobus natis Philippi Fausto, & Portio, paternæ hæredibus Sanctitatis, *Primus*, ait, *edificari fecit Ecclesiam vocatam Faustinam, dictam S. Vitalis.*

Lib. 3. cap. 3.

Ioannes Petrus Glussianus in Vita S. Caroli scribit: *Atq; ad excitandam in populo quoque maiorem pietatem, opportunum censuit in hac iubilæi occasione transferre corpus S. Monæ Archiepiscopi Mediolanensis, quod quiescebat in Ecclesia Sancti Vitalis alias dicta Faustiniana.*

Tristanus Calchus, qui erat in viuis

uis anno sexagesimo supra millesimū quadringentesimum, affirmat, Nerua Imperante, Castritianum consecrasse *Hist. Patrie lib. I.* Portianam, & Faustinianam, quæ postea transijt ad appellationem. S. Vitalis.

Donatus Bossius, qui floruit octuagesimo āno sæculi quintidecimi in suo Chronico ad annum nonagesimū ait : *Faustus, & Portius fratres fecerunt duo Temppla videlicet S. Vitalem, & Sanctum victorē ad Corpus.*

Gauluaneus Flamma superioribus antiquior, qui scribebat anno trigesimo supra millesimum & trecentesimū, inquit : *Constructo ergo Templo Salvatoris, Faustus Philippi filius construxit Ecclesiam Fausti in vinea, ubi pro Christi fide postea fuit interfectus. Ista Ecclesia nunc dicitur Sancti Vitalis, ubi usq; hodie miraculum magnum apparet, quia ibi nec aranea, nec avis aliqua habitare potest.* *In Chron. Maior. c. 90.*

Bonaventura Castellionæus idipsū confirmat miraculum ; & (quod ad rē

N

nostram

In Vita S.
Castrit.

nostram facit) pro Faustianiana habet Ecclesiam S. Vitalis, his verbis ex Italico: *Obtinuit Castritianus à Fausto, & Portio hortum ipsorum, cum patrio palatio, ex integro; cunctisq; in potestatem Ecclesie redactis, Faustus ad imitationem Patris, in parte sua vinea hereditaria construi fecit aliam Basilicā sacram in honorem Christi, vocatā Faustinianam, sed postea decursu temporis nomen consecutam S. Vitalis, in qua Faustus ab inimicis fidelium tumultuario fuit occisus. Nec abs re videtur loquenti de hac Basilica meminisse eius, quod usque in hanc diem est observatum, in ea quantumvis humenti, male constrata, absque contignatione, undique vetusta, non habitent aranea nec earum tela unquā ibi apparuerint; insuper eandem non ingrediuntur volucres, esto undique aditus pateat. Nec potest esse suspectus incuriæ hic Author in referenda eius Ecclesiæ origine; quippè cū vicinæ Ambrosianæ Præpositus fuerit, ex prædicti miraculi observatione facile potuit animum adijcere, ut illius etiam authorem, antiquitatem, & veterem*

terem nomenclaturam diligentissimè inuestigaret.

Nec plures superaddam testes, parcens Lectorum fastidio: vnum non omittam, Breuiarium Ambrosianum recognitum, & editum iussu S. Caroli anno salutis millesimo quingentesimo octuagesimo secundo, quo plus sapere sanè fuerit desipere. Hoc in lectionibus S. Castritiani sub prima Decembris habet: *Is aucta fidelium multitudine alias duas Aedes consecrauit. Recensita autem Portiana subdit alteram Faustā vocauit, quæ post, ad eam translatis Martyrū Vitalis, & Agricola Reliquijs, illorum nomine appellata est.* Sacri enim huiusmodi Codices, vt decet, ab antiquioribus alijs exscripti: & consultis monumentis, & probatioribus Scriptoribus, sæpe recogniti, opera virorum in Ecclesiastica Historia peritissimorum, non sunt extimandi voluisse mentiri, aut rem dubiam pro vera admittere, cum facile fuisset omittere, quidquid non est pe-

nitùs exploratum .

Scio equidem áte non solùm Breuiarium, sed & prædictos omnes Scrip-
tores contemni: quinimò, plerisque
eorumdem relatis, profiteris oculatio-
rem sententiam . Sed conaris contra
ictum fluuij: hilum non proficies ad-
uersùs omnium Scriptorum profluen-
tem . Interim instrue te præpotenti-
bus, ac bipotentibus rationibus, discu-
tiendis face sequenti: Amodo audias
meas .

Causa extruendæ Faustæ Basilicæ
Castritiano fuit, ex relatis Authoribus,
numerus fidelium excrescens oppidò,
& redundans, ita vti non sufficeret
ijs recipiendis prior Basilica, in domo
Philippi cōstructa, & in dies fidei præ-
dicatio quàm maximè frugescebat: er-
gò ædificandum erat aliquid magni, &
indigentię opportunum: ne cras, aut
perendie cogerentur novas ædificare
Basilicas: & sicut Apes impleto alvea-
rio erciscere familias, nouasquæ sedes
con-

conquirere. Quale subsidium erat superaddere Ecclesiæ insufficienti pro multiplicatis fidelibus, Cappellulam Satyri, vix quinquagenæ hominum pacem? ergò non hæc fuit Basilica, in fundo, & domo Fausti constructa, ad multitudinem fidelium recipiendam.

Item: Faustus, & Portius eiusdem parentis Philippi proles, pares esse debebant non minùs censu, & diuitijs, quàm Religione, & pietate. Castritianum quoquè pare est credere, minoris non fecisse vnum, quàm alium. Ergò si Portiana Basilica (quod certum est) fuit amplè constructa, ita vt aduersùs Arianos in ea se munierit cum Ambrosio maximus Cætus fidelium, Fausta, soror Basilica vsquè adeò non debuit fuisse inferior illa; sicut est Capella Satyrana.

Præcedo: In Basilica Faustæ S. Ambrosius scribit, se deposuisse Corpora SS. Martyrum Geruasij, & Prothasij, transferenda postridie in Ambrosianam:

*Epist. 54. ad
Sororem.*

fianam : *Transtulimus vespere iam incumbente ad Basilicam Faustæ, ibi vigilia tota nocte, & manus impositio ; sequenti die transtulimus ea in Basilicam, quam appellant Ambrosianam.* Percipere nequeo, quâ intulerit Sancta Corpora prius in Cappellam S. Satyri, quâm in Ambrosianam ; dum non nisi per hanc pater accessus ad illam? ergò dicendum fuisset ; *Transtulimus ea in Ambrosianam, & hinc in Basilicam Faustæ*, si hæc eadem esset cum predicta Cappella. Dices ; Tunc temporis alio modo sterisse structuram eius Cappellæ nēpè separatim ab Ambrosiana, habuissequē proprium aditū. Non aquiesco ; nam ; fuisset separata ; habuissetquē proprium aditum quantumlibet ; certè non poterat ab Ambrosiana disiungi magis, quâm sit illa distantia quindecim vlnarum ; per quam modò cernitur vnita, mediante illo transitu, inter ferreos cancellos incluso ; qui priusquam clauderetur debebat esse angustus viculus . Imò tua verba

verba sunt; *Vix de nos ab ipsa Ambrosiana passus distat.* Et quorsum in huius & Ecclesiolæ angustias cogere vniuersum ceterum fidelium Mediolanensium; quorum tanta erat multitudo, ut obfisteret Arianis, ac potentiae Imperatoris Valentiniani? Procul dubio ad tantam celebritatem, tot miraculis illustratâ, credendum est confluisse Ciuitatem vniuersam; fideles adoratum; infideles derisum. Vulgabat fama, illic Energumenos liberari, cecos illuminari, pulcherrima Sanctorum Corpora conspici, sanguine recenti perfusa; quis non festinaret inuisum? Quæ turbarum cōpressio, quæ confusio adfuisset in Sacello, quod impleuisset ipsum solum ferculum? Quid inquam? Duo fercula: nam distinctis loculis, ea Sanctorum Corpora translata sunt: propterea arguis tabulam illam fuisse prægrandem quæ de camerâ deciderit, & amborum Sanctorum capitibus illisa vbertim eduxit sanguinem ex Gregorio Turonensi: præter

*Ingens concursus Populi
ait D. Amb.
scribens ad
Sororem E-
pist. 54.*

Num. 21.

*De Gloria
Mar. C. 47.*

præter luminum apparatus, cantorū;
 & sacrorum Ministrorum necessariā
 multitudinem, languentium, & ener-
 gumenorum turbas. Quis ordo pro-
 cessionis per illum angiportum ad Ba-
 silicam cohæretem? Tanti facienda est
 huiusmodi consideratio angustiae lo-
 ci, ut hinc à Basilica Petri sapien-
 ter redarguerit eos, qui asserbant
 Basilicam Portianam non fuisse quæ
 hodie est S. Victoris, sed aliam Sancti
 Martini proximam, & valde minorem
Portianam, ait, *mox S. Martini ad Corpus*
dictam aliqui scribunt; sed *utcumque sit*, in
rei demonstratione nulla est dissensio, neque enim
in fragment. credibile est Portianam Basilicam fuisse Aedi-
culam illam, quæ hodie S. Martini ad Corpus
appellatur, & à Monachis cum titulo Paroe-
cia, habetur; sed potius Ecclesiam S. Victoris
 longè ampliorem, & antiquiorem: Itaque si
 exiguitas Ecclesiæ S. Martini, quæ
 adhuc tripto maior est Saryriana Cap-
 pella, prohibet credere, ipsam fuisse
 Portianam, tantæ dignitatis Basilicam,
 iudi-

iudicium idem à fortiori faciendum ,
erit de Satyri Cappella , quod non
fit Basilica Faustæ .

Ad hæc: Tantam Basilicam condi-
tam in vsum fidelium excrescentium,
quibus non sufficiebat Ecclesia SS.
Naboris, & Felicis ad sacra ministrā-
da , credibile est fuisse Ecclesiam Pa-
rochiale; non autem fuit vnquam
huiusmodi Sacellum S. Satyri ; fuit
quidem Vitaliana , ergò hæc , non il-
lud fuit Basilica Faustæ . Imò cum le-
gatur S. Monam Archiepiscopum, red- *In Vita S.*
dita Ecclesiæ pace , ac Domitiani per- *Mona .*
secutione sedata, distribuiffe Urbem in
centum, & quindecim Paroecias , ad
tantum numerum explendum verifi-
millimū est adhibitas fuisse , quotquot
extabant , Ecclesias ; ergò Satyriana
Ædícula, vel ex hoc potest conijci nō
extitisse tunc temporis, quia Parochia-
le decus non habuit .

Item, quod magis est ; nouimus Ba- *Hist. Par.*
silicam Faustæ splenduisse Collegio *lib. I.*
O Cle-

Clericorum in diuinis inseruientium ;
 siquidem ex eis Calimerus assumptus
 fuit ad Archiepiscopatum referente

Hist. Pat.
lib. 1. Calcho, ibi: *Decennio ante Calimerus no-*

bilis Romanus à Telesphoro Pontifice sacris ini-
tatus, Mediolanum venerat ; & à Castritia-
no receptus inter Clericos Ædis Faustæ, ad eam
doctrina, & integritatis opinionem peruenit, ut
omnium consensu in defuncti locum subrogatus
fuerit similiter Besutius ; Cum agnouisset

In Vita Cali-
meri.

eum, loquitur de Calimero, Sancta vita
& singularis doctrina recensuit in numerum
Cleri Basilicæ Faustianæ ; quo in Collegio ma-
nens longè antecelluit ceteros pietate . Ripa-
montius quoquè enarrata foundatione
duarum Basilicarum, Portianæ, & Fau-
stæ profequitur : Castritianus, apertis in
hunc modum Basilicis, ut essent, quæ eas obti-
nerent, initiauit Sacris, & descripsit in Sacra-
munera, vicesquè quos ad quodcumquè mini-
sterium esse idoneos putaret . Per eos Christia-
na multitudo sine strepitu, ac tumultu coge-
tur in Templâ, partemquè publicâ iam lucis
usurpabat ; quos per diu latitare scuitia tem-
porum

Hist. Eccl.
Med. Decad.
1. lib. 1.

porum coegisset . Et infra Defuncto Castritano, postquam aliquandiū consultatum est, eunt ad Calimerum: certi cogere, nisi ultro manum daret . Erat is in Faustini Templic Collegiū ab hospite suo Castritano iam antea cooptatus; ibique plasmodia & Catechismo, ceterisque muneribus intentus martyrio firmabat vires, & avidè coronam expectabat, quàm olim petere non esset ausus . Ex quo pariter confirmatur, eam Ecclesiam fuisse Parochialem; in qua tradebatur Catechismus, ceteraque Ecclesiastica munia exercebantur . Vide, si peragi possint hæc in angustijs Cappellæ Satyrianæ; quantus populus in eam cogi; vbi locus in ea Clericis ad psallendum, ad functiones reliquas obeundas . Ostende saltem vestigia, parietinas Clericalium mansionum, & Postophoriorum . Benè autem fieri poterant ea omnia in Ecclesia S. Vitalis ampliori .

Deniquè, cum in cæteris nihil unquam tam patens extiterit, quin de eo dubitatū sit inter Scriptores, vt adhuc

*A Basil. Pe-
tri in frag-
ment.*

de ipsa Portiana nō defuerit, qui existimauerit aliam fuisse ab ea, quæ hodie S. Victoris ad Corpus dicitur, vna Ecclesia S. Vitalis citra controuersiam à cunctis recepta est pro Basilica Faustæ. Nec mirum, quia non permisit ambigere perennis, & viua traditio populi, qui quotannis cum Clero frequentabat eam, dum stetit, S. Vitalis Ecclesiam, in Litaniarum sacrarum amburbio, statuto à S. Antistite Lazaro, quadraginta plus minùs post annos ab obitu Diui Ambrosij, ad Celebriores tunc æui Ecclesias Sanctorumquè reliquijs insignitas; de quarum origine, & ratione Ripamontius habet: *Hoc ritu San-*

*Hist. Eccl.
Mediol. De-
cad. I. lib. 6.*

ctorum opem exposcunt, quocunque in templo deinceps consistere. Pontifex absoluta litania separatim precatur à Deo puram, integramque mentem, ad sacra tractanda pie ac pure. Ac post pauca: Hac in digressu canuntur, hac repetito mox itinere, donec ad Diui Carpophori valuas peruenere: Tunc in Sanctos auersi quorum reliquias, & ossa illa Ædes tuetur, vocat

eos

eos in diuina gloria partem, & suprema virtutis ac potentia pracones obtestantur. In ea Aede, ac deinceps ad cetera templa, in triuijs in Sacellis, ubi vetusta religionis sedes, ubi trophaea crucis, ubi statuta in tempus Ara, stationalis litania ius praefert sua sacra, suasque preces quo descriptae sunt ordine, ac ritu, certi chori, certique separatim ordines peragunt. Et paulò inferiùs; Has preces & hac Templa, positionesque Lazarus in hunc modum descripsit Clero, Populo; Mediolanensi. Quæris itaq; ubi vetustæ religionis sit sedes? Stationalis litaniæ ius præfert, quia loca, semel à Lazaro hoc cultu coepta frequentari, deinceps vsus quotannis retinuit. Vnde nec poterat de ijs obliuio irrepere; durat non intermissus ritus sacer vsque in hanc diem. Cum autem stationalis litaniæ ius prætereat Cappellam S. Satyri utique non est censenda ex ijs locis, ubi vetustæ religionis fuerit sedes; qualis maximè erat Basilica Faustæ. Et è conuerso Ecclesia S. Vitalis, ob id potissimum, reputanda est
venif-

venisse in numerum locorum venerabilium, electorum á Sancto Lazaro ad stationem litaniarum, pro vt deinceps obseruatum est semper : quia ibidem recolebatur memoria inclyti conditoris Fausti : cum cæterâ nullo fulgeret vsquè adeò pretioso ornamento , exceptis pauculis reliquijs Sancti Titularis . Etenim Sancti Pontificis Monæ corpus, post Lazari tempora , ab Heriberto Archiepiscopo in ea conditum fuit, translatum demùm alið , superiori Sæculo per Diuum Carolum . Næ incurius fuisset Lazarus, qui circuibat Ciuitatem, quæritans vetustæ religionis sedes, spectabilia Sanctorum inuocandorum monumenta, si rem sua Ætate recentem ignorasset , Cappellam nunc Sãcti Satyri fuisse celeberrimam illam, & decantatam Basilicam Fausti, sociam Portianæ . Imò iniurius fuisset Sanctis Satyro , & Victori; quos ais ibi sepultos esse cum Casto , & Polimio , si ipsis neglectis alia minùs sancta

FAX TERTIA. 211

Et loca cum supplicationibus adiisset;
 Nec sanè dici potest ignota tunc fuisse
 illorum Sanctorum sepulcra; tùm
 quia id non patiebatur memoria ali-
 quorum hominum viuentium, qui Sa-
 tyri funeri interfuissent; tùm quia de
 Victore testatur Gregorius Turonen-
 sis, celebre fuisse eius sepulcrum prop-
 ter cœlestem opem, quæ prestò erat in-
 uocantibus, præsertim captiuis. Nec
 certè longè quærenda erat Lazaro hu-
 iusmodi *Ædicula Sancti Satyri* (si tūc
 adfuisset, aut esset celebris *Fausta*) dū
 circumpositas inuiseret Ecclesias San-
 cti Ambrosij SS. Naboris, & Felicis,
 Sanctæ Valeriæ, & S. Vitalis, ad quas
 hodie litaniarum ius Stationalis per-
 durat.

*De Gloria
 Marr. c. 49.*

Caue etiam dixeris, immutatam
 fuisse aliquo tempore rationem Lita-
 niarum à Lazaro institutarum; quia
 adeò tenaces fuerunt in ea retinenda
 Præsules successores, vt adhuc diruta
 Ecclesia Vitaliana preces nihilominus

ma-

ma-

maneant, olim in ea recitari consueſſe. Statuit quippè demolitor eius Sāctus Carolus, vt in poſterum eæ recitarentur ad certum Altare in Ambroſiana inuiſendum pro illa in Stationibus Litaniarum; quod ſaltem eſſet Altare Diui Satyri. Sed eſt prorsûs aliud, & illi nullus cultus in litanijſ. Qui hoc fieri decuiſſet, dum ipſum Sacellum fuiſſet Baſilica Fauſtæ, & diues reliquijs SS. Victoris & Satyri?



FAX

FAX QVARTA.

*Extinguens rationes , quibus
contenditur Cappellam S.
Satyri esse Basilicam Fau-
stinianam .*



Estientem iam dudum
te video causam tuā
rui , Lectoremquē
pariter impatienter
expectantem audire
quas habeas ratio-
nes aded evidentes, vt pro illis despi-
cias cū vocem populi tūm vniuer-
sum Scriptorum cētum . Ne ergo vi-
dear argumenta pro me expādisse, pro
te autem facientia dissimulasse, tāquā
illorum vim subterfugiens , expandam
hæc quoquē, & expendam. Quid hic
expectas Lector? Auctorem verustis-
simum testem? Nullus adest , nequē
P recens,

recens, nequè antiquus. Celicam re-
 uelationem? Nil minùs. Sanè suffice-
 ret; sed hæc Sanctorum sunt. Quid
 ergo? Duæ picturæ proferuntur musi-
 ui operis: altera quidem in Ambrosia-
 næ Odæo, in qua exprimitur Ecclesia
 Faustæ sitæ quodam, magis congruèti
 Sacello Diui Satyri, quam Ecclesiæ S.
 Vitalis. Altera in ipsa Cappella Saty-
 riana, vbi leguntur hæc literæ FAVS-
 TIN. Ite nunc sapientes Doctores;
 ætatem infumite in euoluendis Biblio-
 rhecis pro veritate indaganda; poste-
 risquè tradenda: nocturnis impallesci-
 te chartis: vnus artifex lucubrationes
 vestras obliterat, fidem adimit, autho-
 ritatem eneruat: & quidem illius artis,
 cui cum Poesi licentia est confimilis ef-
 fingendi quæcumquè voluerit, iuxta
 illud Venusini carminis: *Pictoribus atq;
 Poetis Quidlibet audendi semper fuit æqua po-
 testas.* Tu vero inquis num. 75. *Eiusmo-
 di autem argumētum ab hoc musiuo deductum,
 tanti ego faciendum existimo, ut eo conuictus*
 ab

ab ijs omnibus dissentire Scriptoris cogar, qui nobis adhuc oppositum tradiderunt. Putabā arcanum aliquod hic educēdum in lucem: sed huiusmodi picturæ in propatulo iam á tanto tēpore omnibus prostant: non nisi cēci eas non viderunt, & nihilominus nullus nostratum Scriptorum eas tanti fecit: nullus inde conuictus omisit credere, & scribere, Ecclesiam Faustę fuisse ipsam, quæ postea dicta fuit Sancti Vitalis. Et mirū profectō Bonaventuram Castellionē inter ceteros, qui per aliquot annos Basilicæ Præpositum egit, nunquam ex inferiori Odeo fornicem versus suspexisse, ut literas illas *Ecclesia Fausta* animaduerteret, ac iuxta eas in suis monumentis ratiocinaretur. Pluris ego facio maiorum nostrorum sapientē vnū, qui seriō historiā scribat, quā Pictorum millia, qui sui capitis chimeras in parietibus, vel tabulis effingant. Non diffiteor etiam, his suam fidem deberi, quādo cumquē constiterit propositū

-odius P 2 ipsis

ipsis fuisse repræsentandi propriam rei
 imaginem, ex obiecto vero exempla-
 tam. Sed nunquàm illis intendam,
 quando aliud agentes circa opus libi-
 dinantur, & genio indulgentes appin-
 gunt parerga. Iste mihi spectanda ex-
 hibet Saluatoris cunabula rustico sub
 mapali: ille sub porticu marmoreis ful-
 ta columnis: alius in antro topho exca-
 uato: Cenantès cum Domino Apo-
 stolos hic intueor ad mensam oblongã,
 ibi ad rotundam, alibi super stratis re-
 cumbentes. Quid hæc ad rem? Num-
 quid propter Pictorum placita con-
 trouertam Euangelicam veritatem? Il-
 le Troiæ incendium, hic Vlyssis nau-
 fragia ostentat, pro vt allibuit pingere:
 ergo nè tenear credere, ita prorsus res
 se habuisse? Igitur, vt ostendero pic-
 turas, quibus inniteris, & ais conuin-
 ci, non fuisse appositas ad exprimendũ
 realem, ac verum situm, ordinemquẽ
 ædificiorum, quæ continent, nihil inde
 potes arguere contrariæ rationes; &

autho-

authoritates Virorum face præcedenti allatas . Nunc ad rem propius accedamus .

Notissima est historia , licet aliquatenus controuersa , qua refertur , Sanctum Ambrosium , dum Mediolani Sacra perageret coram frequenti Populo , inter lectionem Prophetiæ , & Epistolæ , raptum in mentis excessum , visum fuisse reclinatum super Altare , somno correptum tribus ferè horis indormisse , á Ministris tãdem excussum , & monitum , quod Populum iam nimis longæ moræ rederet , euigilasse , ac sciscitantibus de rei nouitate , qualiaq: tunc passus fuisset , respondisse : *Nolite turbari: multum mihi valet sic obdormisse ; quia miraculum magnum Dominus mihi ostendere dignatus est . Nam noueritis , fratrem meum Martinum Sacerdotem de corpore egressum fuisse ; me autem eius funeri obsequium praestisse ; peractoque ex more seruitio , capitellum tantum , vobis excitantibus , non expleui . Neque hoc merum somnium fuit ; si quidem*

Greg. Turon.
lib. 1. Mirac.
S. Mart. C. 3.

dem Mediolanenses, diem, & horam huius obdormitionis notantes, intellexerunt, á Turonensibus eodem tempore in eorum Ecclesia conspectum fuisse, agnitumquè sua Cappa indutum Sanctum Ambrosium; qui solemnes exequias celebravit Diuo Martino, præcedenti nocte defuncto. Tantum miraculum sancti Titularis cernitur expressum tessellato opere, seu musiuo, in Odæo Basilicæ Ambrosianæ. Vbi sedente Salvatore Domino Iesu Christo, medio inter adstantes Prothasium, & Geruasium, reliquum spatium implent duæ figuratæ Ecclesiæ; à dextris quidem Prothasij Toronica (sic ait inscriptio pro Turonensi) Mediolanensis autem á sinistris Geruasij. In illa exhibetur cadauer S. Martini in feretro adstante Diuo Ambrosio (nominibus enim inscriptis dignoscuntur) cum Clericis funeralia persoluētibus; in hac idem Ambrosius cernitur ad Altare in speciem dormientis; **Lectore**
in

in ambone mirante . Quod hic in argumentum suę assertionis Aduersarius assumit, est: quia ibidem ponè Ecclesiã Mediolanensem (quam ipse supponit Ambrosianã) cernitur expressum aliud Ædificium, signatum *Ecclesia Faustæ*; ergo ait huiusmodi Basilica censenda est, stetisse antiquitùs , quando perfectum est hoc opus, eò situ, & ordine , quo representatur in Musiœ: sed hoc situ, & ordine non manebat apud Ambrosianam Ecclesia S. Vitalis, imò manet potiùs Cappella S. Satyri ; ergò hæc præ illa reputanda est Faustianiana. Minorem probat; quia Ecclesia S. Vitalis stetit vbi domus, nunc quæ adhuc S. Vitalis dicitur ; stat ; non à latere , sed à tergo Ambrosianæ post hodiernum Chorum, & aliquantulum ab eo dissita . Nostrium autè Musiœ refert Ecclesiam Faustæ, lateralem Ambrosianæ, & figuræ orbicularis , qualis prorsùs est Cappella Satyrina: Sic enim scribit: *In hoc autè nunc Odae per Ædiculam illam, cui stat inscriptum*

scriptum ECCLESIA FAVSTÆ, non aliā video destinari, quàm eandem ipsam S. Satyri Cappellam. Figura illa est orbicularis; sic etiam ista. Et quanam verò altera, olim saltem, sic erat? Numquid Ecclesia fortè S. Vitalis, quæ propè Basilicam istam olim extabat? Ita sanè, multi respondeant necesse est, quos ego quoquè infra commemorabo. Sed ea profectò S. Vitalis Ecclesia non orbicularis erat figura, sed oblonga, soloquè cooperta tecto, sine fornice, ac sine altiori aliquo fastigio, quod ipsi met tecto superemineret; sic enim à nonnullis senibus, qui eam viderunt, accepimus. Sic etiam lateralis ea non erat Ambrosiana Basilica, sed ipsi à tergo post hodiernum Chorum, & aliquantum ab eo disita stabat.

Hoc argumentum ex pictura non est satis Historico dignum, nisi antea probetur, quod supponitur; videlicet, omnia in illa repræsentari iuxta verū, & realem ipsorum situm, ac ordinem. Nam si ad Pictoris libidinem impletus sit paries figuris, ac propositum fuerit tantum repræsentare miraculi substantiam

tiam , nil magis cogor ad credendum singulas, quàm canem arrodentem ossa sub Cēna Domini pictum . Exigo igitur, vt ostendas, qua sui parte pictura illa veram imaginem exprimat obiecti significati. Non sunt ad viuum & naturale specimen figuræ SS. Geruasij, Prothasij, Ambrosij atq; Martini; non Ecclesia Turonensis, non Mediolanēsis; & curerit huiusmodi Ecclesia Faustæ, quæ nihil habet cum historia miraculi, sed ingreditur vt parergon? Sed esset, vtcumq; dicis, ille, qui delineatur in hoc musiuo, verus situs Basilicæ Faustæ; ex eo probas quidem Ecclesiā S. Vitalis nō sterisse tali modo, & proinde fuisse diuersam ab Ecclesia Faustæ; at non ideo probare poteris, Cappellam S. Satyri manere eo loco, & ordine, quo ponitur in Musiuo Ecclesia Faustæ: scilicet in fine Ambrosianæ, contra altare maius, ad læuam ostij primarij eiusdem Ecclesiæ: imò Cappella S. Satyri extat ex opposito ad

Q aliud

aliud caput Basilicæ, lateralis, & sinistra Tribunæ. Vide quomodô hæc pictura posita sit ex artificis arbitrio, absquè proposito repræsentandi veram Ecclesiam, siue S. Vitalis, siue Satyri? ergò ex ea nihil potest concludi. Postquam medium illius parietis ornauerat Pictor imaginibus Saluatoris, & adstātium Gervasij, & Prothasij, reliquum quod supererat spatij, hinc inde impleuit pari ordine, & consimilibus picturis: nempè ex dextera parte Prothasij posuit inter duas palmas, inuicem cōuersas, Ecclesiam Turonensem transuersam cum tribus absidibus, seu pinaculis super recto, vna Cappellula ad pedes, altera ad caput ipsius Ecclesiæ: in cuius medio repræsentatur Ambrosius, circa Martini funus sollicitus. Ordine verò, & ratione prorsus parili ac respondentem, impleuit sinistrum Gervasij latus, Ecclesia Mediolanensi trāuersa, inter duas itidem inuicem conuersas palmas, cum tribus absidibus cū
Ædi-

FAX QVARTA. 123

Ædiculis ad caput, & ad pedes, & huic inscribere placuit *Ecclesia Fausta*: quia huiusmodi cum esset celebris Mediolani, indicabat in ea Vrbe tunc Ambrosium vacasse sacris altaribus, quando simul Turonis funeri adfuit Martiniano: in quo consistit substantia miraculi, quæ fuerat exprimenda: ob quã etiam causam inscripsit supra Ecclesiã nomen hoc Mediolanium.

Neque tamen adhuc mihi liquidum est, quod apud te omni dubio caret: videlicet Basilicam Ambrosianam fuisse ipsam, in qua contigit miraculum, eãdemquẽ representari in illo Chori musiuo. Sanè Gregorius Turonensis, qui primus tradidit mirabilem hanc historiam, nihil loquitur de Ecclesia, in qua Diuus Ambrosius tunc temporis sacra perageret: tantũ habet, quod Mediolani degeret. Tu nihilominũs fidenter agis paraphrastem illius verbis. *Qua quidem tam Gregorij, quàm Breuiarij verba, si ad propriam germanamquẽ significationem*

Q 2 accuratè

accuratè perpendantur, hunc profectò sensum præferunt: ut eodem ipso tempore, quo Sanctus Ambrosius ad altare IN HAC BASILICA consistens dormiebat, simul etiam conspicuus in Basilica illa Turonensi consisteret, ibique in adstantium conspectu agnitus pro Ambrosio Mediolanensi Archiepiscopo, defunctique Præsulis amicissimo, funus illi pompa solemni celebraret. Libenter audirem, vndè acceperis, quod Ambrosius cōsisteret ad altare IN HAC BASILICA. An quia ibi picta fuit huiusmodi historia? Necesse nè est, ut non exhibeantur in Templis gesta Sanctorum Titularium, nisi ibidem contigerint? Quis non abnuat? Imò genuina interpretatio verborum Gregorij, & Breuiarij, dum nullam specialem Ecclesiam nominant, suadet, ut intellexerint S. Archiepiscopum de more tunc sacris operatum fuisse in sua Cathedrali, qualem non fuisse Ambrosianam ex te habeo nu. 5. Sed ne Basilica quidem ista viuente Sancto Ambrosio, nobis Basilica Cathedralis, ac Metropolitana

politana prerogativam obtinuisse visa est adhuc.

Quæ celebritas extraordinaria impulit Sanctum Antistitem, tertio Idus Nouembris deferere Ecclesiam suam Cathedralē ordinariam, & adire persolutū sacra in alia non Cathedrali?

Oppositum magis indicare videntur Manuscripti Catalogi Archiepiscoporum Mediolanensium, quorum concordantia refert verba: *Hic super altare dormiens inter lectionem, & epistolam, per spatium fere trium horarum, IN ECCLESIA MEDIOLANENSI, Pictavi sepultura S. Martini, Cappa serica indutus, Corpus B. Martini sepeliuit.* Ecclesia cuiusquē Civitatis, absquē alio addito, intelligitur principalis, seu Domnica, vulgò Domus per Antonomasiā, & sicut per illā, quę in dextro latere picta est cū inscriptione TORONICA, nō ambigitur significari Cathedralē Martini Turonensem, ita per hanc, quæ absolutè dicitur Ecclesia Mediolanensis; cur non accipiamus Cathedralē Urbis.

Ambro-

Num. 95.

Ambrosij? Quod si adhuc abnuas, quia *Ambrosiana* sit, quæ musuo opere repræsentetur, dicam ego *Faustinianam* fuisse, quia inscriptione notatur. Nec aliæ defunt solidiores coniecturæ; pia nimirum propensio *Ambrosij* erga hanc Ecclesiam, quam inter cæteras sibi dilectam fuisse Ioannes Baptista Villa testatur; eò quod ditasset Reliquijs Sanctorum Vitalis & *Agricolæ*, Bononiâ, vbi ipse reconditos Martyres patefecerat, exportatis. Quamobrem probabile est consueuisse in ea frequenter sacrum facere; & eò præsertim tertio Idus Nouembris die, quodd esset octauus à Martyrum celebritate, ac proinde iuxta antiquum ritum valdè solemnis.

Agè nunc contemplemur, num ipsa graphices referat *Ambrosianam*. Vbi in hac tres tholi illi, supereminentes recto, amplior in medio, duo minores in extremis, quos præfert pictura? In hac pulpitum cum Lectore cernitur ad læuam

uam in imo Templi propè ianuam; nō sic manet in Ambrosiana. Huius post Tribunam non extat *Ædicula* illa turrita, & fenestrata, culmine hemispherico, quam ostendit musium. Et licet dicas: *Qua quidem Ædicula quis neget, hodierni Chori parietes, ambitumquē representari?* nemo non cæcus tibi concesserit, *Ædiculam* illam, quam musium ostendat post Tribunam, nil aliud habere hodierni Chori, præter situm. Deniquè ubi sunt in imagine musiva duæ illæ Cymbalarię turres, quę supra Ambrosianę frontem hinc inde assurgunt? Quod si dixeris, eas nondum fuisse constructas, cum pictura illa poneretur; saltem alio loco hæc Basilica habere debuerat turrem Campanariam, quæ nulla cernitur in musiuo. Sin autem occurras alio modo hanc Basilicam stetisse antiquitus, hoc est prorsus diuinare, velle conferre typum cum Ambrosiana, qualis non extat, & Faustinianam non extantem, cum Cappella S. Satyri existente.

Ego

Ego quidem reor, Pictorem noluisse exprimere hoc in latere duas Ecclesias: sed sicut in aduerso vnicam cum Cappellis adiacentibus posuit, inscriptam *TORONICA*; ita hic sub inscriptione *Ecclesia Fausta* comprehenderit totum illud ædificiũ, in quo spectatur *Ambrosius* ad *Altare*, & *Lector* in ambone. Nequẽ enim tantula portio parietis, continens inscriptionem, sola habet Ecclesiæ specimen. Quod si duę essent Ecclesię: quorsum minori, & ad rem nil facienti indere nomen: ipsam vero principalem, in qua repræsentatur historia, innominatam relinquere? Vt ut sit, clarissimum apparet, huiusmodi picturam non aliundẽ desumptam, quàm ex idea mentali artificis, & non immeritò floccifactam ab omniũ Scriptorum & populi traditione: per quam constat, Basilicam Faustinianam fuisse Ecclesiam olim Sancti Vitalis, minimẽ vero Cappellam Satyrianam: nullusquẽ abs te, tam imbecilli fuit ingenio,

genio, ut hoc umbratili argumento conuinceretur, ex pictura imaginaria, ad res non extantes traducta. Mepotius vrgent præter authoritates tantorum virorum, rationes validissimæ facæ præcedenti allatæ, & ipsa ab initio per ætates continuata populi traditio, venerata Ecclesiam Vitalianam præ Faustinianam.

Transeamus modò ad Cappellam S. Satyri, inspectatum aliud Musium, ex quo pariter desumitur argumentum, ipsam fuisse Basilicam Faustinianam. Suspicientibus Sacelli concameratum verticem medius apparet in Cælo aureo latè fulgenti Sanctus Victor Martyr; huiusmodi etenim nomen inscriptum est libro in manu eius patenti; sed præterea singulas Cruces grandiusculas manibus singulis gestat; in quarum transuersa parte characteres nonnulli visuntur; in dexterà quidem legitur PANE GRATIÆ, in sinistra verò FAUSTIN. Igitur, ais, hæc inscriptio

R abundè

abundè docet, Ædem illam esse priscam Faustinianam.

Cirò & facilè interpretatus es, pro ut tibi conduxit, Epigraphem Crucis læuæ: Agè iam interpretator etiam, quæ est in dextera. Non satis percipio, quid sibi velit ly PANE GRATIÆ. De hoc files. In primo fuisti Oedipus, in altero es Dauus? Pane gratiæ quid? Sanè verba hæc absquè verbo nullum gignunt sensum. Dicam ego, quod à fidei & sensato viro accipi, rationiquè proximum est. Pro dictione illa FAVSTIN primitiua inscriptio habuit PAVISTI NOS; & hæc benè concordabant cum verbis dexteræ; imò declarabant Crucis, cui inscribuntur, beneficium, humano generi præstitum: quo apprimè fruuntur tum ipse Victor, tum alij Sancti, in Sacelli parietibus hinc indè infra testudinem pari musuo expressi; nimirum quod, sicut per ligni vetiti esum inuidia Diaboli pauit hominem pane mor-

sis:

tis:

tiſ: ita, vt qui in ligno vincebat, in ligno quoquē ſalutiferę Crucis vincere-
tur, inde nos pane gratiæ paſti, redoca-
mur ad vitam. Malignum inierant cō-
ſilium Chriſti per dæ, per Cruces, &
tormenta eradendi caput de terra vi-
uentium, ne in membris Chriſticolis
nomen eius memoraretur amplius, di-
centes; Venire mittamꝯ lignum to-
xici in panem eiꝯ. Sed in lignum vitę,
& panem gratię conuerſę ſunt Marty-
ribꝯ cruces; quia ſicut ex pane ſtat
omne nutrimentum, & robur hominis:
ſic per Crucem Chriſti parta nobis
gratia, vegeti, & fortes efficiꝯ ad
opera vitę æternę; ad quę aliās imbe-
cilles, ac nullę ſunt naturę noſtrę vi-
res. Pane gratiæ, qui de Cruce nobis
eſt ſatus, & meſſus, confirmati corde
præualeꝯ aduerſus rebellem ſenſũ;
redigimꝯ in ordinem ſub iuſto ratio-
nis imperio paſſiones effrænẽ portio-
nis inferioris. Quod ſi hoc non innui-
tur ſignatis verbis; dicito. tu amabõ,

R 2 quid

quid prærendatur ly PANE GRATIÆ solo: & quid his verbis sit cum FAVSTIN, seu Basilica Faustæ.

Deinde, quorsum appinxissent dictionem sic mutilam, nec literarum numero respondentem verbis dexteræ Crucis? Cur non scripsissent integre & clarè (spatiū enim supererat) FAVSTINIANA? Contrà verò si legatur PAVISTI NOS, appositum facit sensum cū alterius Crucis inscriptione PANE GRATIÆ, & responderet dextro numero dictionum, & elementorum.

Quarè non leue offertur indicium suspicandi, fuisse has literas abrasas, & immutatas dolosè, ad astruendam loci antiquitatem, quanta requirebatur ad sepulcrum Satyri; quèadmodum postico eiusdem Cappelle altari callidè insertus est lapis, indicans ibi iacere eius Sancti Corpus; postquàm Abbate, & Priore eius Monasterij inspicientibus, nihilq; contradicentibus facta fuit

fuit inuentio, recognitio, & translatio eius Sancti cum alijs in Basilica Portiana, seu S. Victoris anno septuagesimo sexto vltra millesimum & quingentesimum, vt suo loco exclarescet. Sicut etiam ad eiusdem commentitiæ vendicationis fulcimentum, sub tabula & imagine recenti D. Ambrosij, suâ operam circa funus Satyri impendētis, nuper additum est ibidem aureis, & recentibus literis Epitaphium fratri compositum, quasi ab eodem ipso ibi primò affixum. Id quod aliorum relatione deceptus existimauit studiosus, & nobilis quidam antiquarum Inscriptionum nostræ Urbis collector, & vulgator; qui tamen certior factus erroris correcturus erat, ni iâ impressum fuisset, cum ad Typographiam accessit.

Pari ratione haud inuerisimile fit, eos, qui tot artibus student suadere possessum sibi Sacrum Satyri corpus, accommodasse illam Crucis Epigraphem suo instituto, nec valdè operosum erat ver-

tere

tere

tere PAVISTI NOS, in FAVSTIN, sicut consideranti patebit.

Ingenuè fateor, me literas huiusmodi cominûs non inspectasse, quippè in sublimi sunt, loco suboscuro, tribusq; ferreis cancellis inuicem distantibus non facile peruo; sed si alicui non denegetur propior accessus, comperiet, existimo rem ita prorsûs se habere. Interea si mihi hæc trāsmigratio inscriptionis denegetur, & re vera ipsa primaria inscriptio fuerit FAVSTIN, perpendendum rogo, quàm violenter hoc traducatur ad significandum, eam Ecclesiam fuisse Basilicam Faustæ. Vbi nam gentium consuetum fuit inscribere Ecclesijs nomen ipsarum? perinde omnino hoc fuerit, ac si quisquam in fronte, vel in scapulis gestaret suum nomen, vt dignosceretur. Templā habentur satis nota ex semetipsis, & Populi nuncupatione. Secundò si addenda fuisset inscriptio nomenclaturæ illius Ecclesiæ, ineptissimus omniū erat

locus

lōcus ille in vertice concamerationis,
in Cruce à S. Victore prætēsa è regio-
ne alterius Crucis, cuius inscriptio di-
versa est toto cēlo ; sed affigenda fuif-
set in fronte, aut suprà postes, vel su-
perliminare Ecclesiæ. Tertio ad ho-
minem: minimè omnium pōtes ita in-
terpretari tu, qui, num. 80. laboras in
suadendo, non male dicere eos, qui
vocant Basilicam Faustæ potiùsq̃uam
Faustinianam à Fausta filia, non autem
à Fausto filio Philippi, & rationem af-
fers; *Atqui in nostro Odeo inscripta manife-
stissime legitur ECCLESIA FAVSTÆ ;*
Sanctusquē quin etiam Dōctor Ambrosius nus-
quam legitur aliter eam nominasse, quàm BA-
SILICAM FAVSTÆ, in epistola scilicet
54. ad Marcellinam sororem, quemadmodū
ex ipsius calamo scribit etiam Cardinalis Ba-
ronius in eiusdem Vita. Nequē igitur Sanctus
Ambrosius (dicam ego) nequē maiores illi nō-
stri, è quorum prescripto Basilica illi Faustinia-
na adscriptū in Odeo fuit ECCLESIA FAV-
STÆ, nec item illic Baronius, aliq̃uē omnes
hac

hac in re ipsos sequuti, censuerunt eam, sic è Fausto fuisse denominatam, sed potius è Fausta filia, & fœmina. Igitur quæ in Odæo Ambrosiano intitulatur ECCLESIA FAVSTA eadem non erat significanda in contiguo Sacello per hoc nomen FAVSTIN; absoluta magis res erat inscribere FAVSTA, & cum Odæi musiuo concordare.

Quid ergo, instas, significabit ea dictio? Alia omnia. Nonnè pretendere potest Faustini vel Faustinae nomē, Benefactoris, aut Benefactricis, qui ornandum curarint locum eo opere musiuo? Nonnè ipse artifex verisimilius nomen suum, quàm Ecclesiæ appingere potuit; cum hoc insuetum, illud maximè solemne sciatur? Sic in Metropolitana legimus Sculptorū insignium nomina Bissij, & Buschæ; sic in Vaticana Romæ ad Mausoleum Pauli Papæ Tertij marmoreum quoddam simulacrum nomen ostentat Guilielmi Portæ artificis in libro, quem manu tenet.

net. Quid plura? In ipso aureo altari;
 quod Ambrosianæ Basilicæ obtulit
 Archiepiscopus Angilbertus Pusterla,
 à te luculenter descripto, nonnè Vul-
 ninius ipse artifex se met insculpsit in
 speciem recipientis coronam pro ope-
 ris labore, à Diuo Ambrosio? Deniq;
 nihil frequentius, nil magis obuium
 quàm in egregijs artefactis, artificum
 elucere nomina. Usquè adeò viguisse
 legimus hanc ambitionem; vt Phidias,
 cum non liceret per legem Athenien-
 sium Artificibus sua nomina operibus
 indere, imaginem sui ipsius è speculo
 ita ad viuum transtulerit in clypeum.
 Palladis à se elegantissimè efformatæ,
 vt quisquis primo exclamaret intuitu,
 en Phidiam, en Phidiam.

Peto demùm abs te, quando nam in-
 signis hæc Basilica Faustæ mutauit ap-
 pellationem? Respondes: *Nobis etiam
 ex eiusmodi fastigio ac vertice aurato profecta
 videtur ea ipsa Sancti Victoris ad Cælum au-
 reum appellatio.* Igitur, si cum ornaretur

S

nouo

nouo illo musuo Ædicula, ex tūc amiffura erat nomen Faustinianæ, & vocāda deinceps Sancti Victoris ad cælum aureum; tantum abest, vt congruerit inscribi per illud FAVSTIN nomen Basilicæ Faustinianæ, vt potiùs expūgendum fuisset, si prius ibi extitisset, ad abolendam veterem nomenclaturā. Sed proh triste fatum huius Basilicæ! Ceteræ Ecclesiæ proprium iugiter seruant nomē, absquē vlla sui superscriptione, sola populorum traditione per generationes & generationes; hæc autem, vel cum nomine superscripto, ignorata est cunctis abs te: lynceus tu solus, & sagax: reliqui omnes lippi, & bardi, qui aut non viderint, aut non cogitauerint, aut á nullo maiorum traditum audierint, literas illas esse in vocabulum Ecclesiæ Faustinianæ, quam dixerunt perpetuò Ecclesiam S. Vitalis.

Penè exciderat mente aliud tuæ assertionis argumentum, ex antiquitate parietum

parietum deductum : hos namquè ex
 aspectu censerì vetustiores Ambrosia-
 nis, perfacile suafu facis, quodd inten-
 dis, Cappellam S. Satyri præextitisse
 Ambrosianæ Basilicę, sicut præextitit
 Faustiniana. Scribis enim : *Altera ve-*
rò S. Satyri est Cappella ; eademquè intus, ac
præsertim foris à tergo, ubi ex antiquo anteri-
dibus, & erismis (Barbacani. Contraforti, e
speroni à nobis Italicè vocantur) ne vetustate
corruat, hinc inde fulta est ; tantum profectò
spiras vetustatis, ut citra dubium censerì de-
beat longè vetustior ijs met Basilica parietibus,
quas præ cæteris primores, & ab ipso met San-
cto Ambrosio conditos credere possumus. De-
 cipimur planè omnes in iudicando de
 his, quæ percupimus. Sæpè Intelle-
 ctus voluntati præposterus ab hac tra-
 hit iudicium. Tu *citra dubium* censerì
 debere, ais, hos parietes vetustiores il-
 lis: cum inter ipsorum ætates adedè exi-
 guum esse possit discrimen, ut sensibus
 fiat imperceptibile, nullaquè ingenij
 perspicacitate certò indagabile. Essent

S 2 parie-

parietes Cappellæ S. Satyri ipsi, quos
 opas, Faustinianæ: quot annorum ve-
 tustate præcederent Ambrosianos pa-
 rietes? Vix sesquisæculo; hæc autem
 ætas, quamvis absolutè spectata sit
 non modica, tamen comparata ad æta-
 tem tredecim sæculorum Ambrosiani
 Ædificij, eandem proportionem ha-
 bet ad ipsam, quam sesquiannus ad tre-
 decim annos. Si ergò nequires citra
 dubium discernere vetustatem maio-
 rem, vel minorem inter duas domos,
 ædificatas, alteram anno sæculi nostri
 quadragesimo tertio, & alteram qua-
 dragesimo primo; quomodo præsumes
 statuere de vetustate maiori aut mino-
 ri. *citra dubium* solo aspectu inter parie-
 tes Faustinianæ, & Ambrosianæ? Ego
 quidem valdè hæsitarem, & fortuitò
 pronuncians facillimè fallerer ex de-
 teriori structura iunioris existimans
 seniore. Atquæ, ais, imbecillitas
 parietum Satyrianæ, indigentium ful-
 ciminibus iam à tanto tempore, ipsa
 lo-

loquitur, & testatur senium Ædificij.
 Verùm, inquam ego; ergò infirmitas
 omnis est index senectutis; ergò ado-
 lescens claudicans, quia nititur bacu-
 lo antiquior erit erecto, ac vegeto
 septuagenario. Prorsùs tua isthæc
 sententia de Cappella S. Satyri, quod
 sit Ecclesia Faustæ, licet recentissima
 sit, adeo tamen labascit, vt nullis an-
 teridibus, & erismis, fulciminibus nul-
 lis sustineri queat, ne corruat. Bonis,
 vel malis materibus, ac opificijs esse
 constructa Ædificia, istud reddit ea-
 dem firma, durabilia, & aspectu no-
 ua, vel secûs. Aspeximus nostra æta-
 te Templi S. Alexandri tholum, vix
 constructum oportuisse demoliri; nec
 non Victorianæ nostræ Ædis collap-
 sam partē, dum ædificaretur. E con-
 tra sunt aliqua vetustissimæ structuræ
 ædificia, quæ vix ferro & igne, multo
 labore, & sudore destrui valeant. Hu-
 iusmodi sunt in Vrbe nostra S. Ioannis
 in

in dolio , S. Eustorgij , & S. Aquilini Ecclesiæ, quæ , inter antiquitate præcipuas censentur, apparent nihilominus ita firmiter compactæ, vt sine anteridibus & erismis videantur vnquã nescituræ ruinam . Et certè longè ampliores mole sunt quàm Satyriana Ædicula , quæ ob sui exiguitatem , si ab initio condita fuisset structuræ validæ, non eguisset fulciminibus .

Cum itaque leuidensibus hiscè rationibus , seu veriùs coniecturis improbabilibus , ex verustate parietum , ac ex vtraq; pictura musiuâ, tùm Chori Ambrosianæ , tùm Cappellæ Satyrianæ argui nequeat, hanc esse priscam Faustinianam, inconcussa manet communis Historicorum sententia , Maiorum traditio , vulgiq; acclamatio , demolitam superiori sæculo Ecclesiã S. Vitalis fuisse veterem Basilicam Faustę; & consequens remanet, Ædiculam Satyrrianam nil esse ampliùs quàm

FAX QVARTA. 143

quàm simplex *Ambrosianę* Sacellum,
nec antiquitate , nec nobilitate vlla
preferendum ipsi *Basilicę Ambrosia-*
nę , vt in eò potiùs , quàm in hac se-
peliret *Diuus Ambrosius* charissimum
germanum *Satyrum* , præter peculia-
res rationes tertia face indicatas.



FAX

FAX QVINTA.

*Demonstrans, Diuum Satyrum
sepultum fuisse in Basilica
Sancti Victoris olim Por-
tiana .*



Vecunquē disputauimus haftenus , ea premissa sunt ad illustriorem veritatis ostensionem ; vt appareat , etiam historica monumenta causæ nostræ suffragari , quatenus palam fecimus , tantum abesse , quod Diuus Satyrus sepultus fuerit in Ambrosiana Basilica, vel Satyriano Sacello; eius portione; vt nequē potuerit id fieri in illis nondum extantibus . Ceterum , euicto etiam per Aduersarium , quod nulla essent ; quæ hucusquē demonstrauimus , nihil
am-

amplius obtentum esset, quàm potuisse illius Sancti Corpus sepulturæ mandari in supradictis locis, non minùs quàm in Ecclesijs S. Eustorgij, Sanctorum Naboris & Felicis, Sancti Nazarij, Fausta, Portiana, ceterisque tunc temporis existentibus. Vis potuisse id fieri? potuit: quid ad nos? Quæstio nostra non est de possibili; generalissima hæc thesis iam contracta est, ad quem locum Diuus Ambrosius prælegerit cōdere exuias fratris Satyri, & vbi nam de facto condiderit. Nos concordantia cum Populi acclamatione, & Scriptorum attestatione exhibemus locum, inscriptionem, corpus ipsum cum socio in Ecclesia Sancti Victoris (siquidem quod exhibetur per publicas tabulas, editas coram Sanctissimo Archiepiscopo, illustribus viris, probatis testibus, vniuersaque Ciuitate; perinde est, ac si, quod ij inspexerunt, & nostris oculis iugiter subijceretur.) Tu verò quid profers? *Eieri*

T

potuit,

potuit, Quid si factum sit hoc, vel alio modo? Iam non opus est quæritare quid nam, aut quali modo fieri potuerit, nequè quid sibi perſuaſerint Ambroſiani Monachi, quidquè paucis alijs inſtillaerint bona fide; quando adhuc non inuento, & recognito eo ſacro corpore, eorum ſolitaria opinio poterat cū noſtra, & populi, quamvis impari marte, pugnare. Nunc verò poſtquàm omnis ambiguitas ſublata fuit, & quæcūquè deſiderari, & peti poterant à contradicentibus, in veritatis certificationem, præſtita ſunt, vt quid denuò ritionem fumigantem educere de cineribus iam ſopitum, ad nouas litium flāmas inaniter accendendas? Ex pluribus ſacris locis, in quibus tempore Sancti Præſulis Ambroſij pietas Mediolanenſis in Dei cultu egregiè exercebatur, celeberrima fuit Baſilica Portiana, vt attigimus ſuprà, à Beatiffimo Epifcopo Caſtriciano excitata, & dicata in fundo Portij, filij Philippi. Hæc præ

præ ceteris inuidentes fidelibus Ariani postulauerunt in primis pro Auxentio eorum Pseudoepiscopo. Constantissimè ab Ambrosio denegatam, illata vi conati sunt Augustis fauentibus, expugnare. Strenuè repugnarunt nostri, & euicerunt. Iterum, obsidione pressis fidelibus iniectæ sunt aliquando in templum à sacrilegis faces, nec tamen illæ sacros parietes aut tecta adlabere ausæ sunt, ne pietas aut Religio quæ tunc Mediolani vigeat aut Diuorum ibi tumulata corpora læderentur. Impij stupore perculsi discessere: Catholici cum fidei Pastore, in Diuino præfidio securi, & læti instituerunt, hymnis, psalmis, & Canticis in Dei laudem hostiumquè contemptum vacare. Nā quæ maxima huius Basilicæ laus est, & Oliueranis Monachis, quibus eam cōtigit possidere, ingens in Domino gloriandi ratio: ibi primum terrestris plasmodia, imitatrix Cælestium concentuum, audita est resonare, Ambrosio

*Paulinus in
Vita Amb.*

*Ripam. De-
cad. 1. lib. 4.*

*Sermo de Ba-
sil. non tra-
dendis.*

T 2 insti-

institutores ; vnde postea ad orbis vniuersi dimanauit Ecclesias, Damaso Romano Pontifice, Hieronymo, Benedictoque Monachorum legislatore propagantibus . In hac diuinæ laudis magistra Metropolitana fixerunt Cathedralam aliqui priores Archiepiscopi, inter quos Sancti Mirocles, ac Prothasius, post huius vitæ curriculum sacra sua ossa ibidem reliquerunt . Eandem selegit Ambrosius ad differendū de altissimo Incarnationis Dominicæ mysterio , prouocatus à duobus illis Gratiani Imperatoris cubicularijs, Arianis illusoribus , quibus ad condictā diem non comparētibus, nihilominus Doctor Sanctus exedram conscendit , tractatum habuit illis verbis exorsus : *Debitum fratres curo soluendum, sed hesternos meos non inuenio creditores* : In eadem, sicut olim in Hierosolymitano Cenaculo , congregatis fidelibus pro electione Episcopi Spiritus Sanctus dignatus est visibili specie apparere , igneisque cor-

Idem Paulinus .

Gualuaneus
Flamma .
Carolus a Ba
silica Pet. in
vita S. Mona.

corruscātibus radijs capiti Monē infedit, ipsum indicans eligendum . Sed & temporibus subsequētib; decoratus est locus aliorum Sanctorum sepulcro, præsertim Archiepiscopi Dattij . Precipuum autem decus Basilica auspicata est ex Corpore Sancti Victoris Martyris, eius quidem, qui genere Maurus, sub Maximiano Imperatore miles , pro confessione Christianæ fidei ab eodem iussus est, post varios cruciatus, capite plecti Mediolani in Sylva, quæ dicebatur ad Vlmum, propè viridarium Imperatoris, cui etiam Martyr iam iam occubiturus extrema vaticinatus est. Barbari Tyranni mandato corpus volucris, & belluis adjudicatum pabulum, cum per sex dies iacuisset inhumatum, ac bestiis illibatum imò à duabus ex ijs custoditum, excubantibus ad caput vna, altera ad pedes. Diuus Maternus Archiepiscopus anno salutis trecentesimo septimo sepeliuit, non procul à loco Martyrij,
in

in hac Basilica Portij; qui tandem Ecclesiæ denominationem celsit Martyri, tanquàm digniori. Sed & cum tractu temporis in honorem eiusdē plures aliæ Ecclesiæ Deo dicatæ fuerint; speciali cognomine *ad Corpus* hæc est ab alijs discreta, in quibus sacra quidē Martyris memoria colebatur, non autem Corpus. Ex huiusmodi præclarissima prærogativa, nimirum sepulcri inclyti Martyris Victoris, Ambrosius selegit Portianam ad contumulandum dilectissimum fratrem Sathyrum, quando aliàs ipsa Ecclesiæ dignitas id ipsum efflagirabat. Et in qua nam alia magis decebat reponi sacrum Corpus tanti Herois, ipsius Archiepiscopi, & Metropolitæ germani? Porro non ignorandum est, celebrem tunc temporis fuisse fidelibus religionem, satagendi, ut sua corpora quodocunque ipsis exui contigisset, sepelirentur in sanctioribus locis, ubi memoriæ Sanctorum Martyrum colerentur. Super qua
con-

FAX QVINTA. 151

consuetudine Paulinus Augustinum consuluit; videbatur quippe illi inanis hæc fides, qua credebatur, iuuandas fore Defunctorum animas precibus Sanctorum, apud quorum reliquias haberent humata corpora; dum statim ab obitu, ut inquit Apostolus, præsentari nos omnes oportet ante Tribunal Christi, ut referat unusquisquè prout gessit in corpore, siue bonum, siue malum, non autem pro ut iam egressis è corpore suffragata fuerint aliena Sanctorum merita. Pro cuius quæstionis solutione, Sanctus Doctor libellum rescripsit de cura gerenda pro mortuis, ubi sapienter edisserit, quatenus non sit inanis hæc fides; habetquè hæc inter cætera. *Cum itaque recolit animus, ubi sepultum sit charissimi corpus, & occurrit locus, nomine Martyris venerabilis, eidem Martyri animam dilectam commendat recordantis, & precantis affectus, qui cum defunctis à fidelibus charissimis exhibetur, eum prodesse non dubium est ijs, qui cum in corpore viveret,*

taliter.

taliam sibi post hanc vitam prodesse, meruerunt.
 Hæc quoq; religio pijsimo Ambrosij infederat cordi, qui sepeliens fratrem Sanctum, propterea iuxta eundem sibi quoque sepulturam meditatus dixit. *Et commendabiliorem Deo futurum me esse credam, quod supra Sancti corporis ossa requiescam.* Nec mutauit omnino sententiam, cum postea, inuentis & translatis in suam Ambrosianam Corporibus Sanctorum Geruasij, & Prothasij, apud hos se sepeliendum optauit. Ex quo Baronius notat; *Quanti fecerit ipse Sanctus Ambrosius, apud Sanctos Martyres sepultura locari Christianum hominem; ex eo poteris intelligere, quod ipse etiam voluit sepeliri in Ambrosiana à se erecta Basilica; in quam transtulerat corpora Sanctorum Martyrum Geruasij & Prothasij.* Idem Sanctorum sepulcri consortium, quod sibi affectauit, procul dubio existimandus est curasse fratri, quem enixè, nec minùs quàm se ipsum diligebat. Supremum enim istud erat fraternum dilectionis obse-

In obitu fratris:

*Ad annum
Christi 383.
Art. 17.*

obsequium, idque eum præstitisse ostendit exertè Tetrasticon, quod composuit pro Epitaphio, & inter eius carmina in nouissima impressione legitur huiusmodi.

*Vranio Satyro supremum frater honorem,
Martyris ad læuam, detulit Ambrosius.
Hac meriti merces, ut sacri sanguinis humor
Finitimas penetrans abluat exuias.*

Et licet non signet nomine, ad cuius Martyris læuam sepulturam dederit, quippè res per se manifesta erat, illa ætate, in conspectu Urbis vniuersæ gesta; conseruabatur maiorum traditione huiusmodi notitia, quod in Portiana, vbi Victoris Corpus, ibidem Satyri conditum erat; donec superioris sæculi anno septuagesimo sexto compertum est, non fuisse falsam hanc fidem, quando, Beatissimo Antistite Carolo Borromæo, inter cetera Sanctorum Corpora vtrumquè compertum est, & Victoris, & Satyri in eadem arca, ille ad dexteram hic ad sinistram, antiquif-

quissimis inscriptionibus amborum nomina indicantibus .

*In Magna Bi
bl. Veterum
Patrum Tom.
4. Secunda
partis .*

*Bar. ad ann.
Christi 383.
Art. 16.*

Quæ Sāctorum corporum relectio locupletissimum testimonium adepta est, cum decimo septimo post anno, nimirum nonagesimo tertio superioris sæculi, opera Nicolai fabri eruditissimi Iuris Consulti Parisiensis, è tenebris erutum est opus Dungali Auctoris illustris, inscriptum Ludouico Pio Imperatori, eiusquè filio Lothario Augusto, aduersus Claudium Episcopū Taurinensem Iconomacum, anno salutis octingentesimo, & vigesimo. Huius beneficio literis consignata remansit res, sua ætate luculenta, ut potè ante tot bellorum, incendiorum, vastitatū ac pestilentiarum, ab Vrbe nostra Mediolanensi perpeffa discrimina; vnde solent gestarum rerum monumenta perire, & confundi; nempè Sanctum fratrem Ambrosij Satyrum ab ipso cōtumulatum fuisse Martyri Victori. Ait namquè circa libri calcem, post relata-

tam

tam Augustini sententiam de fidelium
sepultura iuxtà Sanctorum Corpora :
Idcirco ut arbitror Ambrosius suum fratrem
Satyrum, quem nimium dilexerat, iuxtà S.
MARTIREM VICTOREM sepeliuit:
subditquè mox allatum Epitaphium .
Cerrè auctor hic octo sæculis ante-
rior, á nobis corruptus non est, vt tue-
retur causam nostram, & rem aded às-
seueranter narraret, pro vt in factò cõ-
perta est á Sancto Archiepiscopo Ca-
rolo post annos septingētos quinqu-
gintasex . Nequè nostri supponere
potuerunt bina ea Sanctorum Corpo-
ra in eadem arca lapidea, laminis plum-
beis colligata, sub Altari, eodem pror-
sus situ , pro vt tanto pridem dixerat
Dungalus ignoratus . Exinde itaquè
lux affulsi & tetrastico, quod aiebat ad
læuam quidem Martyris , sed non cu-
ius, sepultus fuisset Satyrus, & Mom-
britio, qui scripserat itidem Satyrum
ab Ambrosio lachrymis irroratum in
Ambrosiana, in alia longè Basilica fuis-

se humatum ad leuam Martyris in editione impressa, & Martyris Victoris in manuscriptis á te proditis. Quis modo ambigat Satyri sepulcrum esse id ipsum Victoris Martyris Mauri? aut quis illius ossa sibi asciscat, qui istius nequeat ostentare? Benè sit Dungalo, qui etiam Aduersario nobiscum conuenire fecit in hoc, vt fateretur Scriptoris huius irrefragabili autoritate citata, non alium sepulcrum fuisse Cōfessoris Satyri, quàm Martyris Victoris, & propterea hūc adegerit, vt si probare velit illum in Satyriano Sacello iacere ad Ambrosianam, etiam hunc ibidem condi coactus sit dicere primus. Spreta; aurea illa sententia, quam ipse collaudat num. 88. è Basilio Magno in oratione de Ieiunio: *Omne quod vetustate praeceat venerabile est*, rem inauditam pronunciat, & quidem se ipso teste, admiratione dignam; dum ait: *Quod auditu mirum videtur. Mirum profectò, sed non ita procul à vero; & ubi opus*

opus esset palpabiles, euidentefquè nimis rationes prætere, obscurissimis coniecturis inhærens, conatur præter Sancti Antistitis Borromæi totiusquè Cleri, Senatus, Populiquè Mediolanensis oculatam fidem, venerandam quoquè temerare antiquitatem; quæ hiulco, vnoquè ore omnibus sæculis proclamauit, & coluit Mauri Victoris Corpus in Portiana. Onerosum valde & superfluum foret, recensere omnium ætatum Auctores, qui hoc traderunt. Satis fuerit affirmare, quod nemo hactenùs in dubium verterit. De Diuo Satyro quidem nonnullis existimatum est, extra Portianam illū quiescere, nimirum in Ambrosiana; cū nondum ex Dungalo compertum fuisset, & declaratum epitaphium antedictum, docens, illum associatum Martyri Victori in sepulcro; & hi procul dubio retractassent sententiam, si superstites fuissent; quando tam antiqui Scriptoris res inclauit testimonio; & multò

multò magis postquam ad eiusdem dictamen ita prorsùs reiecta fuerùt ambo ea Sacrata Corpora, quemadmodù retractavit Philippus Ferrarius, quod pridem scripserat in Catalogo Sanctorum Italiae iacere S. Satyri Corpus ad Ambrosianam. At verò de corpore S. Victoris Mauri profectò quis vnquàm dubitauerit, ne dum negauerit, quiescere in sua Basilica, ad Corpus propterea nuncupata?

Antiquissima huius militis Christi historia; quam scripsisse traditur Maximianus publicus Scriba, coeui, & inde acceperunt Surius, Mombritus, Ripamontius, à Basilica Petri, & reliqui de ipso agentes, ita perhibet. *Tūc Maximianus Imperator iussit vocari Scurriones, & iussit, ut duceretur ad Syluulam, quae ad Vlmum vocatur, ubi viridarium habebat Imperator, & ibi eum decollari.* Qui locus est, ubi in rei gestae monumentum cernitur hodie Aedicula constructa prope Ecclesiam Fratrum Capucinorum.

Nun-

Nunquid autem fuit ibidem tumulatus, vbi passus? Minimè, sed non admodum procul. Sequitur enim historia :

Tunc iussit Imperator ut nemo sepeliret corpus eius, ut à bestijs deuoraretur : post dies sex misit Imperator Quastorem suum cum militibus, ut videret si iam à bestijs, aut à serpentibus deuoratum fuisset : Et euntes inuenerunt corpus eius intactum, Et in nulla parte contaminatū, Et duas bestias, unam ad caput, Et aliam ad pedes custodientes corpus Sancti Victoris. Et reuertentes renunciauerunt Imperatori. Tunc iussit Maximianus Imperator, ut sepeliretur corpus eius. Abijt Sanctus Et Beatissimus vir Maternus Episcopus, Et ita inuenit duas bestias, unam ad caput, Et aliam ad pedes, custodientes corpus eius, Et ipsum quasi eadem hora fuisset decollatus. At vbi viderunt Sanctum Maternum Episcopum dederunt locum, Et tamdiu ibi steterunt, quandiu leuatum est corpus eius. Quod corpus Sanctum lintheaminibus inuoluentes perduxerunt NON LONGE ab ipsa Sylua, Et sepultus est in pace. Itaque sepultus fuit non longè à loco
 Mar-

Marryrij; à quo licet minus distet Ecclesia Fratrum Capucinatorum, quàm Portiana, in ea tamen sepultus nō fuit; nequē enim aliquis vnquam id credidit, quippē nondum erat extructa; sed in ista, quæ idcirco decursu temporis appellata est S. Victoris ad Corpus, vt distingueretur à pluribus eidem Martyri intitulatis Templis: sicut Ripamontius inter ceteros refert: *Illā deniq; reliquā in Portianam translata Basilicā, Victoris nomen superindidere; diciturquē hodiē Basilica Diui Victoris ad Corpus, discriminis causa, propter cognomines alias; quæ Mediolani diuersis postea temporibus edificata fuerunt. Martyris huius initia, & exitum, pro vt explicauimus, Scriba publicus Maximianus nomine, literis consignauit.*

Cum autem hic per NON LONGE à Sylua Martyrij Victoriani, intelligatur à cunctis Scriptoribus Portiana: illustratur quod in superioribus diximus, intellexisse eandem Mombritium per NON LONGE ab Ambrosiana

fiana (si modò ita scripserit , & non
 potiùs LONGE) cum de sepultura Sa-
 tyri loqueretur ; siquidem par vtraquè
 est distantia . Quod ipsum fateri cogi-
 tur Aduersarij versatile ingenium in
 exagitanda veritate ; nam cum priùs
 improbaret , per NON LONGE in-
 telligendam distantiam Portianæ ab
 Ambrosiana , modo per eadem verba
 non incongruum censeret , significari di-
 stantiam paræ Sacelli Satyriani (quod
 existimat Polyandrum Philippi) à loco
 Martyrij S. Victoris , qui duplo distat ,
 cum ait , *Tametsi non incommode potuisset* Num. 19.
ad propinquum in horro Philippi Polyandrum
deferri . Sed quid ais ad illam immixtionem
 nominis Portianæ in Sancti Victoris
 ad Corpus ? vade sumpsit originem ?
 Vtique ab aliqua revulgata , & dubita-
 tionis experte . Inquis ? Nisi forte illam
 sic appellauerint ex eo potius miraculo , quo cor-
 pus ipsum per senos illos dies in contractu fuerat
 à thessalycis . atque adeo ad eum ferme
 modum

modum quo binas adhuc extantes appellarunt unam Sancti Victoris ad Vlmum; alteram verò ad Theatrum. At denominationē hanc quæ à bestiis deducitur quis non videat esse irrationabilem? Quid Basilicæ Portianæ cum bestiarum, custodientium Corpus Victoris, miraculo, quod accidit procul ducentis passibus? Si res huiusmodi digna erat alicuius denominatione Ecclesiæ, quorsum illā transferre ad Portianam distantem, cū decuerit indidisse ipsi Ædiculæ, in ipso met loco extanti? Præterea, denominata fuit Ecclesia ad Theatrum, vbi Victor à Satellitibus inuentus est; ad Vlmum, vbi decollatus; ad Cælum aureum, vbi pictus est in aurato fornice; ad Portianam, vbi custoditus à belluis: & vbi quàm maximè colendæ erant eius reliquiæ ad sepulcrum non statuitur Ecclesia? Sin autem statuitur, quæ alia est, nisi ipsa, quæ S. Victoris ad Corpus vocitatur?

Quia verò futilibus, & insubstantibus

tibus argumentis hactenus deductis nihil te consequuturum agnoscebas, das tandem ultro, quod non potes eripere, nempe S. Victorem sepulcrum fuisse in Portiana, ipsamquæ ab eius corpore postea denominatam fuisse. Scribis enim: *Dabimus in primis Victorem tunc ad Basilicam Portianam sepultum fuisse, &c. Quin etiam lubenter eandem Basilicam concedemus appellatam propterea fuisse postmodum Sancti Victoris ad Corpus.* At si utrumquæ concessurus eras, ut quid utrumquæ pariter in dubium aded leuiter reuocasti; primum quidem, eò quod potuerit S. Martyr sepeliri in Polyandro Philippi; alterum verò, quod ex miraculo corporis custoditi à bestiis sic Portiana potuerit nomen mutasse? Nisi quia hæc scripsisti, putans te assequuturum congerie infirmarum rationum, quod nulla valida dabatur euincere?

Deo sint gratiæ; iam per te habemus in Portiana Corpus S. Victoris Mauri sepultum; habemus etiam Sancti Sa-

X 2 tyri,

Num. 19.

tyri; siquidem hunc in eodem illius sepulcro conditum non inficiaris, dicens: *Sed quis item attento tam Epitaphio ipso, quàm exemplo illo ac simili (de hominis cadauere proiecto à latrunculis in sepulcrum Elisæi) per Dungalum adiecto, dubius hæreat, quin Satyrus in eadem prorsus Victoris arca conditus fuerit? Cuius propterea Satyri exuvie, Victori finitima ac propinqua potuerint eiusdem sanguine penetrari, & adlui. Et infra. Quod tamen adhuc & ostendimus, & pro certò supposuimus Satyrum in ipso met Sancti Victoris Mauri sepulcro conditum fuisse, amboque simul in eadem Ecclesia conquiescere, hac aliquibus profectò Scriptoribus incompertum penitus & ignoratum fuit; qui proinde Satyri Corpus huic eius Ecclesie, Victoris verò alteri eius ad corpus appellata adiudicarunt. Tamen Victoris corpus nulli adiudicarunt Satyrano Sacello; unde ergò Ambrosianis ratio vindicandi sibi solum Satyri corpus, quod appositum fuisse constat Victori in Portiana quiescenti? Ratio omnis reducitur ad fidem,*

dem, & traditionem Monachorum :

Istud profectò Monachi huius Monasterij iam- Num. 19.

dudum crediderunt, quin etiam è maiorum traditione constanter adhuc credunt. Atquè

si huiusmodi fides, & traditio esset authentica, rectequè ducta ab ipsa origi-

ne, ex veritate facti tunc manifesta, multo magis credidissent & traditum

eisdem fuisset à Maioribus, prius ibidè condi etiam Corpus Sancti Victoris,

Satyro antiquioris & illustrioris, iuxtà Philosophorum axioma: Propter quod

vnum quodquè tale, & illud magis. Etenim si eò loci sepultus fuit Satyr-

us, utiquè fuit propter Victorem: nihilominùs de hoc nullam habue-

runt traditionem Monachi isti, vt bene ais: Quamobrem infra etiam videbimus

inter ipsos, & Sancti Victoris ad Corpus Monachos, controuersiam de solo Sancti Sa-

tyri corpore fuisse, quod illi amba sibi vendica-

rent, quouè Ambrosiani solo contenti videren-

tur. Et certè de Sancto Victore tradi-

tio

tio debuisset esse celebrior, quippè
 eius tumulus diù miraculīs egregijs
 extitit famigerabilis, etiam longinquis
 peregrinis, nedum indigenis, vt vide-
 bimus infra. Non processit igitur hu-
 iusmodi traditio, vt par erat à Maiori-
 bus primævis, qui sepulturæ Satyri
 interfuerunt; non enim filuissent de
 Victore sepulcri domino, solum colē-
 dum ibi tradentes Satyrum inquilinū,
 sed fuit posterioribus sæculis subnata
 opinio cogitantium ibi quoquē scili-
 cet in Ambrosiana, iacere Satyrum, vbi
 frater, & soror, Ambrosius, & Marcel-
 lina iacere perhibentur; nec penitus
 rem discutientes, successores Ambro-
 sianos dumtaxat ad nostram vsq; æta-
 tem sic imbiberunt. Ciuitatis reliquæ,
 & nostra, recta veraquē fuit traditio:
 quæ simul & Victorem, & collatera-
 lem Satyrum docuit in Portiana ab
 initio humatos fuisse, & perseuerasse:
 quemadmodum tandem comprobauit
 vete-

veteris scriptoris Dungali eruti è tenebris, testimonium, & ipsa resecta arca, eò gemino Sacro foetu prægnaans.

Sufficiat iam obtinuisse ab Aduersario rarum, & inconcussum, quod Diuus Satyrus sepultus fuerit in eodem loculo iuxta Sanctum Martyrem Victorem Maurum; & quod hic, non alibi quàm in Portiana, sit primò traditus sepulturæ.



FAX

FAX SEXTA.

*Abigens tenebras falsò assertæ
translationis corporis San-
cti Victoris è Portiana in
Ambrosianam.*



Xistimaret Lector, & superior conclusionem omnem esse directam: pararet veritati triumphum canere: sed error lubricus serpens conatur elabi, tenebrosam aliam cavernam ingreditur; cui faciem hanc adpouere oportet. Fassus itaque est Aduersarius, Satyri corpus consepultum fuisse Victori; & hunc in Portiana primo depositum: enim uerò ibi diu non stetisse, ait: sed antequàm Satyrus moreretur, aliud fuisse translatum, nempe in hoc suum Satyrianum

rianum Sacellum , vbi postea socius
tumuli adiunctus illi fuit Satyrus ab
Ambrosio, & vsquè ad hanc diem am-
bo ea Sacra Corpora ibidem perseue-
rant . Sic enim scribit : *Atqui si vera
sunt , quæ nos paulò antè cateròque differimus
(hoc opus, hic labor est, sustinere quod
vera sint , quæ adedò patenter confuta-
uimus) reliquum profectò iam erit , ut ipsius
corpus non ibidem perseuerauerit vsquè ad Sa-
tyri obitum , sed ante fuerit inde huc translatus
Et infra . Quid præterea si fortè potius Aria-
norum timore Ambrosius illud , (& si benè iam
humanitus cognitum , ubi nam iaceret) ab ipsa
met Portiana Basilica transtulit ad istam , qua
deinde Sancti Victoris ad Cælum aureum dicta
fuit ut nos antè iam suspicabamur ? At ego :
quid si non transtulerit , ut iam osten-
dis , non suspicio , sed ipsa vera ambo-
rum illorum Corporum inuentio ? Er-
gòne præualebunt tuæ meræ suspicio-
nes (sic enim ipse appellas rationes ;
quascunquè attuleras , sed hæc mera sint
coniectamenta , & suspensiones , quemadmodum*

Y Victoris

Victoris corpus inde non sine causa huc transferri potuerit) ipsi sensuum certitudini ; qua conspecta , & contrectata sunt ea Sacra Corpora in Portiana à Sanctissimo Archiepiscopo Carolo , corā vniuersa Ciuitate , sicut probatiores Aucthores scripserunt , & communis ferebat traditio , ac fides ? I sequere suspensiones , & coniectamenta aduersus ocularem inspectionem Sanctarum reliquiarum , & possidebis in tua Basilica quascunquē volueris . Fallerer si vspiciata demonstrarentur alia Sanctorum Corpora sic manifestè , vt sunt Victoris , & Satyri in Portiana , quæquē minùs contradictionis pati queant . Nec , arbitror , prudens Lector aliam poscet confutationem istius translationis , solis suspicionibus nixæ , contrā inspectā rei veritatem .

Placet nihilominus ad illustriorem argumenti tractationem ingenium exercere in examinanda huiusmodi translationis falsitate . Tradiderat aliā translationem -

lationem corporis S. Victoris, factam per Diuum Ambrosium è loco martyrij ad Portianam, Bonauentura Castellionæus in Vita S. Castritiani scribens, sed Italicè. *Inuento per reuelationem Corpore Sancti Victoris Martyris, quod condiderat Maternus Episcopus, & delituerat à Maximiani usque ad Theodosij Imperatoris tempora, in loco ubi nunc dicitur S. Victorellus, elatum proprijs manibus reposuit in arca lapidea in Basilica Portiana sub ara Maxima; atque in memoriam quod ea Sacra exuvie fuissent reperta in medio Syluosi agri, in officijs Ecclesiasticis, compositis per eundem Patriarcham in honorem ipsius Martyris, canitur dictum propheticum: Inuenimus eum in campis Sylue, adorauimus in loco, ubi steterunt pedes eius, Alleluiah, Alleluiah, Alleluiah. Quibus auditis, statim insurgis, & hanc velut apocripham historiam explodis. Quo argumento? Istiusmodi; nec enim alius quispiam, quod nos adhuc sciamus, hoc tradidit. Optimè quidem; nam de re tam insigni inueneris simile est Auctori eius æta-*

ris silentium; & qui narrat gesta antè
se multis sæculis, non mererur fidem,
nisi de causa scientiæ tradat, & vnde
acceperit. Mea nihil interest fuerit,
non fuerit, facta ista translatio, quippè
in Portiana statuit reliquias S. Victo-
ris, vnde nec approbo, nec improbo.
Tantum de te sumpto gladio tuum iu-
galum peto; & argumentor. Transla-
tio S. Corporis est improbabilis, quā
vnicus recens Scriptor enarrat; at tu
vnicus, & recentissimus narras, quin
potius coniectaris, translationem S.
Victoris è sepulcro Portiano in Am-
brosianum, ergò hæc translatio est im-
probabilis.

Superaddo: Respuis tu translatio-
nem Victoris, factam ab Ambrosio,
palam & per Cælicam reuelationem,
quæ esset illi perhonorifica, nec insoli-
ta; quippè assuetus erat his Sanctus
Præsul, cui reuelata fuerunt Mediola-
ni corpora SS. Gervasij, & Prothasij,
Nazarij, & Celsi, ac Bononię Vitalis
& Agri-

& Agricolæ: & pius Lector credet tibi translationem clandestinam, eidem Ambrosio tam indecoram, & turpem? Sanè mericulosum, pusillanimum, Deo non fidentem facis S. Antistitem, dum metu hostium subduxisset è Basilica obfessa Sacras Reliquias; insuper mendacem, dolosum, & impostorem; dū, quod Arianis imponeret, loco veri corporis Victoriani aliud supposuisset, ut inquis: *Quid si tunc ergo inter spem, & metum, ipsinè ad extremum, an Ariani praevalerent, latenter, in scissq; iisdem Arianis, inde sustulerunt tanti Martyris Corpus; & in alteram istam Ecclesiam, qua tunc extra periculum eiusmodi esset, transtulerunt? Quid si etiam in eius ibi locum substituerunt alterius Sancti, sed non ita celebris, Corpus: ne furtum aliquando illi deprehenderent, si fortè fortuna per vim praevaluissent?* Porro si nota vlla Ambrosio immeritò inuritur, ea est vecordiae, & pusillanimitatis. Trepidet timore, ubi non fuit timor, firmissimum illud Catholicae fidei propugna-

Num. 19.

pugnaculum , cuius potissima laus inconcussæ fuit fortitudinis? Sanè si Sanctis singulis singulas gratiarum diuisiones Deus attribuit , nec minùs , quàm Iacob , diues in benedictionibus , benedixit filiis suis benedictionibus proprijs , ita vt vnusquisque proprium ab illo retulerit donum , alius quidem sic , alius verò sic , possetq. iure merito Ecclesia canere de vnoquoque , non est inuentus similis illi , videlicet in aliqua speciali virrute , qua cæteros antecellat : Ambrosius supereminet constantia , & fortitudine ; qui vt mansueris pauperibus fuit melleus , ita malleus fuit superbis , & improbis Potestatibus contundendis. Ambrosius fundatus supra firmam petram á verbis impiorum timeat ? Ambrosius ? Nonné ipse est , qui acerrima libertate Imperatores vsq; cohibuit , iisdem maximè metuendus? Quis vnquam impavidum illud pectus perterrefecit , aliùs , quam diuini timoris ignarum ? Ergò deleat Augu-

Augustinus, quod de illo scripsit Elogium: *Beatum loquor Ambrosium; cuius* Lib. 1. contra Iulianum Pelag. *pro catholica fide gratiam, constantiam, labores pericula, siue operibus, siue sermonibus. Et ipse sum expertus, Et mecum non dubitat orbis predicare Romanus: Nequicquam ergo de eodem prædicauit Rufinus ex Calcho: Non solum Ecclesie Mediolanensis, sed Et omnium altarum columna quædam, Et turris inespugnabilis, qui in conspectu persecutorum Regum non expauit veram tueri Religionem. Quicumque meticulosum Ambrosium dixerit, dignus est, qui mastige vapulet, quo ille pingitur adhuc armatus. At inquires prudentiæ est (cuius laus non minùs, quàm fortitudinis debetur Ambrosio) à periculis imminentibus metuere. Nequaquam. Habitabat ille in adiutorio Altissimi, in protectione Dei cæli commorabatur, dicebat Domino, susceptor meus es tu, & refugium meum, Deus meus sperabo in eum. Dum obfiderentur Catholici in Basilica, fiderentq.*

rentq. in repagulis ostionum : accidit
 ut fores (nescio qua incuria) referatæ
 relictæ , impulsæ , & patefactæ sint á
 quodam cæco , qui palpando domus
 propriæ ianuam quæritabat . Expauit
 multitudo inclusa ad aperitionem por-
 tarum : ex quo S. Pastor occasionem
 sumpsit arguendi vanam ipforum fi-
 duciam in humana custodia ; & erigen-
 di animos eorundem ad spem in diuina
 protectione , in qua debuerant securi
 quiescere . Lege Sermonem in Au-
 xentium , de Basilicis non tradendis :
Seruum Christi, inquit , *non custodia corpo-*
ralis sed Domini providentia seipre consuevit .
Turbati estis , quia apertas reperistis geminas
fores , quas captus oculis quidam , dum hospi-
tium proprium repetit , patefecisse memoratur .
In quo cognoscite , quod nihil suffragetur hu-
mana custodia . Ecce unus , qui videndi mu-
nus amisit , soluit uniuersa vestra munera , &
custodias lussit ; Dominus autem sua misericor-
dia custodiam non amisit . Talibushorta-
 batur suos ad non timendum , neq. in
 huma-

humana, sed in Diuina custodia certissima spem locandum. Pergit enim ex euentu, exemploq; consimili Elifæi secuto, eos confirmare, dicens: *Nonnè ante biduum, ut meministis etiam illud repertum est, quod à parte laua Basilica ingressus quidam peruius fuit, quem putabatis clausum esse atq; munitum? Sepserunt nempe armati Basilicam, explorabant hos atq; illos aditus; cecitate perfusi sunt, ut quod apertum erat videre non possent. De se namq; ait: Ego enim didici non timere. Veruntamen adhortationes suas infirmasset exemplo, dum visus esset, propter metum expugnandæ Basilicæ, iam Sacras Reliquias subducere: quod clam nequibat perficere, tùm quia multorum opera ad id vti deberet, tùm ob sonitum, strepitumquè demoliendi Altare, ac eruendi marmoreas Arcas. Obtendissent; quorsum laborare in asportandis Sacris pignoribus, dum in Diuina protectione securos quiescere iubes?*

Uterius, timuisset Ambrosius, ne

Z.

Basi-

Basilica expugnaretur ; num idcirco emittere ab ea debebat Sancti Martyris Corpus ? Nil minùs . Quinimò dum alibi iacuisset , huc debuisset illud inferre ad præsidium . Ipsis quoquè Ethnicis religiosum extitit in magnis discriminibus sacra sua complecti . Sic Æneas , Troia migrans , Anchise commendat , quos secum auferat Penates .

2. *Æneid.* *Tu Genitor cape Sacra manu , patriosque Penates .*

Quando obsessis ab hoste timetur arcibus , emittuntur quidem pueri , senes , foeminæ , & reliquum vulgus imbellis : ne consumat annonam , sed inferuntur strenui milites defensores . Obsidebatur Ambrosius cum suis in Portiana : nunquid verebatur , ne Sacra Martyrum Corpora fruges insumerent , vel Basilicam proderent hostibus , ut ea ablegaret ? Sancti Martyres ipsissimi erant milites : quos propugnatores sibi asciscebat Ambrosius : igitur apud se in periculis erant retinendi ,
non

non aliò transmittendi . Si alibi extirpisset Corpus tanti militis Victoris Mauri, inferendum erat in oppugnatæ, & periclitantis Portianæ præsidium, Audias ipsum Doctorem Sanctum, quibus militibus gloriatur, se de hostium insidijs triumphasse, quibus sua bella commiserit: scribit enim: *Gratias tibi Domine Iesu Christe, quod hoc tempore tales nobis SS. Martyrum spiritus excitasti* (loquitur de Geruasio, & Prothasio recenter sibi inuentis, feruente persecutione Iustinæ) *quo Ecclesia tua præsidia maiora desiderat. Cognoscant omnes quales ego propugnatores requiram, qui propugnare possint, & impugnare non soleant: tales ego ambio defensores, TALES MILITES habeo, hoc est non sæculi milites, sed milites Christi.* Pessimum ergò illi fuisset consilium cum obsessus in Portiana maximè indigebant præsidio militum defensorum, emittere ab ea Corpus S. Victoris, quod erat ipsi, vt Palladiū Troiæ.

Aderant in eadem Basilica Portiana

Z 2 plura

Epist. 54 ad
Sorum.

plura alia SS. Corpora ; inter cætera
 Episcoporum Mirocletis, & Prothasij,
 cur etiam ista non sustulit Ambrosius,
 quando abstulit Victorem, veritus ne
 locus in hostium potestatem veniret ?
 Si consuluit Corpori Martyris, ne
 Arianis victoribus foret ludibrio: mul-
 tò magis consulendum erat Prædeces-
 soribus suis Episcopis ; vtpotè quos
 minùs reuererentur Ariani, quàm Mar-
 tyres . Pro eorum hæreditate tuenda
 pugnabat Beatus Antistes, cum Basili-
 cam importunè petentibus respondit :
Absit à me, ut tradam hæreditatem Patrum
meorum, hæreditatem Mirocletis &c. Qui
 talem gerebat sollicitudinem pro hæ-
 reditate, multò sollicitior fuisset de ser-
 uandis ab hostilibus iniurijs ossibus Pa-
 tris, si timuisset aliquid huiusmodi: sed
 non de hac re certabant Ariani; lis om-
 nis ijs erat cum Catholicis super Diui-
 ni filij consubstantialitate, nec vspiam
 reperiri illos in SS. Corpora defuncto-
 rum seu ijsse. Si eorum hæresis fuisset,
 qualis

*Serm. de Ba-
 sil. non tra-
 dendis .*

qualis Vuiclefistarum, Lutheranorum, Caluinistarum, & aliorum nostrę ætatis, meritò timendum fuisset, ne Sanctorum sepulcra suffoderent, ossa eruerent crematuri. Exagitarunt quidem, multa, exilio, morte, omnibusq; vijs fideles viuos, vt inquit Vincentius Lirinensis à Prateolo allatus: *Tunc siquidem non solum parua res, sed etiam maxima labefactata sunt; nec enim tantum affinitates, cognationes, amicitie, Domus, verum etiam Vrbes, Populi, Prouinciæ, nationes, uniuersum postremò Romanum Imperium funditus concussum, & emotum est.* Nihilominus in tanta rerum vexatione defunctis fuit requies. Deniquè egrè poterat Ambrosius, circumuallatus hostibus, educere Corpus Martyris de obseffa Basilica in tutiorem locum occultandum. Obseruabant introitum, & exitum hostes; audiuiſſent sonitum diruentium Altare cum sepulcro, qui poterat aliquid indè asportari secreto? Locus omnis æquè erat fidelibus tunc malè tutus,

Bar. ad Ann.

370. Ar. 29.

Gabriel Prat.

de vita &

morib. heret.

lib. 1.

Nicef. Calist.

Hist. Eccl.

lib. 8. c. 5.

6. 7. 8.

Hist. Med.
Decad. 1.
lib. 4.

tutus , vt prosequitur Ripamontius :
*Quomodo enim ferre in Augustum arma possent
Ciuum infirmissimi , aut quem sibi locum ca-
perent , cum nullus angulus vocaret hostium
dominatu , aut cur non statim victi sunt , quos
ipsa rerum iniquitas debellabat ? Sanè fiducia
diuini præsidiij & veluti præsens numen im-
pauidos animos ad certamen daret , nequè sine-
ret reputare , quæ bella gesturis in spem , aut me-
tum occurrunt. Consultius ergò condita
relinquenda erant SS. Corpora in lo-
co vbi delitescabant hostibus ignota ,
& inquæsitæ , quàm eadem eruere , &
circumferendo exponere periculo.*

Transco iam ad labem aliam menda-
cij, & fictionis, qua inficis Ambrosium;
dum ais ab ipso suppositum aliud Cor-
pus pro Victore , in loco , & sub eius
titulo . Nunquid parum hoc tibi vide-
tur, tanti viri candorem huiusmodi tin-
gere atramento? Venerabilis ille Elea-
zarus Machabæus, vel pro euadenda
morte renuit comedere carnes, in quo-
rum esu nullum crimen erat, sibi appo-
fitas

fitas à commiserantibus amici sœnis
 supplicium ; idquè, quia canitiei suæ
 indecens reputavit fingere in aliorum
 scandalum ; & Ambrosius inferioris
 fuerit grauitatis, ac circumspectionis,
 vt citra simile periculum vellet deci-
 pere? ab illo sumpsisset exemplum, de
 quo ait facer textus. *At ille cogitare ca-*
pit atatis, ac senectutis sua eminentiam di-
gnam, & ingenta nobilitatis canitiem, atq;
à puero optimè conuersationis actus. Non enim
atati nostra dignum est, inquit fingere, vt mul-
li adolescentium arbitrantes Eleazarum nona-
ginta annorum transisse ad vitam alienigena-
rum; & ipsi propter meam simulationem, &
propter modicum corruptibilis vite tempus de-
cipiantur, & per hoc maculam atquè execra-
tionem meae senectuti conquiram. Non absi-
 mili modò existimo illum responsu-
 rum fuisse suadentibus auferre de Por-
 tiana corpus S. Victoris, & pro illo
 supponere aliud cum falsa inscriptio-
 ne ; non enim ætati ac dignitati meæ
 conuenit fingere, vt scandalizentur

2. Macabi.
 cap. 6.

Aria-

Ariani, si rem deprehenderint, & blasphemetur nomen Dei ab hostibus, qui satis nimium obseruant in nobis, quod queant carpere. Non sunt facienda mala, vt veniant bona; non indiget Deus nostro mendatio; vt non nisi per illud valeat seruare Sanctorum suorum Corpora ab illuforibus, nosquè, & Basilicas nostras tueri incolumes. Quod enim nec Deo ratum, nec Sanctis tolerabile fit, vt ipforum exuuiæ vbi non sunt, adorentur, potes ediscere, vel ex eo quod probati Authores de D. Thoma Aquinate, & alijs, scripserunt. Decefferat ille, vt notum est, apud Cistercienses Monachos Fossæ nouæ. Coenobij Abbas veritus, ne sibi diù licuisset thesauro Corporis eius frui, siuè quod ab aperta Fratrum sui Ordinis vi, siue quod á furtiua aliorum subductione pertimesceret, statuit è priori sepulchro erutum, latenter alibi collocare. Exteris igitur in partem laboris accitis, nil enim suis fidebat, in rempes-

*F. Ferdinandus
de Hist. Dominie.
p. p. lib. 2. c. 38.
& parte 2.
lib. 2. cap. 22.*

tempesta nocte exhumat, adductumq;
 in Sacellum, cui à D. Stephano nomen,
 alia ex parte Monasterio conterminū ,
 profundè abscondit. Egrè tulit S. Doc-
 tor clandestinam translationem ; ita
 vt paucis post diebus ostendens se in
 visu Cœnobrarchæ , acriter cum eo
 expostulauerit , demonstrans , quàm
 indignum esset, ad inane Cenotaphium
 confidere Fideles , qui eius. Reliquijs
 obsequium, ac venerationem præstitu-
 ri iam tùm confluebant ; illis intereà
 absquè vllo honore latentibus . Per-
 terrefactus Abbas , de sacro pignore
 in locum suum restituendo seriò cogi-
 tauit, quod & perfecit . Accidit hoc à
 Diui morte septimo circiter mense ,
 cum nec dum in Diuorum albo esset
 descriptus , & tamen eam populi non
 est passus imposturam . Quantò iustiùs
 vapulasset Ambrosius ; si tantus Epif-
 copus , tanti Martyris ossa , tanto fi-
 delium cultu in sua Basilica celebrati ,
 in aliam omninò Ecclesiam, nunquam

Aa

restit-

restituenda, delusâ per tot consequentia sæcula posterorum pietate, asportasset? Mendacium sanè fuisset visu, verbo, & opere, exhibere corpus aliquod pro eo, quod non erat, cum falloqua inscriptione, ad decipiendum non modò Arianos, sed etiam Catholicos, qui exindè in præsens semper venerati sunt nobiscum reliquias S. Victoris ad illum tumulum in Portiana. Mendacium quidem, ac magis perniciosum, & execrabile, si illud corpus suppositum fuisset prophanum, adorandum non Sanctum; sin verò, vt scribis, *Corpus substituerunt alterius Sancti, sed non ita celebris*, id non vacasset culpa saltem officiosi mendacij.

At vndè statim paratum habuerunt ad manus substituendum corpus alterius Sancti, qui obsidione premebantur? Vnde acceperunt illud succedaneum? Ex ijs, dices, arripuerunt, quibus diues erat eadem Basilica. Infirma est responsio; quia hostes decipiendi,

di, vel cognouerant, & benè recensita habebant SS. Corpora, quotquot in illa Ecclesia quiescebant, vel non; si cognouerant, astus Ambrosianus nil proderat, quippè deprehendissent illi nihilominus, deficere ex numero Sanctorum Corpus vnum, apparuissetq. vacuus locus asportati in sedem Victoris; ideoque turbas excitassent; contendissent illud reponendum: sin autem nō cognouerant, nec recensuerant Corpora Sanctorum ibi quiescentia, nequibant animadvertere defectum Victoris ablati, ac proinde nil opus erat aliud mendaciter substituere. At, ais, Corpus Martyris erat inter cætera pretiosissimum, vnum maximè expetitur, & cognitum, propter crebra miracula ad eius rumulum. Fuerit ita: Cum reliqua SS. Corpora ibi condita carerent inscriptione, vel Ariani nouerant solum Victorianum signari nomine, vel non: si nouerant; utiquè quia introspexerant olim; & sic non poterant falli ex noua inscrip-

Aa 2 tione

tione apposita per Ambrosium ; obser-
 uassent enim non esse eandem quā prius
 viderant , sed mutatam cum literis V. &
 T. ordine retrogrado, *Vt*, verba tua sunt,
supposititium illud Corpus à vero alibi nativumque
Catholici discernere ; non sic autem Ariani si
forte fortuna preualuissent ; præter indicium
 recentis structure altaris super reliquias
 reædificati. Sin autem ignorabant, Vi-
 ctorem solum habere nominis inscrip-
 tionem, superuacuum erat mentiri, ad-
 dita illa Epigraphe , cum possent illum
 ita innominatum relinquere , sicut San-
 cti alij manebant ibidem ; & si mentien-
 dum erat, satiùs reseruassent mendacium
 ad tempus quæstionis, quando iniustè ab
 eis quæsito quid nam actum esset de Cor-
 pore S. Victoris, ipsi licitè poterant men-
 tiri tantum materialiter , respondendo
 cum amphibologia, se ignorare ; nequè
 enim tenebantur rationem reddere de
 subductis rebus proprijs. Vndè nequè
 furtum vllum patrassent, illud Corpus sa-
 crum asportantes , quo possent damnari,
 ille

Ille enim dicitur reus furti , qui rem alienam domino invito contrectat.

Supereſt quid curioſius explicandum. Iam, ut ais , *Ambroſiani latenter inſciſſquè Arianis, inde ſuſtulerunt tanti Martyris Corpus , & in alteram iſtam Eccleſiam , quæ tunc extra periculum eiufmodi eſet , tranſtulerant , & in eius locum ibi ſubſtituerunt alterius Sancti , ſed non ita celebris , corpus , ne furtum illi aliquando deprehenderent. Rectè omnia. Sed quare adiunxerunt Victoris ad læuam illud aliud corpus inſcriptum nomine Satyri , quod inuentum eſt cum eo , quando facta eſt ſepulcri inſpectio, & reliquiarum translatio per Diuum Carclum? Quæro dum Ambroſius auferret Victorem , vel hic ſolus erat in tumulo vel cum ſocio ; ſi ſolus , pariter ſolum aliud corpus fuerat ſubſtituendum , quo nullum mutationis præberetur indicium. Sin autem erat cum ſocio , is non erat Satyrus adhuc viuens ; quippè ſcribis: *Quod ſi verò illud inde Catholici huc tranſtulerunt , anno. circiter**

Num. 19. citer antè quàm Satyrus moreretur? Hic siquidem uti nos concludebamus mortuus est Trecentesimo octuagesimo septimi à Christo anni mense Septembri. Si focius erat alius à Satyro, talis erat relinquendus, vel sine eiusmodi nomine alius substituendus. Fingamus casum, qui timebatur prævalent Ariani, potiuntur Basilica; lustrant vniuersam; sepulcra violant; ecce apparent in arca vna corpora bina, legunt titulos suppositos capitibus, incisos lateribus, alterum perhibetur S. Victoris, alterum S. Satyri. Tunc qui risus qui ioci, quæ sannæ in nostros? Satyrus viuis perambulat plateam, & iam descriptus est Sanctus in sepulcro. Non ergo Ambrosius tunc temporis ibi fratrem condidit Satyrum, nequè falsum reposuit, qui ibidem inuentus est, Victorem. Sed Victori vero, iam pridem humato ibi à Materno, verum adiunxit Satyrum, cum occubuit.

Reliquum est, ut comminiscaris, ab Ambrosio quidem solum Victorem fictitium

titium repositum fuisse in Portiana pro vero translato inde ad Ambrosianam ; aliud verò corpus cum falsa inscriptione Satyri fuisse adiunctum posterioribus temporibus , ad authenticandum illum Pseudouictorem . Itaque ad tuendum tuum commentum non satis est infimulasse mendacij Ambrosium ; sed insuper oportet , ut queras alios nescis quos confimilis criminis reos , auctores alterius doli , quo coleretur pro Diuo Satyro prophani hominis cadauer .

Nobis autem leuius erit culpam mendacij adscribere tibi vni, quàm tot viris, & inter eos tanto Antistiti Ambrosio; quasi facultas esset cuiquè scrutandi sacra Defunctorum sepulcra: nec lege Imperiali cautum esset, *Ut humanum corpus nemo ad alterum locum transferat*, Theodos. de Sepulc. viol. *nemo Martyrem distrahat*, *nemo mercetur*: aut perfacile, & nullius negotij esset, à quouis clanculum perficiendi, eruisse prægrandem illam arcam marmoream, plumbo

plumbo consolidatam sub alia itidem
arca, ambasquè infrà superstructum al-
tare: ac dolo concinnato rem omnem
rursùs silenter componere: quasi in ip-
sorum SS. Corporum inuentione dili-
genter considerati non fuerint Chara-
cteres, & lapides lateritij inscriptio-
num, & notati in publico documento
præferre *signum maxima antiquitatis*.

Postremò: prisca illa ætate, sub Am-
brofij temporibus non fuit obscurus
rumulus Martyris Victoris, sed toto
Christiano orbe celeberrimus: nam eo
confluebant vndiquè voti rei pro liber-
tate consecuta fideles: ergo facta non
fuit eiusmodi clancularia translato in
Ambrosianam, vbi nullus concursus,
nullus cultus ea de causa. Illud satis
ostendūt Scriptores. Ripamontius lo-
quens de hoc Martyre. *Claruère per diu
Decad. 1. l. 2. Reliquia Martyris huius, & tantum valuit
in exteras quoquè terras dedita fama, ut sibi
Patronum eum, atquè tutelarem plerequè Gen-
tes adoptarent. Et paucis interiectis:
Memi-*

Meminere Martyris inclyti pleriq. Scriptores. Ennodius etiam saluti sibi fuisse testatur, cum in magna sua calamitate bona spei plenus ad ipsius tumultum accesserit. A Basilica Petri, Asolet Sanctus hic Martyr invocari praesertim ab ijs, qui detinentur captivi, aut in exilio extra Patriam. Similia habet Glusianus, referens Gregorium Turonensem, cuius, quando incidit mentio, referam verba: Magnificam, ait, inclyti huius Martyris memoriam apud Mediclanensem Urbem esse testatur, quod sepius victos ab ergastulis dissolvat, captivosq; liberos abire permittat. Et quidam Apollinaris, cum interfecto apud urbem Romanam Victorio Duce, ab incolis loci illius, sine ulla unquam redemptionis spe, in captivitatem abriperetur, exilioq; mulctatus apud Mediolanum degeret, & adueniente Sancti Victoris festiuitate convenientibus populis, & hic vigilijs interesset (sub libera enim custodia absolutus detinebatur) prostratusq; coram sepulcro Sancti impensius oraret, audiuit duos quosdam pauperes familiari colloquio admirandas

In libello
quarundam
Med.

In libel. sept.
Eccl. Med.

Greg. Tur.
de Gloria
Marti. l. 1.
cap. 45.

Bb

Marty-

Martyris virtutes predicare, alterumq; asseri ceriò affirmantem, ea nocte quemdam à miseranda captivitate eiusdem Martyris virtute absolvendum. His auditis Apollinaris quasi quodam auspicio ex Dei nutu admonitus, iterum atq; iterum ad Martyris prouoluit tumulum oravit, ut saluus in Patriam abscedere posset; maxquè vocato puero equum sterni præcepit quo consenso, præsidio Beati Marty-

*A Basil. Petri
in vita S.
Materni.*

ris evasit. Idem miraculum refertur ex eodem à Surio, & à Basilica Petri, & licet ibi non dicatur, in qua Basilica fuisset illustre illud sepulcrum; tamen satîs amplè loquebatur ipsa deuotio Populi, ipse ornatus multus compedû, catenarum, manicarum, atq. nervorum in veteri Portiana, nobis quoq; à Maioribus nostris, qui conspexerunt, narratus; nequè tale quid vnquam auditum est in Ædícula Diui Satyri ad Ambrosianam, quæ vtrique ex oblationum diuitijs aliquando in magnificentiorem formâm fuisset extructa.

Accedit quod celebritas tanti sepulcri,

cri, decantata Gregorij Turonensis epi-
 scopi, qui floruit anno salutis quingente-
 simo octogesimo sexto, multo clarior
 esse debuerat temporibus S. Archiepi-
 scopi Lazari, qui centum & quadragin-
 ta sex annis, propior erat initijs tantæ
 deuotionis erga Martyrem Victorem,
 quomodo ergo is, cum institueret sup-
 plicationes, Græcè Litania, ad singu-
 la loca, vbi vetustæ religionis fuisset
 sedes, vbi SS. Martyrum reliquiæ co-
 lerentur, non statuit adiri Ecclesiam S.
 Victoris ad Cælum aureum, sed suam
 populiquè religionem erga Martyrem
 hunc exhibuit in tribus alijs Templis,
 ad eius honorem Deo dicatis, nempe
 in nostro ad Corpus, in alio ad Thea-
 trum, vbi ille se abdiderat, & ad Vi-
 lum vbi fuerat decollatus? Periniquè
 se gessisset Sanctus ille Antistes erga
 reliquias tanti Martyris, declinando
 ab eis, pro quibus colendis peregrina-
 tionem longinquam exteri suscipie-
 bant; & tamen ius stationalis Liti-
 niæ

Bb 2 adhuc

adhuc perseverans , ab ipso sancitum, docet declinatam fuisse Ædiculam Sætyrianam . Aut si contenderis , in hæc viguisse cultum illum erga reliquias Sancti Victoris, narratam à Turonensi, indica qua occasione deperierit , & translatum fuerit in nostram Ecclesiam ad Corpus vocatam , in qua durat vsquè in præsens . Etenim cum superiori sæculo Diuus Carolus , cuius est in benedictione memoria , promulgaret gregi suo Mediolanensi thesaurum indulgentiarum, sibi concessum à Sancta Apostolica Sede, pro septē Urbis nostræ Ecclesijs, ad instar Romanarum, declaravit selectas fuisse ad id honoris præcipuas, ac spectabiliōres; tūm ob insignes SS. Reliquias, tūm ob antiquissimam Populi deuotionem, & inter eas nominauit nostram Sancti Victoris ad Corpus . Ait enim in Epistola pastorali *Nunc cum spirituali nostra vestraquē latitia singulariter aucta est huiusmodi gratia; cum idem Summus Pontifex dignatus fuerit*

fuerit pro sua benignitate & charitate singulari in hunc populum, concedere nobis etiam (velut percipietis ex eius Apostolicis literis) thesaurum indulgentiarum Septem Urbis Ecclesiarum pro totidem Ecclesijs Mediolani ex insignioribus; tum propter reliquias sacras, quae in eis extant, tum propter peculiarem antiquamque deuotionem, quam ad eas gerit hic populus &c. Quam peculiarem, veteremque Populi Mediolanensis deuotionem ad nostram Basilicam, non licet in aliud referre, nisi in productum hucusque ab initio cultum inibi corporum illustrium SS. Victoris, & Satyri; quorum aduenarum incolatu, & morte, Ciuitas nostra maximopere gloriatur; cum ceteroquin non deessent complures aliae Ecclesiae non minus ipsa reliquijs sacris ornatæ, in illud septenarium prænumerandæ.

Quod si Portiana spoliata fuisset ab Ambrosio reliquijs S. Victoris, & ex consequio non dignata sepulcro Satyri, egressus fuisset ab ea omnis decor eius;

eius; ab inde nil erat, quod appellaretur mendaciter S. Victoris ad Corpus, quod ornaretur suspensis captiuorum redemptorum trophæis, de quibus locutus est Turonensis, quod Sancti Archiepiscopi inuitarēt populum ad prosequendam eius venerationem, Lazarus quidem priuilegio Litaniarum, & Carolus septem Ecclesiarum; nil erat, quod maiores tradidissent, vox Populi affirmaret, per antiqua inscriptio in Ecclesia loqueretur, quingentorum annorum septem publicæ tabulæ, quas asseruamus in nostro Archiuio, testarētur de Corpore S. Victoris in hac Basilica quiescente, quæ omnia comprobauit ipsa inuētio earundem reliquiarum, & S. Satyri, & de quibus singulis fit mentio in publico documento inuentionis, confecto iussu Beatissimi Cardinalis S. Praxedis, in fine huius operis describendo. Non sunt hæc mera coniectamenta, & suspiciones, sed manifestissima veritatis argumenta, quibus

quibus patentiora vix haberi queant, vel desiderari in re peracta tot retrò sæculis: Ijsquè contradicere quàm sit indecens, vel ex eo liquet, quod publicis tabulis dempta fide, nihil in humanis superfit certum, aut inanibus alterationibus non obnoxium. Scirequè ait Ripamontius *Audacia videtur esse præcipitis publico iam consensu receptas tabulas infirmare velle.* Decad. I lib. 2.

Et quidem conatus es fidem publici Tabellionis labefactare, dum referente eo in documento conscripto super inuentione SS. istorum Corporum, quod etiam Chronica Bossiana meminerant huius sepulturæ ipsorum, opponis tu: *Quod autem in prædicto documento (præter Seniorum traditionem, Populi totius vocem, antiquas illius Monasterij, & Ecclesiæ tabulas) Chronica etiam Bossiana proferebantur in testimonium, in dicto altari maiori inesse Corpora, seu ossa, & reliquias SS. Victoris Martyris, Satyræ Confessoris &c. iisdem profecto*

fectò in Chronicis unde millesimo tantum Christi anno videri nobis hoc potest indicatum: Hic Archiepiscopus fuit magna Sanctitatis, Monasterium S. Victoris ad Corpus dotauit, ubi corpus eius in pace quiescit. Atquè Bossius re vera hisce postremis verbis non de Sancti Victoris, sed de Arnulphi Archiepiscopi corpore loquitur. Imò vtrumquè Corpus ibi requiescit, & Arnulphi, atquè etiam Victoris.

Quod si de illo tantum loquutum Bossiū præsumis ex Catalogis Archipresbyteri Metropolitani, nec non Secretarij Urbani; nos rectiùs autumamus, sermonem esse de Sancti Victoris corpore ex publicis alijs tabulis, signatis manu alterius Arnulphi Archiepiscopi, quæ sunt in Archiuio nostro, tenoris huiusmodi, barbarèquè pro illa ætate loquutionis: Henricus gratia Dei Rex anno primo regni eius hìc in Italia, primo mense Aprilis indictione tertia. Commutatio bonæ fidei noscitur esse contractum, ut ad vicem emptionis obtineat firmitatem, eodem nexu obligat contra-

contrahentes. Placuit itaque & bona conuenit voluntate inter Dominos Arnulphum reuerentissimus huius Sancta Mediolani Ecclesia Archiepiscopus, nec non & inter Alteramum religiosus Abbas Monasterij Beati Christi Martyris Victoris VBI EIVS SANCTVM CORPVS REQVIESCIT, qui est constructum foris, & non multum longè ab hac Cinitate Mediolani &c. Quid ais ad hæc? Nonnè Arnulphus III. Archiepiscopus contrahens cum Alteramo & loquès perspicuè de corpore ipsius Martyris, quod & Sanctum vocat contestis sit Chronicis Bossianis? Scripta sunt ea ante quingentos quinquaginta annos, tempore Henrici Imperatoris Quarti, aliquibus Tertij. Videsnè ut etiam tunc ea fides vigeret de Victoris sepultura in hac Basilica? De Arnulphorum autem corporibus non ita liquiddò constat, sit nè aliquis eorum in eadem humatum, nam esto Ioannes de Deis sequutus opinionem Cardinalis.

Cc

Sir-

Sirleti asserat, tantum Arnulphum tertium in Victoriana tumulatum, in contrarium tamē stant Catalogus Archiepiscoporum infertus actis Ecclesiæ Mediolanensis, & Besurius in historia Pontificali, asserentes alibi sepultum fuisse. Enī quomodo non errauerit Scriba, referendo in documento inuentionis, Chronica Bossiana testimonium dare sepulturæ Victoris in loco, vbi repertus fuit, & ambiguum authoris loquutionem, quæ alterutri accommodabilis est, de hoc, quàm de Arnulpho, congruentiùs accipiendam. Nobis autem firmissimum esse debet, quod si facta fuisset ab Ambrosio translatio Corporis Sancti Victoris in Ædiculam Satyriam, idem mox reddita Ecclesiæ tranquillitate indicasset populo locum, vbi colendæ essent tantæ Reliquiæ, ne debito fraudarentur honore, nequè passus esset diutiùs decipi fidelium

lium religionem; imò innumeræ tur-
 bæ quas ex Mombrizio recitasti pro-
 sequutas funus Satyri, non reticuis-
 sent posteris, se interfuisse dum
 ad læuam Victoris ille sepeliretur in
 Sacello Ambrosiano, quæ traditio iu-
 gibus confirmata miraculis, perue-
 nisset successiuè ad Sanctum Laza-
 rum proximum illi ætati, deinde ad
 Arnulphum, qui pia affectus religio-
 ne erga Martyrem, cum statuisset am-
 plicare, & ditare Ecclesiam, in qua
 eius reliquiæ colebantur, insumpsis-
 set in amplificanda *Ædícula Coeli au-*
rei, quæ maximè indigebat, diui-
 tias, quas profudit in ædificatio-
 nem Monasterij, & magnificentio-
 rem structuram huius Templi, ad
 Corpus vocati. Sed nulla de re hac
 erat dubitatio, quippè non opinan-
 do tunc temporis documenta dixe-
 runt *Vbi corpus eius fertur requiescere, at*
asseueranter, requiescit.

Faceffant igitur nugæ de transla-
to corpore Sancti Victoris . Agnitus
is , cultusquè est omnibus Sæculis
in Portiana , & consequenter ibidem
cum eo Satyrus , immeritò contro-
uerfus , obdormit .



FAX

FAX SEPTIMA.

Incinerans fundamenta translationis Corporis Sancti Victoris in Ambrosianam.



Ecundo hucusquē nauigauimus vento: nūc autem nauis hæret in vado, syrtibus præduris allisa. Quibus armis viribusquē inimica tentabimus Castra, adoriemur munitiones, quas in aduersum posuit hostis inexpugnabiles? Fortissima & formidanda nimis sunt fundamenta, quibus superstructa est asserta translatio Corporis Sancti Victoris, ante obitum Satyri, in Ambrosianam: ea impetum sistent vniuersalem totius populi oppugnantis, retundent arma rationum, traditionum, & scrip-

& scripturarum quecunquè mox inueximus. Dispeream, ni *Apinis* & *Tricis* videantur debiliora. Audistis, quas in superioribus adduxit rationes pro sepultura *Satyri* in *Ambrosiana*? Eæ *Aduersarij* iudicio sunt firmiores his, quas adducit pro translatione *Victoris*: nam hanc indè magis se putat probare, tanquàm è notiori principio.

Scribit enim. Quoniàm vero pluribus ad-
Num. 19. *huc indicijs ostendisse videmur Satyri Corpus, quàm Victoris hic iacere; liceat ergò iam tandem nobis hanc fidentiùs argumentationem, tanquàm è re notiori conficere. S. Victor Maurus non alibi iacet, quàm ubi Sæctus Satyrus; quippe cum hic ad eius lauam in eodem sepulcro conditus sit: Atquè Sæctus Satyrus in hac sui Ecclesia, & Cappella, prope Basilicam iacet Ambrosianam, igitur & Sæctus ipse Victor hic iacet. Quare potiùs non inuertisti argumentationem, vt bonus ordo postulabat, & non es ratiocinatus sic? Victoris, qui priùs defunctus est, ante stabiliendus est tumulus, in quo expectauit*

Stauit Satyrum, quàm decernamus,
 quo loco hic sit illi associatus; sed mi-
 nora sunt argumenta, imò suspiciones,
 & coniectamenta, quibus cōtenditur,
 Victorem iacere in Satyriano Sacello,
 fortiusquē probatur quiescere in sua
 Ecclesia ad Corpus: ergo in eadem ad-
 iunctus est illi Satyrus. Quandoquidē
 ergo huius sepultura pēdet á sepulcro
 Victoris, & non è conuerso, debueras
 ita argumentari; si dixero, Victorem
 quiescere extra Portianam, rem nouā,
 & inauditam enuntiabo, aduersus pu-
 blicas, famam, scripturas, traditiones;
 tantūmq; infirmas pro hoc habeo sus-
 piciones; sed cum eo Satyrus indiui-
 dum habet tumulum, ergò rem nouā,
 & inauditam proferam, si dixero Sa-
 tyrum iacere extra Portianam. Secūs
 autem placuit tibi plaustrum iungere
 bobus præposterum, vt ab hoc trahe-
 rentur illi.

Audiamus nihilominūs quæcunque
 illę sint tandem, suspiciones, contra
 nos militantes.

Duo

Duo characteres aderant malè scripti in titulo Victoris, qui sub eius capite repertus est, quam circumstantiā signavit Documentum publicum, de ipsa inuentione diligētissime confectū. *Legebantur hac verba videlicet S N I C T O R*, quorum litera V. & T. erant scripta modo retrogrado. Nos quidem nequiuimus inspicere ipsos lateres, quibus inculpta sunt nomina horum Sanctorum, fuerunt enim rursus cum his reconditi; sed tū nobiscum seriō meditantes, tū acris iudicij viros consulentes, statui-
mus, nō alio modo scriptos fuisse duos illos characteres, quā mōx exhibito, non enim dicuntur exarati ordine in-
uerso, nec præpostero, sed retrogrado. Vt ut fit, apprimè intellecta fuit dictio ex illis composita, significare Victorē. Huiusmodi duorum elementorum in-
ordinata dispositio, incredibile dictu est, quā torserit, exagitauerit mentē Aduersarij. Sudauit, alfit, suspendio pendulam damnauit mentem, nam in-
quit:

quit: *Vel ipsa profectò illa literarum in Victoris nomine inuersa dispositio, qua litera illa V. & T. nobis afferebantur modo retrogrado scripta: dici satis non potest, quàm importunè, ac molestè nobis talem illam suspicionem incusserit; auxeritq; perinde ac si Ambrosius de industria characteres illos ita scribi, seu scalpi iusserit inuersos, ut eodem illo errore, qui cæterò qui facile poterat incuria, inscitieque Artificis imputari, supposititium illud corpus à vero alibi, natiuoq; Catholici discernere; non sic autem Ariani si fortè fortuna præualuissent. Verè qui impensè cupiunt, vndecunque suis abblandiuntur votis, omnia trahunt in fui desiderij argumentum, nam &.*

Qui amant, ipsi sibi somnia fingunt.

Ouid.

Bonus hic vir adedè raptus est amore possidendi Satyrum in Ambrosiana, ut præcucurrerit etiam ad suffurandum Victorem (sine quo conabatur frustra), impulsus molesta, importunaq; suspicionem, cuius medelam idemmet proferbat, & non agnouit. Nonnè dicis quod error ille facile poterat incuriæ,

Dd

infei-

inscitieq; Artificis imputari? Cur ergò,
 quod difficilius erat, suspicatus es in
 Ambrosio tot crimina, pusillanimita-
 tis, diffidentiae, mendacij, incuriae in
 non indicando fidelibus, & finendo tã
 crassum errorem inualefcere circa tãti
 Martyris sepulcrum, ac cultum? Pro-
 fectò error in scriptura ex natura sua
 fertur ad indicandam incuriam, insci-
 tiamuè in Scriptore, minimè verò ad
 discernendam rem supposititiam á ve-
 ra. Etenim, dato quod in hunc finem
 ita fuissent scripti illi characteres, ad-
 huc opus fuisset alia declaratione, seu
 verbo, seu scripto, ad mysterium intel-
 ligendum, & hanc soli tibi factam co-
 gimus credere post tot sæcula nudiuf-
 tertius; cum absqué alio documento,
 quotiescunquè inspicio scripturã mē-
 dosam, scriptoris incuriae imputem.
 Propiùs ad rem accessisses, minùsquè
 inofficiosè in Ambrosium cogitasses:
 Maternus, sæuiente persecutione Ma-
 ximiani, in illa paucitate fidelium, co-
 rumq;

rumq; latitantium, præsto non habuit
 artificem gnauum scribendi, & inci-
 dendi, dum raptim sepeliret Martyrē;
 vsus est opera hominis fidelis, obuij,
 cuius facilè munus non erat scribere,
 & sculpere; quod sciuit, præstitit. Mi-
 raris irrepfisse vnam, & alteram inordi-
 natas literas? Ego potiùs stupeo, reli-
 quas fuisse rectè exaratas ab homine
 imperito, tempore præcipiti, loco for-
 tè obscuro, consternato animo, manu
 tremula, corde pauido, & ad omnem
 folij ventilationem meruente, retrò in-
 stantes satellites, deniquè lugēte Mar-
 tyrem; simulq; anxio, ne & ipse depre-
 hensus ad Martyrium raperetur. At in
 Satyri nomine non mendoso, vt potè
 alio tempore in Ecclesiæ pace inscul-
 pto, in confimili latere, á non rudi arti-
 fice, & imperturbati animi; quid crimi-
 naris? Saltem recipias scriptum accu-
 ratè, dum abiuras, quod obliquas quas-
 dam continet literas. Victoris reper-
 tum corpus in Portiana tibi est fictitiū,

D d 2 quia

quia non rectè scriptum est eius nomen ; Satyri ergò verum erit corpus, quod citra vllum erratum dilucidam habet inscriptionem. Abnuis tamen, quia indiuidui sunt comites Sancti isti; & recepto alterutro, socius pariter est admittendus. Itaque, vt video, res agitur, vt assolet, nunc pestilentia grassante. Viator repellitur ab ingressu oppidi, licet exhibeat tesseram sanitatis legitimam, si modo adiunctus perrexerit comiti, habenti eandem quadantenus vitiam, & suspectam; cauetur enim, ne fortè qui infectus fuerit contagio, etiam infecerit socium. Integrū & sanum nomine habemus corpus Satyri; suspectum tantū & ipsum tibi est, quia suspectum est corpus Victoris, & totum hoc duorum elementorū peccato, *quod facile poterat incuria inscitieque Artificis imputari*, te ipso iudice. Quin maluisti, subesse technam à Sancto viro concinnatam Ambrosio ad Arianos fallendos, quæ re vera postea magis

magis reciderit in ipsos Catholicos, qui ab inde usque ad nos decepti fuerint, ipseque inter hos Sanctus Carolus Borromæus tantus successor Ambrosij; cuius peccato fictionis, cultus debitus Victori vero, ad commentitiū fuit inique translatus. Nec tamen video, ad quid utilis fuisset illa literarum peruersio. Erat ne in eadem Ecclesia aliud corpus signatum nomine Victoris, ut necesse fuerit vnum ad altero sic discriminare? Si verum translātū fuerat aliō in Ambrosianā, sufficiebat absque eo mendacio, ut silentio res premeretur; donec cessante hostium metu, (quod breui fuit) Ambrosius palā faceret, reliquias Martyris ea de causa translatas, esse colendas in eius Ædicula ad Cælum aureum. Cur conticuit toto decennio, quo superuixit, vel si indicauit, quomoddò deperijt apud posterios memoria solius huius corporis Sancti, inter cætera ab eo translata. Perdurarunt manifesta Corpora SS.

Geruasij

Geruasij & Prothasij, Nazarij & Celsi; Victor abijt in obliuionem, qui miraculis amplius clarescebat?

Vlteriùs si titulus hic, habens literas V & T retrogradas, positus est falso Victori ab Ambrosio in translatione, vbi est alius à Materno positus vero in prima sepultura? Si is nullum posuit, nullus pariter ab Ambrosio fuerat adiiciendus; sin aliquem posuit, indica quid de eo actum sit. Certè transferendus erat simul cum corpore, quod intitulabat. Hoc puto, indicas ea narratione: *Hic nimirum sub altare Diui Satyri latet ingens ac nobilissima è candido marmore arca (eademquè illa est, quam inscriptio superius à nobis nominata innuebat) cui rursus altera inest lignea: sed vetustate vsquè adeò marcida, ut ipsomet digitorum affrictu comminuatur, ac velut in puluerem redigatur. In hac duo separatim iacent corpora; quodquè dexterum est sicut magis absumptum, ita etiam tempore videtur esse anterius, quàm sinistram: sinistri porrò capiti marmorea subest eiusmodi tabella. Qua parte ca-*
put

FAX SEPTIMA. 215

put illa tangit, insculptas habet hæc quatuor litteras, primasque duas in latere superiori, alteras verò in inferiori SS. HR. quas quidem Monachi è maiorum traditione sic interpretari consueverunt SANCTVS SATYRVS HIC REQVIESCIT. In altera verò & auersa parte binas habet istas S. V quæ iuxta Dungalii testimonium, non aliter exponi posse videntur, quàm ut perinde sint, ac SANCTVS VICTOR, hominemq; in arca ista collateralè, atq; iam ante tumulatũ significant; cui proinde uni significando eiusmodi etiam tabella fortè prius defuerit; sed, facta postmodum Satyri accessione, litera pariter illa fuerint in altera parte superaddita.

Diuinasti equidem. Licuit tibi cense de mea inscriptione, quæ extensa & clara est; liceat & mihi exponere tuã abbreviatam, ac ænigmaticam. Scis quid innuant literæ binæ S. & V. Sic Volo; quandoquidem arbitrariè respondes. Et quatuor illæ SSHR. significant Sed Simplex Hæc Responsio. Omissis iocis rem enucleo. Tabella hæc

hæc marmorea non præfert signum maximo antiquitatis, sicut de nostris lateritijs notatum est in publico Documento: nequè enim verisimile fit, Maternum sepelientem Victorem ferè furtim, præfco habuisse lapicidam, qui affabrè in tam sumptuosa tabula marmorea insculpserit epigraphem; post diù verò dum in magna Ecclesiæ tranquillitate sepeliretur Satyrus, frater Archiepiscopi, laboratum tanta inopia lapidum, ut opus fuerit eadem tabella inuersa uti ad cælandum eius nomen adeò obscure, vix duabus literulis. Sed nupera censi potest sic posita abbreviatè ab incertis, & ambigentibus, proptereaquè non audentibus clarè affirmare, quod tantum in opinione habebant, seù potiùs in votis; idquè anno superioris sæculi octuagesimo octauo (si tamen non recentius) quando postico altari inserta est alia lapidea tabula, his verbis incisus: *Sub hoc Altari in Arca marmorea iacet gloriosum corpus Sancti Satyri fratris*

tris Sancti Ambrosij. Item in alia capsula lapidea in eodem altari iacent corpora SS. Martyrum Casti, & Polimij, nec non aliud Sanctum Corpus cuius nomen ignoratur; cum plurimis aliorum Sanctorum ac Sanctarum reliquijs de qua ex te ipso habetur: Sic etiam tunc temporis (loqueris de prædicto anno octuagesimo octavo) consistam credimus Num. 395. parieti fuisse tabellam illam, cuius Epigraphem proferebamus. Quod si iam pridem extisset intra Arcam tabella illa cum inscriptionum abbreviatis notis, quare ne verbum quidem de ea factum est per Ambrosianos Monachos, quando conveniunt ad spectaculum inventionis Corporum Sanctorum Victoris ac Satyri in Portiana per Diuum Carolum, ut producerent, si quid in contrarium habuissent? Quare altera illa inscriptio nunquam infixæ est altari, superstitæ eodem Sancto Antistite, sed tantum longè ab eius obitu? Quis inspexit huiusmodi arcam, corpora, tabellam? Cui non palam, solemniter, autoritate Ordinarij

E e

dinarij

dinarij, sicut nos egimus, peracta est eorum recognitio? Tu inspector fuisti, haud credam aliquid pretiosi in Arca illa seruari, quam pro libito tibi datur scrutari; nam loculi Sanctorum Corporum quam maxima diligentia clauduntur, obsignantur. Sed præterea male inspexisti, cum dicas: *In hac duo separatim iacent corpora*, lapis verò infixus altari perhibeat, in ipsa iacere vnum tantum corpus Satyri, *Sub hoc Altari in arca marmorea iacet gloriosum corpus S. Satyri fratris S. Ambrosij*: de socio cur non sit mentio? At inquis ignorabatur cuiusnam Sancti esset illud corpus. Redarguo. Nam quod interpretatum fuit per duo, S. S. intelligi Sanctum Satyrum, ita per S. V. cur non interpretatum fuit, ut à te, Sanctum Victorem? Dices nondum compertum erat ex Dungalo, hunc illi fuisse socium in tumulo. Nihil dicis: Etenim inscribendum erat marmoreæ tabulæ, iacet & aliud S. Corpus, intitulatum S. V. vel ignoti nominis, quemadmodum mox
in

FAX SEPTIMA. 219

in eadem inscriptione subiicitur de ar-
 ca SS. Casti & Polymij *quod continent*
aliud Sanctum Corpus, cuius nomen ignoratur.
 Videñ vt inuerisimile semper sit lori-
 pes, fultum ab vno latere cadit. ab al-
 tero? Valdè autem miror cum te au-
 dio dicentem de ijs duobus corpori-
 bus, exanimatis tot iam supra mille an-
 nis: *Quodquè dextrum est, sicuti magis ab-*
sumptum, ita etiam tempore videtur esse an-
terius quàm sinistrum. Ducam te per cē-
 meteria, & sponsonem faciam, quam
 volueris; si addiuinaueris, vtra ossa sint
 veteriora ex humatis, his āte quinquā-
 ginta, illis sexaginta annos. Tanta est
 ætas Satyri in sepulcro, vt nequeat di-
 scerni Victore recentior. Nobis qui-
 dem dum ipsa Sacra Corpora vera re-
 tegeremus, non apparuit huiusmodi
 discrimen, nec dabatur internoscere,
 quis esset ex eis Martyr, & quis Con-
 fessor nisi inscriptiones indicassent.
 Catalogus Archiepiscoporum nostro-
 rum à Sancto Barnaba vsquè ad Ioan-

E e 2 nem

nem Arcimbaldum, cui addita sunt quædam ex collectis per eruditum virum cognomento Fontanam, loquens de Sancto Datio ita habet. *Jacet in Ecclesia S. Victoris ad Corpus cum SS. Myrocleste, & Prothasio Episcopis*, innuens quasi simul esse consepultos. Igitur reperta pariter fuerunt ibidem tria corpora, quæ existimata sunt esse hæc SS. Archiepiscoporum Myrocleitis, Prothasij, & Datii. Primus nonagesimo anno tertij sæculi, postremus sexagesimo sexti defunctus est, & tamen intervallum ducentorum septuaginta annorum non suffecit ad indicandum quisnam esset antiquior ex ijs, siquidem adnotatum fuisset in desuper confecto Documento. Ratio etiam id suadet, quia post adeò longa tempora, ossa defunctorum aut pariter incinerantur, aut pariter subsistunt. Memini me aliquando Laurentianam tuam Basilicam inuisisse, instante die suffragandis omnium fidelium Manibus adducto. Ibi curantes lugubrem

bre, ornatum, quâ defunctorum cal-
 uarias, quâ costas, quâ tibias appende-
 bāt. Interrogavi, discernere ne à quo
 tempore defuncti essent ij, quorum os-
 sa præ manibus haberent, & an etiam
 inter eos, qui recentius, qui uè antiqui-
 ūs decesserāt dijudicarent. Responde-
 rūt, leui me quasi irridentes cachinno,
 ita omnia lætho æquari, vt paria sint
 post absumptam cutem etiam ossa, nec
 ullum discrimen ea inter sit noscere.

Refracta autoritate harum mar-
 morearum Tabularum, quippe cum
 nuperæ sint, nullum testimonium cerrū
 reddere possunt de re adeò antiqua; so-
 lutus sum ab onere interpretandi earū
 literas. Concedam tibi quamcunque
 iaterpretationem tibi confixeris Dicāt
 S.S.H.R. Sanctus Satyrus Hic Requi-
 escit, & illæ S.V. Sanctus V.ctor; quid
 inde? Appositæ sunt hēri, post vulga-
 tam celebrem inuentionem illorū sa-
 crorum pignorum in Portiana, seu bo-
 na fide à sic opinantibus ad vorum, vel
 mala,

mala , ad aſtruendum indicium poſſeſſionis eorundem , quam Ambroſiani præſumunt. Sed dato adhuc , & non conſeſſo , quod ea tabella marmorea , quam in arca vidisti eſſet perantiqua , num cogemur tunc ſtare tuæ interpretationi ? Qui cauillaris ſuper lateritijs antiquiſſimis noſtris inſcriptionibus ; proferentibus per extenſũ , & diſtinctè hæc nomina S. SATIR S. > ICI OR , propter duas ſolum literas modicum aberrantes , non patieris aliam interpretationem tuarum notarum quæ ſũt theſis indefinitæ ? De Æſopo legitur , quod ſimul cum hero deambulans , interpretatus eſt illicò triformitèr ſeptē literas incisas obuiolapidi ; ſic tuę iſtę poſſunt exponi *Sit Salus. Hic Requeſcenti ;* vel *Sculpsit Sepulcrum Hoc Robertus :* vel *Satum Satyrum Hic Requeſcere , ſunt Verba ,* & alijs modis ſexcentis .

Quod ſi interpretandum ſit de aliquo Sancto corpore , id fiet congruentius de alio quocunque , cuius nomen inci-

incipiat ab eadem litera S. quàm de Satyro, de quo iam constat iacere apud Victorem in Portiana. Quid prohibet exponere de SS. Stephano Episcopo, Saturnino, Sebaldo, Sabino, Simeone, Seuero, Simplicio, quorum reliquijs ornata iam aliàs perhibetur ipsa Basilica Ambrosiana, quorum integra Corpora non adedò compertum est, ubi nã requiescant? Similiter litere S V. recipiunt omnem interpretationem de Sãcto nominis incipiẽtis à litera V; quinindè S. Victoris, at non Mauri nostri. Planè sexagintaquatuor huius nominis Sanctos diuersos legi in Martyrologijs Galefinij, Baronij, & Ferrarij; sumito tibi ex eis, quem malueris, relicto nobis Mauro Mediolani passo, quem nobis adiudicauit antiquitas, patefecit inspectio, sancit canonice Diuus Carolus.

Quisquis Martyrem habet in tumulo, & nomen proprium ignoret, appellet Victorem, & non mentietur; sunt
nam-

namq; Martyres ònes VICTORVM
genus optimum; quod vincit, dum òc-
cidit, non dum occìdit. Hoc appella-
tuo nomine singulos Christi cruentos
milites compellat Ecclesia, *Martyr Dei*
qui unicum Patris sequendo filiũ, victis triũ-
phas hostibus VICTOR fruens. celestibus.

Propterea in cryptis antiquis, & cœ-
meterijs Sanctorum, vbicunquè tu-
mulus est ignoti Martyris, stant pro
nomine insculptæ palmæ, & coronæ,
Victorũ insignia. Habes corpus Mar-
tyris, habes Victoris: fortè erit hoc
tuum sepulcrum Martyris anonimi, &
pro corona, & laurea insculpserunt ar-
cæ (quod idem est) S V. Sanctum Vic-
torem, idest Sanctum Martyrem. Nūc
autem, sicut olim Apostolus dixit A-
theniensibus; *Præteriens enim, & videns*
simulacra vestra inueni. & Aram, in qua in-
scriptum erat: Ignoto Deo. Quod ergò igno-
rantes colitis, hoc ego annuncio vobis; volui-
sti paulizare, declarando nomen igno-
ti Martyris (si modò quid eiusmodi est
inibi)

Actuum
Ap. c. 17.

inibi) & quem nemo alius nouit, pro-
 palasti Victorem. Scio Scriptores,
 quicunque Ambrosianam Ædem me-
 ritis elogijs celebrarunt, nunquam eius
 glorijs hanc addidisse, quod Victoris
 Mauri illustretur exuuijs. Episcopus
 Nouariensis agens de Satyrano Sacel-
 lo, inquit, *habentur ibi pleraque Sanctorum*
ossa recens inuenta, & in sacrario reperta sunt
corpora, estimata ab ipsis Sanctorum esse Diaconorum
Casti & Polimij, nihilque prætere-
reâ addit. Paulus Morigia, qui post
prædictum scripsit, dum de SS. Cor-
poribus meminit in Ambrosiana quies-
centibus, ait: Præter Protectoris nostri cor-
pus, & Sanctorum Gervasij ac Prothasij alia
quoque adsunt, quibus recensitis profe-
quitur, adsunt etiam corpora SS. Casti &
Polimij recondita in Cappella Diui Satyri ex
parte RR. Monachorum. Id ipsum con-
 firmat Io. Baptista Villa. Qui addunt
 præterea adesse ex parte Monasterij
 aliud corpus Sancti, cuius nomē igno-
 ratur; estque id ipsum quod marmorea
 E f tabula,

*In lib. aliquo.
 Eccl. Med.*

tabula, infixâ altari, relatâ à nobis superiùs, indicat coniacere SS. Casto & Polimio in eadem Arca, distincta ab illa, in qua solius Satyri corpus perhibet asseruari; contra quod ais tu, in hac quoquè reperiri alterum corpus, nunquam ante hac vlli cognitum pro Victore.

Suffarcinas deniquè aliam coniecturam, ex marmoreo carmine sepulchrali, quod annis tribus, priusquam eascriberes, extitisse ais in Cappella Satyriana, ex quo discitur Virginem Dædaliam Manliam esse ibi tumulatam, ante frontem Martyris; Atquî ibi nullius alterius Martyris corpus est assignare præter Victoris, ob alias coniecturas hæctenûs deductas; ergò ipse est, qui indicatur literis S. V. in eadē Arca, vbi est focius signatus literis S. S. H. R. Carmen vero est huiusmodi.

MARTYRIS AD. FRONTEM *recubent*

qua membra sepulcro,

Vt Lector noscas, est opera pretium.

Clara

*Clara genus, censu pollens, & mater egentum;
Virgo sacrata Deo, Manlia Dadalia.*

*Qua mortale nihil mortali in corpore voluens,
Quo peteret Cælum, semper amavit iter.*

*Sexaginta annos vicino limine tangens
Rettulit ad Christum celsa per astra gradu.*

*Hæc, Germana, tibi Theodorus frater, &
heres,*

Quæ relegant olim sæcla futura, dedi.

Dixi leues te suffarcinare coniecturas: quæ nihil euincunt; re autem vltèriùs perpenſa, video, te ad eas ſuffulciendas etiam inueriſimilia lato ore depromere. Ais, Carolum à Basilica Petri neſciſſe, prædictum Epitaphium ante tres annos extitiſſe ab immemorabili, iuxtà & propè Altare Cappellæ Sancti Satyri. Scilicet de rebus Indorum, aut Antipodarum, non de patrijs, aut obiter, & aliud agens Carolus ſcribebat. Nonnè ſcire potuit, Epitaphiũ ab immemorabili in Basilica Ambroſiana extitiſſe; nec tamen ibi primũ fuiſſe poſitum; ſed illuc translatum, à

Ff 2 tem-

tempore, iam tunc excedente hominum memoriam? Illud disertè affirmat Carolus, anno quo ipse scribebat, erat 1579. nullo loco apparuisse Epiraphiū; quod tu, antè tres dumtaxat annos scilicet 1638. ais esse sublatum. Adeò ne paruulus erat lapis quinque palmaris; aut Carolus oculorum acie adeò hebeti fuit, vt ipsum præterierit; cum tu in pariete, iuxtà Altare, loco omnibus patenti, ac peruiso confitum fuisse dicas? Mihi quidem, qui tardiùs hæc sum perscrutatus, laboriosa indagine opus fuit; rimatus enim cetera diligentissimè, vix tandem in angulo segregati nescio cuius domicilij illum valui reperire. Quod si clientes tui, sub Epigraphæ etiam ossa Dædalix latere in eo Sacello essent arbitrati; par erat Epigraphæ de Templo non eliminare, cum facile alio quopiam in loco cōseri potuisset: præsertim ne latus ei sententiæ campus relinqueretur, quam suscitauit à Basilica Petri; videlicet ad Diuum Nazarium

zarium Dædaliæ corpus requieuisse ;
 Sic enim ipse : *Illud argumento est, quod cum* ^{In Fragmentis.}
erueremus Corpora SS. Archiepiscoporum, qua in
Ecclesia Sancti Nazarij erant, sub Altari pri-
mario, in media ferè Ecclesia, inuenimus in
Arcula argentea, spheram seu globum, ex au-
richalco cauum, magnitudine pugni, qui in duas
æquales partes diuisus simul tamen iungebatur,
& claudebatur. Intus erant velamina, &
parum ossis ; foris hæc litera DÆDALIA
VIVAS IN CHRISTO. Et post pauca:
Repeto hîc probabile esse huius Virginis ossa fu-
isse in Arca, ex qua inuenta ad sinistram partem
sepulcri Martyris, bonus odor afflatus est.

Iam verò Andreas Alciatus itē Mediolanensis, de visu testis, refert, suo adhuc tempore Epigramma ponè sepulcrum SS. Gervasij, & Prothasij fuisse collocatum. Afferis tu ab immemorabili (quo loquendi modo perpetuè velles intelligi) extitisse propè Altare Sacelli Sancti Satyri ; quod Sacellum tantum á sepulcro eorum Martyrum distat, quantum in superioribus obseruatum

seruatum est, & quod, te authore, aliam
 ab Ambrosiana Basilicam, Fauſtinianā
 ſcilicet, conſtituebar. Alciatus quidē
 luculenter: *Adhuc Mediolani in Prothaſij,
 Orbaſijq; Martyrum tumulo eſt Epigramma,
 quo Martyris ad frontem legitur ſitam neſcio-
 quā ſœmellam, Manliam Dadaliā. At
 tu, Mālię oſſa, ais, nō recubaffe ad frōtē
 Sanctōrū Geruaſij, & Prothaſij ſicut ex
 Alciati verbis argutari fortē quiſpiā poſſet. Id
 nē eſt argutandi dumtaxat anſam præ-
 bere, an certo certius affirmare? Vide
 quanti facias Scriptores grauiffimos,
 quāmq; eorum exagites verba, ne
 tuis videantur aduerſari commentis.
 Pergamus. Alciatus dicit, Epigramma
 eſſe *in tumulo* interpretaris tu, *ſive in Ba-
 ſilica*: quaſi verò ipſe per ſe dicere ne-
 quiuiſſet, ſi totam Baſilicam loco tu-
 muli voluiſſet intelligi. Eſt igitur Gloſ-
 ſa tua Gloſſa Aurelianenſis, quæ con-
 tradicit textui. Scribebat Alciatus ad
 eam Juſtinianæi Codicis legem, quæ
 prohibet, cadauera in ſepulcris Apoſ-
 tolorum,*

*Leg. 2. Cod.
 de Sacroſan.
 Eccleſ.*

rolorum, aut Martyrum tumulari: cum
 tamen nunquàm vetitum sit, in eorum
 Basilicis recondi. Quamobrem dum
 ait, cerni aduersus eam legem, Medio-
 lani sepultam Manliam Dædaliam in
 tumulo Martyrum Geruasij, & Protha-
 sij, non est locutus de Templo; in quo
 non ignorabat infinitos penè alios esse
 tumulatos. Equidem Lanterij, eiusq;
 vxoris sarcophagus prædictis Marty-
 ribus vicinior est, quàm Manliæ Dæ-
 daliaë, per te non nisi in Satyriano Sa-
 cello quiescentis: nec tamen eorū me-
 minit Alciatus. Nec pro te esse putes,
 quod contra Alciatum pronunciauerit
 Carolus à Basilica Petri, *falsum apparere*
visentibus, ea carmina esse in tumulo SS.
 Geruasij, & Prothasij. Pace enim tanti
 viri respondebo, nil obstare quò minùs
 Alciati tempestate carmina viserentur,
 quæ tamen, dum Carolus scribebat,
 non legebantur, quia iam fuerant sub-
 lata. Minùs verò nitariis argumento,
 quod *ad frontem Martyris* dicat lapis re-
 con-

conditam Manliam: dicturus *ad frontē* *Martyrum* si, ut volebat Alciatus in tumulo Sanctorum germanorum existeret: Carminis quippè numero non admittente. *Martyrum* (nisi Ennianum quoddam in Decastico, ceterà nō ineleganti admiseris) vsus est author frequentissimo schemate, quo singularis numerus pro plurali ponitur: aut fortè Manliæ satis fuit, nō ex æquo utriquē, sed vni tantum ex duobus propriorem collocari.

Reliquum igitur esset, quandoquidē oculati testes Epitaphium propè sepulcrum Sanctorum Geruasij, & Prothasij aliquando conspexerē, ut diceret, inde fuisse ad Sacellum Satyrianū vnā cum ossibus Manliæ translatum: &, ne Manlia longè à Martyris fronte, aut Epitaphium longè à veritate abesset, iuxta Altare, ubi Victorem Maurū requiescere autumas, vtrumquē constitutum. Benè esset, nisi hoc effugiū tibi præripuisses asserendo, nunquam
ad

ad frontem aliûs Martyris, quàm Victoris recubuisse Manliam; aut si translationis eiusmodi tempus, aut causam, authoresuè, vel testes aliquos indicares. Nos enim gratis dictum, gratis denegabimus; probabiliusque asseremus (si tamen marmor ibi aliquando fuit vbi Carolus à Basilica Petri illud non valuit inspicere) eò delatum; ne Manliæ memoria extra totum Templum exularet; quùm à fronte Martyrum Geruasij, & Prothasij aliqua de causa, puta loci exornandi esset auferendum. Simili enim ex causa, novæ scilicet extruendæ scalæ, fateris tu á Sacello Satyrano sublatum. Qua opportunitate, alijsuè, quæ sæpiùs effodiendi acciderunt (quibus tu novos Satyros novosque Victores invenisti,) miror non esse inuentam, imò fortè nec quæsitam Manliam istam aut anonymis exuvijs non esse inditum Manliæ nomen, siquidem lapis hic per te eam præsentem, quasi di-

G g

gito

gito, ostendebat.

Sed esto tandem ; ab ipso funere Manliam ad frontem Martyris in Sattyriano Sacello recubasse . Fallax coniectatio est Martyrem illum non alium , quàm nostrum Victorem esse : tuquè ipse fateris numero 304. & 305. iacuisse sub eo Altari corpora SS. Martyrum Casti & Polimij nec non aliud Sanctum Corpus , cuius nomen ignoratur , cum plurimis aliorum Sanctorum ac Sanctarum Reliquijs . Fallax coniectatio est, *ad frontem Martyris* , nil aliud significare quàm iuxta vel propè . Habet enim latitudinem phrasidis illa . Quilibet per totum Templi ambitum, eò loci, vnde Martyris sepulcrum conspici potest , humatus est, dici potest humatus ad frontem Martyris . Fallax coniectatio est *fronte Martyris* solum Martyris sepulcrum denotari. *Ad Tēplum ipsum*, à Martyre nomen habens; ad statuam, aliamuè Sacti Iconem potest

test esse allusio . Quid mirum igitur, si
Dædalia tumulata per te in præcipua
Sacelli Sancti Victoris ad cælum aureū
parte, vbi ipse musiuo opere medio in
fornice residet, dicatur Martyris ad
frontem recubare? Certè Iconi Dei-
paræ non ineptè subscriptum legi.

Virginis ad faciem mortales sistite gressum

Nonnè salutetur, qua fuit orta salus?

Exploratum igitur maneat, nec à
Reliquijs in Ambrosiano D. Satyri Sa-
cello existentibus, nec à literis incertæ
significationis circa eas inuentis, nec
ab inscriptis lapidibus, elici posse pro-
babile indicium de existentia corporis
D. Victoris aut Satyri in eo Sacello:
Hoc tamen postremum de lapidibus,
sequenti face adhuc diligentius exami-
ni subiiciendum est .

FAX OCTAVA.

*Admota monumentis , Dium
Satyrum in Ambrosiana
Basilica requiescere docen-
tibus , eorum vitia dete-
git .*



ED adhuc obiectas
marmoream illam Ta-
bulam, parieti confi-
tam, post Altare Sa-
celli Satyriani in Am-
brofiana . Quid enim
expressius, ais tu, expeti potest, quàm
*Sub hoc Altari in Arca marmorea iacet glorio-
sum Corpus Sancti Satyri fratris Sancti Am-
brofij ?*

Tabula hæc postica est, angusto in
loco, & remoto . Face indiget aliqua,
ego adferam; dummodò per ferreos
cancellos, quibus sepitur, liceat acce-
dere.

dere . Et priùs generatim ostendam ,
 fallacissimum esse hanc á Cenotaphijs ,
 & inscriptionibus desumptam proba-
 tionem ; nec solidum esse , quanvis la-
 pideum sit , in insculptis lapidibus fun-
 damentum ; nisi alijs adminiculis ful-
 ciatur . Ordiam , vnde desij face ante-
 cedenti , à Tabula scilicet Manliæ De-
 daliaë . Si verum nunc illa enuntiet ,
 martyrem facies Bernardum Italię Re-
 gem ; siquidem qui legit , non nisi ad
 frōtem Bernardi legit tumulatam Mā-
 liam . Et tamen nec Bernardus iam am-
 plius in suo sepulcro est , vt docet nu-
 mero 39. & si vi sublatus Rex ille fuit ,
 vt multorum fert opinio , compertissi-
 mum est , id non ex aliqua pia accidisse
 causa , sed quia aduersus Imperatorem
 Ludouicum pium coniurauerit . Refers
 sub num. 171. Lotharium Regem obi-
 jisse in Italia extremum diem , ac Medio-
 lani tumulatum in Sacello Sancti Ge-
 orgij Ambrosianæ Basilicæ ; eius item
 sepulcrum fuisse conspicuum , marmo-
 ream :

ream nempè Arcam, quæ ibidem anno
1515. adhuc visebatur. Verum hoc ti-
bi libens dedero, talem Arcam in Am-
brosiana fuisse; abnuam, aliquando in
ea iacuisse Lotharium. Me etenim ocu-
latus testis Tristanus Calchus magis
mouet, qui lib. p. astruens iuniorem
Plinium Mediolani Vicariam exercuif-
se potestatem; *Huius rei, inquit, mox
fidem auxit Tabula marmorea, quam quatuor
in frustra diuisam, nobile Lothario Regi sepul-
crum facturi, quidam literarum ignari, in
formam Arca posuerunt. Ac nescio, an Plinij
gloria inuidentes, ad illius memoriam oblite-
randam intrinsecus literas obuerterunt, ut nisi
immissò lumine non legantur. Vacua autem ea
Arca est in Æde Ambrosiana. Quid clarus?*

Bibl. Vinc.
antiq. p. p.
Fasc. 6.

Nec dissimile est, quod Ioannes An-
tomius Castellionæus memorat; scili-
cet ex inspecta in Templo D. Dionysij
ad Heriberti Mediolanensis Archiepis-
copi tumulum celebri Epigraphe, cu-
ius initium.

Hic iaceo pulvis cui quondam claruit Orbis,

Tunc

*Tunc Heribertus eram, nimioquè decore vi-
gebam &c.*

cupiditatem irrepsisse conspiciendi ca-
daver . Quid verò acciderit ipse recē-
seat . In Arca lapidea , Epitaphio isti subie-
cta, ac proxima, suspicatus olim fueram, He-
riberti ossa quiescere ; nec temerè, ob utriusquè
vicinitatem maximam . Nec defuit mihi, rem
paulò diligentius inquirere cupienti, Cœnobiariū
Ædis illius prolixa humanitas , ut voti com-
pos euaderem . Nam ea de causa animum meū
inuasert cupiditas ossa illa propius intuenti ; ut
ex fidelissimo oculorum testimonio certior pla-
nè fierem de forma corporis Heriberti, parvus-
ne vera fuerit (quod ex probatorum Chono-
graphorum fide testatus antea fueram) an pro-
cerus . Facile siquidem vel ex ipso ossium exi-
lium , magnorumuè conspectu , id quod scire
auebat animus, dignosci posse mihi persuadebā .
Immissa igitur in sepulcrum face, ossa Præsulis
omnia diligentissime recognoui ; & grandiora,
longioraque deprehendi, quàm ut homini parui
corporis conuenire possent : Quamobrem quid
hìc mihi sentiendum esset ambigere cœpi . Ni-
mirum,

mirum, aut falsitatis insimulare debebam Scriptores illos, qui Heribertum statuerant pusillum, literis quasi coloribus, expressissent, aut certe fateri, ossa in Arca illa composita Heriberti non esse. In hoc animi suspensio, subdit, exhibitam sibi fuisse tabellam, olim in eò sepulcro repertam, testantem què non Heriberti, sed alterius nescio cuius ossa illa esse. Quamobrem in hæc verba rem absoluit. Quibus fit ut illud Heriberti sepulcrum esse constantissime negem, I. nunc è lapidibus fide.

Redeo ad Ambrosianam, & do exemplum, quod vnicum pro omnibus esse potest. Affirmas tu diserte num. 444. tecumquè habes Scriptorum, ac monumentorum non contemnendum agmen, Dium Mansuetum Mediolanensem Archiepiscopum in Ambrosiana Basilica ab ipso funere tumulatum, ibiquè eius reliquias reuerenter, ac piè semper celebratas fuisse. Prostat nihil osceciùs in Basilica Sancti Stephani marmorea tabula, asserens inibi esse
Man-

Manfueti corpus. At qua certitudine?
*Corpora Sanctorum Martiniani, Auxani, &
 Mansueti Mediolani Archiepiscoporum &c.
 sub veteri huius Ecclesie Choro quondam sepul-
 ta, & propter nouam Templi structuram inde
 amota, diligenter què ex antiquis monumentis,
 picturis, traditionibusquè recognita, Federicus
 Cardinalis, & Mediolanensis Archiepiscopus
 &c. sub hoc Altari decentius collocauit. Pridie
 Kalend. Iunij 1609.*

Detur iam igitur mihi, sic tecum age-
 re. Quemadmodum tu nullum existi-
 mas creari hoc lapide præiudiciū Am-
 brosianæ Basilicæ, possidenti iam inde
 ab initio Manfueti Corpus; eò minùs
 ego ex tua nupera inscriptione, à Vic-
 toriana Basilica tumulum Satyri abra-
 di posse, putabo. Quod enim ais, ali-
 quam fortè Manfueti partem in prædi-
 cta Sancti Stephani Ecclesia reperiri:
 vide, an conueniens fuerit, á pruden-
 tissimo Præsule tali parti indi nomen
*Corporis, diligenter recogniti ex antiquis mo-
 numentis, picturis, ac traditionibus, & an ob*

Hh

eam

eam iustum fuerit, inferri eiusmodi lapide appposito, præiudicium Ambrosianæ possidenti partem maiorem. Nō ex eo Ambrosiana, quin reminiscar, introspexisse me in ea Pagano Petrasanc-
 tæ inscriptum tumulum; apparuit omninò vacuus, absquē vllō humati cadaveris vestigio. Calimeri Episcopi, & Martyris ossibus frui nos Mediolanenses pro comperto habemus, ut potè qui apud nos Martyrio coronatus, sepultus, ac sæpe agnitus fuit. At ecce tibi Brixia in D. Clementis propè Altare Christi è Cruce pendentis, marmor eloquitur: *Hic iacet Corpus S. Calimeri Episcopi & Martyris*, & ne alium à Mediolanensi putes, ad stipulatur temporis supputatio, *qui obiit anno Domini CXCII.* Patauij Ædem D. Augustino sacram curiosè aliquando perlustrabā. Incidi in magnificè extructam, atquē exsculptam molem sepulcralem; quæ me docebat, in ibi iacere M. Antonium Querengum, Præsulem nobilitate, eruditione,

ditione, ac rebus gestis clarissimum, quem tamen sciebam decessisse Romæ, ibiquè sepulturæ mandatum. Aduenit fortuitò Flavius Querengus M. Antonij fratris filius, publicus in ea Vniuersitate legum Interpres, quiquè Cenotaphium posuerat. Percontor, quam ob rem Patrum Romæ tumultum suadere conetur, Patauij requiescere? At ille, honoris ergò hæc excitari, respondet; cæterùm nil referre, quod mentiantur incisi lapides præsentiam exuiarum, dummodò defunctorum veras laudes enuncient.

Dies me deficiet, si omnem huiusmodi Epigraphem; carentem exuijs, quas indicant, velim referre. Pleriquè sibi ipsis tumulum, inscriptionemquè, dum essent in viuis condidere; letho præuenti; extorres, sepulcro peregrino conditi, in eum deferri non potuerunt. Alij illustribus, ac benè merentibus viris iuxta patrios sarcophagos elogia erexere, illi licet alibi mortalia

Hh 2 exue-

exuerint. Alij voluerunt, aut eis fortuna arrisit, vt haberent, non vno in loco monumenta. Sæpe lapides trāslati immoris lipsanis eorum, quos celebrabant. Sæpius è contra multorum ossa sublata, solis Tabulis, quin etiam ipsis Arcis, & capsulis vacuis, relictis. Soli tandem tituli interdum excitati ab eis, quorum è re esset, habere corpora, quæ non habent. Ex quorum numero vereor, ne sit tabula hæc tua; fateris enim anno 1588. positam; quo tēpore iam per Sanctum Archiepiscopū Carolum Ambrosianis inspectantibus (vt sæpius diximus, & dicturi sumus) Satyri corpus in Victoriana Basilica repertum, itemquè reconditum fuerat. Qua ex re cum id consequi debuisset, vt, si lapis ille, iam ibi fuisset, auferretur; contra euenit, vt poneretur. At vide quàm iniurie: siquidem dubietate pendente, an requiesceret in Ambrosiana Satyrus, nullus lapis, qui id affirmaret erectus est; ambiguitate perem-

perempta ob eius inuentionem in Victoriana, tùm demum Ambrosiani erecto lapide sibi asciscunt. Ita quod litē componere debebat, adauxit. Secùs Brixiae accidit in re simili nostris temporibus. Dissidebant duorum Cēnobiorum Religiosi viri de Sanctis Faustino, & Iouita, eius Urbis Tutelari-
bus. Horum Corpora proprio quisquē Templo adiudicabat. Illi quod dicerent, inibi neci, ac tumulo datos; hi, quod inde ad se translato aut marent. Et quia inter Historicos non conueniebat de tempore, & auctore translationis, illi translatione denegata, circumlationem tantummodò nefcioquam, ad populi pia studia concilianda, admittebant. Rem ad concordiam reuocaturus Brixiam proficiscitur occasione visitationis S. Carolus Borromæus. Processum, vt vocant, instituit. Verùm in nodos inextricabiles impingens, hære coactus est; donec recentiori æuo., Æde ampliori per

Io. Pet.
Gluf. in Vita
S. Car. lib. 6.
cap. 7.

per Cassinates Monachos exædificata, dum in eam è veteri sacræ asportandæ Reliquiæ detegerentur, ab Episcopo Marino Georgio hæc SS. Martyrum corpora visa, ac agnita sunt. Exinde nulla apud quemquàm superfuit dubitatio; ipsi met, qui possidere arbitrabantur, manus dedere, sublatis è medio tabulis, quæ contrá docere videbantur. At nostro in casu altercantur de corpore Satyri Ambrosiana, ac Victoriana Basilica. Fit inspectio accurata. Reperitur Corpus apud Victorianos accitis Ambrosianis in testes. Hi nihilominùs lapidem statuunt, asserentem à se ipsis Satyrum possideri. Ita felicior fuit Marini Georgij, quam Caroli Borromæi auctoritas, ac diligentia.

Quod si comminiscaris, inter prædictam inspectionem, & tempus positi lapidis, tuum Satyrum clariùs emerfisse: petam abs te (quod alias etiam feci) quo inquirente? quo teste? & quibus docu-

documentis rem alias dubiam mihi fis
suasurus . *Authenticum enim* (hanc doc-
trinam refers ex alijs , & recipis tu nu-
mero 595:) *non accipitur pro eo , quod se ip-
sum probat , vel ex se habet auctoritatem , sed
pro eo quod multorum attestatione comproba-
tur .* Scio quidem sæpius in Sacello &
circa , perquisitū & effossum , sed quod
aliquid ad rem faciens repertum sit , ne-
scio .

Elucefferet ampliùs , gratis , & sine fū-
damento in eo lapide de D. Satyro fa-
ctam esse mentionem , si te referentem
audiemus , qua occasione sit positus .
Priùs autem totam inscriptionem , quę
in vno , eodemq; indiuiso lapide est , ob
oculis ponam .

*Sub hoc Altari in Arca marmorea iacet
gloriosum Corpus Sancti Satyri ,
fratris Sancti Ambrosij .*

*Item in alia Capsa lapidea in eodem Alta-
ri iacent corpora Sanctorum Martyrū
Casti , & Polimij , nec non aliud Sanctū
Corpus ,*

Corpus, cuius nomen ignoratur, cum plurimis aliorum Sanctorum, & Sanctarum Reliquijs.

Nec plura. Ais tu, fidelissimum Scriptum reperiri & in Archiuio Ambrosiano, & in *Arcula* (sic eam vocas, quæ per te capit tria SS. Corpora, & plurimas alias Sanctorum, & Sanctarum Reliquias) qua Corpora huiusmodi continentur tenoris sequentis. *Anna Millesimo quingentesimo septuagesimo tertio Dominus Salamina Episcopus, ac in Diœcesi Mediolanensi Visitator Apostolicus, in ipsa Visitationis functione, pio accensus desiderio, Corpora SS. Martyrum, Confessorum, & Virginum, in eâdem Diœcesi consistentium, visitandi, in omnibus Ecclesijs summa diligentia inquirens, proprijs oculis ea inspicere, ac adorare voluit. Porro inter cetera, sub Altari Sacristiæ Ecclesiæ Sancti Ambrosij Maioris, ex parte Monachorum, SS. Martyrum Casti, & Pelimij corpora reperit. Quibus verè agnitis, & exinde aliquandiu adoratis, in suis proprijs locis ea reliquit. Caterum cum eorum*
Ceno-

Cenotaphia penè corrosa essent carie, Anno millesimo quingentesimo octuagesimo octauo Mensis Ianuarij die Admodum Reuerendo Domino Iuuenali Orabonio, huius Monasterij, & Ecclesia Sancti Ambrosij Maioris Abbati, supradictorum SS. veneratione moto, placuit hac in capsula piè, debitoquè cultu, proprijs manibus, cereis accensis, Monachis hinc inde flexis genibus adstantibus, ea reponere, vt tantò sapius dignentur pro suis deuotis apud Iesum Christum Dominum nostrum veniam implorare in Cœlis, quò attentius eorum Corpora venerantur in terris. Addis tu de tuo penu, tunc ea Casti, & Polimij Corpora fuisse in proximum Sancti Satyri Sacellū restituta, équo antea fuerant illuc, scilicet in Sacristiam, translata; & tunc temporis in eo Sacello consistam Tabulam illam. Quod ais consistam, intelligendum est etiam tunc primo incisā; non enim iam alibi posita potuit huc transferri, quippè quæ apertè mentita fuisset, asserens sub eodem Altari Satyrum, & duos Martyres iacere dum

Ii ille

ille (per te) in proprio Sacello , hi in Sacristia nec in capsula lapidea, sed lignea, requiescerent.

Ego verò hîc primum inficiabor (nisi aliunde suadeas) peractam tunc esse illam è Sacristia in Sacellum restitutionem, siquidem *fidelissimum* scriptû nullum, vt par erat, de ea verbum facit . Meherclè enim valde intereat, commendare posteritati, steterisse Monachos *flexis genibus*, & hinc inde & cereis *accensis*, nihil autem intererat, quod sciretur, Sacra Corpora fuisse è loco suo in Sacellum Satyrianum translata, ibiquè recondita. Vltcrius testatur *fidelissimum* scriptum solos Castum, & Polimium in capsula repositos; quid mihi narrat lapis, in eadem aliud Corpus, & plurimas alias Sanctorum, & Sanctarû Reliquias contineri? Quis inuenit? Vbi? quo tempore? quis simul iunxit? En quantam ansam habeam credendi, lapidem illum recentidrem esse anno 1588., quò autem recentior ed apud me minoris

minoris auctoritatis. Ad hæc cur *fidelissimo* Scripto, & per te Archetypo, non vertam vitio, quod in eo, & nomē Præfulis inuenientis, & dies mutationis capsulæ desideretur? Lapis verò, si obreposita in eo Sacello Casti & Polimij corpora, erectus est, cur Satyrum statim, & primo loco vsurpat? Quod nouum indicium, aut recens repertum documentum, Ambrosianos coegit, ut post annum duodecimum ab agnito Satyro in Victoriana, lapideo edicto testarentur Orbi, se Satyrum possidere. Rursus si per te non potest haberi Satyrus, quin habeatur & Victor, cur lapide Victorem quoquē non vindicarent. Tandem cur Castum & Polimium Martyres dicunt, si re bene perpēsa (etiam per te eo num. 305.) in Martyrum numero collocari nequeunt? Vides quanta suspicione laboret Epigraphæ, præter ea, quæ (validiora utriquē) animaduertimus face antecedenti. Hic si semel euicero inconsideratē

li 2 aliquid

aliquid in marmore exsculprum esse, stet marmor, vt vis, marmoris fides labet, necesse est.

Transeo nunc ad monumenta, membranea, & papyracea. Initio porrò nō inficiabor, elapsis temporibus aliquatenus circumuagasse opinionē de existentia Corporis D. Satyri in Ambrosiana. Suadebant sibi inscij veritatis, amantissimos inuicem fratres nec tumulo voluisse separari; & hoc quidē fuerat Ambrosij primum consilium, vt suprā demonstratum est; audiebant, vnum ex præcipuis eius Basilicę Sacellis de nomine Satyri appellari: videbant, festum eius diem ibidem magis solemniter celebrari; gratum erat Ambrosianis Monachis, & Canonicis, ita à fidelibus credi, eamquē credulitatē data opera confouebant. Ex aduerso Victoriana Basilica non adeo multos patrocinantes, habebat, aliquantò longius ab Vrbe aberat; deferbuerat antiquitùs illi præstitus cultus, ac veneratio:

tio : siue hominum refrigefcente pietate ; siue calamitatum , & bellorum , quibus Vrbs nostra frequenter afflictata est, iniuria; deciderat, inquam, à veteri gloria, in quam etsi restituere conatus sit circa annum Domini 1000. Arnulphus Archiepiscopus, restauratione, ditatione , & Monachorum additione: his tamen non longè post abolitis , iacere per aliquod sæcula neglectam, necesse fuit. Hæc igitur si vera sunt, vt verissima , mirum videri non deberet, si aliqui ex Veteribus rumorẽ qui diù vigit, secuti, Satyri Corpus scriptis suis Ambrosianæ Basilicæ adiudicassent .

At iam antiquam membranam, quã primo loco opponis audiamus. Refers illam num. 470. *Reperitur in antiquis Romanorum Sanctorum Pontificum Registris , quod visitantes Ecclesiam Beatissimi Patris Ambrosij, in qua eiusdem Corpus, nec non Corpora Sanctorum Martyrum Prothasij, & Geruasij, Sanctæ Marcellinæ Virginis, et sororis*

ris Sancti Ambrosij, & Sancti Satyri, requiescunt, & cum eis gloriosa Sanctorum Corpora Casti et Polimij, et multa alia Sanctorum corpora omnium peccatorum suorum bene confessi & contriti veniam consequantur.

Vt respondeam, non inquirò de fide membranæ, mihi valdè suspectæ; fileo è Romana Vrbe acciri testimonium, Mediolani autem ignorari, qui distinctiùs Pontifices Indulgentiam impertrierint, non obijcio, amplam nimis, ac indefinitam esse talem Indulgentiã, qualis concedi non solet, imò eandem videri cum ea, quam Italico sermone continet libellus à te sæpe memoratus de Indulgentijs, & Corporibus SS. Vr- bis Mediolani, antiquior quidem, sed typis Mediolanensibus anno 1515. commissus: *Si troua in li antiqui Registri de li Santi Papi, che in la Giesà de Santo Ambrosio sono ottomille anni, & altre tante quarantene de Indulgentie ogni lunedì per tutto l'anno. Ancora in li altri di ottocento anni, & altre tante quarantene de Indulgentie, le quali nouamente il*

il Summo Pontefice Alexandro Sexto ha confirmato, & altre tante ne ha aggiunto. (Vides, quanta suspitione laboret illa, si cum hac posteriore conferatur) His, inquam, non vtor; nec assumo, verisimile esse, ex formula supplicationis desumptum tenorem Indulgentiæ, in supplicatione autem Ambrosianos enarrasse, quidquid eis libuerit; tantum dico, nihil inde euinci, quia sensus est, Marcellinam tam Ambrosio, quàm Satyro fuisse germanam: & sic non recensetur Satyrus tanquàm requiescens in Ambrosiana sed tanquàm frater Marcellinæ. Hoc ordine colloca verba, & carebis omni difficultate *Requiescunt Corpora SS. Martyrum Prothasij, & Geruasij, & Sanctæ Marcellinæ Virginis Sancti Ambrosij, & Sancti Satyri sororis.* Alioquin enim, quomodo Sanctus Satyrus non erat ante Marcellinam collocandus? Nonnè hic est prudens Ecclesiæ mos, ut viri ante foeminas recenseantur?

Indicium, quod monumentis inter-
feris,

feris , de antiquo vſu, Canonicis Ambroſianæ, & Ordinarijs Metropolitanae communi, conueniendi quotannis ad celebrandam ſolemnitatem Sancti Satyri in hoc eius Sacello: iſtud, inquã, indicium, quod manifeſtum tu vocas, mihi valdè infirmum, & obſcurum eſt. Exhibebat Clerus honorem fratri ſui Sanctiſſimi Patroni Ambroſij: vni itē ex præcipuis Sacellis Ambroſianæ Baſilicæ, id præſtabat, quod Monachi nō valebant, obſtricti aecedere ad aliam Sancti Satyri Eccleſiam, in interiori vrbis exiſtentem: nunquid inde conſequens eſt, ibi Satyri corpus adeſſe? Imò inconſequens eſſet, Monachos ad exterum Templum ſolo Satyri nomine decoratum itare, dum domi Eccleſiam nomine, & exuijs Satyri inſignitam, haberent. Patere tamen vltèriùs indicij huius beneficium eſſe commune. Sic enim ratiocinabor Clerus huiusmodi ad ſolemnitatem Satyrianam celebrandam eius Sacellum aduen-

uentabat, eo quod sibi suum haberet, inibi eius Corpus requiescere, ergò si aduentare destitit, indicium esto, talem euauisse opinionem; alioquin enim cur tanti Tutelaris fratrem consueto honore fraudarent?

Aliud quoquè indicium, quod sæpe assumis, & ais, alijs non videri leue, hic exsufflabo; quandoquidem nullus aptior fortasse se offert locus. Indita nimirum de nomine Satyri appellatio ei Sacello, quod aliàs Sancti Victoris ad Cælum aureum dicebatur, videtur in gratiam Sanctarum illius Reliquiarum processisse. Verum fraternè moneo te, ut parè hac coniectatione utaris, & alijs potius eam relinquant. Te enim, qui Satyri Corpus semper hic fuisse contendis, coarctabo, ut doceas, quo tempore variata fuerit appellatio, & qua de causa; cur nō semper Satyriana viguerit, & cur à nobiliore, Victore scilicet per te ibi humato nomenclatura, non sit perpetuè retenta. Rogabo etiam,

K k

cur.

cur nulla inibi Satyri effigies ab antiquo exculpta , aut depicta visatur , & alia sexcenta , ex quibus certè expedire te nequibis . Alijs occurrā , dicendo : quod animaduerterint recentiores , valdè condecens esse , in magna Sanctissimi Patroni Basilica reperiri angulum aliquem de nomine dilectissimi fratris appellatum , & ideò Sacellum hoc de eius nomine dictum voluerint .

Gualuanæo Flamma , quem tertio loco educis , vteris vtilibet . Amplecteris enim si è re tua est ; reijcis , si tuis placitis aduersatur . Hanc mihi quoda veniam , ne testimonium eius cogar pro irrefragabili admittere . *Festum* , aiebat , *Sancti Satyri leuita* , & *Confessoris die 17. Septembris . Iacet ad Sanctum Ambrosium . Fuit eius frater* . Falsus est per te , quod Satyrum dixerit leuitam , merè enim laicus fuit ; falsus , quod alium Victore inuenerit , quem Satyro in hoc Sacello associaret loco Victoris Mauri , nimirum Victorem Sanctæ Coronæ fociū ;
quis

quis me prohibet dicere etiam tertio deceptum, quod iuxta aliquorum suæ tempestatis sententiam iacere ad Sanctum Ambrosium Satyrum dixit? Latet enim ed temporis Satyrus; nunc, quando quidem emerfit, & in Victoriana agnitus est, aliter scriberet, si esset in viuis. Ita fecit Philippus Ferrarius (ab hoc enim me in præsentiarum expeditionem, ne iterum dum sexto loco pro te illum allegas, congregari necesse sit;) qui licet in priore Catalogo SS. Italiæ, ad vitam Sancti Satyri adnotauerit, eum in Ambrosiana requiescere, cum eiusdem Sanctorum Italiæ Catalogi posteriore, ac maturiore cura (ita tu fateris) Indicem texeret, Satyri Corpus iacere dixit in Ecclesia Sancti Victoris, et absquæ dubio ad Corpus, in qua pariter ipsius Victoris conditum esse corpus, in eodem pariter Indice postmodum asseruit. Eodemquæ responso dimittam, ne dum libellum Italicum, antiquitus manuscriptum, typis verò Mediolanensibus datum, ut suprà dicebam anno

1515. recensentem Indulgentias, & SS. Corpora, in varijs tam Urbis, quam Diœceseos Mediolanêsis, Ecclesijs existentia, verum etiam Calêdarium illud Ambrosianum membraneum anni 1381. Siquidem in recentioribus similibus libellis, & in Calendarijs ab annis octoginta, & deinceps, constanter Satyri Corpus Ecclesiæ Sancti Victoris adscribitur. Legi in eo, quo tu vteris, *Sancti Satyri Confessoris Duplex die xvij. Septembris In Sancti Victoris*. Imò, si tibi videris num. 469., existentiam Corporum SS. Geruasij, & Prothasij in Ambrosiana rectè astruere, cum Ioanne Antonio Castellioneo fasc. 6. ex constanti Ambrosianorum, sacra dirigentiũ Codicum stylo, in festo SS. Martyrũ Prothasij, & Geruasij sic se habente: *Processio, & Missa Pontificalis ad Sanctum Ambrosium cum oblatione ciuitatis; quæ notæ, inquit Castellionæus, tum in Rubricis Diariorum Ecclesiæ Mediolanensis collocantur, cum ijsdem diebus recolitur eorum SS. memoria,*

ria, quorum Corpora in Sacris illis Ædibus re ipsa obdormiunt, & quiescunt. Nec aliam ob causam solent Magistratus publici commodi, et Vniuersitates, siue Collegia opificum Mediolanensis Urbis, statas, & aniuersarias Oblationes quasdam peragere ad Sanctorum Ædes, nisi ob Urbis ipsius vota publica, vel peculiarem eiusdē cultum, Diuorum illorum Corporibus impendendum; quæ illis in Templis esse pro comperto habent, si, inquam, quicquam roboris habet tale argumentum, ostende, quādo vnquam tale quid, aut adnotatum in Calendario, aut patratum in Ambrosiana fuerit, festo Sancti Satyri die. Addo, quod si per te necesse est eidem loco adiudicare Satyrum, & Victorem, desipit autem qui eos separat; obijcere mihi non potes vetusta Candelaria; quia solo Satyro vendicato Ambrosianæ, Victorem Portianæ relinquunt, atquē ita non magis pro te sunt, quā pro nobis.

Supereſt Cardinalis Baronius, qui dum ex Epitaphio Marcellinæ, quod

Face

Face II. retulimus, collegit, sinè dubio ipsam iuxtà , & apud Sanctos fratres Ambrosium, & Satyrum, sepeliri maluisse , quàm sepulcris condi Patrijs , ais tu , sententiam pro te protulisse . Ego verò nil tibi suffragari constanter affirmo : cum enim alibi Satyrum ad læuam Martyris Victoris tumulatum asserat , nec vnquàm dicat Victorem in ipsa Ambrosiana iacere, (quem non ignorabat á Scriptoribus in sua Portiana recondi) verba illa *iuxta & apud Sanctos fratres* noluit intelligi de ea vicinitate que eiusdem Basilicæ ambitu, sed solùm, de ea quæ iisdem Mediolanensis Ciuitatis suburbijis continetur. Sufficiens enim est ea proximitas ad seruandam antithesim, maluisse sepulcro condi externo apud Sanctos fratres , quam proprio Romano apud suos Patres . Nec fortassis ignorabat Baronius , parum distare Portianam , vbi sepultus Satyrus, ab Ambrosiana , vbi sepultus Ambrosius: ita vt non impro-

propriè se locuturum existimarit si diceret , Marcellinam iuxta , & apud Sanctos fratres voluisse tumulari .

Retulimus , quæ pro te profers , monumenta , & Scriptores . Scripto-ribus nunc tuis (nam nostra monu-menta suo loco videbis) paucis , & de re nondum comperta restantibus , op-ponamus nostros , plures , eorumq; ali-quos , vel oculatos , vel abundè cer-tioratos , post patefactos Victorianæ Basilicæ sacros tumulos .

Bonaventura Castellionæus non re-cens Historicus in vita S. Archiepiscopi Castritiani de S. Ambrosio inci-dentur locutus, sic habet . *Ritrouato per diuina riuelatione il corpo del Martire S. Vit-tore nascosto da Materno Vescono e stato occul-tato da Massimiano sino a Teodosio Imperato-re nel luogo , dove hor si dice S. Vittorello (est ibi nunc Minorum Capucinatorum Ec-clesia, & Conuentus, qui dicitur vetus) leuatolo con le proprie mani lo ripose in un la-uello di Pietra nella Basilica Portiana sotto l'altare*

altare maggiore . Non passarono molti mesi; che mancando di viver fra noi Satyro suo fratello, lo coricò con man sua a lato di S. Vittore in quella medesima sepoltura . Scio, quo ad ea, quæ de inuento ab Ambrosio ed lo ci Victore recenset , á quibusdam non recipi, verùm quod ijs, quæ ad Satyrũ spectant, omnes subscribant, facit diligens circumstantiarum enarratio , quæ fidem rei gestæ conciliant . Tibi enim diuinare opus est, quæ Basilica sit illa, LONGE aut NON LONGE ab Ambrosiana nunquam indiuiduo nomine designata , in qua tui Scriptores dicunt ab Ambrosio tumultatum Satyrum ; nos disertè docemur Portianam fuisse .

Ioannes Antonius Castellionæus Antiq. Bas. Vinc. p. 1. Fasc. 3. Negare non ausim, inquit, Satyrum qui ante diuum Ambrosium fratrem mortem obiit iuxta Sancti Martyris Victoris Corpus in eius Basilica, qua Portiana dicebatur, fuisse ab ipsomet Ambrosio tumultatum ; à quo et Epitaphium accepit ,
quod

*quod ex Dulingo non ignobili suorum temporū
Scriptore, eò libentius adscribo; quo, veluti ob-
signata Tabella, dissidium nescioquod omnino
tollatur inter Cistercienses & Oliuetanos Mo-
nachos temerè subortum pridem. Et in supe-
rioribus loquens de Corpore D. Am-
brofij ait, Sentientibus alijs, reperiri in Ba-
silica Sancti Victoris Mauri, ubi & Corpus S.
Satyri germani D. Ambrosij fratris cum non-
nullis alijs incognitis Diuorum Episcoporum, et
Martyrum Corporibus à Sancta memoria Ca-
rolo Cardinale Archiepiscopo collocatum fue-
rit.*

Ripamontius Hist. Ecclesiast. Med.
Decad. 4. lib. 3. *Hoc tempore Patres Oliue-
tani Diui Victoris Ædem, quæ Basilica Por-
tiana antiquitus dicta fuit, in eam amplitudi-
nem extulerant, qua stat hodie, visiturquè id
Templum. Cumquè iam absoluto opere, trans-
ferri SS. Reliquias, ex vetere Ædicula in eam
Basilicam oporteret, voluit Cardinalis, id quàm
apparatisimè fieri; pompamquè duxit ea Reli-
gione, & cura, qua caelestia semper hæc pignora
prosequi solitus fuit. Eius pompa celebranda
LI causa,*

causa, cum locū in quo sita erāt ossa inspiceret, reperit etiam D. Satyri Corpus, summa iucunditate animi, obinclitā S. Pontificis Ambrosij memoriam; cuius ille frater, magna semper apud populum Mediclanensem memoria celebratus fuerat. Tantoquē effusus stato die adfuere omnes, ipsequē Carolus nocte, qua diem cum sequebatur, ad sacra ossa excubias egit.

Ioannes Franciscus á Basilica Petri (Carolus deinde Episcopus Nouariēsis) in libello, quem iussu eiusdem D. Caroli Archiepiscopi, ineunte anno 1576. nōdum facta SS. Corporum Victorianæ Basilicæ inspectione, scribebat de præcipuis Mediolani Ecclesijs, ac de Sacris Reliquis in ipsis existentibus, Satyri Corpus non nisi Victorianę Basilicæ assignabat. Imò cum per eandem opportunitatem, (fuit hæc post exactum Romæ Iubilæi annum 1575. extensio Iubilæi ad hanc Urbem nostram) iussisset S. Carolus, in singulis Ecclesijs suspendi visendas Tabellas, continentes hinc Reliquiarum inibi
exi-

existentium regestum , inde preces , quibus apté eæ Reliquiæ colerentur , Victoriani in suis , quæ vsquè in hanc diem prostrant , Corpus Sancti Satyri recensuerunt , eundemquè in proprijs litanijs ab immemorabili inuocant .

Quamobrem nec leue puto argumentum , quod ex Commemorationibus seu suffragijs communibus ad finem Sacrarum Laudum , & Vesperarum , statis diebus , ex præscripto Breuiarij publicè decantari solitis , desumitur . Non enim fas vnquam fuit ijs intermisceri , quæ nec sunt de Tutelaribus , & Patronis , nec de requiescētibus in Ecclesijs , vbi canuntur . Ab integro igitur sæculo cum altero dimidio , ex quo possidemus nos Oliuetani Sancti Victoris ad Corpus Ædes , hoc ritu Satyrum veneramur , eumquè quod maius est , ab ijs , qui ante nos Ecclesiam curabāt , accepimus ; hiquè ab alijs , vt initium inuenire non detur . *Antiphona .*

Beatus Victor Christi Martyr , una cum San-

ſto Satyro, alijsque Sanctis in hac Eccleſia requieſcentibus meruerunt à Domino coronam perpetuam.

V. Exultabunt Sancti in gloria.

R. Letabuntur in cubilibus ſuis.

Oremus.

Propitiare Domine ſamulis tuis per S. Martyris tui Victoris, atque Confefforis Satyri aliorumq; SS. qui in præſenti Eccleſia requieſcunt merita glorioſa, ut eorum pia interceſſione ab omnibus protegamur aduerſis. Per Dñm &c.

Quod ſi hoc pignore verè deſtituimur, quis mendacia periculi, & ſcandali plena induxit? quis ſubinde vitur? quis tolerat?

Redeo ad Ioannem Franciſcum, is enim primùm, quæ audierat ab initio, poterat referre. At poſtquàm vidit oculis ſuis, poſtquàm perſpexit, & manus eius contrectauerunt (ſiquidem vnus fuit ex vocatis in teſtes à D. Carolo, dum Sacra Corpora Victorianæ Baſilicæ inſpiceret) vbicunquè occaſio ſe ſe obtulit, Satyrum nobis ſidentius

con-

confirmavit. Statimquè in altera prædicti libelli impressione, si tamen est altera, de nostra Victoriana sermonem habens *Appellatur*, ait, licet etrusco sermone, *hac Ecclesia Sancti Victoris ad Corpus, eo modo, quo & alia quedam, ad differentiam aliarum Ecclesiarum eiusdem nominis, in quibus tamen corpus non iacet. Quin & corpus Sancti Satyri iam exploratum videtur hic esse, ut recenter, & antiquorum librorum auctoritate, & inscriptionibus in sepulcro visis cognitum est. Quamobrem Ecclesiolæ Sancti Satyri in Ambrosiana enumerans Reliquias, Habent, inquit, ibi multa SS. ossa nuper reperta* (inter quæ, si ossa etiam Satyri cliëtes tui reperissent, utiq; Scriptori huic significassent, quod ea posset nominatim recensere) *& in Sacristia inveniunt Corpora, quæ ipsi arbitrantur esse SS. Diaconorum Casti, & Polimij. Perpende quæ formidine de rebus à se non visis, nec sibi aliundè certis loquatur. Numquid simile de nostro Satyro unquam pronunciauit?*

Quod

Quod in Vita Sancti Materni idem à Basilica Petri aliquid de Sancto Satyro in Portiana reposito scripserit, tu es auctor, verbis paulò post referēdis . At satis sit eūdem iterum audire in Vita S. Caroli lib. 3. Cap. 6. *Arca lapidea erant plures in Victoriana ossibus plena circum Altare , sub terram collocata . Vna erat Arca sub Altari altiùs quàm alia defossa; in ea Corpora SS. Victoris Martyris , & Satyri Sancti Ambrosij fratris erant . His igitur omnibus primo legitime recognitis &c.* Et post pauca, *Vespere autem reuerso Carolo sericis illa pannis inuoluta presentibus . Notarijs in capsas plumbeas recondita sunt . Quae Victoris , Satyrique erant, separatim in Altare maius Ecclesia sunt illata .* Assentire igitur huic Auctori ; quia testis oculatus ; quia in dignitate constitutus (tali enim viro fidem adhibendam omnia iura præscribunt) quia tandem Sacrarum Historiarum peritissimus, & magnum gratiæ nostræ decus, & lumen. Hoc quippè Elogio decoratur à Ioanne Antonio Castellionæo
Antiq.

Antiq. Basil. Vincent. p. p. Fascic. 6.

Petrum Galefinium, qui cum prædicto Ioanne Francisco alter testis á Diuo Carolo vocatus, inspectioni memoratæ interfuit, amico veluti classico ciebam, vt pro me militaret; cum ecce á te præuentum, & mihi præreptum video. Sic enim tu *Galefinius in suo Martyrologio, quod biennio post inspectionem edidit in lucem in Annotationibus de S. Victore ad octauam Maij diē inquit: Cuius translationi, quam religiosissimus Cardinalis, idemquē Sanctissimus Archiepiscopus Mediolani anno 1576, celebrauit, nos interfuimus. De Sancto autem Satyro cum decima septima Septembris die fecisset mentionem, certè quidem postea inter suas Notationes nihil prorsus de ipsius Corpore, vbi nam quiesceret, homo cateroqui nec obliuiosus nec indiligēs adiecit; quod quidem silentium nonnihil etiam suspicari nos coegit.*

Papę quám es de facili suspiciosus. Imò quám leuem suspensionem velles pro solido argumento venditare. Tenebatur

nebatur nè Galefinius, quoties de aliquo Sancto, cuius translationi interfuisset, mentionem faciebat, de ipsa quoque translatione habere sermonem? An quia cum Victore, & Satyro, alij insuper Sancti translati sunt, Datus, Mirocles, Prothasius, quoties eos recenseret non memorata translatione ambiges de existentia eorum in Victoriana? An etiã quoties sciret, vbi requiescerent Reliquiæ Sanctorum, quos refert, sentiebat se deuietum indicare? Non id Galefinio consilium fuit: sed Sanctos suos, & locum eorundem dormitionis expromere; ceterum proluxa, litigiosa, & periculi plena res fuisset de possidentibus eorum Reliquias disputare. Audias quã sobriè de Satyro. *Sancti Satyri Confessoris: De quo Sanctus Ambrosius in sermone de obitu fratris* (& tacuit homo ceteroqui nec obliuiosus, nec indiligens Ambrosium alibi pluries de eo fuisse loquutum) *Mombritijs item, & Tabula Mediolanenses.* Quid, quod referens

Mentionem
habuit de eo,
teste Dug.
etiam in lib.
de Resurr. &
Parad.

ferens, se translationi Sancti Victoris interfuisse, dum non exprimit factam fuisse in Portiana, si idem de Satyro iterasset, non ob id doceretur aliquis, ubi nam Satyrus quiesceret? Ad hæc, si data opera, ut tu suspicaris celatum voluit, se translationi Satyri interfuisse, cui poterat probare? cum non modò res publicè facta, verum etiam in publicas & solemnes Tabulas relata sit. Satis igitur habuit semel memorasse translationem, in Ædibus Victorianis peractam, ne videretur putidiusculè idem refricare; siquidem translationis confcios non poterat latere, alios quoquè Sanctos, & præcipuè Satyrum simul cū Victore fuisse tumulatos; ignaris autem nil intererat, iterum de translatione verba facere. At cogita tecum Galefinium, vocatum in testè ad inspectionem, & agnitionem Corporum in Victoriana quiescētium, præcipuè autem Victoris, & Satyri, de quibus poterat esse aliqua dubitatio. Acquiescis

Mm

per

per te agnitioni Săcti Victoris, eidem-
quē interfuisse gloriatur; si ergō in re-
perto infimul Satyro aliquā ambigui-
tatem habuisset, reclamasset utriquē, se
dubie rei testem esse nolle: dixisset, se
Victorem agnoscere, fateri, complecti,
de Satyro diuersam esse rationem, ad-
hęsissent ei Cistercienses pręsentes, aut
certē nouorum Sanctorum indagatur
alium hunc Satyrum (quippē ossa in-
scripta nomine Satyri reperta sunt, vt
in publicis Documentis) diuersum ab
Ambrosij fratre, in suum Catalogum
adscripsisset. Quorum nihil cum fece-
rit, nullum hęsitationis signū reliquit,
ex quo tu cogaris suspicari.

Paulo Morigiæ, qui in Sanctuario
Mediolanensi luculenter Sanctum Sa-
tyrum in nostra Victoriana requiesce-
re affirmat, iungis tu, quō mihi laborē,
ac molestiam subtrahas, tantum Scrip-
torum agmen, vt sufficiens fuerit te à
tua opinione deterrere; si maluisses tot
tamquē eximios viros sequi, quā a
com-

communi femita aberrare . Ais enim .
*Cateri postea Scriptores, qui Sancti Cardinalis ,
 & Archiepiscopi Caroli vitam posteris tradide-
 runt, in ea fuere sententia; ut Satyri pariter ,
 ac Victoris Corpus eidem ipsius ad Corpus Ec-
 clesie adiudicarint . legatur Carolus à Basilica
 Petri lib. 3. Cap. 6. prope finem : praterquam-
 quod aliquid etiam scripsit in Historia Medio-
 lanensi, cum de Sancto Materno Archiepisco-
 po ageret . Mihi verò satis sit vnum in-
 digitalle diligentissimum, & omnium,
 quæ scripserit, oculatum testem, Ioan-
 nem Petrum Glussianum lib. 3 Cap. 9.
 Sed superaddendi ij omnes, qui de Am-
 brosiana ad ipsius splendorem & orna-
 mentum scribentes , in enarrandis Re-
 liquijs in ea existentibus, Satyrum non
 enumerant , enumeraturi profectò , si
 aliquid probabilitatis superesset , eam
 Satyri exuijs perfrui . Vide Ioannem
 Baptistam Villam opusculo de septem
 Ecclesijs Urbis Mediolani, & alios.*

Vniuersum tamen hoc agmen clau-
 dat is , qui mihi pro omnibus reliquis

Mm 2 est,

est, qui certissimam pollicetur victoriam, quiquè nec tibi quidem potest displicere. At quis? Quis nam? Excogita hominem quantum vis rei huic idoneum, vincam tamen expectationē tuam. Tu, tu ipse ille es. Exhorruisti? Proh veritatis insuperabilem vim. Hæc a te etiam nolente suffragium extorsit. Tua opera usus est, qui recenter *Lec- tionarium Ambrosianorum romanum* prodire iussit Illustriss. ac Reuerendiss. D. Alphonsus Litta Mediolanēsis Archiepiscopus; tu sedulum in eo laborem impendisti; tu recognosti, tu noua, ac vetera (vt credere par est in negotio tam serio) ad trutinam rationis, ac veritatis reuocasti; speciatim autem a te accepisse interferendas lectiones Sancti Satyri Typographus ipse facio audiente, mihi testatus est. In eo ergò ita inscripsisti Sancti Satyri officium, eò modo, quo & aliorum Sanctorum, qui sine controuersia in Victoriana sunt inscribuntur. *Sancti Satyri*
Con-

FAX OCTAVA. 277

*Confessoris duplex die xvij. In Sancti Vic-
toris. Oratio Deus qui nos, lect. Satyrus S.
Ambrosij &c. Facem tu ergò gestans,
alijs vt hanc veritatem tandem agnos-
cant, præi.*



FAX

F A X N O N A.

*Affulgens Victoris tumulo in
eius Æde ; nec non Am-
brofij exuvias in illa quæ-
rens ; eiusdemquæ Ædis
structuram illustrans .*



Elíquum iam tandem
esset , vt qua ratione
clarefcere nuper feci-
mus in Victoriana
Æde sepulcrum Sa-
tyri, ostendendo sci-
licet , quàm parùm
obsint Scriptores pauculi , quibus il-
lud alibi statuere visum est, & afferen-
do eos, qui apertè á nobis stant; eadẽ,
inibi contumulatum Victorem com-
monstraremus . At sicuti verissimum
est, á nemine ante , vel post te , sacro-
sanctum thesaurum ex propria *ad Cor-
pus*

pus nuncupata Basilica, voce, aut calamo fuisse sublatum; ita, declinato labore, qui penè esset infinitus, referendi Authores, sat erit affirmare (& procul ab hyperbole erit) quotquot de hac re scripsère, indubiè eidem illum adscripsisse; ex quo perspicere valeas, quantum difficultatis tibi susceptum sit, dum aduersus exundantem tanti atramenti annem, contrarium tenens cursum, eniteris.

Non me later, animum tibi subijisse: ut suaderes, firmatam tuam sententiam interpretatiuè saltem, à Gualuanæo Flamma fuisse; siquidem ais, ab ipso positum Victorem aliquem in Satyriano Ambrosianæ Sacello, quod Sancti Victoris ad cælum aureum appellabatur, & hoc verè, & rectè; falsum tamè, inquis, in eo, quod fuerit arbitratus, esse Victorem Sanctæ Coronæ socium; qui apud S. Eustorgium requiescit; nō autem nostrum, cui Sacellum dicatum erat, quiquè illic musuo opere medius
etiam

etiam nunc adstat. Sed enim expiscari intentionem, quoties obscura sunt verba, non inutile est; contrà, cum verba dilucida sunt, ineptum esse superintentione digladiari, iura omnia statuerunt. Gualuanæus porrò, ut tu ipse fateris, disertè semper Victorem Maurū in suo *ad Corpus* Tēplo collocavit; quod autem in eo *Ambrosianæ* Sacello musivus repræsentetur, ac de eius nomine Sacellum aliquando dictum sit, nō sunt apra satis indicia ad Corpus vsurpandum; ita enim quicumquē Diui alicuius Cappellam, aut Iconem haberet; te patrono, eiusdem quoquē exuias euinceret.

Agè verò, quemadmodum si vnicū Authorem huic tuo commento patrocinantem reperisses, videreris tibi, opinionem de existentia Victoris in *Ambrosiana* non futiliter constituisse; ita patere à nobis in medium adduci sententiam, quod minùs recedat à verisimili, ac probabili, *Ambrosium* esse in
Victo-

Victoriana, quàm Satyrum in Ambrosiana. Scio te adhæc exhorrescere, cōcuti, supplodere, excandescere; scio qualiter succensueris in eum, qui dixerit esse hanc aliquorum opinionem. At si verè opinio aliquorum est, pluresquè habet auctores, & sectatores, quã tua, cur irasceris? Opinari arbitrariū quid est, interdici vix potest, quinimò, vt rectiùs loquar, necessarium quid est: *Arist. 11. Priorum.* gignit siquidem omnis probabilitas, Philosopho teste, opinionem. Non pigeat igitur iterum audire Ioannem Antonium Castellionæum, nuper, idest anno 1625. scribentem. *A. plerisque atatis nostra hominibus dubitatur, num hæc præclarissima Diuorum patriæ nostræ Tutelarium pignora, sanctorum scilicet Ambrosij, Geruasij, & Prothasij Corpora, in Basilica P. Part. Ant. 11q. Basil. Vinc. Fasc. 6.* Ambrosiana nunc etiam reperiantur: contra sentientibus alijs, ea reperiri in Basilica Sancti Victoris Mauri &c. Animaduertere autem, quot nam huic opinioni subscribāt, cū dicatur plurali numero (qui, vt potè

Nn inde

indefinitus , latissimè potest extendi)
contra sentientibus alijs &c. tu equidem ta-
 le quid de Victore scribere non valu-
 isti .

Nec desideratur fortassis ad eā opi-
 nionem aliquatenùs stabiliendam con-
 iectura aliqua . Exploratum est, in se-
 pulchræ electione varium fuisse Am-
 brosij animum . Diximus primùm de-
 creuisse Satyro fratri contumulari, hāc-
 què mentem aperuisse, dum eidem me-
 stissima peroratione parentaret . *Proce-*
damus, inquit, ad tumulum; para hospiti cō-
fortium , & quemadmodum hic omnia nobis
fuere communia, ita illic quoquè ius diuiduum
nesciamus. At verò dum sequenti tem-
 pore Sanctorum Geruasij, & Prothasij
 Corpora reperisset, iisdemquè ditatā ,
 Basilicam suam consecrasset, diximus ,
 priore mutato consilio apud Sanctos
 Martyres recondi exoptasse . Quan-
 quàm si exactiùs ipsius verba pendan-
 tur, videtur statuisse sibi in propria Ba-
 silyca tumulum, antè sacrorum Corpo-
 rum

rum inuentionem, ac proinde indepē-
denter ab illis . Agens quippè de Sā-
ctis Martyribus sub vnico tunc , nunc
autem primario Ambrosianæ Basilicæ
Altari , tumulandis ; *Succedant*, inquit,
victimæ triumphales in locum ubi Christus hos-
tia est . Sed ille super Altare , qui pro omnibus
passus est . Illi sub Altari , qui illius redempti
sunt passione . Hunc ego locum prædestinauerā
mihī, dignum est enim , ut ibi requiescat Sacer-
dos , ubi offerre consuevit ; sed cedo sacris victi-
mis dexteram portionem . Locus iste Martyri-
bis debebatur . Condamus ergo Reliquias sa-
crosanctas &c. Illud ergo , hunc ego locum
prædestinaueram mihī indicat prædestinaf-
se priusquā Sacra Martyrum Corpo-
ra ibi tumulanda reperisset ; tūm ex
modo loquendi , qui aduersatiuus est,
tūm quod tempus longè iam præteritū
significatur ; tūm ex ratione , quæ affer-
tur , *dignum est enim , ut ibi requiescat Sacer-*
dos , ubi offerre consuevit ; quæ quidem ra-
tio á Martyrum præsentia, vel absentia
non pendet . Quamobrem non elicerē

Epist. 54.
ad Marcell.

ex his verbis idem , quod alij ; scilicet ex Martyrum inuentione ; eorumquē repositione in Ambrosiana, elegisse sibi Ambrosium in sua Basilica, & apud Sanctos Martyres sepulcrum ; sed potius oppositum suspicarer ; videlicet, retractasse tunc, quàm antea habebat, intentionem quiescendi in Ambrosiana, idquē ob debitam Sanctis Martyribus reuerentiam . Nam apertam retractionem præferunt hæc verba , *hunc locum predestinaueram mihi sed cedo sacris victimis* ; dicturusque fuisset Ambrosius, *hunc locum predestinaueram mihi soli , nunc autem simul tumulari sat erit* ; si in eo adhuc permanisset priori decreto . Cuius rei est etiam indicium illa , ab humilitate dictata ratio ; *locus iste Martyribus debebatur* , ac si diceret, *in locum Martyribus debitum æquum non est me inferri* . Cæteroqui enim parum interest , læuum esse, an dextrum, si vterquē quiescit sub eodem Altari ; in quo qui hac ex parte dexter est , ex alia læuus inuenitur .

Qua-

Quapropter non ait, *cedo sacris victimis dexteram, mihi sinistram referuo*; quid enim magni officij obsequi juè declararet se præstiturum Martyribus Ambrosius, dexteram permittendo? Nonnè aliàs dextera ipsorum iuris erat? Verum totum locum ex affectu reuerentiæ cedere, multum est. Idcirco quod ait, *cedo sacris victimis dexteram portionem* nil addendo de læua; probabile est, non esse accipiendum de positione, seu fitu; (non enim latinè dicitur *vade ad dexteram portionem vel ad sinistram portionem*, cum portio nihil aliud quàm *quotam* significet, nec ad latus, manus, aut fitus, vnde relationes dextri & sinistri sumuntur vnamquam referatur) sed de eo, quod melius dari potest, locus scilicet melior, ac nobilior; vt de dextris in cælesti gloria philosophantur Theologi, nil læuum inibi admittentes.

Quicquid tamen de hoc fit, cum illud denegari nequeat, Ambrosium in electione tumuli nō fuisse semper eiusdem

dem mentis, anceps etiam nunc videri potest, quam tandem voluntatem in extremis constitutus executioni mandandam præceperit. Et licet Paulinus eius cui Scriptor, & oculatus testis hæc habeat; *Corpus ipsius portandum ad Basilicam Ambrosianam, in qua positus est &c.* possent ita accipi, ut tunc quidem in Ambrosiana poneretur, non tamen pro perenni sepultura, sed inde aliquo post tempore asportandus. Aduersus te verò validissima est hæc coniectura, qui Satyrum post inuentos, ac tumulatos in Ambrosiana dicata Martyres, obijisse arbitraris; tibi enim ea Ambrosij intentio erit postrema, qua fratri contumulari voluerit; ac proinde iam non cum Martyribus in Ambrosiana quiescit, sed ubi tandem Satyrus fuerit.

Alteri indicio occasionem dedisse Sanctissimum Archiepiscopum Carolum, Cardinalem Borromæum, aliquibus creditum est; siquidem rumor adhuc viget, illum in agnitione Sacrosancti Cor-

Corporum Portianæ Basilicæ sub anno 1576. de qua sæpiùs, cum nescio quid reperisset arcanum, sub anathemate vetuisse, ne deinceps detegeretur, nec locus ille vltiori disquisitioni subijceretur. Proferat idem Castellionæus, qualis esset sua tempestate rumor. *Addunt, inquit, in Basilica D. Victoris Mauri Mediolani saltem gloriosum D. Ambrosij Corpus, apud S. Satyrum fratrem nunc temporis reperiri; vel ex illa dirarum obnuntiatione à D. Carolo profecta, qua canit, ne quis sepulcra illa referare in posterum auderet, ea fortasse ratione permotus, ne solitus cultus, & antiqua veneratio, Basilica Ambrosiana antiquitus conciliata, ob corpus in ea tanti Doctoris, & Urbis nostræ Patroni existens imminueretur. Et licet in sequentibus hæc diluat Castellionæus, assumendo, commentitium esse hunc de anathemate rumorem, & á D. Carolo nihil de corpore Ambrosij missuratum, hoc quidem censemus ob allatam rationem, verissimum, sed interpositam fuisse anathematis com-*
mi-

minationem, constans apud nos traditio est . Dicam ingenua fide quod à quibusdam ex nostris , qui prædictæ Sacrorum Corporum refectioni cum D. Carolo interfuere , accepi . E latere Altaris Portianæ veteris, ad læuā, post sublatam imminentem lapideam Arcam, Arca altera longè inferiùs posita apparuit , referta ossibus , quæ nō nisi Sanctorum, quemadmodum & cetera omnia , existimata sunt ; Dum ea referaretur indicia admirationis in vultu Caroli obseruata sunt ; isquē vix perspectam iussit occludi, cauens anathemate ne vltcrius aperiretur ; quod ne audenti quidem faciliè contingeret, voluit ferreis laminis, eliquato plumbo, fixisque clauis circumsepiri . Tūm noui ædificij magistro aduocato, rogauit, an ei vires animiq; suppeterent ad Arcam trahendam in nouam Basilicā, absquē læsionis, aut refectionis periculo . Annuit Architectus : eiquē res ex voto euenit, atquē hodie Arca in Sacello

cello scuroli, vt vocant, ingredienti-
bus ad dexteram obijcitur, pari cum
cæteris venerationi propofita.

Igitur quod D. Carolus noluerit,
offa hæc ad inftar aliorum extrahi, ab
omnibus infpici, pia fupplicatione cir-
cumferri: & tamen impenfius illis ca-
uerit, & diligentius custodierit, locum
deinde, ac cultum cum cæteris tribue-
rit, quis non videt; indicari per hæc
aliquid fingulare; mirabile, & arca-
num? Quis autem alius negotium fa-
ceffere poterat Carolo, quàm Ambro-
fius, vt perinde fatiùs exiftimauerit
Corpus illud ignotum adhuc latitare,
quam oculis, & cognitioni vniuerfo-
rum exponi?

Hæc quidem, amice lector, parti-
cularia, ac minufcula, vti nos enarra-
mus, non recensentur in publicis Ta-
bulis, quas in refectione, & transla-
tione Sacrorum Corporum confectas
habes ad calcem huius opusculi. Fa-
cti tamen fubftantia, & id, vnde cæ-

Oo

tera

tera conijcere possis, non desideratur. Quippè de Arca hac, estq; quæ quarto loco recenseretur ita legitur. *In eodem latere eiusdem cornu, à parte tamen inferiori, fuit reperta Arca satis magna, ossibus & Reliquijs Sanctorum plena, quæ intacta, & illesa relictæ sunt; ordinatumque fuit, quod sub illa forma, qua reperta erat, custodiretur; ad hoc tamen iniunctum fuit, ut laminis plumbeis, ac clavis fixis clauderetur. Tùm de illa magnum silentium, donec aliarum Reliquiarum delatione, ac repositione pluribus enarrata, subditur. Pariter etiam in ipso Scurolo, in angulo à parte dextra, intrando Cappellam dicti Scuroli, reposita reperitur illa Arca marmorea satis magna, quæ ut ibi relatum fuit, reperta fuerat propè Altare veteris Ecclesie Sancti Victoris à parte Epistolæ plena ossibus, & Reliquijs; quæ arbitrantur Offa Sanctorum, & quæ Arca ita intacta ordinatum fuerat in eo loco reponi, pro ut legitur ex prædicto instrumento; rogato per præfatum Reuerendum D. Benedictum Cittadinum Prothonotarium, & pro*

ut

ut supra. Quod autem fileant Instru-
menta Caroli peculiarem inspectionē,
& iussa; id, non nisi data opera, & ip-
so annuente, factum arbitramur; eoq;
magis in suspicionem adducimur; alio-
quin enim quis credat in re tam graui,
ocularissimi præsertim in similibus Ar-
chiepiscopi præsentiam, & auctorita-
tem non fuisse interpositam?

Sed hæc de Ambrosij sepulcro me-
ra indicia sunt. Si enim alij eo diuites
sint; per nos non surripietur; per nos,
inquam, nostris exuijs, ac præcipuè
Victoris ac Satyri, satis superquè con-
tentos. Quos, quia hucusque contu-
rati sumus, dabit veniam lector, si pro
eorum etiam Æde pauca verba obiter
expendamus. Asceterium Victoria-
num adiunxit nos Oliuetani 1507. nec
satis amplum, nec commodum satis,
vnaquè Templum, sacris quidem of-
fibus diues, at antiquitate ipsa, uti ve-
nerabile ac suspiciendum, ita nonni-
hil humile ac suboscuro. Maiores

Oo 2 nostri,

nostri , quæ eorum solertia fuit in re domestica administranda , noui Cenobij structuram , substollendam in eam amplitudinem, ac Maiestatem, qua hodie visitur , aggressi sunt . Nondum dimidium stabat, cum ecce tibi susurrantium scommata ; Monachos proprii domicilij commodis , & quidem magnificè institere , de ~~Ædæ~~ sacra , vetustate labente , non cogitare . Itaque maturanda fuit noui etiam Tépli (quod aliàs prætermissum non fuisset) erectio, & , quæ ex illa consequebatur , veteris demolitio . Mirum est, opus vnde quaque laudabile vt oculos aliquorum offenderit ; quamquæ exagitauerit inter alios Bonauenturam Castellionæum , qui recentis Ecclesiæ qualitates , veterisque iacturam inconsolabilibus lacrymis defleuit . Dixit, scriptisq; etiam consignauit, ad præseruandas horrorû amænitates, ac delicias veterem Ædem solo æquatam , nobilium marmorum copiam , venerande antiquitatis trophæa

phea miserrimè deiectam; musiva egregiæ artis opera amissa, nullaquæ ratione habita Ambrosianorum rituum, ad quos tota composita videbatur, instauratam indecentibus, superfluisque dispendijs alteram; nec tamen Romanis functionibus accomodatam, quin potius Hebraicas observationes olentem, ut potè ostijs ad orientem solem conversis, Altari primario ad occidentem. Sic ibi patefactum limen, pedibus omnium proterendum, vbi tot sæculis tot Sanctorum Corpora quieuerunt, sic veneranda Portianæ Basilicæ extinta nomenclatura, ac memoria, ut Victorianæ Abbatiae speciosus titulus deprotrita antiquitate triumpharet.

Hæc est magnarum actionum infelix conditio; otiosorum, ac inuidorum oblocutionibus, & quod caput est, tot sententiarum, ac iudiciorum diuersitatibus esse obnoxias. Omnino verum est *Feriunt summos fulmina montes*. Finge veterem Portianam adhuc stare cum
nouo

nouo Cænobio, quis valeat nos ab innumeris linguarum aculeis contutari? Zelo tamen Castellionæi (adfuit quippe nobis pro asserendo Satyro non spernendus testis) ignoscamus, & in maioribus nostris summam animi magnitudinem, summamque pietatem, qua molem, ad admirationem vsquē conspicuam, excitauerint, suspiciamus. Cæterum si eo in pretio antiquitas habenda esset, ut ei manus iniicere religio fit careremus infinitis propemodum commodis, & ornamentis. Hæ sunt humanarum rerum constantes vicissitudines, ut veteribus noua substituantur; deplorandæ nimirum si in deterius contingat, si autem in melius, cum lætitia excipiendæ; aliàs doleat, qui huius genij est, post inuentas aristas eliminatam glandem; & in vilia mapalia posthabitis vrbibus se recipiat.

Quod autem ait Castellionæus, ad viridarium seruandum nostros illos rem infiniti sumptus aggressos fuisse, nemi-

nemini probabit. Sumptus quidem ij-
fuerunt, vt Lancellottus Hist. Oliuet.
lib. 2. memoriæ consignauerit, *fabrica
Præfectum ad Generalem Præsidentem scripsisse,
extructa Ædis impensam, lapidum, calcis, li-
gnorum, ac similium materie non supputata,
ad septuagintaduo millia, centum, unam &
triginta libras ascensuram. Quid deinde
ornatum, picturarum, aurei gypsci-
què operis, faellorum & similium ac-
cesserit, quisquè conspicit. At ea tam
ingenti pecuniæ vi nonnè amœnitates
sibi comparassent maiores, quàm per
Ædium structuram, aut demolitionem
præseruauerint? Dicam planè, delicia-
rum, & animi causa ædificasse, sed suas
delicias Ædem Deo Sanctisq; dignam,
existimasse. Nisi fortè indicare volue-
rit Castellionæus, vt viridario consule-
rent, per quod in Ædem fuerat intro-
eundum, aditum alibi patefecisse. Tunc
enim dicemus, ea ex parte constitutum
ostium, qua & Urbis pulchritudini, &
populi commodo prospiceretur, è re-
gione*

gione scilicet amplæ, ac regiæ viæ; quod si viridarium præcipua Templi facies respexisset, iam non in communem vtilitatem, sed in solius olitoris vsum diceretur erectum. Iisdemquæ de causis primarium ostium ad ortum solis verti necesse fuit, contra communius quidem cæterarum Ædium exemplum; nō tamen exactè aded observatū, aut tam rigorosè prescriptum, quin earum quàm plures ad Ortum videamus. Non me latet: ad ortum precari vetustissimum esse ritum: à Sanctis vsq; Apostolis ad nos, non interrupta traditione, deductum; eademq. de causa principes Aras eò versus respicere: sed calleo identidem, cum nimia id esset aliquando sedulitate servatum: superstitionis periculum irrepsisse, ac proinde loco, & tempore fuisse interdictum, vt ex VII. Sancti Leonis 1. sermone conijci potest. Imò quod mireris, Romæ, quam urbem sacrorum Magistram veneramus, non desunt Ædes
Ortum

Ortum prospectantes ; inter quas clarissima omnium Vaticana Basilica . Idem Mediolani visitur , vbi etiam superioribus temporibus insignis Collegiata , non vti prius erat , sed inuerso ordine restituta est . Vt igitur nullus est , qui contra eam ogganniat , poterat sic ignosci Victorianæ ; cuius nomenclatura (vt rem tandem absoluam) eadem est , ac veteris ; vtramquè enim S. Victoris ad Corpus appellari , mos fuit . Portianæ porrò nomen exoletum , iam diù ab ore populi excidit ; ac solùm in Historiæ monumentis seruatur . Abbatia verò nuncupatio vetus est , nequaquam á nobis inducta ; & Coenobio potiùs conueniens quàm Templo ; in quo tam , quàm in veteri , Ambrosiano ritu Sacris operamur .

FAX DECIMA

*Demonstrans nil probabilitatis
habere delationem Capitis
S. Victoris nostri ad Vr-
bem Volaterranam.*



Pro-pugnauimus ha-
ctenus totum inuic-
tissimi Martyris Cor-
pus, putasse. Lec-
tor, adhuc nobis sin-
gulariter pro Capite
esse dimicandum? Ita
est. Non desunt, qui acephalum iam
dudum iacuisse contendunt in Portia-
ua Victorem; ij nimirum, qui eius Ca-
put Volaterris Etruriæ Vrbe, in Ca-
thedrali Ecclesia asseruari, ab annis
quingentis, & vltra, asseuerant. Sed
Deo grates, nec minùs desunt, qui lo-
co vnius Capitis amissi, tricipitem fa-
ciant.

cient. Esse enim, qui, tribus diuersis in locis, eius Caput existiment se possidere, Aduersarius noster refert, nec improbat; vt fictam Geryonis fabulam iam iam pro vera nobis venditare velle videatur. Benè sit. Nihil amittemus; Ex tribus enim, vnum saltem nobis incolume supererit, At quia mihi non nisi cum illo res est, illius dumtaxat verba referam, & expendam.

Eodem igitur sui operis num. 19. cum iterum de Catalogo Sanctorum Italię Philippi Ferrarij ei sermo excidisset, subdit: *Idem tamen Olsuetanis eiusdem Basilica (scilicet S. Victoris ad Corpus) Monachis placere non potest, quod octaua Maij die de hoc nostro Victore locutus, in Annotatione adiecit, eiusdem Caput Volaterris conservari, ac summa celebritate coli; Callisti Papa. II. munus Vrbi datum. Quod ipsum constanter item repetit, ac præterea eius Ecclesia monumentis; Et Raphaelis Volaterrani Commentarijs confirmat, tertiadecima Maij die in Catalogo Sanctorum, qui non extant in*

Pp 2 Mar-

Martyrologio Romano . Monachi namquè illi , tàm Victoris , quàm Satyri etiam Caput sibi vendicant integrum , quin etiam , excepto mento inferiori , utrumquè demùm anno Christi supra millesimum sexcentesimo secundo , die Martij vigesima tertia , coram Basilica Metropolitana tunc Decano , Antonio Seneca , & alijs , solemniter extraxerunt ex Arca , in qua Sanctus ille Carolus olim reposuerat , & in duobus Argenteis Capitibus collocarunt , ut inter sacras gestari processiones , populoquè ad venerationem certis diebus exponi possent . Qua de re publicum etiam extat instrumentum , tunc temporis à Jacobo Antonio Cerruto Curia Archiepiscopalis Notario , confectum , & à nobis itidem lectum . Eiusdem porrò Victoris Caput sibi quoquè Ambrosiani Monachi vendicant , sed maiori tamen parte mancū , sicut oculati quoquè testes nobis illud esse affirmarunt . Quamobrem hoc fortè facilius cum Ecclesia Volatranensis credulitate componi posset .

Fateor carentiam tanti Capitris nobis placere non posse , si vera esset . At
tibi

tibi cur placeat, qui nobiscum Patriam habes eandem, qui charitate Patriæ iacturas illius tibi quoque debes æstimare communes, quiq; aduersus eos, qui sacrarum Reliquiarum thesauris expoliare conantur, tutari illam obstringeris? Huc animi tui dores, huc singularem eruditionem tuam, huc sty- lum, huc studia omnia confer, non autem ad certa ambiguitatibus suffuscan- da, litesque iam pridem sopitas, ac pe- nè mortuas suscitandas. Verùm si tui causa tibi displicere non potest, eo- rum, quorum, patrocinium suscepisti rationem habe; quandoquidem Caput Victoris Mauri Volaterranis obtinen- tibus, clientes tuos eo carere necesse est. Quod igitur sibi vendicant? Par- tem, inquis, & satis modicam; reli- quam quæ deest, Volaterranis diffidio- composito permittunt. Ita nè cadu- ceatorem agis, iuribus partium igno- ratis? Vnde scis Volaterranorum Ca-
put

put esse mancum? Siquè non integrum
arbitraris, vidistin, qua parte sit ma-
tilum? Num cum ea parte, quam ob-
nent Ambrosiani, composuisti, vt ex
vtraquè vnum fieri tam de facili affir-
mares? Oporteret equidem tibi explo-
ratum esse, Callistum Pontificem à tuo
hoc Capite quotam abstulisse, & inde
tibi maius aliquod lumen affulgeret
circa assertam Sancti Victoris in tua
Basilica existentiam. At diuinare non
est probare.

Qua propter hinc primò tuum istud
Caput expungam; siue enim Volater-
rani, siue nos obtineamus, tibi nihil
superest possidendum. Nec putes, no-
biscum quoquè litem posse componi,
eò quod inferius mentum desiderari in
nostro Capite adnotaueris (id quod
suspicio à te dolose factum, ne spes alijs
omnino decidat partem aliquam pos-
sidendi) Nam si totum retulisses, vt par-
erat, Instrumenti paragraphum, cla-
resceret non desiderari mentum, quia
desit;

desit ; sed quia cum reliquo Corporis in Arca relictum est. Sic igitur Instrumentum. Repertum est inter sacra Offa per multa Sancti Victoris in una parte Caput eiusdem Sancti Victoris , serico rubeo involutum . Quibus sic recognitis præfatus Reuerendissimus Seneca , una cum multo Reuerendo Patre Abbate superscriptas partes minores Capitis , mentum scilicet, & aliquos dentes à reliquo Capitis separatos , serico eodem involutos reposuit in eadem capsula , loco ubi prius erant . Pars verò Capitis superior integra , mento excepto , fuit velo rubeo novo involuta , & reposita in theca argentea &c.

His igitur , & alijs similibus tabulis , docemus de sacri Capitis possessione ; quo legitimo authenticoque Documento evinces de tuo ? Quis vnquam Ambrosianæ Basilicæ Reliquias recensens , inter eas Caput Victoris Martyris enumeravit ? Nascuntur nè tibi in hortis , aut ex templo erumpunt hæc numina ? Quinimò si Victoris est Caput istud , utique desumptum est ex reliquo Corpore ;

pore; quod per te iacet simul cum Saty-
 tyro in Arca, latente sub Altari Sacelli
 Satyriani in Ambrosiana, de qua satis
 diximus facibus antecedentibus; ac
 Corpus illud verentur Ambrosiani no-
 mine Victoris nuncupare; non erat
 igitur cur nuncuparent Caput. *Rur-*
fus; interrogarem libenter Ambro-
 sianos, an tale Caput haberent, à reli-
 quo detractum segregatumq; Corpo-
 re, quo tempore Divus Carolus in-
 spectionem, ac translationem SS. Cor-
 porum Victorianæ aggressus est anno
 1576. an non. Si primum respondeant
 iterum percuntabor cur Divo Carolo
 non suggererint, se Caput quoddam,
 quod Martyris Victoris Mauri existi-
 mabatur, inter suas Reliquias enume-
 rare? orare igitur Sanctum Archiepis-
 copum, ne inaudita parte ac non *nisi*
ea re benè perspecta, velit sibi præiu-
 dicium creari. Si verò secundum eli-
 gant, scilicet post illud tempus extra-
 xisse; petam cur in extractione nullum
 testem

testem adhibuerint , nullas tabulas confecerint?

Postremò illud non percipio , vendicari per Ambrosianos Caput Victoris , sed maiori parte mancum , vt oculati tibi testes affirmant . Siquidem quod maiori sui parte caret , non est ipsum , sed pars ipsius . Denominatio namque á maiori parte fit , ita vt non sit dicendum , vendicare sibi Ambrosianos Caput Victoris , sed minorem quandam Capitis Victoris partem, eâq; si per temetipsum poteras inspicere , cur in re tam graui aliorum testimonio niteris ? Scilicet potuisti introspicere Arcam sub eo Altari Sacelli Satyriani vbi sunt duo Corpora ; & obseruare vnum magis absumptum , & antiquius altero vt Face VII. tecum agebamus , Caput verò hoc extrá vagans , pereos , pro quibus scribis , tibi non licuit inspectare . Scio quid coneris ista scribendi ratione . Nullum non lapidem moues vt suadeas Victorē nō quiescere in Æde sua. Qq Dum

3. Reg. 6. 3.

Dum ergo frustum huius Capitis Ambrosianæ , frustum Volaterranæ Ecclesiæ concedis , vt nihil ex eo nobis supersit (ostendamus licet totius euidentiſſimam possessionem) subit memoriæ lis illa mulierum , coram Salomone de filijs altercantium , & Sapien- tissimi Regis oraculo agnita mater , illi- què adiudicatus filius . Acquiescis tu diuisioni sacri huius Capitis , indi- cium est , illud nullo modo ad te perti- nere . Expoliat te omni iure commu- nis omnium sensus , & illud adiudicat mihi , qui non patior scindi , commota sunt quippè viscera mea pro tam charo pignore .

Volaterrani igitur fruuntur Capite alicuius Victoris , & Victoris Marty- ris ; non inficior , non inuideo ; tantum abnuo , esse nostri Victoris . Is enim saltem á tempore Arnulphi II. Medio- lanensis Archiepiscopi , circa initium vndecimi ab Orbe redempto sæculi , clausus , latens , inaccessus fuit . Erupit

anno . . .

anno 1576. dum á veteri Basilica in novam esset asportandus , repertus est cum suo Capite , intuentibus oculis non conuiuentibus D. Carolo Borromæo ; translatus est, iterumq; reconditus; & post annos aliquot Caput rursus agnitum, & extractum atquè in argentea hemistatua conclusum , indubia semper permanente identitate . Quis retroactis temporibus per cuniculos euasit ad Arcam , in qua quiescebat ? Quis Arcam lapideam ferro obarmatam perrupit ? Quis Caput hoc abstulit, aliudque supposuit ? Imò cur opus fuit supposititio Capite, si nullus erat timendi locus, quod Corpus vt potè iterum profundè sepulcrum, rursus erueretur , ac breui furtum deprehenderetur ? Quod enim longè post deprehendi posset, nil negotij suffuranti facesseret .

Dixi à tempore saltem Arnulphi II. Archiepiscopi inaccessas fuisse Victoris exuias . Hic enim cum singula

Qq 2 ri

ri in Martyrem & eius Basilicam pietate flagrarit, ipsamquē ditarit, donato iusuper, vel etiam á fundamentis extructo Monasterio, vt monumenta authentica, nec non Authores per te num. 19. & 213. memorati testantur, creditur etiā eandem restaurasse, exornasse; atquē in eam formam redigisse, qua ad nos peruenit. Docebunt te ergò publicæ Tabulæ, quas in calce huius opellæ per extensum habes, Corpus Santi Martyris cum suo Capite repertum esse in Arca lapidea, vndiquē clausa, & ferreis circulis plumbo insertis circumquaquē munita, tam altè infossa, vt non nisi diruto Altari, & altera Arca, primæ imminente, amota, ad illud perueniri potuerit. Quomodo ergò post Arnulphum (ita enim mox clarum fiet) Caput hoc inde sublatum est?

Dono tibi Volaterrani à Callisto II. Romano Pontifice, publicis documentis, Historicorum testimonio, constanti

stanti traditione , ac inscriptis lapidibus assueverant . Cum enim ille è Gallijs Sedem suam , Romanam scilicet Urbem , peteret , à Volaterranis exoratus , vt illac iter inflecteret , nouamq; Cathedralem Ædem solemnè pompa dicaret , per eam opportunitatem tale munus est elargitus . Tabularum illius Urbis , quas archetypas & perantis quas existimant , habeo apud me fidelissimè exscriptū exemplar atque inde ad me transmissum Dō . Anno salutis ab Incarnatione D. N. Iesu Christi millesimo centesimo vigesimo decimasertia Indictione , decimo tertio Kal. Iunij Sanctissima Domus , & Altare vetustissima Vulterrana Ecclesie , magno cum apparatu , magno fastu , magna honorificentia , maximaq; deuotione & reuerentia , à Sanctissimo , & Beatissimo in Christo Patre Domino , Domino Callisto H. Dei providentia , & Sancta Sedis Apostolica gratia , Maximo Romano Pontifice , unà cum Sacrosancta Romana Ecclesia Cardinalibus , ubi etiam Reuerendissimus Dominus Acto , Pisana Ecclesia Archiepiscopus ,
nec

*nec non & alij quinque Reuerendi Episcopi ad-
fuerunt , dedicata , atque consecrata est ad ho-
norem Beatissime & Intemerata semper Vir-
ginis Maria , Matris Domini , Sanctæ aq; vi-
sifica Crucis , atque omnium inclitorum San-
ctorum . In qua quidem dedicatione atque con-
secratione ; idem Sanctissimus Papa , humilis-
bus supplicationibus, & precibus Reuerendi Do-
mini Rogerij, eiusdē Vulterrana Ecclesiæ Episco-
pi inclinatus, condonationem, Indulgentiam &c.
Et post pauca Insuper idem Papa ad pra-
missorum memoriam Ecclesiæ , & Clero, Popu-
loque Vulterrano Caput deuotissimum , auro
ornatum inuictissimi Martyris Sancti Victo-
ris dono dedit , qui à Clero & Populo in Protec-
terem Ciuitatis Patronum humiliter suscep-
tus est.*

Non obijcio : quibus vitijs videatur
laborare hoc Documentum, quàm pa-
rum antiquitatis & per consequens fi-
dei præferat, non obseruo quid sit ,
Pontificem Sanctæ Sedis Apostolica gratia
dici Pontificem , solùm perpendo , quod
mea interest , nullum hîc esse Victoris
pactro-

patronymicum. Sufficit enim Martyrem esse; quod verò sit noster Maurus, Mediolani passus, sepultus, & cultus non euincitur. Nec molestiam addit, quod lapis insulptus, & á sinistris primarij Altaris eiusdem Ecclesiæ collocatus, enarret, Callistum *Mauritanæ Victoris sacri Capitis aure obducti, dono Templum illustrasse*; recentiori enim ævo videlicet anno 1610. apposuit Episcopus Lucas Alamannius; qui si præallatum Documentum, utpotè archetypum, & antiquius secutus fuisset, quemadmodum hoc filet, ex qua regione fuerit ille Victor, ita ipse non poruisset Mauritani cognomine prænotare. Arbitror quippè si Documentum tale est, pro quali venditatur; scilicet cunctorum antiquissimum, & tunc confectum; quum ea, quæ refert, agebantur, cætera omnia monumenta ab ipso desumi nec ab eo latum vnguem aberrare, debuisse. Probabile tamen est Volaterranos, cum Martyrem hunc, nomine Victo-

312 FAX DECIMA.

Victorem cæterâ ignotum , aquisito Capite sibi in tutelarem essent assumpturi, excurreret què tunc Maius mensis , inspexisse in Martyrologijs , aut alijs Ecclesiasticis Historijs , quis nam per eos dies Victor , & Martyr celebraretur; reperto què Victore Mauro, insignissimo, & celeberrimo, ac fortè per Italiam unico quoad eum mensem suasisse sibi , illum met esse, cuius Caput dono acceperant, ac deinceps eum pro tali veneratos esse . Si enim Callistus Caput Mauri, Mediolano sublatum, attulisset, docuisset vtriquè Volaterranos, ijquè has etiam particulares circumstantias in publicas Tabulas redigissent, quod non est factum .

Illud exploratum est, Callistum per se non abstulisse Caput, cum Mediolanum non accesserit . Cluniaci quipè in Gallia summus Pontifex renunciatus, Pontificia insignia renuit accipere, nisi priùs certior fieret, S. R. E. Cardinales, qui Romæ erant, electionem

*Bar. ad Ann.
Christi 1119.
Alphonfus
Caiconius.*

nem prædictam ratam habituros. Hac de causa terrestri itinere Romam versus instituto, licet per aliquas Insubricas civitates illi esset transeundum, Mediolano tamen se abstinuit, aut quia Imperatoris ibi factiones maximè prævalerent (imperabat Henricus Quintus, alijs Quartus, legitimorum Pontificum hostis, & Pseudopapæ Gregorij Burdini fautor, eaque de causa anathemati iam dudum, subiectus) aut quia bellum inter Mediolanenses, & Comenses exardesceret. Italiam quippè per Alpes, quas nunc vulgò Penninas nuncupamus ingressus Susam tenuit, indequè digrediens, inferiorem viam, quæ Augustam Taurinorum; ac Novariam interfecans, Derthonam ducit, arripuit. Derthona Placentiam delatus, ab ea Urbe, transcenso statim ad dexteram Apennino, iter Etruriam versus inflexit. Hauries hæc ex duobus eorum temporum Scriptoribus, ex quibus alter si urbem nostram Summi

Rr

Pon-

Pontificis accessu decoratam vidisset
 suis utique monumentis disertè confi-
 gnasset. Pandulphus quo venit etiam
 Baronius ad annum Domini 1120. per
 quod ostium Italiam penetrauerit, edo-
 cet. *Et veniens ad Montem Pessulanum pro-*
cessit ad Sanctum Aegidium, per agratisq;
Prouincia partibus, & Alpium difficultate
transcensa ad Sanctum Ambrosium cum iucun-
ditate peruenit (Oppidum est subalpinū
 propè Susam) ne enim aliquis putaret,
 Ambrosianam Mediolani Basilicam si-
 gnificari, Pontifex adhuc in montanis
 est. Nam subditur. *Descendens autem ad*
populosas Linguardia Civitates per montē Bar-
donis transiit in Tusciam &c. At Landul-
 phus enarrans nullibi potuisse dissidia,
 quæ sibi erant cum Iordano Mediola-
 nensi Archiepiscopo, Pontifice coram
 exponere, nisi Derthonæ, ubi etiam
 Archiepiscopus Pontifici occurrerat,
 dedit subintelligi Callistum non ac-
 cessisse Mediolanum. Sic ille Cap. 35.
Guerra Cumanorum, & Mediolanensium du-
rante,

rante, atque eorum Pontificum & Consulum, vidi Dominum Papam Callistum, & Iordanum Archiepiscopum cum pluribus Ecclesiasticis, & secularibus viris illustribus confedere in Terdonsensi Palatio, in quorum presentia querela mea causam protuli, scilicet de Domino Iordano &c. Tandem ne locus relinqueretur existimandi, Pontificem Derthonam mouentē, tunc saltem Mediolano transisse, subdit post pauca. In die autem altera, qua fuit feria secunda Dominus ipse electus Papa, Terdonam exiit, cum quo Olricus Vicedominus Mediolanensis (Iordano Archiepiscopo reuertente Mediolanum) usque Placentiam iuit.

Cum igitur Callistus per se sacrum hoc Victoris Caput non abstulerit superesset ut diceremus ab Archiepiscopo, vel alio quopiam allatum Mediolano, ac Pontifici dono datum; nec enim credibile est, à Pontifice auctoritati uel iussu ad se deferri; siquidem nondum tota suauitabatur potestate, ut diximus, nec illi ius aliquod processurum erat in ea Urbe, quæ Imperatori obsequebatur.

Verùm Iordanus, aut quisquis ille esset, qui se rem gratam facturū Pontifici arbitraretur, si sacras Reliquias dono afferret, alias magis obuias arripere, vel latenter absquē ciuium perturbatione valens, non adiecisset animum ad eas, quę sine strepitu, demolitione, effusione, qualis erat Victoris caluaria, haberi non poterant.

Verisimilius quid ego adferā de alio Victore. Placēt iā Callistus breuiori itinere in Etruriam descendens (Baroniū ex probatissimis authoribus ad prædictum annum 1120 scribentem sequor) Lucam appulit. Ibi magno cum honore exceptus post tres dies à Pisanis exoratus, Pisas se contulit, Primarium Templum Assumptæ Deiparæ erectum, solemni ritu consecraturus. Eò conuenit rota penè Etruria ac Volaterrani supplices expetierunt, ut dum Romam pergeret tantisper ad eorum Urbem declinans, Cathedralē Ædem pari modo dicaret. Annuit, secum delato Martiris

tyris Capite, quo ad celebriorem pompam, ac ciuitatem magis promerendam vteretur, Probabile ergo est, non aliunde quàm Pisis illud asportasse; sic enim ego ratiocinor. Si ex Insubriæ aut simili remota regione Caput hoc circumferebat, vtique aut ob peculiarem in Victorem pietatem, & propensum animum; aut elargiendi causa, cum se se opportunitas obtulisset. Si primum; nūquam profectò illud à se abdicasset; si secundum, cum nesciret sibi volaterris transeundum, iam in aliquo ex tot locis, quæ adierat, reliquisset. At frequens erat per ea tempora Italici Rebus publicis, Venetæ præsertim, Ianuensis, & Pisanæ, maritimis classibus non minùs, ac aliæ duæ præpollenti, expeditiones in Græciam, Thraciam, Ægyptum, Africamquè adornare, indequè inter militaris gloriæ trophea abducere etiam nunc Mysteriorum nostræ fidei monumenta, instrumenta uè, nunc SS. Reliquias, siue vi ereptas, siue pretio à
sacri-

Doglionus
anno 1114.

facrilegorum manibus veluti è captiuitate redemptas. Africa presertim sicut Pisanae Urbis è regione sita est, ita Pisanae virtutis sæpiùs area fuit, eiusq; insignem inter alias spolijsquè opimam victoriam, sexto ante anno de Saracenis ac Mauris ad Baleares Insulas reportatam, referunt ac extollunt Scriptores, aded vt finitimis populis, ac præsertim Florentinis, abundè ex ijs impertiri valuerint. Quid mirum igitur, si ex tredecim Victoribus, pro Catholica fide in Africa peremptis (tot habentur ex Romano Galefinioque vt cætera præteream Martyrologijs) aliquorum, vel certè vnius exuias, quas dono Pontifici pro Volarerranis dederint, asportauerint, quem deinceps hi Mauritanum dixerint, denominata scilicet Africa à regione eius nobiliore? Quod si simul cum Africa reliquum Orbis peruagari libuerit, quatuor & triginta Victores diuersis è locis collegit Martyrologium Romanum; vnum supra viginti iun-

ti iunxit Galefinius à Romano non recensitos; nouemq; alios à neutro memoratos, superaddidit Philippus Ferrarius; nec est improbabile aliquē aliū esse, qui vnumquemquē eorum latuerit. Cur igitur solum nostrum Caput impetitur, si tres & sexaginta supersunt, ex quibus quem malueris potes Volaterranis seligere? Dicam ego quā ob rem cuncti, qui Victores possident, Maurum vellent habere; nimirum hic postea magna sēper in veneratione est habitus, opisque ab eo cælitus præstittæ fama longè latèque manauit vt pluribus Face VI. prosecuti sumus. Ea fortè ducti Volaterrani, desiderio indulgentes, voluerunt sibimetipsis blandiri, vt existimarent, se Mauri Capite fuisse ditatos, vel etiam suo Victore intermedio in alterum celebriorem vota, cultumq; suum direxerint, eumquē sibi in Patronum, ac Tutelarem asciuerint. Quanquam, dum suo Victori appellationem Mauri indiderunt, non cogimur

gimur affirmare eo consilio fecisse, ut
 noster hic Mediolanensis significaretur,
 siquidem alium diem ei sacrum staturerunt,
 tertiumdecimū nempe Maij, non ignorantes
 Victori nostro dicatū esse octauum. Equidem
 Ferrarius, licet in Catalogo SS. Italiae, in Annotazione
 ad nostrum Victorem sub octauo die, dicat
 huius Caput esse, quod Volaterris asseruatur,
 in Indice tamen eiusdem Catalogi, quem Indicem *posteriore ac maturiore cura*
 ut ait Puricellus contexuit, sic habet. *Victor Martyr Mediolani 8 Maij,
 Corpus in propria Ecclesia*, & immediate
 alium recenset asterisco prænnotatum,
 * *Victor Martyr & patronus Volaterris 13. Maij*,
 Asteriscus autem ille, ut habetur in Indicis
 inscriptione, indicat Sanctos, qui non sunt
 in Martyrologio Romano, cum tamen noster
 Victor in eo sit. Non est igitur Victor
 Volaterranus idem cum Victore Mediolanensi,
 ac proinde Ferrarius eo Indice re-
 tractat, quod in opere pronunciarat.

Id

Id quod roboratur ex eiusdem Ferrarij Martyrologio, edito ad enumerandos eos Sanctos quos Romanum Martyrologiū præterijt . In eo enim filet sub octauo die Victorem Maurum, utpotè in Romano memoratum, & sub tertio decimo habet, *Volaterris in Tuscia Sancti Victoris Martyris eiusdem Urbis patroni* .

Habet vterquè, Galefinius scilicet & Ferrarius, sub eo die Maij octauo, alium Victorē in Ægipto passum vna cum Stephano & Belladio . Quemadmodum ergò si huius memoria eo die solemniter celebraretur, non ob id dicendum esset, huius, & Mauri eandem esse festiuitatem, nec ille cum hoc esset confundendus, quantò minùs id faciendum est, cum noster & Volaterranus diuersos sibi vendicant dies? Tertius decimus quippè nostro Victori non conuenit ob mortē quæ contigit octauo; nequè ob sepulturam, quæ quarto-decimo peracta est, nec ob assertā do-

S f natio-

nationem, aut auspicatum patrociniū;
quia aut die vigesimo, quo Templum;
& Altare dedicata sunt, aut pauld post
hæc acciderunt, vt perpenſis Tabula-
rum verbis liquidd conſtabit. Dicitur
enim : *Insuper idem Papa ad præmiſſorum*
(ſcilicet Dedicationis, & Indulgentia-
rum conſeſſarum) *memoriam, Eccleſia &*
Clero, Populoq; Vulterrano Caput deuotiſſimū
auro ornatum inuiſtiſſimi Martyris Sancti
Victoris dono dedit; qui à Clero, & Populo in
Protectorem ciuitatis patrum humiliter
ſuſceptus eſt.

Maneat igitur Portianæ Baſilicę in-
teger Victor, & non diuidatur; ipſa eſt
enim Mater eius, quem ſemper ſepul-
cro, velut vtero, fouit.



FAX

323

FAX VNDECIMA

*Præluces publicis Tabulis, super
existentia Sanctorum
Victoris, & Satyri in Por-
tiana Basilica, confectis.*



Actenùs præmissę Fa-
ces , quó eorum vis
omnifariam elucescé-
ret, dissertatione, velu-
ti perflatu quodam ,
aut agitatione indi-
guerunt ; iuxtà Ovi-

dianum illud: *Vidi ego iactatas, mota face,
erescere flammæ* . Nunc autem mera lu-
mina, á se ipsis , nullo alterius labore
micantia sum prolaturus ; publicas ni-
mirum Tabulas (Instrumenta vocant)
docentes , Corpora Sanctorum Victo-
ris, & Satyri, in Victoriana Basilica re-
recta, & agnita fuisse ; in eâquẽ recen-
ter excitatâ iterum condita, ac asserua-

Sf z ta .

ta. Nullum hæc opus nostrum effagitant; id vnum sufficit, si, quam suo veluti iure exigunt, & extorquent, fides eis adhibeatur.

Quibus enim validioribus probationibus rerum, actionumq; veritas in animis hominum inferi, ac enutrisi potest? His cè quippè statuitur quicquid pro certo, nulla admissa ambiguitate, habendum est, his dubiæ solvantur lites; his possessiones firmantur; his omnis iudiciaria actio, quæcunque pertenta-uerit, obtinet; his propria ab aliorum infestatione tuemur, his iniquè usurpata redimimus. Publicis instrumentis fidem detrahæ, adimes illicè ab hominibus pacem, à Rebus publicis commercium, conueniendi, contrahendiq; mutuam consuetudinem, iam non emptiones, venditionesq. vim habent: nō mercatura, non testamenta, non ipsa sacrosancta connubia, nullum deniquè iam constat eorum, quæ sibi inuicem præstant mortales, commodorum: ut
sus,

FAX VNDECIMA . 325

fus, dequè omnia verti, ac ruere neces-
se fit . Collata cum his inscripta Mar-
mora, ærauè incisa, infirma sunt: nutant
monumenta, quantumlibet prisca :
traditiones ipsæ labant dubietate : mi-
nor est Historiæ fides, nec aded tuta
hominum testimonia : siquè tibi reli-
qua cuncta aduersentur, habeas modo
pro te publica hæc Documenta, nil nō
euioces, quandoquidem quicquid his
conforme est, verum est, falsum quic-
quid horum dispositione impugnatur .
Confule ius vniuersum. Iurisq. peritos,
alicubi inuenies, *Instrumentum est probatio*
probata, & facit notorium, alibi *Instrumenta*
publica perpetua firmitate nituntur; hinc au-
dies, *Instrumenta habent pro se omnimodam*
presumptionem, quod verum contineant; il-
linc, *Instrumentis in iudicio plenam adhiberi*
fidem; aliunde, *In dubijs semper pro Instru-*
mento presumendum esse; vndiquè tandem
infinita his similia eorundem Instru-
mentorum accipes Elogia.

Videtur tamen, nostra hæc Instru-
menta

Decius in leg.
1. ff. si certum
petatur Gloss.
in c. 2. de Fide-
Instr. Aur.
Additio ad
Comp. Nauar.
Verb. Scriptu.
Gloss. in C. per-
uenit Verbo.
Archiiij 302
q. 1. l. cum pre-
sibus Cod. de
Probation.

menta tibi non esse satis : quamobrem nec sinere velis , te ab ipsis conuinci . Firmum enim habes : quod , si perpendantur ea , quæ obijcis aduersus existē-
tiam Sacrorum Corporum in Portiana , nouæ adhuc locus superfit sententiæ : siquidem ais . *Quicquid tandem indicij de-
nuo feratur* . Exhibitis ergò Instrumen-
tis adhuc opponis ? Quid tandem ?

Non suspicaris , vitata esse Instru-
menta , supposititia , falsa . Id enim non
cadit in rem presentem . Laborant hoc
dubio vetusta nimis monumenta : qui-
bus multa ob temporis longitudinem ,
& hominum nequitiam possunt acci-
dere . Hic autem præ manibus habe-
mus Documenta recentia , hesternè , vt
ita dicam , confecta , quemadmodum &
res , quam testantur : eorumquè arche-
typa intacta sunt , eo loci asseruata , quo
nulla poreft penetrare deprauatio . Sed
nec dicturum te arbitror , Tabellionis
testiumuè subornationem interfuisse .
Præsentia quippe Diui Caroli , rebus in
omni-

omnibus, sed præsertim in his, Oculatissimi (vt mox dicetur) omnem corruptionis metum eliminat. Aduere Notarij tres, isquè qui exemplari á te viso subscripsit, á te honoris causa nominatur: duo insuper Prothonotarij Apostolici, testesque tales, quos natalium splendore, dignitate, prudentia, probitate præcellêtes, intolerabilis dementię esset affirmare prece, pretio, gratia potuisse corrumpi. Et mehercle quis eos, & qua de causa subornare conaretur? Testamentum né supposituri, erant, aureorum myriadem falso hæredi adiudicaturum? Oliuetani Patres non contentionis studio, non vt aduersarij, si quos haberêr, causa caderent, non propriæ gloriæ, aut vtilitatis stimulo, sacros hos cèthesauos depromebant, sed eo tantum consilio, vt in nouam Ædem, quales quales reperirentur, deferrent; nec enim decens erat ipsos in vetusta relinquer.

Assu-

Assumes fortè, ex eo nutare Tabularum fidem, quod enarrent pluribus fundamentis, quam re verà habuerint, nisos fuisse Victorianos in sacris Corporibus perquirendis. Sic enim habent *Cumquè in Ecclesia antiqua, & veteri, quam de presenti demoliri facere intendunt auctoritate Apostolica, & sub Altare maius dicta Ecclesia, ut ipsi Domini Abbas, & Monachi à senioribus Patribus dicta Religionis intellexerunt, & voce totius populi, tum ex Chronicis Bosfianis, tum ex Scripturis antiquis, & etià ex quadam tabula antiqua in dicta Ecclesia reperta, in dicto Altari maiori inesse Corpora, seu ossa, & reliquias Sanctorum Victoris Martyris, Satyri Confessoris, & aliorum &c.* Tu verò obiecisti, falsum esse à Chronicis Bosfianis hæc affirmari; dū enim quodam in loco dicunt, *Hic Archiepiscopus Arnulphus II. fuit magna sanctitatis, Monasterium Sancti Victoris ad Corpus dotavit ubi Corpus eius in pace requiescit,* ais tu, accipiendum esse de corpore ipsius Archiepiscopi, non de Corpore Sancti Victoris,

ris, vt ex ijsdem verbis, alibi repetitis, afferis clariùs innotescere.

Cōtra ego afferam primò Iurisprudendum doctrinam, vitio scilicet aliquali narratiuę (sic vocant) Instrumentorum non labefactari eorum vim, sed eo tantùm, quod non cohærens cum re, quæ tunc firmatur, destruit factum principale; cæterùm hoc stante, locū esse Regulæ, *Vtile per inutile non debet vitari*. Igitur quamuis nec vlla traditione, nec populi sēsu, nec antiquis Scripturis, ac Tabulis, nec Chronicis Bossianis moti essēt Oliuetani ad Corpora perquirēda, reperta tamē fuissēt (vti verè sunt) Instrumenta inuentionem hāc enarrantia, ac testantia, verum quid edocerent, quantò magis id dicendum erit, cum reliqua motiua subsistant, solum autem fortè id quod est á Chronicis Bossianis vacillet?

Cap. vtile de
Regulis Iure
in 6.

Secundò abnuam, locum, quem tu diuinas, esse illum, vnde maioris nostri elicuerunt, Chronica Bossiana sibi suf-

T t

fra-

fragari. Exemplaribus tibi fortè ignotis vñ sunt , in quibus disertè erat id , quod Tabellionibus suggererunt . Si enim hoc refertur non solùm ad Corpus Victoris (vt tu velles) sed etiam ad Sacyri, & aliorum, non igitur nitebàrur ei dumtaxat testimonio á te allato; de quo tamen vide , quæ diximus Face VI. siquidem , cum non reiiciat interpretationem de Corpore Sancti Victoris , cur cogere nos vis ad accipiendum de Archiepiscopo ? Dices: Catalogus Mediolanensium Archiepiscoporum , qui eiusdem Bossij est , apertè de Arnulpho loquitur . Non admitto de omnibus exemplaribus . Sed esto . Quid tum ? Ergo in ipsis etiam Chronicis non nisi de Arnulpho est sermo ? Necessitatem consequutionis non percipio . Quid enim obstat , quominùs in Chronicis de Victore, in Catalogo de Arnulpho loqueretur ?

Eó tandem fortè confugies , vt dicas, res quidem in Instrumento regeftas ,

tas, vti acciderunt, scilicet reperta esse Corpora, quę pro vt apparebat, credita sunt Sanctorum Victoris, & Satyri. Verū quis nos certos reddit, eorum verè esse, nec potuisse esse supposititia?

At nequē huiusmodi confugiū tibi referant Instrumēta. Quauis enim ad ea nō pertineat, expressis verbis edicereprolatā velut sentētiā de re cōtrouersa, inuenta Corpora esse Victoris, & Satyri, sanciunt tamen id factō, dum enarrant, ac testantur inuentionem. Siquidē nō aiunt existimata probabiliter ea fuisse Victoris, & Satyri, quatenus ex subiectis nominibus alijsq; indicatijs conijci poterat, sed absolutè, Victoris, & Satyri Corpora reperta fuisse. Sic etiā D. Carolus, vt ex inferiūs dicendis exploratius fiet, factō iudicium rulit; ea Corpora pro talibus agnoscens, pro talibus venerans, pro talibus pia supplicatione circumferens, pro talibus in noua Basilica recondens, ac finēs pro talibus in publico Documēto describi. Sic

Tr 2 com-

communis eorum omnium , qui aderant, nec non populi totius consensus, pro talibus eadem recipiens, facto pariter sententiam pronunciauit. Et iure quidem optimo , nulla enim offerebat se ansa suspicandi de suppositione; quæ à nostris circa id temporis fieri non potuit, utpotè quod à D. Carolo alijsq; præsertim cōspiciēda fuissent recētia effossionis, & referatæ Arcæ vestigia Arcę, inquā, quæ, ut sæpius dictū est, & Instrumentū testatur, aliū erat infossa, & sub alijs pariter lapideis tumulata. Ex quo etiam fit, ut vix quæat sufficiens emergere indicium vetustioris suppositionis; ex longissimo enim tempore, ut alibi adnotauimus, Sacra hæc lipsana fuere inaccessibilia. Ea propter, licet bellorum, excidiorumquæ causa, quibus Vrbs nostra sæpius est afflictata, Scriptores non pauci, plerasquæ Sanctorum exuias ereptas, ac alio delatas fuisse recenseant, nemo est, qui de Reliquijs in Victoriana repositis, quic-

quicquam miffilauerit. Quinimò post D. Ambrosium (quem tu comminifceris clàm furripuiffe Victorem, ac propè Basilicam à se exstructam collocasse, ibiq; Satyrum deinceps contumulasse) ignoratur, quænam potuerit accidere suppositionis occasio, nec aliud Templum, Vrbs, aut regio est, quæ his Reliquijs perfrui se iactet. Aduersus tamen commentitiam illam, per D. Ambrosium factam suppositionem soli Victori (quandoquidem Satyrus per te adhuc erat in viuis) sat erit rursus opponere Corpus illud laterale, in eadem Arca repertum. Quis enim, & cur falso Victori associauit?

Iam igitur apertè effare. Quale vitium hac in re se immiscuit, vt publicum de ea Documentum tibi non satisfaciat? D. Carolus præproperus nimis in hanc agnitionem descendit; reperiſq; illis Corporibus anceps aliquandiu, & suspensus adhuc hæreſe ſuper eorum veritate debebat; nec fortè tam
solli-

sollicitum, ut par erat, in ulteriori veritatis indagine se præbuit; supererant quippe aliqua perpendenda, quæ ipsius oculos, mentemq. fugerunt, En ipsissima tua verba. *Quod si totidem hinc inde indicia Sanctissimi nostri Caroli menti, vel etiam oculis obuersata tunc fuissent, nihil profectò nos ambigimus, quin hac in re multò magis, quàm foris fuit, anxius saltem atquè consilij ambiguus ille futurus esset.*

Aperire equidem nescio, quam censuram mereatur tua hæc totam controuersiam absolvens, conclusio, isquæ loquendi de D. Carolo modus. Iudicet amabò, qui consideratè legerit. Deus bone? Oculatior esse potuit Carolus, qui Scriptorum calculo *Oculatissimi* appellatione donatus est? Potuit in veritate scrutanda deficere, qui Pij Quinti Pontificis Sanctissimi oraculo dictus est plenus Spiritu Sancto, qui Spiritus veritatis est? Diligentia adhuc desideratur in ipso agnoscente Reliquias, cuius peculiare studium totum in hoc fuit,

*Ioann. Petrus
Gluff. lib. 6.
cap. 7.
Ioann. Aut.
Castell. Aut.
Basil. Vin.
1. p. fasc. 4.
Gluffianus
lib. 8. cap. 18.*

it, vt quispiam effutierit (quanquam minus reuerenter) quiescentes quoque per ipsum irrequietos fuisse? Maiorem in ferendo de rebus Ecclesiasticus iudicio prudentiam est, qui quærat ab eo, cuius propriam fuisse prærogatiuam, ac dotem memoriæ posterorum consignatum est sēpiternæ? *Prudentia verò* (Nouariensis Episcopus post alios) *animiq; lumen in administranda Ecclesia tantū estimatur, vt huc pleriq; deueniant, qui rebus Ecclesiasticis ornādis studēt; scripta conquirāt; instituta discant; auferant quicquid possunt. Præterea si quid apud eos, qui ceteris præsumunt, in dubium vocatur, eis etiam ipsis, qui ab eo viuente dissenserant, illud sufficere videtur ad confirmandum, si Carolus ita fecisse demonstratur. Et tamen, vt dicebam, est aliquis cui ea satis non fuerit. Proh? Tua tamē, Carole, cælo recepta mens; tua mititas, cuius præmium beatam viuentium terram possides; tua iam imperturbabilis animi serenitas, hæc de te cogitanti, hæc scribenti, sicum pudor, &*

Carolus à
Basil. Petri
in fine Vita S.
Caroli.

poe-

pœnitentia intrat; ignoscat.

*Gluffianus
ubi supra.*

Colligo me, sanctèque confirmo, legenti gesta Sâctissimi Cardinalis obrepere nō posse, quod in hoc Reliquiarum negotio incogitantia fuerit obnoxius. Et quidem quā non fuerit ad credendum facilis, præclarum habemus inter alia testimonium rem gestam Liani in Brixienfi Dioecesi. Audierat, apud eius loci Templum lapideam adesse Arcam, in eaque ossa aliqua, quæ vti veras Sanctorū Reliquias indigenæ, exteriq; venerarentur; famam insuper latè vagantem, nocte, quæ Apostoli Petri vinculis dicatum diem præcedit, scatere ex ijs mirè aquā, ea copia, vt pluribus licet haurientibus (sacra quippè, & malis pellendis, aut auertendis utilis estimabatur) non ficcaretur. Accessit ad ossium visitationem Carolus, cuiusnām fuerint, vnde eò delata, ex quo tempore, cæteraquè his in rebus cognitu pernecessaria, requisivit: Nil explorati imò
nec

nec satis probabilis inueniens, quamuis modo hominum technæ, modo Dæmonum illusiones, ac præstigia menti occurrerent, nullum temere iudicium protulit. Tantùm; extremo Quinctilis die exeunte, ossa, & Arcam, si quo humore maderent, ficcari iuber, atque á probatæ vitæ Presbyteris tota nocte peruigilibus custodiri. Nihil tota nocte manauit, mane cuncta ipsis pumicibus ficciora. Quamobrem deceptioni locum fuisse ratus ea cauit in posterum prouidentia, vt apud homines iam tunc opinio inualuerit, peculiari eum Sancti Spiritus directione ac assistentia fuisse munitum, quod duobus alijs similibus exemplis Historicus confirmat.

Habuit in his semper præuias, & comitantes ad Deum preces; quippè Orationis, ipsi aliàs frequentissimum studium, in quod iidem gestorum eius Scriptores referenda multa continent, quæ illius doctrinam, capaci-

Vu ratemq;

In Petrus
Gluf. lib. 2.
cap. 2. & lib.
3. cap. 18.

Carolus a
Bas. Petri
lib. 2.

tatemq; anteire videbantur, tunc maximè in subsidium vocabat, cum de sacris hiscè lipsan^{is} statuendum erat.

*Gluffianus l.
5. c. 9. A Ba-
filica Pet. l.
5. cap. 6.
Castelliones
Basil. Vinc.
lib. 1. fas. 4.*

Sic reperto Nazarij Martyris Corpori, quod ad Mediomatrices olim delatum senserant aliqui, non nisi fufis ad Deum protractisquè in mediam vsquè noctem precibus, interfuit. Quamobrem inter cetera argumenta, quibus iudicatum fuit, Corpus illud esse Nazarij; non leue existimatur, quod Carolus, propria prudentia, & cælesti lumine oculatissimus, pro tali agnouerit. Excubias ergo pariter ad Sacra hæc Portianæ Basilicæ ossa, dum retergerentur, orando peregisfe testantur cum Ripamontio à nobis Face VIII. re-

Decad. 4. l. 3.

*In hunc lo-
cū Matth.*

lato, reliqui Scriptores. Quod si pollicitus est suo in Euangelio Dominus Matth. 18. *Vbi duo, vel tres congregati sunt in nomine meo*, scilicet (Interpretes, à Cornelio à lapide citati, paraphrasim attexunt) *propter me, vel mei respectu, mei amore, vel non nisi me, & meam gloriam quaren-*

quærentes; ibi sum in medio eorum, idest, assisto, cooperor, & dirigo eorum desideria & vota quis inficiabitur, Carolum, insigni vitæ sanctitate alioqui præditum, orantem cum suis, totoq; ferè Clero, ac populo, eam directionem consequutum, qua sine deceptione cognosceret, veranè an supposititia ossa illa fuerint? Nouerat Carolus id obtinuisse Turonensem Episcopum Martinum, qui dum ad sepulcrum, in quo ignoti hominis colebantur exuiæ, accederet, dubius an verè Sancti essent, post eiaculatas in cælum ardentissimas preces, vidit horribile spectrum, quod terrificæ voce factum est, animam hominis inibi tumultuari, ex hac vita decessisse impœnitentem, perpetuisq; inferorum supplicijs mancipatam fuisse. Nouerat ex duplici Elisæi facto 4. Reg. Cap. 6. quàm peculiarem ad aperiendos oculos vim piæ postulatio præseferret. Quidni igitur & ipse superni immissionem luminis in re tam feria, id præsertim sui muneris

Seuerus Sul-
pius.

Vu z exi-

340 FAX VNDECIMA.

exigente ratione, impetrauerit? Addo lynceam cæterâ esse amantium aciem, atquè ob eam, quæ inter ipsos est, morum, ac virtutum sympathiam, facile

*Orat. in S.
Luminis.*

se ipsos agnoscere. *Similia sibi ipsis occurrunt*, aiebat Nazianzenus, & perpendebat Hieronymus, ob mutuum amorem, à communi puritatis studio conciliatum, Christum Iesum à Beato Ioanne Apostolo ad mare Tiberiadis post resurrectionem, distantem licet,

*Epist. ad Pā-
mach. lib. I.
contra Iou-
inianum.*

cognitum fuisse. *Prior virginitas Ioannis virginale corpus Christi cognoscit*, & alibi. *Nesciebant Apostoli quem viderent, solus Virgo Virginem agnoscit*. Quin & non paucos Sanctorum, simili propensione, cum nunquam antea se vidissent, primò intuitu legimus inuicem agnitos, ac proprio nomine, alioquin ignorato, se cōsalutasse. Crediderim ergo, fratrem Sanctissimi Ambrosij, à Carolo semper impensè culti, ac in peculiarem magistrum, ac patronum adoptati, fratrem, inquam, eidem Ambrosio vultu, mori-

FAX VNDECIMA . 347

moribusquè confimilem, occulta hac;
& mira animorum conuenientia im-
pellente, quando cætera defuissent, ab
eo fore dignoscendum . Siquidem tes-
tantur qui adfuerunt , in Satyri retrec-
tione illum fuisse incredibiliter læta-
tum .

*Gluffianus l.
3. c. 8. Vita
S. Caroli R.
paimontius
ubi supra.*

Redeo iam ad perpendendum tuum
illud effatum , *Quod si totidem hinc inde in-
dicia* . Scilicet nos solis indicatijs rem
transegimus; aut si indicatijs iudicium fe-
rendum est , paria sunt pro existentia
Sacrorum Corporum in *Ambrosiana* ,
ac in *Portiana* . Non sunt mihi crede ,
totidem , nec numero , nec vi . Tua
equidem allatis hætenùs Facibus con-
siderata sunt , & pauca , & leuidensia .
At esto res penitus in ancipiti versata
esset , hinc inde proprijs ex æquo fulta
adminiculis ; qua alia ratione decidi
poterat , quàm ipso euentu , securæ in
Portiana detectionis , & agnitionis ,
ipsis titulis eloquentibus ? Quid tùm
Carolo faciendum erat ? Præstare se ;
ais ,

ais , vti prius suspensum . Nil igitur profuit , eo consilio perquisisse , ac inuenisse, vt dubietas tolleretur ?

Sed alia te insequor via . Quædam , ais, Caroli oculis obuersari potuerant quæ non sunt obuersata; quædam mēti. Quæ non sunt oculis obuersata, oportet, vel nescisse, vel videre noluisse, vel existimasse, eorum inspectione opus non esse . Si primum ; ignarum facis hominem , cuncta , vt diximus , rimantem; si alterum, facis peruiacē, si extremum , da iam tua argumenta infirma fuisse, visu non necessaria , ac proinde non æqualia nostris. Sed quid inspicere poterat? Codicem aliquem, aut membranam , iuxta aliquorū opinionem, Satyrum in Ambrosiana collocantes? Inspexit. Nec enim tam recondita hæc fuerunt , quin manibus omnium tererentur. Iconem Victoris musiuo opere in fornice Cappellæ Satyrianae , cui tu aded niteris ? Pater vniuersis , Epitaphium Dædalie, ad
fron-

Ex his Puricellus suam firmas sententiam nu. 19.

frontē Martyris tumulatæ? Si aderat, obuium erat. Marmoream Tabulam post Altare eiusdem Cappellæ, restātem, ibi requiescere Satyri Corpus? Heu! serò nimis statuerunt apponere clientes tui; Caroli æuo non aderat. Arcam in eodem Altari bina continentem Corpora, vnica tabella inscripta S.V. & S.S.H.R.? Spectatur; tu & alij introspectisti, igitur aut ipse etiā spectauit, nec tamen suum sibi habuit, esse Victorem, ac Satyrum; aut prudenter censuit, non esse necesse spectare. Quod si omninò videnda erat, nec vidit; cur Ambrosiani Monachi, quorum res agebatur, non obsecrarunt, vt videret? Aded ne pertinax Sanctus Archiepiscopus, aut Sacrarum Reliquarum incuriosus fuit, vt hac, aut illa de causa, ad inspiciendum non moueretur?

Venio ad ea, quæ ais potuisse menti obuersari, nec sunt obuersata. Quæ tunc erant, si leuia, meditari superfluum

um erat, si seria, si graua, si ad rem facientia, perpendit utique (secus incogitantis notam illi inures) praesertim cum non ignoraret, opinionem vagari, quod Satyrus non longé á Sancto fratre esset constituendus. Quæ autem tunc dubium ingesserunt, & melioribus argumentis, & ipsa inuentione Corporum in Portiana, dissoluit. Quæ verò sunt deinceps à te excogitata, diuinare non poterat, & per consequens nec animaduertere. At quid tandem vis considerasse? D. Ambrosium meticulosum, timore Arianorū (quibus tamen Sacræ Reliquiæ negotium non facessebant) clam abstulisse, nunquám relaturum, á Portiana Corpus Victoris; asportasse ad Ambrosianam nihilò tutiorem; aliud supposuisse, quod pro Victore, cuius nomen inscriptum reliquerat, falsa veneratione coleretur, eiquè supposititio, deinde per nescio quem, associatum fuisse alterum, quod, ut crederetur

Cor-

Hoc est Puricell. commentum.

Corpus Satyri, (non ibi , sed in Ambrosiana quiescentis) inscriptum fuit. S. SATIR. Item, S. Satyrum decessisse quadriennio post, quàm decesserit, & affirmauerint Scriptores vniuersi, eo quod vnicus tu ita sensurus eras. Bini hi sūt cardines, circa quos rationatio omnis tua vertitur. Dic ergo sodès, an hæc viro prudenti tunc attendenda forent, & an eis aliquid deferret, si modò esset in viuis.

Pariter itaque comitemur Carolum ad Portianam euntem, & casum in praxi, vt dicūt, efformemus. Imbibitus Carolus traditione, monumentis, voce, ac cultu totius populi, quod Victor in sua Basilica conderetur, notis indicijsq; verificandis instructus, spontè à Victorianis Monachis accitus pergīt exploraturus, an verum sit. Effoditur locus, in quo fama est, Victorem requiescere, ibi in lapidea Arca, profundè iam ab antiquo sepulta, tur-
tissimè asseruata, penitus intacta, re-

Xx

peri-

peritur Corpus., sub cuius capite latet
 ritium cervical habet inscriptum *S. Victor*,
 responder nota, alterius scilicet
 Corporis, quod ad lænam debuisset
 habere contumelatum, Satyri nomine.
 Quid rùm Carolus? *Anxius ille tamen &*
consilij ambiguus sit; quandoquidem hæc
 non sufficiunt. At cur non sufficiunt?
 Quid verò deest? Itanè Sacræ omnes
 Reliquiæ semper in ambiguo erunt;
 hocq; Reliquiarum negotium tale erit,
 ut de eo Episcopi, ac Præsules nun-
 quam possint ferre iudicium, *quamvis*
sacri Canones, & Concilia iubeant, eas
ab Episcopis cognosci, probari, &
eultui fidelium exponi? Vterius autem
 inquirò á re, cur suspendat Carolus de
 Victore sententiam? Quia fertur, apud
 aliam Ædem, in qua tamen Author nul-
 lus hucusq; censuit tumultum Victo-
 rem, in Arca, cui libet peruia, adesse
 Corpus alteri associatum; quod alter-
 rum sub caluaria habet lapidem infer-
 nè exculptum duabus litteris *S. V. ne-*
 mo

*Hac Paricel-
 lus prior ma-
 nifestavit, his
 misit.*

mo tamen est, qui instet pro huius Corporis inspectione, aut qui illud existimet esse Victoris . Quoad Satyrum verò ita res se habet . Scit Carolus ex traditione constantiori, multisq; monumentis, adiudicari Satyrum Portianæ; scit, circumferri ab Ambrosio sepultum fratrem ad læuam Martyris; eumquè Martyrem dici Victorem. Efoditur in Portiana, vt dictum est, A latere Victoris læuo reperitur Corpus, sub cuius capite lateritia tabella inscripta est, S. SATYR., nullum alium Confessorem, cognominem Sanctum habemus præter Ambrosij fratrem; nullum se offert supposititij corporis indicium. Quid ager Carolus? *Anxius ille tamen, & consilij ambiguus esto.* Qua de causa? Hac nimirum, quod aliquo post tempore posset eidem indicari, Satyrū mulatū fuisse in Basilica Faustianiana & Basilicā Faustinianā esse Satyrrianū Ambrosianæ Sacellū. Papæ! si tales obices iudiciū sistere debent, nulla vnquā sen-

Opinio Purcelli .

Xx 2 tentia

tentia proferetur. Consule iura omnia, consule Theologiam, quam profiteris, consule Doctores, & Summistas; doceberis nemini abstinendum ob leues suspiciones, quæ de facili qualibet in re possunt emergere, à iudicando practice verum, ac probatum. Hoc est ferre iudicium cum prudentia, & ad tale ferendum tenetur Iudex in conscientia. Ancipitem verò manere ob infirmas ex aduerso rationes, vitium, est leuitatis, & pusillanimitatis, ac proinde peccatum, quale in *Diuo Carolo* somniare nos quidem pudet.

Sed adhuc pende, quanta cum circumspeditione, & euidencia rem conferit *Carolus*. Habemus aliorum Corporum, tunc pariter detectorum, ac translatorum pleraquè nomina; peculiariter autem tria illa simul iuncta (*ut* in Instrumento) censemus esse *trium* Mediolanensium Archiepiscoporum, Mirocletis, Prothasij, & Datij; quæ absquè vlla controuersia in *Portiana* colun-

coluntur. Attamen Instrumentū per-
curre; reperies, neminem eorum pro-
prio esse nomine declaratum; siquidem
liquidò ac distinctè suis nominibus nō
indicabantur, vti Victor, ac Satyrus.

Acquiesce igitur tu, & tui Instru-
mentorum iudicio. Id debetur senten-
tiæ ita latæ, vt interfuerit pars aduer-
sa quæ audiuit & vidit, nec reclama-
uit, non opposuit, non quæstæ est, non
appellauit, non edidit protestationes,
sed nec obsecrauit pro suspensione iu-
dicii. Vna hæc est ex præsumptioni-
bus, quas hæc Documenta secum fe-
runt, nimirum quod scripta in eis sint
posita de consensu partium, quamob-
rem tam ad damnum, quam ad com-
modum vtriusquæ partis recipienda
esse, statuunt Iurisprudentes *cum Gloss.*
ad cap. 1. De fide instrumentorum. Poterant
Oliuetani solo cum Tebellione, & te-
stibus, ad agnitionem Sacrorum Cor-
porum deuenire. Nil eos ad aliud
cogebat, & nemo. Placuit tamen D.

Aur. addit.
ad Nauarr.
Verbo scrip-
tura n. 6.

Caro-

Carolus accire . Vide quàm sineformidine ; audax enim aliàs esset consilium , si periculum fuisset , bina illa Corpora abesse . Neque illud satis esse existimarunt ; siquidem Abbatem , ac Priorem Ambrosiani Monasterij interesse voluerunt . Doce , quando talia fecerint pro suis assertis Reliquijs Ambrosiani . Quod autem silentio tunc assentientes,quin & Carolo superstiti, nec non per aliquos post annos immoti, sequentibus deinceps temporibus lapidem posuerint , asserentem , & se Satyri Corpus possideri, & in hanc sententiam curauerint disseri, & euulgari ab eo qui præter Satyrum, Victorem etiam, de quo nihil excogitabant, eis inuenit; res videtur esse nullo modo ferenda ; summæ quippè prudentissimi , ac sanctissimi , Cardinalis estimationi aliqualis inde inuritur *nora*. Cæterum quod toti sint in Satyro colendo , vt hac ratione suadeant , eius exuijs se perfrui , id operis nos excusabi-

FAX VNDECIMA. 351

fabimus, si non poterimus intentionem; cupientes ex animo omnem egregio Christi Confessori honorem impendi. *Quid enim? Dum omni modo, liceat aliquantulum Paulizare, siue per occasionem siue per veritatem Christus in sanctis suis glorificetur, & in hoc gaudeo, sed* ^{Ripamon.} ^{Decad. 1. l. 2} *& gaudebo. Tu verò eam prostratis Historici sententiam reformida. Audacia videtur esse precipitis publico iam consensu receptas tabulas infirmare velle.*



FAX

FAX DVODECIMA

*Tabulæ in agnitione Sacrorum
Corporum Victoris & Sa-
tyri ad Portianam con-
fectæ.*



Nomine Domini
Amé. Anno à Natiuitate
eiusdē millesimo quin-
gentesimo septuagesimi
sexto Indictione
quarta die Iouis vi-
gesimo sexto mensis
Iulij Pontificatus Sanctissimi in Chri-
sto Patris, & Domini nostri Domini
Gregorij Diuina prouidentia Papæ
tertij decimi anno quinto, & sedente
Illustriss. & Reuerendiss. Domino, Do-
mino Carolo tituli Sanctæ Praxedis,
Sanctæ Romanæ Ecclesiæ Præsbyte-
ro Cardinali Borromeo nuncupato
Medio-

Mediolaniqu; Archiepiscopo anno sui Pontificatus decimo octavo, ac regnante Inuictissimo Philippo Hispaniarum Rege, & Mediolani Duce, Cū sit, quod Reuerendi Domini Abbas, & Monaci Monasterij S. Victoris extra Portam Vercellinam Mediolani, haberent Ecclesiam veterem, & antiquam & multum incōmodam tam ipsis Dominis Monacis in celebrandis Diuinis Officijs, quam laicis, in eis audiendis, & per litteras Apostolicas obtinuerint licentiam ipsam Ecclesiam destruendi, & aliam nouam cōmodam ad honorē Dei Omnipotentis sub eodemmet titulo S. Victoris construi, & fabricari faciendi prout villam fabricari, & construi fecerunt, licet adhuc non in totum perfectam, sed tam amplam, & capacem ad Diuina officia celebranda & populo ad eam Ecclesiam confluenti cōmodam in audiendis Missis, & Diuinis Officijs, prout oculatim perspicui potest. Cumq; in Ecclesia anti-

Yy

qua,

qua, & veteri quā de presenti demoliri
 facere intendunt auctoritate Aposto-
 lica, & sub altare maius dictę Eccle-
 się vt ipsi Domini Abbas, & Monaci
 à senioribus Patribus dictę Religio-
 nis intellexerunt, & voce totius Po-
 puli, tūm ex Cronicis Bossianis, tūm
 ex scripturis antiquis, & etiam ex
 quadam tabula antiqua in dicta Ec-
 clesia reperta, in dicto altari maiori
 inesse corpora, seu ossa, & reliquias
 Sanctorum Victoris Martyris, Saryri
 Confessoris, & aliorum plurimorum
 Martyrum, & Confessorum, quę ad
 Ecclesiam nouam transferre vellent.
 Hanc tamen translationem facere non
 auderent in scio præfato Illustriss. &
 Reuerendiss. Domino Cardinali Ar-
 chiepiscopo vtsupra. Propterea cum
 multum Reuerendus Dominus D. Cle-
 mens de Restis dicti Monasterij Ab-
 bas ad præfatum Illustriss. & Reue-
 rendiss. Dominum Cardinalem, & Ar-
 chiepiscopum accesserint, suęq; Illu-
 striss.

stris. Dominationi prædicta nuncias-
set, humiliterq; & instanter petijerit,
quatenus dignaretur vel se ipsum ad
dictam Ecclesiam transferre, & dictū
Altare, Arcas, & ossa, seu reliquias præ-
dictorum Sanctorum visitare, vel
aliquos Religiosos pios ad eius libitū
deligere, qui munus visitationis præ-
dictæ exequerentur, & Illustris. Do-
minationi suæ postmodum refferrent
ad effectum vt si ita Illustris. suæ Do-
minationi placuisset dictæ Reliquiæ
transferri possent ad Ecclesiam nouam,
eidem conueniens fore iudicasset. Qui
præfatus Illustris. & Reuerendis.
Cardinalis honestæ petitioni præfati
Reuerendi Abbatis morem gerere vo-
lens, ipseque alijs impeditus negotijs
huic muneri pro tunc vacare non pos-
set, mandauit Reu. Præbytero Domi-
no Ludouico Monetæ, qui locum, &
Arcas inuideret, in quibus illæ positæ
erant, qui ea diligenter recognouit nul-
la tamen Arca aperta, & ipsi Illustris.

Y y 2. Domi-

Domino Antistiti retulit. Postea verb
 & ipse Illustriss. & Reuerendiss. Car-
 dinalis eo venit, & easdem inspexit, &
 recognouit, atq; etiam marmoream
 Arcam aperuit, quæ defossa erat post
 altare maius scilicet inter ipsum altare,
 & loculum SS. Victoris, & Satyri, de
 quo inferius, & quinque Capita cum
 multis ossibus in ea reperta sustulit, &
 condidit in Arcam ligneam, quam si-
 gillis S. Marię, & S. Victoris muniuit,
 eamq. in Sacristia custodiri man-
 dauit. Cumq. verò aliæ quoq; reliquię
 recessendæ essent, & tollendæ, & inter
 alias Corpus S. Satyri, qui in Arcala-
 pidea cum S. Vict. mart. positus erat,
 vt inferius describitur, de quo S. Saty-
 ro esset aliqua controuersia cum Re-
 uerendis Monacis S. Ambrosij, vt ve-
 ritas appareret, mandauit Reu. Domi-
 no Iosepho Mascardo eius Vicario, qui
 & cæteras reliquias recenseret, trans-
 ferendasq; pararet & sepulcrum ip-
 sum in quo dicerentur esse Corpora
 ipso-

ipforum SS. Victoris, & Satyri diligenter inspiceret, & consideraret, qui sepulcrum ipsum inspiciens quasdam litteras in ipso agnouit, quæ nomen ipsius Sancti Satyri præferrent, de quibus inferius, & cæteras reliquias ex Arcis exemit, & parauit modo hic descripto. Die Veneris decima tertia Iulij 1576. ad præsentiam multum Magnifici & Reuerendi Domini Iosephi Mascardi I. V. D. Prothonotarij Apostolici Curiae Archiepiscopalis Mediolani Vicarij &c. Repertæ fuere Sanctorum Venerandæ Reliquiæ, quæ sequuntur in Ecclesia S. Victoris Mediolani. Post altare maius, à parte cornu Epistolæ in Arcula, quam marmorea maculata repertæ fuerāt duæ Sanctorū Caluariæ cum nonnullis alijs ossium fragmentis Reliquiarum, quæ omnia inde subtracta recondita fuere in quadam capsula lignea signata A. & figillata sigillo Beatissimæ Virginis Mariæ & S. Victoris. A latere eiusdem altaris in cornu

cornu Epistolæ in alia Arca marmorea fuerunt repertæ infra scriptæ Reliquiæ videlicet. Tria capita integra, brachia humeri, & cætera membra, & ossa trium Sanctorum Corporum, quæ exinde recondita fuere in capsula lignea signata B. & sigillata sigillis prædictis. In eodem latere eiusdem cornu à parte tamen inferiori, fuit reperta Arca fatis magna ossibus, & Reliquiis Sanctorum plena, quæ intacta, & illesa relicta sunt, ordinatumque fuit, quod sub illa forma, qua reperta erant custodirentur, ad hoc tamen iniunctum fuit, ut lamijs plumbeis, ac clavis fixis clauderetur. A. latere eiusdem altaris in cornu Euangelij in Arca marmorea, fuerunt reperta ossa duorum Sanctorum Corporum, quæ pariter fuerunt inde recondita in alia capsula lignea signata C. & sigillata ut supra. Hoc tamen servato ordine, ut id corpus, quod dexterum latus tenebar in marmorea capsula illud idem supremum locum tene-

FAX DVODECIMA. 339

generet in capsâ lignea. Et hæc omnia
præsentibus multum Reuerendo Do-
mino Ludouico Moneta F. q. Magnific.
D. Petri, Portæ Nouæ Parochiæ Sancti
Eusebij. Alexandræ de Rubeis fil. quond.
Christophori habitante Mediolani in
Canonica Ecclesiæ Maioris. Et Do-
mino Cesare Parabæ fil. Nob. Domini
Stephani habitatore Mediol. in Ar-
chiepiscopatu omnibus testibus notis,
& idoneis &c. rogatum per multum
Reuerendum Dominum Benedictum
de Cittadinis Prothonotarium Apo-
stolicum, ac Ordinarium Ecclesiæ ma-
ioris Mediolani. Postea verò iterum
eò venit Illustriss. & Reuerendissimus
Cardinalis Archiepiscopus, qui ipsum
S.S. Viç. & Sat. Sepulcrum aperuit,
Corpora recognouit, inscriptiones cõ-
siderauit, sustulit, & parauit ad trans-
lationem, vt hic describitur. Die Ve-
neris vigesimo mensis Iulij 1576. Ad
præsentiam Illustrissimi & Reueren-
dissimi D. D. Caroli tituli Sanctæ Pra-
xedis

xedis Præsbyteri Cardinalis . Sub Altari maiori Ecclesiæ S. Victoris fuit inuenta marmorea quædam capsula sex lapidibus sibi mutuo coherentibus, lamijis plumbeis constructa, in qua reperia fuerunt Corpora gloriosissimorum Sanctorum Victoris Martyris, & Satyri Cōfessoris distincta inter se dilucido intervallo, Corpus enim S. Satyri erat à leua S. Vict. eiusdēq; Capiti innitebatur lapis lateritius (signū maximæ antiquitatis) in quo scripta legebātur hæc verba vlz. S. Satyr, a dextera verò S. Sat. erat situm Corpus S. Victoris habent in-nixum omnino in omnibus similem lapidem lateritium supradictō, in quo legebantur hæc verba vlz. S. Victor, quorum litteræ V. & T. erant scriptæ modo retrogrado. Et hæc omnia præsentibus multum Reuerendis Dominis Rodulpho de Cruce Primicerio Ecclesiæ maioris Mediolani. Ioāne Frācisco à Basilica Petri Ordinario præfata Ecclesiæ ambobus habitantibus in Canonica. Petro Galefinio Protho-notario

notario Apostolico , Abbate S. Ambrosij maioris Mediolani, Priore eiusdem Ecclesiæ , & Abbate S. Victoris. Rogatum per multum Reuendum I. V. Doc. Dominum Iosephum Mascardū Prothonotarium Apostolicum Illustriss. & Reuerendiss. D. D. Cardinalis titulo S. Praxedis, Vicarium. Post hæc dicta Corpora Sanctorum Victoris, & Saryri excerpta fuere ex dicta Arca marmorea, & reposita in capsis ligneis cum cineribus , & quæ sigillatæ fuerunt & reconditæ in Sacristia veteris Ecclesiæ cum alijs capsis aliorū Sanctorum Corporum iam prius in ea repositis, & Ianua, seu Ostium clausum cum clauis, & sigillarum sigillo B. Virginis præfati Illustriss. Cardinalis , & S. Victoris dicti Abb. Illicd clavis consignata fuit pænes Illustrissimum , & Reuerendiss. D. Cardinalem , & in die sequenti ex ordine, & iussu præfati Illustriss. & Reuerendiss. D. Cardinalis; Reuerendus D. Io. Franciscus à Ba-

filica Petri, & Reuerendus D. Rodul-
 phus della Croce Primicerius Ecclesie
 maioris, accesserunt ad dictam Sacri-
 stiam, quam clausam, & sigillatam re-
 pererunt eo ordine, quo priori die
 clausa, & sigillata fuerat, & induriti cor-
 tis, & accensis luminibus, astantibus,
 & adiuvantibus Sacrista, & alijs Mo-
 nachis dicti Monasterij. Primo Cor-
 pus, seu Ossa S. Victoris extraxerunt &
 dicta Capsa lignea, reponendo super
 mappam lineam, & excerpta sunt Ossa à ci-
 nere, & cinerem ipsam inuoluerunt in
 panno lineo ad effectum reponendi in
 vna. Secundo extractum fuit Cor-
 pus S. Satyri modo quo supra, & ex-
 cerptis à cinere, cinerem ipsam inuo-
 luerunt in alio panno lineo ad effectum
 ut supra, ossa autem reposita, seu res-
 tituta fuerunt in suis capsis ligneis pro
 ut antea erant. Quæ capsæ postmo-
 dum sigillatæ fuerunt duobus sigillis
 pro utraq; earum sigillo S. Victoris.
 Quæ omnes capsæ corporum Sancto-
 rum

rum in dicta Sacristia remanserunt ,
 usque ad hodiernam diem , quam so-
 lemniter , & solemni processione præ-
 cedere ut infratranslata fuerunt ad Ec-
 clesiam nouam . Hinc est , quod ita
 mandante præfati Illustriss. & Reueren-
 diss. D. Cardinali , & Archiepiscopo ,
 & eo assistente conuocato in Ecclesia
 maiori clero tam seculari , quam regu-
 lari cum Capitulo R. D. Cardinalium
 Ordinariorum nuncupatorum Eccle-
 siæ , ac officialium præfatæ Cathedra-
 lis Ecclesiæ Mediolanensis , astantibus
 Excellentiss. Senatu , & Magnificis D.
 Vicario , & duodecim Prouisionum in-
 dictæ Urbis Mediolani , & magna ca-
 terua populi processionaliter cundo
 recessum fuit à dicta Ecclesia maiori ,
 & processionaliter ventum fuit ad Ec-
 clesiam nouam , mox ad Basilicam ve-
 terem Sancti Victoris , in qua Illustriss.
 & Reuerendiss. Cardinalis Archiepiscopus
 pontificalibus vestimentis indu-
 tus , vna cum Cardinalibus ordinarijs

Zz 2 nun-

nuncupatis solemniter indutis piualibus capfas septem Reliquiarum, & ofsium Sanctorum super humeros sustulerunt, & cum propter modicum interuallum Ecclesiæ veteris, & nouæ, & longos Cleri ordines longius præcederetur aliquam Ciuitatis partē circumeundo, & peruentum esset ad S. Ambrosij maioris successerunt oneri R. P. Abbates & seniores Monaci dictæ Congregationis cuculati qui enim ad dictam Placem reuersi essent, ibi pænes pontem præfatus *Illustris*, & Reuerendiss. Cardinalis Archiepiscopus, & cæteri nuncupati ordinarij, iterato capfas ipsas sumpserunt, & detulerunt ad Ædem nouam S. Victoris cum maxima copia luminarium, & depositis omnibus ipsis capfis, seu Arcis super altare maius dictæ Ecclesiæ, decantatæ fuerunt rogationes & per præfatum *Illustris*. & Reu.^m Cardinalē recitate multæ Orationes Sanctorū, mox etiam celebrata fuit Missa in cantu per ordinarios

FAX DVODECIMA. 365

narios Ecclesiæ Maioris, & facto sermone ab ipso Illustriss. & Reuerendiss. Antistite ab ipsa Ecclesia recessit, & eius iussu capsæ prædictæ remanserunt supra dicto Altari vsq; ad horas Vesperarum, qua hora reuersus ipse Illustriss. & Reuerndiss. Cardinalis dictas capsas, seu Arcas ligneas, tolli, & reponi, & custodiri mandauit in scurolo subtus Altare dictæ Ecclesiæ. Itaq; factum fuit ad præsentiam præfati Illustriss. & Reuerendiss. Domini Cardinalis Archiepiscopi existentis in scurolo dictæ Ecclesiæ, nomine Sancti Victoris, & ipsius Illustriss. & Reuerendiss. Domini Cardinalis mandato, & iussu facta fuit recognitio capsarum lignearum & sigillorum super eis impressorum, & nullam fraudem, violentiamq; factam fuisse, & omnia non violata, sed salua inuenta fuisse, & statim iussit Arcas ipfas ligneas aperiri, & ex eis extrahi ossa, & Corpora Sanctorum, & illa reponi in capsis, seu Arcis.

Arcis plumbeis ad hunc effectum fabricatis . Itaq; per præfatum Reuerendum Dominum D. Clementē Abbatem prædicti Monasterij S. Victoris . Reuerendum Dominum D. Philippum de Mediolano ex Reuerendis Patribus Visitatoribus dictæ Cōgregationis Olinetanę , & Abbatem Monasterij Beatæ Virginis Mariæ loci Neruiani , & Reuerendum Dominum D. Hieronymum de Armatis de Cremona Abbatem Monasterij Beatæ Virginis loci Bedagij, accepta fuit capsula lignea satis alijs amplior, & ea prius cum sigillis recognita fuit vt supra, & ea aperta extracta fuere corpora seu ossa, & reliquiæ Sanctorum cum suis capitibus numero sex, quæ recondita fuerunt in capsula plumbea fabricata vt supra, & statim cum suo coperto plumbæ clausa, & circum circa implumbata & in partem dimissa, quousque alię eodem modo perficerentur. Secundo accepta fuit capsula lignea quæ erat sigillata

FAX DVODECIMA. 307

gillata duobus sigillis vtz. B. Virginis
& S. Victoris, & sign. A. recognita
vtriusque, & aperta ab ea extractum fuit
caput vnum integrum & dimidium
alterius capitis parui à parte faciei &
ea inuoluta fuere sandali albo cum osso
paruo, & cum terra reperta in ipsa cap-
sa, & reposita in capsula plumbea cum
suo coperto plumbeo clausa, & im-
plumbata circumcirca. Tertia capsula
signata B. sigillata duobus sigillis vt
supra, & ea recognita, & aperta vt su-
pra ab ea extracta fuere ossa trium
corporum Sanctorum cum suis capi-
tibus, & omnia inuoluta sandali rubeo
reposita fuere in alia capsula plumbea
cum coperto clausa, & implumbata
circumcirca vt supra. Quarta Capsula
signata C. sigillata, & recognita vt su-
pra ab ea extracta fuere ossa duorum
corporum Sanctorum separata cum
suis capitibus vtz. vnum corpus supra
alterum, prout ira sub Altari veteri ia-
cebant, & inuoluta Sandali albo, re-
posita

posita fuere in capsâ plumbea habente diuisorium, seu intermedium pro separatione ipsorum Sanctorum corporum, & ossa corporis Sancti quod superius erat, reconditum fuit in capsâ plumbea in parte signata A. & alterum quod erat inferius in ipsa capsâ in parte signata B. dehinc capsâ ipsâ fuit clausa, & circumcirca implumbata vt supra. Quinta capsâ lignea sigillata duobus sigillis S. Victoris inscripta S. V., in qua adsunt ossa S. Victoris cum suo capite. Sexta Capsâ lignea sigillata vt supra cum inscriptione S. S., in qua adsunt ossa corporis S. Satyri cum capite suo. Hæc enim duo corpora recondita fuere in capsâ plumbea intermedia eo met ordine, quo legitur in visitatione prædicta diei vigesimi facta per Illustriss. & Reuerendiss. D. Cardinalem scilicet à latere dextero sign. S. Vict. reconditum fuit corpus S. Victoris in sandali rubeo cum capite inuolutû sandali rubeo propter separationem

tionem menti , & in ea parte cap-
 sæ positus fuit lapis lateritius cum in-
 scriptione litterarum reuerfarum S.
 Victor , qui repertus fuit in Arca mar-
 morea veteri , prout legitur in prædic-
 ta visitatione. Et ab alio lateræ dictæ
 Capsæ plumbeæ signat. S. Satir, recon-
 ditum fuit corpus S. Satyri in sandali
 viridi cum capite inuoluto sandali vi-
 ridi, cum lapide cocto inscripto S. Sa-
 tyrus inuentus in Arca veteri , pro vt
 supra legitur. Quæ capsula plumbea fuit
 clausa cum coperto plumbeo & im-
 plumbata vt supra, & transportata fuit
 supra in Ecclesiam ad Altare maius, &
 subtus ipsum Altare reposita in Arca
 marmorea cum fenestrella ferrea è la-
 tere Euangelij , super qua Arca in-
 scripta sunt hæc verba. vtz. Corpora
 S. S. Vict. mart. & Satyri Confessoris
 sub Alt. maior. antiqu. Ædiū recondit.
 Inde Greg. XIII. Pont. Max. huc à
 Carolo Card. tit. S. Praxedis Archiep.
 solemniter translata sunt. Sept. cal.

Aaa

Aug.

Aug. 1576. Quibus corporibus Sanctis in dicto Altari maiori reconditis, positæ etiam fuerunt cineres dictorum corporum Sanctorum Victoris, & Satyri, in urnis duabus terræ coctæ coloris viridis vna ad dexteram, & altera ad sinistram altaris super quibus inscripta sunt hæc verba vtz. collecta ex sepulcro Sanctorum Vict. martyris, & Satyri Confessoris. Quibus ita peractis cum sero factum esset, & hora tarda, præfatus Illustriss. & Reuerendiss. D. Cardinalis iussit superferri à repositione aliarum capsularum existentium in scurolo in Arca marmorea posita in ipso scurolo, vsque ad diem crastinam summo mane, & sic recessum fuit clausis prius cum clauibus ianuis, seu ostijs dicti scuroli per Reuerendum & Magnificum D. Ludovicum Monetam ex iussu præfati Illustriss. & Reuerendiss. D. Cardinalis, quæ clauis illicò per eum consignatæ fuerunt ipsi Illustriss. & Reuerendiss.

rendis. *D. Cardinali.* Et de prædictis
iussit præfatus Illustris. & Reuerēdis.
D. Cardinalis, & præfatus Reuerendus
D. Abbas Monasterij prædicti *S. Vic-*
toris rogauit per nos Ioannem Baptis-
tam Bonacinam Apostolica auctorita-
te Notarium, & Franciscum de Tesse-
ris, & Tiburtium de Naua publicos Me-
diolani Notarios, & de venerando Col-
legio Notariorum huius Ciuitatis pu-
blicum confici debere Instrumentum
vnum, & plura tenoris, & effectus eius-
dem. Actum in dicta Ecclesia *S. Vic-*
toris & eius scurolo debite refferendo
præsentibus Reuerendo & Magnifico
D. Ludouico Moneta F. q. Magnifici
D. Petri, Portæ Nouæ Parochiæ S. Eu-
sebij Mediolani. Reuerendo, & Ma-
gnifico *I. D. Domino Ioanne Francisco*
à Basilica Petri Fil. q. Magnifici D.
Angeli habitante in Canonica Ecclesiæ
maioris Mediolani, Reuerendo Sacre
Theologiæ Doctore *D. Iacobo Arlu-*
no Fil. q. Nobilis *D. Io: Baptistæ co-*

Aaa 2 moran-

morante in Cannonica S. Ambrosij
maioris Portæ Vercellinæ Mediolani.
Ioanne Francisco della Corua Fil. q.
D. Dominici Portæ Vercellinæ Par.
S. Matthiæ in Moneta Mediolani; &
Nob. Io: Baptista de Tesseris filio præ-
fati Francisci Notarij prædicti Portæ
Ticinens. Paroch. S. Ambrosini in So-
lariolo Mediolani; Testibus omnibus
idoneis vocatis , & rogatis . Postea
vero suprascriptis anno , & indictione
die vero veneris Vigesimo septimo
mensis prædicti . Summo mane præ-
fati Reuerendi D. Don Clemens Abbas
S. Victoris, Don Philippus Abbas Ner-
uiani & Visitator Congregationis, &
D. Hieronymus Abbas Bedagij vt su-
pra. Ad præsentiam præfatorum Re-
uerendorum Dominorum Ludouici
Monetæ, & Ioannis Francisci à Basili-
ca Petri, ac Notariorum Francisci de
Tesseris, Tiburtij de Naua, & Io: Bap-
tistæ Bonacinæ Notariorum publico-
rum infrascriptorum . Accesserunt ad
Alta-

Altare maius dictæ Ecclesiæ nouæ, in quo externa die reposita fuit capsa plumbea implumbata cum corporibus Sanctorum Victoris, & Satyri, & cum urnis duabus & visitato ipso Altari compertum fuit clausum, prout heri ferro clausum fuerat, & tunc sublato lapide marmoreo, seu coperto, in eo præfati D. Abbates posuerunt aliam urnam albam terræ coctæ, in qua positum erat reliquum cineris collectæ ex prædictis Corporibus Sanctorum Victoris, & Satyri & hoc è latere, seu parte Epistolæ dicti Altaris & statim repositum fuit copertum, & clausum fuit circumcirca cum lamis ferreis implumbaris. Deinde accesserunt inferius ad scurolo, & reposerunt, & recognouerunt capsas quattuor plumbeas hesternæ die repositas in ipso scurolo, & tunc accepta capsa plumbea numero quarto intermediata sign. A. & B. deposita fuit in Arca lapidea posita in dicto scurolo à parte Euangelij Altaris.

Altaris dicti scuroli in hunc modum
 commodata scilicet pars signata A. à
 parte dextera versus Orientem & pars
 signata B. à parte sinistra prout ea cor-
 pora iacebant in Arca veteri à parte
 Euangelij altaris veteris Ecclesiæ S.
 Victoris vnus ad dexteram, & alius
 ad sinistram, super qua etiã capsula plum-
 bea pro facti clariori intelligentia in-
 scripta fuerunt hæc verba vlz. in par-
 te signata A. erant à cornu Euangelij
 ad dexteram, & in parte signata B. à
 cornu Euangelij ad leuam exinde præ-
 fari Reuerendi Abbates ad præsentia
 vt supra, acceperunt capsam plumbeam
 sub numero primæ capsæ & in qua re-
 condita fuere ossa Sanctorum cum ca-
 pitibus sex, eamq; reposuerunt in Ar-
 ca lapidea sub altari dicti scuroli, eo
 ordine, quo iacebat sub Altare veteri
 veteris Ecclesiæ S. Victoris supra Ar-
 cam S. Victoris & super dicta capsula
 plumbea inscripta fuerunt hæc verba
 vlz. erant supra Arcam SS. Victoris,
 & Sary-

& Satyri. Deinde acceperunt tertiam capsam plumbeam parvam eamq; reposuerunt in alia Arca lapidea intrando cappellam dicti scuroli. Post modū pariter acceperunt secundam capsam plumbeam, in qua sunt recondita ossa trium Sanctorum Corporum, quam deposuerunt in alia Arca lapidea in dicto scurolo à parte Epistolæ dicti scuroli, super qua inscripta sunt hæc verba, vlz. erat a cornu Epistolæ. Quæ omnes Arcæ lapideæ superpositis suis copertis lapideis clausæ fuerunt cum lamis ferreis implumbatis. Pariter etiam in ipso scurolo in angulo a parte dextera intrando Cappellam dicti scuroli reposita reperitur illa Arca marmorea satis magna, vt ibi reularum fuit repecta fuerat prope Altare veteris Ecclesiæ S. Victoris á parte Epistolæ plena ossibus, & reliquijs, quæ arbitrantur, ossa Sanctorum, & quæ Arca ita intacta ordinatum fuerat in eo loco reponi, pro vt legitur ex prædicto

dicto Instrumento rogato per præfatum Reuerendum D. Benedictum Cittadinũ Prothonotariũ, & pro vt supra. Et de prædictis rogatum fuit per nos præfatos proxime Notarios vt supra. Actum in dicta Ecclesia noua S. Victoris, & in scurolo eiusdem debirè refferendo præsentibus ibidem præfatis Reuerendis D. Ludouico Moneta, & Io. Francisco á Basilica Petri, Multum Reuerendo D. Ferrando della Cruce Ecclesiæ Maioris Mediolani Archidiacono fil. Mag. D. Io. Marci habitante in canonica Ecclesiæ Maioris, D. Io. Francisco della Corua fil. q. D. Dominici Portæ Vercellinæ Paroch. S. Matthiæ in Moneta, & M. Petro de Plantanidis fil. q. D. Baptiste Portæ Vercellinæ Parochiæ S. Martini ad Corpis foris Mediolani testibus idoneis &c.

Instrumentum cum signo Tabellionatus anteposito.

*Ego Franciscus de Tesseris filius quond. spec.
D. Bar-*

*D. Bartholomaei Ciuitatis Mediolani Porta
Ticinensis Paroc. S. Ambrosini in Solarolo;
publicus Apostolica ; Imperialique auctoritati-
bus Notarius rogatus tradidi ; & in fidem
subscripsi. &c.*

*Concordat cum alio simili authentico mi-
hi exhibito et per me lecto, & examinato, & quia
concordare inueni ; Ideo ego Carolus Moneta
Fil. q. Ioannis P. O. P. S. Babyle foris Me-
diolani publicus Apostolica , & Curia Archie-
piscopalis Mediolani auctoritatibus Notarius
ac in eadem Curia Notarius Coadiutor pro
fide subscripsi.*

*Nos Cesar de Bland. I. V. D. Apostolicus
Prothonotarius Archidiaconus Vercell. & Cu-
ria Archiepiscopalis Mediolani Vicarius Gene-
ralis &c. Vniuersis fidem facimus, & attesta-
mur istum D. Carolum Monetam fuisse & ef-
se talem qualem se subscripsit, eiusq; Instrumen-
tis actis & scripturis publicis huiusmodi sem-
per adhibitam fuisse indiesque adhiberi plenam
& indubiam fidem in iudicio & extra .*

In quorum fidem &c. Mediolani ex

Bbb

Pala-

dicto Instrumento rogato per præfatum Reuerendum D. Benedictum Cittadinū Prothonotariū, & pro vt supra. Et de prædictis rogatum fuit per nos præfatos proxime Notarios vt supra. Actum in dicta Ecclesia noua S. Victoris, & in scurolo eiusdem debirè refferendo præsentibus ibidem præfatis Reuerendis D. Ludouico Moneta, & Io. Francisco á Basilica Petri, Multum Reuerendo D. Ferrando della Croce Ecclesiæ Maioris Mediolani Archidiacono fil. Mag. D. Io. Marci habitante in canonica Ecclesiæ Maioris, D. Io. Francisco della Corua fil. q. D. Dominici Portæ Vercellinæ Paroch. S. Matthiæ in Moneta, & M. Petro de Plantanidis fil. q. D. Baptiste Portæ Vercellinæ Parochiæ S. Martini ad Corpis foris Mediolani testibus idoneis &c.

Instrumentum cum signo Tabellionatus anteposito.

*Ego Franciscus de Tesseris filius quond. spec.
D. Bar-*

*D. Bartholomaei Ciuitatis Mediolani Porta
Ticinensis Paroc. S. Ambrosini in Solarisolo;
publicus Apostolica ; Imperialique auctoritati-
bus Notarius rogatus tradidi ; & in fidem
subscripsi. &c.*

*Concordat cum alio simili authentico mi-
hi exhibito et per me lecto, & examinato, & quia
concordare inueni ; Ideo ego Carolus Moneta
Fil. q. Ioannis P. O. P. S. Babyle foris Me-
diolani publicus Apostolica , & Curia Archie-
piscopalis Mediolani auctoritatibus Notarius
ac in eadem Curia Notarius Condiutor pro
fide subscripsi.*

*Nos Caesar de Bland. I. V. D. Apostolicus
Prothonotarius Archidiaconus Vercell. & Cu-
ria Archiepiscopalis Mediolani Vicarius Gene-
ralis &c. Vniuersis fidem facimus, & attesta-
mur istum D. Carolum Monetam fuisse & ef-
se talem qualem se subscripsit, eiusq; Instrumen-
tis actis & scripturis publicis huiusmodi sem-
per adhibitam fuisse indiesque adhiberi plenam
& indubiam fidem in iudicio & extra .*

In quorum fidem &c. Mediolani ex

Bbb

Pala-

378 FAX DVODECIMA.
Palatio Archiepiscopali die quinta Septembris
1656.

Cesar B. F. G.

Locus ✠ Sigilli

Julius Caesar Gerenzanus Notarius Coadiutor in Cancell. Archiep. Mediolani pro fide subscripsit.

In



IN Nomine Domini
 Amen. Anno á Nati-
 uitate eiusdem Mil-
 lesimo sexcentesimo
 secundo, Indictione
 quinta decima, die
 Sabbati vigesimo ter-
 tio mensis Martij, Pontificatus SS. D.
 N. D. Clemenris Diuina prouidentia
 Papæ Octauj anno vndecimo. Cum in
 Instrumentis recognitionis, transla-
 tionis, & repositionis singulariter &
 debite refferendo olim scilicet vsq; de
 anno 1576. diebus xij. xx. & xxvj. mē-
 sis Iulij ac xxvij. mensis prædicti á Bea-
 to Carolo olim Cardinali & Archiep.
 Mediolani factarum Corporum SS.
 Victoris Martyris, & Satyri Confesso-
 ris, ac sacrarum Reliquiarum & Cor-
 porum, Ossiumq; & Cinerum plurimo-
 rum aliorum Martyrum, & Confesso-
 rum sub Altare maius Ecclesiæ anti-
 quæ Reuerend. Abbaris & Mona-
 chorum Monasterij S. Victoris extra

Bbb 2 Por-

Portam Vercellinam *Mediolani* olim
 existentium rogatis vno per Multum
 Reuerendum D. Benedictum Cittadinū
 Prothonotarium Apostolicum & Or-
 dinarium Ecclesiæ Maioris *Mediola-*
ni, vno alio per Multum Reuerendum
 I. V. D. Dominum Iosephum *Mascar-*
dum Prothonotariū Apostolicū eius-
 dem Beati Cardinalis & Archiepisco-
 pi tunc Vicarium, & alijs per Io. Bapti-
 stam Bonacinam Apostolica auctori-
 tate Notarium, & Franciscum de Tes-
 feris ac Tiburtium Nauā publicos *Me-*
diolani Notarios, inter cætera adfit ca-
 pitulū tenoris sequē. vtz. Quinta Cap-
 sa lignea figillata duobus sigillis S. Vic-
 toris inscripta S. V. in qua adsunt Ossa
 S. Victoris cum suo Capite. Sexta Cap-
 sa lignea figillata vt supra cum inscrip-
 tione SS. in qua adsunt Ossa Corporis
 S. Saryri cum capite suo. Hæc enim duo
 Corpora recondita fuere in capsâ plū-
 bea intermediata eo met ordine, quo
 legitur in visitatione prædicta diei vi-
 gesimi

FAX DVODECIMA. 381

gesimi facta per Illustriss. & Reuerendiss. D. Cardinalem scilicet a latere dextro signata *S. Vict.* reconditum fuit Corpus *S. Victoris* in sandali rubeo cum capite inuolutum sandali rubeo propter seperationem menti, & in ea parte Capsæ positus fuit lapis latericius cum inscriptione litterarum reuersarum *S. Victor* qui repertus fuit in Arca marmorea veteri pro vt legitur in prædicta visitatione. Et ab alio latere dictæ Capsæ plumbeæ signat. *S. Satyr* reconditum fuit Corpus *S. Satyri* in sandali viridi cum capite inuoluto sandali viridi cum lapide cocto inscripto *S. Satyrus* inuento in Arca veteri pro vt supra legitur quæ Capsa plumbea fuit clausa cum coperto plumbeo, & implumbata vt supra & transportata fuit supra in Ecclesiam & ad Altare maius & subtus ipsum Altare reposita in Arca marmorea cum fenestrella ferrea è latere Euangelij, super qua Arca inscripta sunt hæc verba *vlz. Corpora*

pora SS. Vict. Mart. & Satyr. Confessoris sub Altari maiori antiquarum *Ædium* recond. Inde Greg. xij. Pont. Max. huc á Carolo Cardinali tit. S. Praxedis Archiep. solemniter translata sunt Sept. kalen. Augusti 1576. cumq; præfati Reuerendi Abbas, & Monachi dicti Monast. S. Victoris, ob insignitatem dictarum reliquiarum præcipue vero Caputum dictorum SS. Victoris, & Satyri, & ob eorum erga dictos Sanctos reuerentiam, honorem & deuotionem, & ad hoc vt pietatis deuotionisq; excitandæ causa pro dierum ratione pijs Christi fidelibus exponi possint, & in processionibus de more ferri thecas duas argenteas magni ponderis & valoris fieri curarint, in vna quarum Caput eiusdem S. Victoris, in altera vero Caput S. Satyri recondantur, & ad id requisierint Illustrem & Reuerendiss. I. V. D. Dominum Antonium Senecam Decanum Ecclesiæ Maioris Mediolani, qui vt piæ, & honestæ petitioni

titioni præfatorum Reuerendorum Abbatis & Monachorum satisfaceret, & pro præmissorum omnium, & singulorum plena, & omnimoda executione hodierna die vna cum me notario infraſcripto ſe contulit ad dictam Baſilicam S. Victoris ibiq; ipſe Reuerendiſſimus D. Seneca pluuiali indutus, vna cum M. Reuerendo Patre Don Michaelle Abbate dicti Monasterij pariter pluuiali induto; & Reuerendo D. Philippo de Mediolano Abbate Vicoboldoni, de Sacriſtia exijt præcedentibus Monachis dicti Monasterij cum quatuor Intortitijs & facta ante Altare maius oratione dum motectum cantaretur in Organo, & aperto ipſo Altari maiori, & Tabula marmorea ſuperiori amota, recognita fuerunt quæ in eo continebantur & in ſtipite Altaris in medio, reperta fuit capſula magna plumbea cuius operculum erat implûbatum, Ita vt nullo modo aperiri poſſet. A dextris vna viridis coloris.

A par-

pora SS. Vict. Mart. & Satyr. Confessoris sub Altari maiori antiquarum *Ædium* recond. Inde Greg. xiiij. Pont. Max. huc á Carolo Cardinali tit. S. Præxedis Archiep. solemniter translata sunt Sept. kalen. Augusti 1576. cumq; præfati Reuerendi Abbas, & Monachi dicti Monast. S. Victoris, ob insignitatem dictarum reliquiarum præcipue vero Capitum dictorum SS. Victoris, & Satyri, & ob eorum erga dictos Sâctos reuerentiam, honorem & deuotionem, & ad hoc vt pietatis deuotionisq; excitandæ causa pro dierum ratione pijs Christi fidelibus exponi possint, & in processionibus de more ferri thecas duas argenteas magni ponderis & valoris fieri curarint, in vna quarû Caput eiusdem S. Victoris, in altera vero Caput S. Satyri recondantur, & ad id requisierint Illustrem & Reuerendiss. I. V. D. Dominum Antonium Senecam Decanum Ecclesiæ Maioris Mediolani, qui vt piæ, & honestæ petitioni

titioni præfatorum Reuerendorum
 Abbatis & Monachorum satisfaceret,
 & pro præmissorum omnium, & sin-
 gulorum plena, & omnimoda execu-
 tione hodierna die vna cum me nota-
 rio infraſcripto ſe contulit ad dictam
 Baſilicam S. Victoris ibiq; ipſe Reue-
 rendiſſimus D. Seneca pluuiali indu-
 tus, vna cum M. Reuerendo Patre Don
 Michaeli Abbate dicti Monafterij pa-
 riter pluuiali induto; & Reuerendo
 D. Philippo de Mediolano Abbate Vi-
 coboldoni, de Sacriſtia exijt præcedē-
 tibus Monachis dicti Monafterij cum
 quatuor Intortitijs & facta ante Altare
 maius oratione dum motectum canta-
 retur in Organo, & aperto ipſo Altari
 maiori, & Tabula marmorea ſuperiori
 amota, recognita fuerunt quæ in eo
 continebantur & in ſtipite Altaris in
 medio, reperta fuit capſula magna
 plumbea cuius operculum erat implū-
 barum, Ita vt nullo modo aperiri poſ-
 ſet. A. dextris vna viridis coloris.

A par-

A parte sinistra vrne itidem duę altera viridis , altera rubei coloris . In angulo Altaris prope vrnam rubeam vasa quędam instar canalium in quibus fortè sunt Cineres . Ipsaq; capsula plumbea educta & super mensa collocata præfatus Reuerendiss. D. Seneca incensauit , factaq; eius recognitione reperta est signata à latere dextro S.V. & ab alio latere S. Sa. & quod Reliquię erant inuolutę illę quidem S. Victoris signate S. V. à parte anteriori serico rubeo illę vero S. Satyri signate S. Sa. serico viridi à parte posteriori. Amoto velo rubeo repertū est inter sacra ossa per multa S. Victoris in vna parte Caput eiusdē S. Vict. serico rubeo inuolutum. Quibus sic recognitis præfatus Reuerendiss. Seneca , vna cum M. R. P. Abbate superscripto partes minores Capitis mentum scilicet & aliquos dentes à reliquo Capitis separatos serico eodem inuolutos reposuit in eadem Capsa loco vbi prius erant . Pars vero Capi-

Capitis superior integra , mento excepto , fuit velo rubeo nouo inuoluta , & reposita in theca argentea honorifice confecta , ad effectum de quo supra . Et duo dentes in pixide argentea repositi fuerunt ad partem , pro Illustris. Cardinalibus Borromeo & Sfondrato . In eadem Capfa á latere versus litteras exteriores repertus fuit later fictilis cum litteris antiquis . S. Victor ordine retrogrado scriptis . . Deinde amoto velo viridi in alia parte intermedia fimiliter reperta fuerunt ossa permulta , ita vt plena esset facris Ossibus S. Satyri , & inter alia caput velo viridi inuolutum , cum latere per antiquo scripto S. Satyr. His pariter sic recognitis præfati Reuerendiss. Seneca & Abbas superscriptus duobus dentibus ad partem in eodem pixide repositis pro præfatis Illustris. Dñs. Tum reliquis S. Satyri corporali mundo tectis ; Caput integrum velo albo nouo inuoluerunt & in theca argentea honorifi-

Ccc

ca

ca reposuerunt ad effectum de quo supra. Hisq; peractis præfatus Reuerendissimus D. Seneca, & Reuerendi Abbates prædicti Thecis argenteis acceptis processionem fecerunt circa Ecclesiam sub baldachino præcedentibus Monachis cum luminibus, & inde iuerunt ad confessionem, vbi repositis Thecis super Altari missa celebrata est à præfato Reuerendiss. D. Seneca. Interea vero Capsula prædicta operculo suo cooperta, ac plumbo implumbata, reposita fuit in dicto Altari suo loco, deinde urnæ & capsula prædicta fuerunt panno serico quem brocatellum vocant coloris aurei tectæ; Tum stipites Altaris reclusi sunt lapide integro sericeo impolito, deinde mensa Altaris super posita pro vt ante erat, & opere cémentario, ac ferreis quibusdam clauibus, ac plumbo cum stipite firmata, in cuius quidem Altaris stipite à parte anteriori sunt scripta litteris grãdioribus in marmore incisa, verba illa vt supra

pra in prima narratione huius Instru-
menti descripta. Celebrata vero mis-
sa reconditæ fuerunt thecæ prædictæ
argenteæ in quibus inclusa fuerunt sa-
cra Capita in reliquiario quod supra
Altare confessionis fabricatum est, cu-
ius crates ferrea, quatuor clauibus mu-
nita est, diuerso opere fabrilis confec-
tis, præter antas nuceas exterius au-
ro ornatas, seu depictas & cum verbis
sequentibus. In antea dextra. Sanc-
torum petenda sunt suffragia. In an-
ta sinistra. Vt ipsi supplicent pro Ec-
clesia. Beda. Et de prædictis, &c.
Actum ut supra singula singulis con-
grue refferendo, præsentibus Reueren-
do D. Gabriele Palauicino Clerico
Mediolani habitante in Aedibus S. Se-
pulchri Mediolani, & M. R. S. T. D.
Domino Io. Paulo de Clericis Præpo-
sito Congregationis Oblatorum, am-
bobus testibus idoneis ad præmissa
vocatis specialiter atq; rogatis, ac etiã
præfatis quã pluribus alijs personis.

*Instrumentum cum signo Tabellionatus an-
teposito .*

*Ego Iacobus Antonius Cerrutus F. q. Bap-
tista P. Romana Par. S. Nazarij in Bro-
lio Mediolani publicus Apostolica auctorita-
te, & Curia Archiepiscopalis Mediolani
Notarius rogatus tradidi, & in fidem me
subscripsi.*

*Concordat cum alio simili authentico mi-
hi exhibitoe et per me lecto, & examinato, & quia
concordare inueni; Ideo ego Carolus Moneta
Fil. q. Ioannis P. O. P. S. Babyle foris Me-
diolani publicus Apostolica, & Curia Archie-
piscopalis Mediolani auctoritatibus Notarius
ac in eadem Curia Notarius Coadiutor pro
fide subscripsi.*

*Nos Caesar de Bland. I. V. D. Apostolicus
Prothonotarius Archidiaconus Vercell. & Cu-
ria Archiepiscopalis Mediolani Vicarius Gene-
ralis & c. Vniuersis fidem facimus, & attesta-
mur istum D. Carolum Monetam fuisse & ef-
se talem qualem se subscripsit, eiusq; Instrumen-
tis actis & scripturis publicis huiusmodi sem-
per adhibitam fuisse indiesque adhiberi plenam
&*

FAX DVODECIMA. 389

Et indubiam fidem in iudicio Et extra.

*In quorum fidem Et c. Mediolani ex
Palatio Archiepiscopali die quinto Septembris
1656.*

C. B. V. G.

Locus ✠ Sigilli.

*Julius Caesar Gerenzanus Notarius Coadi-
tor in Cancell. Archiep. Mediolani pro
fide subscripsit.*

Prisca

*Prisca Documenta quibus Fa-
re VI. diximus astrui exis-
tentiam Corporis Sancti
Victoris in Portiana hic re-
feruntur.*

A Treſtor ego **Notarius** inſcrip-
tus, qualiter in Inſtrumento an-
tiquo in carta pergamena conſcripto,
exiſtente in Archiuo Venerandi Mo-
naſterij S. Victoris ad Corpus Medio-
lani; donationis, ſcilicet, facta per
Gonſredum filium Aycardi de loco
Barate fauore **Arderici Abbatis Sancti
Victoris Mediolani**, rogato per Ioan-
nem Notarium Sac. Pallatij, & Iudicē
Mediolani degentem, die nona Martij,
Idictione ſeptima, Imperij Secundi
Henrici Imperatoris Auguſti anno oc-
tauo, inter alia leguntur hæc verba vi-
delicet. *Monaſterio Beati Chriſti Marty-
ris Victoris, ubi eius Sanctum quieſcit Cor-
pus*

FAX DVODECIMA: 391

pus. Et ut latius legitur dicto Instru-
mento debitis solemnitatibus vallato,
per me diligenter viso, & examinato,
& in eodem Archiuio reposito cui &c.
Et pro fide me subscripsi hac die vige-
sima septima Sepeembris 1656.

*Franciscus Caratus fil. Aloysij pub. Apo-
stolica Imperialiq, auctoritatibus Me-
diolani Notarius In fidem subscrip-
sit &c.*

NOs Petrus Iacobus Macchius, & Fran-
ciscus Maria Zarara Abbates Vni-
uersitatis Collegij Dominorum Notariorum
Mediolani, fidem facimus, & attestamus di-
ctum Franciscum Caratum esse publicum Me-
diolani Notarium, eiusq; scripturis ab eo sicut
ut supra subscriptis, plena adhibetur fides in
iudicio, & extra, In quorum fidem &c

Mediolani die 27. Septembris 1656.

Locus ✠ Sigilli.

Carolus Maynus Modraeus

V. Cancell.

Atte-

A Ttestor ego Notarius infra-
 tus, qualiter in Instrumento an-
 tiquo in carta pergamena conscripto
 existente in Archiuo Ven. Monasterij
 S. Victoris Mediolani. Cambij scilicet
 sequuti inter Reuerendiss. D. Arnul-
 phum Archiepiscopum Mediolani,
 & Alteramum Abbatem S. Victoris
 de nonnullis bonis de Lorentigio ro-
 gato per David Notarium Mediolani
 anno primo Regni Henrici in Italia,
 sub die primo Aprilis, & manu propria
 eiusdem Arnulphi, & aliorum sex iu-
 dicum Sac. Palatij subscripto, inter alia
 leguntur hæc verba videlicet; *Nec non* &
D. Alteramus Religiosus Abbas Monasterij Be-
ati Christi Martyris Vict. ubi eius Sactū Corpus
requiescit. Et vt latius legitur dicto In-
 strumēto debitis solēnitatibus vallato;
 per me diligēter viso, & examinato, & in
 eodē Archiuo reposito cui &c. Et pro
 fide me subscripsi hac die 27. Sep. 1656.

*Franc. Caratus pub. Apost. Imperialiq;
 auct. Mediol. Not. in fidem subscripsit.*

Atte-

A Ttestor ego Notarius infrascript.
 qualiter in Instrumēto ātquo in
 carta pergamena cōscripto, existēte in
 Archiuio Venerādi Monasterij S. Vic-
 toris ad Corpus Mediolani; Inuestiturę
 scilicet libellarię factę per Gotifredū
 Abbatem dicti Monasterij S. Victoris,
 in Pollonem Lampugnatum de bonis
 Curti Iuris dictę Abbatię, rogato per
 Ambrosiū Notariū, & Iudicē Medio-
 lani, de anno 1093. die 11. Aprilis, In-
 dictione prima, inter alia leguntur hęc
 verba vtz. *Placuit atq; conuenit inter Go-*
tifredum Deigratia humilem Abbatem Mo-
nasterij S. Victoris vbi eius Sāctū quiescit Cor-
pus. Et vt latius legitur dicto Instrumē-
 to, debitis solemnitatibus vallato, per
 me diligenter viso, & examinato, ac in
 eodem Archiuio reposito, cui &c. Et
 pro fide me subscripsi, hac die 27. Sep.
 1656.

*Franciscus Caratus pub. Apost. Imperialiq;
 auctoritatibus Mediolani Notarius in
 fidem subscripsit &c.*

Ddd

Atte-

A Trestor ego Notarius infra-
 tus, qualiter in Instrumēto anti-
 quo in carta pergamena conscripto,
 existente in Archiuio Venerandi Mo-
 nasterij S. Victoris ad Corpus Medio-
 lani; donationis scilicet factæ per Go-
 ttfredum & Zurlanam Iugales de Lan-
 drianio, fauore Venerandi Monasterij
 S. Victoris prædicti, rogato per Ay-
 raldum, & Leonē Malcauacā Nota-
 rios Sac. Pallatij Mediolani degentes,
 die 3. Februarij 1141. inter alia legūtur
 hæc verba, vlz. *In Ecclesia & Monasterio
 S. Victoris vbicūq; Sanctum requiescit Cor-
 pus constructo.* Et vt latius legitur dicto
 Instrumento, debitis solemnitatibus
 vallato, per me diligenter viso, & exa-
 minato ac in eodem Archiuio reposi-
 to, cui &c. Et pro fide me subscripsi,
 ac die 27. Septembris 1656.

*Franciscus Caratus pub. Apostolica Impe-
 rialiq; auctoritatibus Mediolani Nota-
 rius in fidem subscripsit &c.*

Atte-

A Ttestor ego notarius infrascriptus, qualiter in Instrumēto antiquo in carta pergamēna conscripto existente in Archiuio Venerandi Monasterij S. Victoris ad Corpus Mediolani relaxationis, scilicet, factæ per Augustinum Arconatum de duabus partibus ex tribus pro indiuiso petiæ vnius terræ prati, positæ in loco Curri fauore Monachorum S. Victoris rogato per Ambrosium de Capite muro notarium Sac. Pallatij Mediolani degentem, die 14. Iulij. 1175. Indictione octaua leguntur inter cætera hæc verba vtz. *Vbierant Monachi Monasterij S. Victoris situm propè hanc Ciuitatem Mediolani, vbi eius Sanctum requiescit Corpus. Et vt latius legitur dicto Instrumēto debitis solemnitatibus vallato, per me diligēter viso, & examinato, ac in eodem Archiuio reposito, cui &c. Et pro fide me subscripsi hac die 27. Sept. 1656.*

*Franc. Caratus pub. Apostolica Imperialiq;
auct. Med. not. in fidem subscripsit. &c.*

Ddd 2 Atte-

A Trestor ego notarius infra scriptus
 qualiter in Instrumento senten-
 tiæ latæ per Gulielmum Calzagrisam
 Consulem Mediolani, fauore D. Am-
 brosij Abbatis Ecclesiæ Monasterij S.
 Victoris contra Villanos de loco Agra-
 cino rogato per Castegnianegam Me-
 diolani notariū die sabbati quarto kal.
 Septēbris 1181. cōscripto in carta per-
 gamena, existente in Archiuio V. Mo-
 nasterij prædicti S. Victoris Mediolani,
 inter alia leguntur hæc verba videlicet.
Inter D. Ambrosium Abbatem Ecclesiæ Mona-
sterij S. Vict. ubi eius Sanctū requiescit Corpus.
 Et vt latius legitur dicto Instrumento
 debitis solemnitatibus vallato, per me
 diligenter viso, & examinato, ac in eo-
 dem Archiuio reposito, cui &c. Et pro
 fide me subscripsi hac die vigesima sep-
 tima Septembris 1656.

Franciscus Caratus publicus Apostolica Im-
perialiq; auctoritatibus Mediolani no-
tarius in fidem subscripsit. &c.

Atte-

A Testor ego Notarius infraſcrip-
 qualiter in Inſtrumēto ātquo in
 carta pergamena cōſcripto exiſtēte in
 Archiuio V. Monaſt. S. Vict. ad Corpus
 Med^m. Inueſtiturę ſz. ſimplicis factę per
 D. Ambroſiū Abbatē Eccleſiæ Monaſt.
 B. Victoris, in Grapiū, qui dicitur Ab-
 bas, de Ciuitate Mediolani, rogato per
 Ioannē Cagabarer Sac. Pallatij notariū,
 Mediolani degētē anno Dominicę In-
 carnationis 1182. quarto Cal. Februarij,
 Indictione quinta decima, inter cæte-
 ra leguntur hæc verba ſequentia vtz. D.
*Ambroſius Abbas Eccleſiæ Monaſterij Beatiſſ.
 Victoris Martyris, vbi eius Sanctum requie-
 ſcit Corpus.* Et vt latius habetur dicto In-
 ſtrumento debitis ſolemnitatibus val-
 lato, per me diligenter viſo, & exami-
 nato, ac in eodem Archiuio reposito,
 cui &c. Et pro fide me ſubſcripſi hac
 die 27. Septembris 1656.

*Franciſcus Caratus Fil. Aloyſij pub. Apoſ-
 tolica Imperialiq; auctoritatibus Medio-
 lani notarius in fidem ſubſcripſit. &c.*

Nos

Nos Petrus Iacobus Macchius, & Franciscus Maria Zarara Abbates Vniuersitatis Collegij Dominorum Notariorum Mediolani, fidem facimus, & attestatur dictum Franciscum Caratum esse publicum Mediolani Notarium, eiusq; scripturis ab eo sicut et supra subscriptis, plena adhibetur fides in iudicio, & extra, In quorum fidem &c
Mediolani die 27. Septembris 1656.

Locus ✠ Sigilli.

Carolus Maynus Modronus
V. Cancell.

F I N I S.

Errata

Correcta

In Titulo lin.	10	Monaco	Monacho
Pag. 3	4	Abbas	Abbatis
Prolegom.			
Pag. 1 retro	15	insculptam	insculptam
Pag. 4	13	iratus	iratus
Pag. 8 retro	1	afferentes	afferentibus
Pag. 9	21	Santi	Sancti
In Facibus			
Pag. 8	10	ficura	secura
12	17	hiftozia	historice
14	3	appatus	apparatus
15	6	carius	charius
16	13	inuentum	in ventum
19	20	innundantis	inundantis
31	8	fufcitandi	fufcitandi
35	9	vbi ftatutis	vbi ftatus
41	23	uon	non
45	12	Bonus Bonius	Bonus Boninus
46	19	dimidatio	dimidiatio
51	5	ætera	æthera
54	6	Lanrentium	Laurentium
86	15	delactum	delatum
89	4	nihilofcetius	nihilofecius
93	17	reliquias	reliquas
96	12	noblitate	nobilitate
97	13	Gauluancus	Galuancus
99	21	extimandi	æftimandi
107	6	plafmodie	pfafmodie
109	6	præfert	perfert
111	17	ftationalis	ftationalium
141	12	materibus	materiebus
176	1	oftionum	oftiorum
176	21	munima	munimina
179	7	infidis	infidijs
179	20	indigebant	indigebat
180	18	Patris	Patrum
182	4	vocaret	vacaret
185	7	Cænobrarchæ	Cænobiarchæ
192	16	translato	translatio
213	11	ad altero	ab altero

Errata

Corrēda

218	15	nam quo	nam quomodo
221	18	iatēpretationem	interpretationem
232	11	propriorem	propriorem
233	18	effodiendi	effodienti
239	15	Chonographorum	Chronographorum
240	12	I nunc ē lapidibus fide	I nunc & lapidibus fide
249	18	confittam	confitam
250	9	intēreat	intererat
265	1	Dulingo	Dungalo
266	16	Reliquis	Reliquijs
267	4	prostrant	prostant
274	9	indagatur	indagatur
285	7	locum	locum
291	11	sunt	sunt
292	3	substollendam	sustollendam
295	10	Sacellorum	Sacellorum
302	3	obnent	obtinēt
308	12	Santi	Sancti
323	2	eorum	earum
326	9	opponis	opponet
332	8	quod	quod
333	1	missilauerit	missitauerit
335	4	Ecclesiasticus	Ecclesiasticis
347	21	mulatum	tumulatum

Errata leuiora benignus Lector ex se animaduertet, excusabit, & corrigeret.

15 119



[Faint handwritten text]

